


Alla la Kitabu Seniman



Portions of the Holy Bible in the Sankaran Maninka language
of Guinea

Alla la Kitabu Seniman
Portions of the Holy Bible in the Sankaran Maninka language of Guinea
Des portions de la Sainte Bible dans la langue Sankaran Maninka de Guinée

copyright © 2015 Pioneer Bible Translators

Language: Sankaran Maninka

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2022-06-21

PDF generated using Haiola and XeLaTeX on 25 Aug 2023 from source files dated 29 Jan 2022

bb49d365-c43a-57d0-a386-570745648030

Contents

A Damira	1
Luka	52
Kalatikailu	91
Yakuba	98

A Damira

Kitabu Nin ye a Nan Fə Kuma Damira

Kitabu *nin* ye Tariku le ri men farini Nabi Musa la, ni a di fə a ma A Damira. Suran biloolu le ye a kondə. Suran biloolu wo di se a la talanan sidijama naanin.

Ka damira suran fələna, ka ta se sura tan ni kelen ma wo ye dunuja dan ja le ri. Alla ka dunuja dan. Adama ni Hawa wo kera a la danni fen na ban de ri. A ka alu dan ka alu jamari waati taminnin kərə alu ka Alla la tən tijan. Ka damira wo waati ma, adamadenilu ka tərəya damira. Kebi wo waati adamaden na ko bəe kera a juuman de. Adamadenilu la kojuu danna taminda, alu ka hake sərən Alla la. Alla ka a latee ko a ri dunuja tijan sanci ba la. Miriya wo bəni Alla seniman de rə. Julumun bəyani Alla yə ka a dan natamin. Kəni Alla la kininkinin kosən a ma sən adamaden bəe halaki la. Wo rə, a ka Nabi Nuhan a ni sobo su bəe ladon kulunba kondə ka alu kisi halaki ma.

Ka bə suran tan ni fila ma ka se suran muwan ni loolu ma, tariku le ri men farani Nabi Iburahima la. Alla ka Nabi Iburahima suwandi ka a ke məə ri men di se adamaden bəe madonnala. A ka baraka don a la ko rə, a ri ke jama siyaman benba ri. A ka lahidi ta a yə. A ka Kanaan jamana lahidi Isirayeli ni a bənsən le ye. Kəni lahidi wo ti se mafala fo Iburahima wa dence sərən waati men na. Iburahima muso Saran wa yen ko a ti se den sərənna tuma men na, a ka a la jənmuso Hajara di a la cə ma. Wo ka Isumayila sərən Iburahima yə. Kəni Alla ma sən Isumayila ye ke a cətala ri. A ka Isiyaka di Iburahima ni Saran ma ala məəbaya waati le rə. A ka lahidi kelen wo ta Isiyaka yə, a ka men ta Iburahima yə.

Ka bə suran muwan ni wərən ka se suran bisawa ni wərən, wo tariku le ri farani Nabi Isiyaka ni Nabi Yakuba la. Rebeka ka filani sərən Isiyaka yə. Alla sənda Yakuba, men sərənda to la, wo ri a kərəce Esawu cəta a bolo. Esawu ka wo lən men ke, a loo tərə ye a la ka a dooce Yakuba faa. Wo fanan ka a bori a kərə ka wa a barince wara, a na kərəce kənən. A tora ye, a ka Leya ni Rasayeli furu. Alu ka dence məə tan ni fila

sərən a yə. Dence məə tan ni fila woilu kera kabilia tan ni fila le benba ri men bəni Isirayeli rə.

Ka bə suran bisawa a ni wərən fila ma ka se suran biloolu ma, wo ye Nabi Yusufu la tariku le ri. Yakuba dence Yusufu tərə ma di a kərəce ilu yə. Ka ben Alla la kibaro men la Yusufu ja ma a tərə ye kəkərə alu la mansa ri. Wo bolo ma alu ka a majiira janya rə Misirrankailu ma. Kəni Alla sənda Yusufu la ko ma ko a ye ke Misiran jəməəba ri. Alla ka a yiraka a ye ko a ri dunuja bəe kisi kənkəba ma, kənkə men dontə. San wərənwula tamin kərə, kənkəba a ri dunuja bəe mira. Kənkə ti don na Misiran kelen pe le rə, ka a ben Yusufu la ko ma. Ni Yakuba ka a dence ilu lawa Misiran balo jinin diya, woilu ri Yusufu yen jamana wo kondə. Yusufu ka a la məəilu lana Misiran ka alu kisi kənkəba ma.

An di hankili sərən kitabu *nin* ma. Alla ya a jerə yirakala tariku *nin* de rə. Alla la fanka ka bon fen bəe ri. A ye a fe adamadenilu ye latelenbaya ke. Julumun bəyani Alla yə ka a dan natamin. Alla ye julumun tiilu kiti la alu la julumun de la. Kəni a ti sən ka adamadenilu halaki. Adamaden duman a yə. A ye a fe ka alu dəməm ka alu tubi ka alu kisi, ka a ben a la kaninteya ma. Sila *nin* yirakani Alla la kitabu fələ le rə.

Alla ye an dəmən an ye wo bəe lən. An di se kəla a dujəən bəre ri ja men ma. Allama wo kera. Amina.

Alla ka dunuja dan ja men ma

¹ Fələfələ, Alla ka sankolo dan ka duukolo dan, ² kəni duu rajani tərə te waati wo rə. Fen fen tərə sa a kan. Ji dunba le tərə a yərə bəe rə, a ni dibi. Alla la Ni tərə ye taa ni seyi kəla ji kunma san ma. ³ Alla ka a fə ko: «Kənə ye bə!» Kənə bəra. ⁴ Alla ka a yen ko kənə ka ni. A ka kənə ni dibi fara i jəən na. ⁵ A ka kənə kili ko tele, ka dibi kili ko su. Nba, su kora ka kənə bə. Wo kera lon fələ ri.

⁶ Alla kumara iko ko: «Dan ye ke jilu təma, ka alu fara i jəən na.» ⁷ Wo kera. Ji men tərə san ma, a ni men tərə duu ma, a ka woilu fara i jəən na, ka kənegbe ladan alu təma. Alla ka a fə ja men ma, a kera ten. ⁸ A ka kənegbe kili ko san. Nba, su kora ka kənə bə. Wo kera lon filana ri.

⁹ Alla kumara ikɔ ko: «Ji men ye san kɔrɔ, wo bɛɛ ye ladɛn yɔrɔ kelen dɔ, kosa gbelemala ri bɔ gbe ma.» A ka a fɔ ja men ma, a kɛra ten. ¹⁰ A ka gbelemala wo kili ko duu, ka ji ladenni kili ko kɔɔji. Alla ka a yen ko wo ka ni.

¹¹ Nba, a ka a fɔ ko: «Binilu ni sumanilu ye fɛrɛn duu kan ka alu kiseilu labɔ ka kɛ si ri. Jiri denta su bɛɛ fanan ye bɔ, men ye kise ni kolo kela alu den dɔ.» Alla ka a fɔ ja men ma, a kɛra ten. ¹² Duu ka bin su bɛɛ labɔ, men ye kise kela. Jiri denta su bɛɛ fanan bɔra, men ye kise ni kolo kela alu den dɔ. Alla ka a yen ko wo ka ni. ¹³ Nba, su kora ka kɛne bɔ. Wo kɛra lon sawana ri.

¹⁴ Alla kumara ikɔ ko: «Kenebɔlan ye bɔ san dɔ, ka tele ni su fara i nɔɔn na. Woilu ye sali lonilu yiraka, a ni lon damira ni san damira. ¹⁵ Woilu ye kɛ san dɔ, ka kɛne labɔ duu kan.» Alla ka a fɔ ja men ma, a kɛra ten. ¹⁶ Alla ka kenebɔlan belebele fila raben, tele ni karo. Woilu rɔ bonba ba, tele kɔnin, Alla ka wo lasii lon kun na. Men dooman, karo kɔnin, a ka wo lasii su kun na. A ka loloilu fanan dan. ¹⁷ A ka kenebɔlan woilu kɛ san dɔ, kosa alu ri kɛne labɔ duu kan. ¹⁸ A ka alu lasii tele ni su kun na, ka kɛne ni dibi fara i nɔɔn na. Alla ka a yen ko wo ka ni. ¹⁹ Nba, su kora ka kɛne bɔ. Wo kɛra lon naaninna ri.

²⁰ Alla kumara ikɔ ko: «Nimafen ye kɛ ji rɔ ka siyaya kosebe. Kɔnɔilu ye alu gban san ni duu tɛ.» ²¹ A ka ji rɔ nimafen belebelebailu dan, a ni ji rɔ nimafen tɔ bɛɛ. Fen woilu bɛɛ kera ji rɔ ka siyaya, a bɛɛ ni a su. A ka kɔnɔ su bɛɛ fanan dan. Alla ka a yen ko wo ka ni. ²² A kumara ka baraka don alu rɔ. A ka a fɔ ko: «Ai ye jiri ka siyaya kɔɔji fan bɛɛ rɔ.» A ka a fɔ kɔnɔilu ye ko: «Ai ye jiri ka siyaya duukolo kan.» ²³ Nba, su kora ka kɛne bɔ. Wo kɛra lon looluna ri.

²⁴ Alla kumara ikɔ ko: «Nimafen su bɛɛ ye kɛ duu kan, so kɔndɔ kolofenilu wo, waa rɔ soboilu wo, ni nimafen misen men ye taamala duu ma, a bɛɛ ni a su!» A ka a fɔ ja men ma, a kɛra ten. ²⁵ Waa rɔ sobo ni so kɔndɔ kolofen ni nimafen misen men ye taamala duu ma, a ka woilu su bɛɛ dan. Alla ka a yen ko wo ka ni.

²⁶ Wo kɔ, Alla ka a fɔ ko: «An di adamaden dan ka a kɛ an munuja ri, ka a su sudunya an nɔɔn na. Alu ri alu sii duu bɛɛ kun na,

ka alu sii jɛɛ kun na, a ni kɔnɔilu ni kolofenilu ni nimafen misen men ye taamala duu ma.» ²⁷ Nba, Alla ka adamaden dan ka a kɛ a jɛrɛ munuja le ri. Wo rɔ, a ka cɛ dan, ka muso fanan dan. A ka adamaden dan ten de. ²⁸ Alla kumara ka baraka don alu rɔ. A ka a fɔ ko: «Ai ye jiri ka jɛnɛn duu fan bɛɛ rɔ, ka ai la fanka sii duu kan. Ai ye ai sii jɛɛ ni kɔnɔilu ni nimafen tɔilu bɛɛ kun na.»

²⁹ A ka a fɔ alu ye ko: «Duu suman su su, n da wo bɛɛ di ai ma. Ka a la wo kan, jiri denta fen fen ye duu kan, n da wo fanan bɛɛ di ai ma, men ye kise ni kolo kela alu denilu rɔ. Wo bɛɛ ri kɛ ai balo ri. ³⁰ So kɔndɔ kolofenilu ni waa rɔ soboilu ni kɔnɔilu ni nimafen misen men ye taamala duu ma, nimafen bɛɛ kɔnin, n da bin ni fira bɛɛ di woilu ma ka kɛ alu balo ri.» Nba, a ka a fɔ ja men ma, a kɛra ten. ³¹ Alla ka dalifen men dan, a ka a yen ko wo ka ni bake. Nba, su kora ka kɛne bɔ. Wo kɛra lon wɔɔrɔna ri.

2

¹ Nba, sankolo ni duukolo ni ie kɔndɔfen bɛɛ danda ja men ma, wo le wo ri. ² Tele wɔɔrnwulana sera ka a tɛrɛn Alla ra ban baarala. A ka a la baara bɛɛ ban tele wɔɔrɔ wo le kɔrɔ. Tele wɔɔrnwulana lon, a ka nɔɔn wo lon. ³ Alla ka tele wɔɔrnwulana bonya ka a bɔ lon tɔilu ma, ka a masɔrɔn a ma baara si kɛ wo lon.

Alla ka cɛ dan ja men ma

⁴ Nba, Alla ka sankolo ni duukolo dan ja men ma, wo le ye nɔn di. Allabatala Alla ka sankolo ni duukolo dan tuma men na, ⁵ bin ni jiri tun tɛ duukolo kan fɔlɔ, baa Allabatala Alla tun ma sanci lana duu kan fɔlɔ. Mɔɔ si tun tɛ ye fɔlɔ ka duu sɛnɛ fanan. ⁶ Ji le tɛrɛ bɔla duu kɔrɔ ka duu yɔrɔ bɛɛ sɔ.

⁷ Allabatala Alla ka duu buuri ta ka adamaden dabɛn wo la. A ka nɛnɛmaya fɔjɔ fɛ adamaden nunwo rɔ. Wo rɔ, adamaden wo kɛra nima ri.

Edenijamana nakɔnɔuma

⁸ Nba, Allabatala Alla ka nakɔ labɔ Edeni jamana rɔ, men ye telebɔ fan fe. A tun ka adamaden men dan, a ka wo bila nakɔ wo kɔndɔ. ⁹ Allabatala Alla ka jiri su bɛɛ lafɛrɛn yɔrɔ wo rɔ, jiri menilu ka ni kosebe. Alu den duman. A ka jiri su fila gbere lafɛrɛn nakɔ tɛma. Kelen tɛrɛ nɛnɛmaya jiri ri. A tɔ

kelen tere mao lalonniñala kojuma ni kojuu faranfaasi la.

¹⁰ Ba do tere bøni Edeni jamana rø ka latamin nakø wo rø, men ye a yørø bøe sola ji la. A bø men keni nakø wo rø, a farara ka ke ba bolo naanin di. ¹¹ Ba folo too ko Pisøn. Wo ye woyenna ka Habilam jamana laminin. Sanin ye bøla jamana wo rø. ¹² Sanin wo ye sanin jerewolo le ri. Jiri kasila latikølønnaman fanan ye ye. Kaba do fanan ye bøla ye, men too ko onikisi. ¹³ Ba filana too ko Kiyøn. Wo le ye woyenna ka Kusi bønsøn na jamana bøe laminin. ¹⁴ Ba sawana too ko Tikire. Wo le ye woyenna ka wa Asiri so telebo fan fe. Ba naaninna too ko Efirati.

¹⁵ Nba, Allabatala Alla ka adamaden bila Edeni nakø numa rø, ko a ye a sene ka a janto a rø. ¹⁶ Allabatala Alla ka a fø a ye ko, «Jiriden damunta fen fen ye yan, i ye wo bøe damun. ¹⁷ Koni, jiri men ye mao lalonniñala kojuma ni kojuu faranfaasi la, i kana wo den damun de! Ni i ka a damun lon men na, i ri faa.»

Allabatala Alla ka muso dan ja men ma

¹⁸ Wo ko, Allabatala Alla ka a fø ko, «Ka ce to a kelen na, wo ma ni. N di a demenba raben, men di ben a ma.»

¹⁹ Wo rø, Allabatala Alla ka sobo su bøe ni kønø su bøe dan duu buuri la, ka alu bøe lana ce ma, kosa a ri alu kelen kelenna bøe too la. A ka too menilu fø, woilu kera alu tooilu ri. ²⁰ Ce ka too la so køndo kolofen ni kønøilu, ni waa rø soboilu bøe la. Koni a demenba ma sørøn woilu rø, men benni a ma kønin.

²¹ Wo rø Allabatala Alla ka sunoo ba don ce ja rø. A sunoora. Ka a to sunoo rø, Allabatala Alla ka barasa kolo kelen ta ce fari rø, ka sobo bila wo nø rø ka a da tuun wo la. ²² Allabatala Alla ka barasa kolo wo ta ka muso raben, ka na muso di ce ma. ²³ Ce kan ko: «A koloilu bøni n koloilu le rø. A fari bøni n fari le rø. N di a too la ko muso, ka a masørøn a bøni ce le rø.»

²⁴ Wo le kosøn, ce ri mataa a fa ni a na la, ka to a muso fe. A fila ri ke mao kelen di.

²⁵ Nba, wo tuma ce ni a muso fila bøe fari makolon de tere, koni fari makolontøya maleya tun te alu la.

3

Ce ni muso ka Alla la ton tijan

¹ Nba, Allabatala Alla ka waa rø sobo menilu dan, duuma sa le kiwoyani tere wo to bøe ri. Lon do rø, sa ka a fø muso ye ko: «Tuja le, Alla ka a fø ko, *«Ai kana nakø numa jiriden si damun?»* ² Muso ka a jabi: «A sonni an ye nakø numa jiriden damun. ³ Koni jiri men ye nakø numa tema, Alla ka a fø an ye ko, *«Ai kana wo le den damun. Ai kana ai maa a la. Ni ai ka ai maa a la, ai ri faa.»* ⁴ Sa ka a fø muso ye ko: «Tuja te wo rø. Ai te faa fewu! ⁵ Alla ka løn ko ai wa jiriden wo damun lon men na, ai ri ke hankilimailu ri. Ai ri ke iko Alla, ka konuma ni kojuu faranfaasi løn.»

⁶ Muso ka a yen ko jiriden wo ka ni, a duman kosebe. A ka a yen fanan ko jiriden wo ri mao ke hankilima ri. Wo rø, muso ka do kadi ka a damun, ka do di a ce ma, men løni a tørøfe. Wo ka a ta ka a damun. ⁷ Alu banni a damunna, alu ka hankili sørøn ka alu jerø yen ja gberø ma. Alu ka a yen ko alu fari makolon de. Alu ka toro firailu kara ijøøn na ka alu ke feriyabo ri ka alu jerø sutura.

⁸ Nba, wura fe, Allabatala Alla tere ye a mataamala nakø numa rø, fønjø ri tee dooni dooni waati men na. Ce ni a muso ka a natøla kan men ka ibori a kørø ka wa alu dokon Alla ma jirilu tema. ⁹ Allabatala Alla ka a kan nabø ce ma ko: «I ye mi?» ¹⁰ Ce ka a jabi: «N ka i natøla kan men nakø numa rø tuma men na, n silanda, baa n fari makolon de. Wo le kosøn, n ka n dokon.» ¹¹ Allabatala Alla kan ko: «Yon de ka a fø i ye ko i fari makolon de? N ka ton sii jiri men na, i ra wo le den damun wa?» ¹² Ce kan ko: «I ka muso men di n ma, wo le ka jiriden wo di n ma. N ka a damun.» ¹³ Allabatala Alla ka a fø muso ye ko: «I ka nfen ke jin di?» Muso kan ko: «Sa le ka n manøen ka n loo a damunna.»

Allabatala Alla ka bønø la maoilu kan

¹⁴ Allabatala Alla ka a fø sa ye ko: «I ra wo ke. Wo le kosøn, n di tørøya la i kan ka tamøn kolofen ni waa rø sobo bøe kan. Sisen i ri i sømøn i kønø kan, ka buuri damun i la dunujøratee bøe rø. ¹⁵ N di juuya bila i ni muso te, ka a bila i bønsøn ni a bønsøn te. A ri i kun gbasi. I fanan di a sen tintiri gbasi.»

¹⁶ Allabatala Alla ka a fø muso ye ko: «N di do la i la tin tørøya kan. I ri i la kønømaya bøe ke dun ba rø. A loo ri ke i la, ka sii i ce kun na, koni i ri to a fanka kørø.»

¹⁷ Allabatala Alla ka a fō Adama yē ko: «Ira i muso kan lamēn ka jiriden damun, n ka tōn sii mēn na ko i kana a damun. Wo rō, n di duu tīnan ile kosōn. Duu tē sōn ka i balo di i ma fo i wa baara siyaman kē. A ri kē wo ja i la dunujaratee bēe rō. ¹⁸ Tiriwonin ni bin juu ri fēren duukolo kan kōni i balo ri kē sēnesumanilu ri. ¹⁹ I tē balo sōrōn ni i ma wasi. A ri kē wo ja haan i wa i kōseyi duu rō, i danni duu mēn dō kōnin. I kōseyitō buuri wo le rō, baa i bōni buuri le rō.»

²⁰ Nba, Adama ka a muso tōla ko Hawa, baa ale le kēra mōō bēe na ri. ²¹ Allabatala Alla ka gbolo doilu ladan ka woilu kē durukibailu ri ka alu bila Adama ni a muso kan na. ²² Allabatala Alla kan ko: «Awa, cē ra kē iko an do le, ka kojuma ni kojuu lōn. A kana a bolo rasōmōn ma jēnēmaya jiri ma ka a den kadi ka a damun. Ni a ka a damun a ri to jēnēma rō habadan.» ²³ Wo rō, Allabatala Alla ka alu labo Edēni nakō numa rō, ko alu ye wa duu sēnē, Alla ka alu dan duu mēn dō. ²⁴ Nba, Allabatala Alla ka Adama ni Hawa gben ja wo le ma. A ka mēlekailu labō nakō numa donda la telebō fan fē. A ka fanmuru fanan bila ye, ta ye mēnenna mēn na. Fanmuru tama wo ye mininmininna tuma bēe. A ka woilu bila le ye, kosa mōō si kana tamin ka wa jēnēmaya jiri ma.

4

Kabila ni Abila

¹ Nba, nbenba Adama ni a muso nma Hawa dēnda. Nma Hawa ka kōnō ta ka Kabila sōrōn. A kan ko: «Allabatala da n dēmen ka dēnce sōrōn.» ² Wo kō, a ka kōnō ta ikō tuun ka Kabila dooce Abila sōrōn. Abila kēra kolofengbengbenne ri. Kabila kēra sēnekela ri.

³ Lon do rō, Kabila ka a la sēnesuman doilu ta ka na a la sō ka na woilu di Allabatala ma. ⁴ Abila fanan ka a la saa doilu di Allabatala ma. Saa woilu tēre alu na den fōlō le ri. Abila ka alu kannatēe ka Allabatala sō alu ken dō. Abila ni a la saraka diyara Allabatala yē. ⁵ Kōni Kabila ni a la saraka ma diya Allabatala yē. Kabila mōnēra wo rō kojuuya, ka a ja wulen kōsēbe!

⁶ Allabatala ka a fō Kabila yē ko: «Nfēnna i ye mōnēla foo ka i ja wulen ten? ⁷ Ni i ka kojuma kē, n di n ban i rō wa? Ni i ma

kojuma kē, kojuu a ri kē ikomin wara, mēn ye i makōnōla i la bon da la. A loo ri kē a la, ka sii i kun na, kōni i kana sōn a rō le, fo i ye se a la le.»

⁸ Nba, Kabila ka a fō a dooce Abila yē ko: «An ye wa waa rō.» Alu sera ye tuma mēn na Kabila bera a dooce kan ka a faa.

⁹ Allabatala ka a fō Kabila yē ko: «I dooce Abila ye mi?» Kabila kan ko: «N ma a diya lōn. Nde le a kōnōgbenba ri wa?»

¹⁰ Allabatala kan ko: «I ka nfēn ke jin? I dooce jeli bōtjala kule kan bōra duu ma ka se n ma yan, ko ka a ta sara i la. ¹¹ Sisen, n di tōrōya la i kan. I wa fen fen sēnē, a tē sōn butun, baa i ra i dooce jeli le bō ka kē duu wo kan. ¹² I wa duu sēnē, i tē suman foyi sōrōn a rō. I ri kē mōō ri, sii yōrō kelen tē mēn bolo.» ¹³ Kabila ka a fō Allabatala yē ko: «I ra n jahadi mēn la n kan, wo ka bon ka tamin. N ti se wo kōrō. ¹⁴ A ragbē! I ra n gben ka bō duu kan bi. Fo n ye wa n dokon ka n bō i jākōrō, ka kē mōō ri, sii yōrō kelen tē mēn bolo. Mēn wa n sōrōn wo ri n faa.» ¹⁵ Allabatala ka a fō Kabila yē ko: «Ni mōō mōō ka Kabila faa, n di i jeli sara wo la sija wōrōnwula.» Allabatala ka a tōomasere la Kabila kan, sa mōō mēn wa a yen, wo kana a faa.

¹⁶ Wo rō, Kabila bōra Allabatala jākōrō ka wa i sii Nodi jamana rō, mēn ye Edēni jamana telebō fan fē.

Kabila bōnsōn

¹⁷ Nba, Kabila ni a muso dēnda. A muso ka kōnōta ka dēnce sōrōn. A ka wo tōla ko Enēki. Wo sōrōn kō, Kabila ka so do sii ka wo tōla a dēnce Enēki la. ¹⁸ Enēki ka Iradi sōrōn. Iradi ka Metujayeli sōrōn. Metujayeli ka Metusayeli sōrōn. Metusayeli ka Lemeki sōrōn.

¹⁹ Lemeki ka muso fila ta. Kelen tō ko Ada. A tō kelen tō ko Tisila. ²⁰ Ada ka dēnce sōrōn ka wo tōla ko Jabali. Mōō mēnilu ye alu siila faaninbonilu la ka alu la kolofenilu kōnōgben, Jabali kēra wo bēe benba ri. ²¹ Jabali dooce le Jubali ri. Wo le kēra korafōla ni fulefōla bēe benba ri. ²² Tisila fanan ka dēnce sōrōn ka wo tōla ko Tubali Kabila. Wo kēra numun di. A tēre ye sula ni nēfin nadanna. Tubali Kabila doomuso tō ko Nama.

²³ Lon do rō, Lemeki ka a fō a musoilu yē ko: «Ada ni Tisila, ai ye n kan namēn.

Ai, Lemeki musoilu, ai ye ai tolo malo n na kuma la.
 Ce men ka n madimin, n da wo faa.
 Kanberen men sera n ma, n da wo faa.
²⁴ A fôra ko ni moa men ka Kabilia faa, a julu ri sara wo tii la sijna wörönwula.
 Koni Lemeki la julu ri sara foo sijna biwörönwula ni sijna wörönwula.»

Seti ni Enosi

²⁵ Nba, Adama ni a muso denda. A muso ka kóna ta ka dence sörön ikö tuun. A ka wo tao la ko Seti, baa a kan ko: «Alla ra dence gberé di n ma Abila no rø, Kabilia ka men faa kónin.»

²⁶ Nba, Seti fanan ka dence sörön. A ka wo tao la ko Enosi. Moailu ka Allabatala tara damira Enosi tele le rø, ko a ye alu demen.

5

Adama bónson

¹ Adama bónson tao le sebeni juin di.

Alla ka moa dan lon men na, a ka a dan ka a ke a jere munuja le ri. ² A ka alu dan ka alu ke ce ni muso ri. A banni alu danna, a kumara ka baraka don alu rø ka alu tao la ko moa.

³ Adama sörön ka san kemé ni san bisawa bo tuma men na, a ka dence sörön, men kera a la munuja ri. Adama ni a dence tere su kelen de ri. A ka a tao la ko Seti. ⁴ Seti sörön körö, Adama ka san kemé seyin de ke, ka dence ni denmusoilu sörön. ⁵ A si san bee ladenni kera san kemé kónondo ni san bisawa le ri. Wo dafanin, a sara.

⁶ Seti si ka san kemé ni san loolu bo tuma men na, a ka dence sörön. A ka wo tao la ko Enosi. ⁷ Enosi sörön körö, Seti ka san kemé seyin ni san wörönwula le ke, ka dence ni denmusoilu sörön. ⁸ Seti si san bee ladenni kera san kemé kónondo ni san tan ni fila le ri. Wo dafanin, a sara.

⁹ Enosi si ka san bikónondo bo tuma men na, a ka dence sörön. A ka wo tao la ko Kenan. ¹⁰ Kenan sörön körö, Enosi ka san kemé seyin ni san tan ni loolu le ke, ka dence ni denmusoilu sörön. ¹¹ Enosi si san bee ladenni kera san kemé kónondo ni san loolu le ri. Wo dafanin, a sara.

¹² Kenan si ka san biwörönwula bo tuma men na, a ka dence sörön. A ka wo tao la ko Malaleli. ¹³ Malaleli sörön körö, Kenan ka san kemé seyin ni san binaanin de ke, ka dence ni denmusoilu sörön. ¹⁴ Kenan si san

bee ladenni kera san kemé kónondo ni san tan de ri. Wo dafanin, a sara.

¹⁵ Malaleli si ka san biwörönwula ni san loolu bo tuma men na, a ka dence sörön. A ka wo tao la ko Yeredi. ¹⁶ Yeredi sörön körö, Malaleli ka san kemé seyin ni san bisawa le ke, ka dence ni denmusoilu sörön. ¹⁷ Malaleli si san bee ladenni kera san kemé seyin ni san bikónondo ni san loolu le ri. Wo dafanin, a sara.

¹⁸ Yeredi si ka san kemé ni san biwörönwula ni san fila bo tuma men na, a ka dence sörön. A ka wo tao la ko Enoki. ¹⁹ Enoki sörön körö, Yeredi ka san kemé seyin de ke, ka dence ni denmusoilu sörön. ²⁰ Yeredi si san bee ladenni kera san kemé kónondo ni san biwörönwula ni san fila le ri. Wo dafanin, a sara.

²¹ Enoki si ka san biwörönwula ni san loolu bo tuma men na, a ka dence sörön. A ka wo tao la ko Metusalemu. ²² Metusalemu sörön körö, Enoki ka san kemé sawa le ke Alla la den do, ka dence ni denmusoilu sörön. ²³ Enoki si san bee ladenni kera san kemé sawa ni san biwörönwula ni san loolu le ri. ²⁴ Enoki mënda Alla la den do. A tunura ka a masörön Alla ka a ta ka wa a ri.

²⁵ Metusalemu si ka san kemé ni san biseyin ni san wörönwula bo tuma men na, a ka dence sörön. A ka wo tao la ko Lemeki. ²⁶ Lemeki sörön körö, Metusalemu ka san kemé wörönwula ni san biseyin ni san fila le ke, ka dence ni denmusoilu sörön. ²⁷ Metusalemu si bee ladenni kera san kemé kónondo ni san biwörönwula ni san kónondo le ri. Wo dafanin, a sara.

²⁸ Lemeki si ka san kemé ni san biseyin ni san fila bo tuma men na, a ka dence sörön. ²⁹ A ka wo tao la ko Nuhan. A ka a fo ko: «Allabatala ka duu tijan ka an bila baara gbelen do. Koni ce juin de ketö an masabarila baara gbelen jusukasi koson.»

³⁰ Nuhan sörön körö, Lemeki ka san kemé loolu ni san bikónondo ni san loolu le ke, ka dence ni denmusoilu sörön. ³¹ Lemeki si bee ladenni kera san kemé wörönwula ni san biwörönwula ni san wörönwula le ri. Wo dafanin, a sara.

³² Nuhan ka san kemé loolu sörön tuma men na, a ka Semu ni Kamu ni Jafeti sörön.

6

Alla ka adamadenilu halaki alu la kojuu koson

¹ Nba, moailu tere ye siyaya la duukolo kan tuma men na, alu ka denmusoilu sörön.

² Wo keni, Alla denceilu ka alu na lɔ denmuso woilu rɔ ka a yen ko woilu kεpi kosebe. Menilu diyara alu yε, alu ka woilu ta ka alu ke alu musoilu ri. ³ Wo le rɔ, Allabatala kan ko: «N ka n na ni don mɔɔilu rɔ, kɔni n te sɔn a ye men alu rɔ foo habadan, baa alu te foyi ri fo fari banku, fen banta kɔnin. Alu si san bεe ladenni te tamin san kεme ni san muwan kan.»

⁴ Alla denceilu sera mɔɔilu denmusoilu ma tuma men na, woilu ka kɔnɔ ta ka deni sɔrɔn. Den woilu kera mɔɔilu jan belebele ri, menilu tɔɔ ko Nefilimu. Kεbi waati taminni, woilu kera cε fadiyani ri. Alu tɔɔilu bɔra kosebe.

⁵ Allabatala ka a yen ko adamadenilu kɔnɔrɔjuuya ra wara dunuŋa rɔ. A ka a yen ko fen si tɔ adamadenilu jusu rɔ fo miriyajuu tuma bεe. ⁶ Allabatala nimisara adamadenilu dan ko rɔ duukolo kan. A sewani tun tε. ⁷ A kan ko: «N da mɔɔ menilu dan, n di woilu halaki ka alu bɔ duukolo kan. Adamadenilu wo, kolofenilu wo, waa rɔ soboilu wo, kɔnɔilu wo, ni nimafen misen menilu ye taamala duu ma, n di wo bεe halaki ka a masɔrɔn n da nimisa alu dan ko rɔ.» ⁸ Kɔni Nuhan diyara Allabatala yε.

⁹ Nuhan bɔnsɔn de jin di. Nuhan de tεrε mɔɔ telenni ri. A kelen de ma kojuu ke a la waati rɔ. A menda Alla la dɛn dɔ. ¹⁰ A ka dencε sawa sɔrɔn, Sɛmu ni Kamu ni Jafeti.

¹¹ Wo tuma, juuya warani fan bεe Alla jnakɔrɔ duukolo kan. Mɔɔilu karagbeleman tεrε i jnɔɔn na fan bεe rɔ. ¹² Alla ka a yen ko duukolo ra tijan juuya la. Mɔɔ bεe kewali ra juuya foo ka a dan natamin. ¹³ Wo rɔ, Alla ka a fɔ Nuhan yε ko: «N da a latee ko mɔɔilu bεe ri halaki n bolo, baa karagbeleya ra jenseñ alu bolo foo ka duukolo fa. N kεtɔ alu bεe ni duukolo halakila i jnɔɔn fe le. ¹⁴ Wa jiri jnuma jninin ka kulunba raben i jere yε. I ye a kɔndɔ ratala ka a ke bonkɔndɔilu ri, ka ban ka a kɔndɔla ni a kɔkanna bεe mamun tulubɔ fasani la. ¹⁵ I ye a rabenna ja men ma, wo le ye jin di. I ye a janyan ke nɔnkɔn ja kεme sawa ri, ka a kɔndɔ ke nɔnkɔn ja biloolu ri, ka a lɔ ke nɔnkɔn ja bisawa ri. ¹⁶ I ye fɔjɔ don yɔrɔ bɔ a san fe, ka wo lɔ ke nɔnkɔn ja kelen di. I ye donda bɔ kulunba fan kelen fe, ka kulunba ke ikomin sankaso, ka a ke duuma

bon ni temma bon ni san ma bon di. ¹⁷ N jere kεtɔ ji dunba lanala duu kan. Fen fen ye a nilakilila san kɔrɔ, wo bεe ri halaki. Fen bεe ri faa duu kan. ¹⁸ Kɔni n di teriya ta i yε ka i kisi. I ri don kulunba kɔndɔ, i ni i denceilu, a ni i muso ni i denceilu musoilu. ¹⁹ I ye nimafen su bεe fila fila ladon i fe kulunba kɔndɔ, cεman ni musoman, sa woilu ri to nimaya rɔ. ²⁰ Kɔnɔilu wo, kolofenilu wo, waa rɔ soboilu wo, ni nimafen misen menilu ye taamala duu ma, a su bεe fila fila ri na i ma sa alu ri to nimaya rɔ. ²¹ I ye damunun fen su bεe do ta ka a lamara i fe kulunba kɔndɔ. Wo ri ke balo ri ile ni woilu yε.» ²² Nba, Alla ka Nuhan jamari ko ko la, Nuhan ka wo bεe ke iko a fɔra a yε ja men ma.

7

Nuhan donda kulunba kɔndɔ

¹ Nba, Allabatala ka a fɔ Nuhan yε ko: «I ye don kulunba kɔndɔ, i ni i la denbaya. N da a yen ko i kelen pe le telenni n jnako adaman bεe temma. ² I ye sobo sɛnimana su bεe ta i fe, a cεman wɔrɔnwula ni a musoman wɔrɔnwula. Sobo men sɛnimantε, i ye wo su bεe fanan ta, cεman kelen ni musoman kelen. ³ I ye kɔnɔ su bεe fanan ta, cεman wɔrɔnwula ni musoman wɔrɔnwula, sa alu siya kana tunu duukolo kan. ⁴ A ra to tele wɔrɔnwula ma. Wo wā dafa, n di sanci lana duukolo kan. Sanci wo ri tele binaanin ni su binaanin ke nali la. Wo ri ke sababu ri. Fen menilu danni n bolo, wo bεe ri halaki ka bɔ duu kan.» ⁵ Allabatala ka Nuhan jamari ko ko la, a ka wo bεe ke.

⁶ Nba, ka a tεren Nuhan sɔrɔn da san kεme wɔɔrɔ bɔ, ji dunba nara duukolo kan. ⁷ Nuhan ni a denceilu ni a muso ni a denceilu musoilu, alu bεe donda kulunba kɔndɔ kosa alu ri kisi ji dunba ma. ⁸ Wo lon, sobo menilu sɛnimana ni menilu sɛnimantε, a ni kɔnɔilu ni nimafen misen menilu ye taamala duu ma, ⁹ wo bεe fila fila nara Nuhan ma, a cεman ni a musoman. Alu bεe donda kulunba kɔndɔ, iko Alla ka Nuhan jamari ja men ma. ¹⁰ A tele wɔrɔnwulana, sanci nara duukolo kan.

¹¹ Nuhan sɔrɔn san kεme wɔɔrɔna, wo karo filana tele tan ni wɔrɔnwulana, ji bondon men ye duu kɔrɔ, wo tera ka ji bɔn duu kan. Sankolo ji bondon fanan da lakara.

12 Wo rø, sanci ba nara duu kan. A ka tele binaanin ni su binaanin ke, a ma tøe. **13** Sanci nara lon men, wo lon kelen Nuhan ni a denceilu donda kulunba køndo. A denceilu le tere Semu ni Kamu ni Jafeti ri. Nuhan muso donda alu fe, a ni a denceilu muso sawa. **14** Nimafen su bøe donda kulunba køndo alu fe. Waa rø soboilu wo, kolofenilu wo, nimafen misen menilu ye taamala duu ma, a ni kønøilu wo, kawa ye fen fen na, woilu su bøe donda. **15** Nba, fen fen ye a nilakilila, wo bøe fila fila donda kulunba køndo Nuhan fe. **16** Nimafen su bøe donda, ceman ni musoman, ikomin Alla ka jamarili ke ja men ma. Alu bøe donda tuma men na, Allabatala ka kulunba da tuun Nuhan ma.

17 Nba, sanci ka tele binaanin ke, a ye nala duukolo kan. Ji siyayara ka ke ji dunba ri, ka kulunba kørøta ka bø duu ma. **18** Ji yølera ka siyaya kosebe. Kulunba funda ji kan ka wa. **19** Ji tora yølela kojuuya foo ka koyinke bøe latunun fan bøe san kørø. **20** Ji yølera koyinke woilu kun na ka se fo nønkøn ja tan ni loolu, ka koyinke latunun fewu! **21** Nimafen bøe faara duukolo kan. Kønøilu wo, kolofenilu wo, waa rø soboilu wo, nimafen misenilu wo, menilu ye taamala duu ma, møøilu wo, alu bøe faara. **22** Fen fen ye duukolo kan, ni a ye a nilakilila, wo bøe faara. **23** Allabatala ka duukolo nimafen bøe halaki wo ja le ma. Møøilu wo, soboilu wo, kønøilu wo, ni nimafen misen menilu ye taamala duu ma, alu bøe halakira ka bø duukolo kan. A tora Nuhan dørøn de ma, a ni menilu tere a kun kulunba køndo. **24** Ji ka tele kømø ni biloolu ke duukolo kan, a ma majii.

8

Alla ka sanci ba lalø

1 Køni Alla hankili tora Nuhan dø, a ni waa rø soboilu ni so køndo kolofenilu, menilu tere a kun kulunba køndo. Wo rø, Alla ka føøø lawuli ka a tøe duu kan ka ji majii. **2** Duukolo ji bondon da tuunda, a ni sankolo ji bondon. Sanci tøøra. **3** Ji tora majiila dooni dooni duukolo kan. Tele kømø ni tele biloolu taminda tuma men na, ji madooyara. **4** A karo wørønwulana tele tan ni wørønwulana, kulunba nara i sii Arara jamana koyinke do kan. **5** Ji tora

madooyala foo ka se karo tanna ma. Wo karo tele føøø, koyinkøilu kulinilu børa.

6 Tele binaanin taminda tuma men na, Nuhan ka føøø don da laka, a tun ka men bø kulunba la. **7** A ka janjasila do bila. Wo børa ka taa ni seyi ke haan ji jara duukolo kan tuma men na. **8** Wo kø, a ka kanba do bila ka a kørøsi ni ji ra dooya duukolo kan. **9** Kanba wo bø men keni, a ma sii yørø sørøn. A ka a køseyi ka na Nuhan ma kulunba køndo, baa ji tere ye duukolo yørø bøe kan føøø. Nuhan ka a bolo labø ka kanba mira ka a ladon a fe kulunba køndo. **10** Nuhan ka a to tele wørønwula ye tamin ikø, ka ban ka kanba bila ikø. **11** Wura fe, kanba ka a køseyi Nuhan ma. Olibiye fira køndø ye a da la. Nuhan ka a løn wo le rø ko ji ra føøø madooyala duukolo kan kosebe. **12** A ka a to tele wørønwula ye tamin ikø, ka ban ka kanba bila. Kanba wa men keni, a ma a køseyi Nuhan ma wo kø. **13** Nuhan sørøn san kømø wørø ni kelen, wo karo føøø tele føøø, ji tun te duukolo kan butun. Nuhan ka kulunba kunnafen waranka ka a yen ko duu ra føøø jala. **14** A karo filana tele muwan ni wørønwulana sera ka a tøren duu ra ja fewu!

Nuhan børa kulunba køndo

15 Nba, Alla kumara Nuhan fe ko: **16** «I ye bø kulunba køndo sisen, i ni i muso ni i denceilu ni alu musoilu. **17** I ye nimafen bøe labø. Kønøilu wo, waa rø soboilu wo, so køndo kolofenilu wo, ni nimafen misen menilu ye taamala duu ma, i ye alu bøe labø, sa alu ri jiri ka siyaya duukolo fan bøe rø.»

18 Wo rø, Nuhan børa kulunba køndo, a ni a denceilu ni a muso ni a denceilu musoilu. **19** Nimafen bøe børa. Waa rø soboilu wo, so køndo kolofenilu wo, kønøilu wo, ni nimafen misen menilu ye taamala duu ma, bøe ni a la siya børa kulunba køndo.

20 Nuhan ka Alla saraka bø diya do lø ka Allabatala bato kanma. A ka sobo séniman ni kønø séniman su bøe do ta ka Allabatala so alu rø. A ka alu janin Alla saraka bø diya wo kan, ka alu ke buuri ri. **21** Saraka wo suma diyara Allabatala yø. Allabatala ka a latee ko: «N te duu danka adamaden kosøn butun. N ka a løn ko ka bø alu denmisønya waati ma foo ka na se alu la møøya laban ma, alu miriya bønni kojuu le ma. Hali wo, n te søn ka nimafen bøe halaki butun, iko n

ka a ke ja men ma fəlo. ²² Ka bə bi ma ka wa haan dunuja laban, si foyi tuma ni suman ka tuma, nənə tuma ni tara tuma, sanma ni telema, su ni tele, wo si te ban.»

9

Alla ni Nuhan na teriya

¹ Alla kumara ka baraka don Nuhan ni a denceilu rə. A ka a fə alu yε ko: «Ai ye jiri ka siyaya duukolo fan bεε rə ka a fa. ² Nimafen bεε ri silan ai yε kosebe. Waa rə soboilu wo, so kəndə kolofenilu wo, kənɔilu wo, jεe ilu wo, ni nimafen misen menilu ye taamala duu ma, wo bεε ri silan ai yε. Alu bεε ri ke ai la fanka kərə. ³ Nimafen bεε ri ke balo ri ai yε. N ka suman di ai ma ja men ma, n ye nimafenilu fanan dila ai ma ja kelen wo le ma. ⁴ Kəni ai kana sobo ni a jeli damun muumə! Baa a nimaya ye a jeli le rə. ⁵ Ni sobo do ka məə jeli labə ka a faa, sobo wo ka kan ka faa. Ni məə do ka a məəjəən faa, wo fanan di faa. ⁶ Nde Alla ka məə dan ka a ke n jere munuja le ri. Wo rə, məə məə wa a məəjəən jeli labə ka a faa, məə ri wo fanan jeli labə ka a faa. ⁷ Nba, ai kənin, ai ye jiri ka siyaya. Ai ye sereya ka siyaya duukolo fan bεε rə ka a fa.»

⁸ Alla ka a fə Nuhan ni a denceilu yε ko: ⁹ «Sisen teriya ri tə nde ni aile tema, a ni ai bənsən men ye nala ai kə ¹⁰ a ni duukolo nimafen, men bεε tere ai kun, fen fen bəra ai fe kulunba kəndə, kənɔilu wo, so kəndə kolofenilu wo, waa rə soboilu wo. ¹¹ Teriya jin ye təla n ni duukolo nimafen bεε tema. Ji dunba te nimafen bεε halaki butun. Ji dunba te ke butun ka duukolo bεε tijan.»

¹² Alla ka a fə ikə ko: «N ye teriya men tala ai yε a ni ai bənsən bεε ni nimafen bεε fo habadan, wo təomasere le jin di. ¹³ N di nincinankan labə san fe bandafin kərə. Nincinankan wo le n na teriya təomasere le ri, n ye teriya men tala dunuja bεε yε. ¹⁴ Tuma tuma, ni n ka bandafin nadən duukolo kun na, ni nincinankan fanan bəra, ¹⁵ wo rə, n di n hankili bila n na teriya rə, n ka men ta ai ni nimafen su bεε yε. N te ji siyaya ka a ke ji dunba ri butun ka nimafen bεε halaki. ¹⁶ Nincinankan wa bə bandafin kərə, n di wo yen ka n hankili bila n na teriya banbali rə, n ka men ta duukolo nimafen su bεε yε.»

¹⁷ Alla ka a fə Nuhan yε ko: «N da teriya men ta duukolo nimafen bεε yε, wo təomasere le wo ri.»

Nuhan dence sawa la ko

¹⁸⁻¹⁹ Nba, Nuhan dence menilu bəra a fe kulunba kəndə, woilu le tere Səmu ni Kamu ni Jafeti ri. Nuhan dence sawa le woilu ri. Woilu le bənsən jensenda ka se duukolo fan bεε rə. Wo rə, Kanaan fa le tere Kamu ri. ²⁰ Nba, Nuhan ka sene damira. Ale le fəlo ka resen fe sene. ²¹ Lon do rə, Nuhan ka resenji do min ka a ja laminin. A fari makolon lani tere a la faaninbon kəndə. ²² Kanaan fa Kamu ka a fa Nuhan fari makolon yen, ka wa wo fə a badenma fila yε lu ma. ²³ Səmu ni Jafeti ka durukiba ta ka a la alu kaman-nakun kan ka don alu kənkəma alu fa la faaninbon na ka alu fa sutura. Alu ma sən alu ja yen na alu fa kan, kosa alu kana a fari makolon yen fewu.

²⁴ Nba, resenji ka Nuhan bila tumana men na, a dence doomani Kamu ka ko men ke a la, wo fəra a yε. ²⁵ Wo rə, Nuhan kan ko:

«Alla ma tərəya lara Kamu dence Kanaan kan.

Ka a ke a kərəceilu la jəntajən di,
Alla ma wo kəra.»

²⁶ Nuhan kan ko:
«N di Allabatala tando,
Səmu Maari Alla kənin.
Alla ma Kanaan ke Səmu la jən di,
Alla ma wo kəra.
²⁷ Alla ma Jafeti bonyara,
Ka a bənsən sii Səmu bənsən fe,
Alla ma wo kəra.
Alla ma Kanaan ke alu la jən di,
Alla ma wo kəra.»

²⁸ Nba, ji dunba tamin kə, Nuhan ka san kəmə sawa ni san biloolu le ke. ²⁹ A si bεε ladənni kəra san kəmə kənəndə ni san biloolu le ri. Wo bεε taminni, a sara.

10

Nuhan denceilu la bənsən

¹ Ji dunba tamin kə, Nuhan denceilu Səmu ni Kamu ni Jafeti ka denceilu sərən. Alu bənsən le jin di.

² Jafeti denceilu le ten: Koməri, Makəki, Madayı, Jaban, Tubali, Mesəki a ni Tirasi.

³ Koməri denceilu le Asikənasi, ni Rifati ni Tokarima ri. ⁴ Jaban denceilu le ten: Elisiya, Tarisisi, Kitimu a ni Dodanimu.

⁵ Jaban bɔnsɔn jensenda ka wa i sii kɔɔji da la, a bεε ni a la duu, a bεε ni a la kumakan, a bεε ni a mɔɔilu, a bεε ni a la jamana.

⁶ Kamu denceilu le ten: Kusi, Misiran, Puti a ni Kanaan. ⁷ Kusi denceilu le ten: Saba, Habila, Sabita, Rayema a ni Sabiteka. Rayema denceilu le Seba ni Dedan di.

⁸ Kusi dencε do le Namurudu ri. Wo le fɔlɔ kεra fankatii ri duukolo kan. ⁹ A kεra donso fadimanba ri Allabatala jnana. Wo rɔ a ye fɔla doilu ma ko: «A kεni donso fadimanba le ri, Allabatala jnakɔrɔ iko Namurudu tere na men ma.» ¹⁰ Namurudu kεra faama ri. A fɔlɔma le ka a sii Babεli ni Ereki ni Akadi soilu kun na. So sawa wo bεε tere Sineyari jamana le rɔ. ¹¹ A bɔra jamana wo rɔ ka wa Asiri jamana rɔ. A ka Ninibe ni Rehobotiri ni Kalasi ¹² ni Resenι soilu sii ka alu lɔ. Resenι ye Ninibe ni Kalasi so fila le tε. So ba le wo ri.

¹³ Misiran kεra mεnilu benba ri, woilu le ten: Ludi bɔnsɔn, Anamu bɔnsɔn, Lehabi bɔnsɔn, Nafitu bɔnsɔn, ¹⁴ Paturusi bɔnsɔn, Kafitorı bɔnsɔn a ni Kasiluhi bɔnsɔn. Filisitili bɔra Kasiluhi bɔnsɔn le rɔ.

¹⁵ Kanaan dencε fɔlɔ le tere Sidɔn di, ka Heti tuun wo la. ¹⁶⁻¹⁸ Mɔɔ mεnilu fanan bɔra Kanaan dɔ, woilu le ten: Jebusikailu, Amεrikailu, Kirikasikailu, Hifikailu, Arikiilu, Sinikailu, Arifadikailu, Semarikailu a ni Hamarikailu.

Kanaan bɔnsɔn jensenda. ¹⁹ Alu la jamana ye damirala Sidɔn de ka wa Kerari fan fe, ka wa se foo Kasa. A ye wala Sɔdɔmu ni Kɔmɔri ni Adima ni Seboyimu fan fe, ka wa se foo Lesa. ²⁰ Kamu bɔnsɔn de woilu ri, a bεε ni a la mɔɔilu, a bεε ni a kumakan, a bεε ni a la duu, a bεε ni a la jamana.

²¹ Jafeti kɔrɔcε Semu fanan ka denceilu sɔrɔn. Semu wo le kεra Heberi bɔnsɔn bεε benba ri. ²² Semu denceilu le ten: Elamu, Asuri, Aripasadi, Ludi a ni Aramu.

²³ Aramu denceilu le ten: Usi, Huli, Ketari a ni Masi. ²⁴ Aripasadi wo ka Selasi sɔrɔn. Selasi ka Heberi sɔrɔn. ²⁵ Heberi ka dencε fila sɔrɔn. Kelen tɔɔ ko Pelejì ka a masɔrɔn duukolo ratalara a tele le rɔ. A dooce tɔɔ ko Jokitan. ²⁶⁻²⁹ Jokitan denceilu le ten: Alimodadi, Selεfu, Hasamawεti, Jeraki, Hadoramu, Usali, Dikila, Obali, Abimayεli, Seba, Ofiri, Habila a ni Jobabu. Nba, woilu bεε tere Jokitan denceilu le ri.

³⁰ Duu mεn ye Mesa ni Sefari tε, alu ta le tere wo bεε ri. Yɔrɔ wo ye koyinkεilu kɔrɔ telebɔ

fan fe. ³¹ Nba woilu bεε kεra Semu deni le ri, a bεε ni a la mɔɔilu, a bεε ni a la kumakan, a bεε ni a la duu, a bεε ni a la jamana.

³² Nba, Nuhan denceilu bɔnsɔn de woilu ri, a bεε ni a bɔnsɔn, a bεε ni a jamana. Mɔɔ woilu le jensenda ka ke jamana siyaman di duukolo kan ji dunba kɔ.

11

Babεli sankaso jan na ko

¹ Dunuja mɔɔilu bεε tere ye kan kelen de menna. Alu bεε tere ye i jnɔɔn famunna.

² Alu bɔra telebɔ fan dɔ, ka wa gbekannan ba do tereñ Sineyari jamana rɔ. Alu ka i sii dinkira wo rɔ. ³ Lon do rɔ, alu ka a fɔ i jnɔɔn ye ko: «An ye birikilu gbasi ka alu janin kosebε.» Alu ma kabakurun ta fo biriki. Alu ma boro fanan ta, fo tulubɔ fasani. ⁴ Alu kan ko: «An ye so lɔ an jere yε, ka sankaso jan lɔ a kɔndɔ. Wo lɔ ye se haan sankolo ma, sa an di tɔɔ sɔrɔn. Ni an ma wo ke, an di jensen duukolo fan bεε fe.»

⁵ Allabatala jiira ka so ni sankaso jan dagbε, adamadenilu ka mεn lɔ. ⁶ A kan ko: «A ragbε. Alu bεε ye siya kelen de ri, alu bεε ye kan kelen de menna. Alu ye baara mεn kan jnìn, alu la baara fɔlɔ le wo ri. A tε mεn bake, alu wa alu miri fen fen ma, alu ri se wo kela. ⁷ An ye jii ka alu kan basan, sa alu kana se i jnɔɔn kan menna butun.»

⁸ Wo rɔ, Allabatala ka alu farafara ka alu bɔ dinkira wo rɔ, ka alu jensen duukolo fan bεε rɔ. Alu la so lɔ ko ra dan wo rɔ. ⁹ Wo le kosɔn, dinkira wo tɔɔ lara ko Babεli, baa Allabatala ka dunuja mɔɔilu bεε kumakan basan ye le, ka ban ka alu jensen duukolo fan bεε rɔ.

Semu bɔnsɔn

¹⁰ Nba, Semu bɔnsɔn de jnìn di.

Semu sɔrɔn ka san kεme bɔ tuma mεn na, a ka Aripasadi sɔrɔn. Wo kεra san fila ji dunba kɔ. ¹¹ Aripasadi sɔrɔn kɔrɔ, Semu ka san kεme loolu le kε, ka dencε ni denmusoilu sɔrɔn.

¹² Aripasadi sɔrɔn ka san bisawa ni san loolu bɔ tuma mεn na, a ka Selasi sɔrɔn.

¹³ Selasi sɔrɔn kɔrɔ, Aripasadi ka san kεme naanin ni san sawa le kε, ka dencε ni denmusoilu sɔrɔn.

¹⁴ Selasi sɔrɔn ka san bisawa bɔ tuma mεn na, a ka Heberi sɔrɔn. ¹⁵ Heberi sɔrɔn

kɔrɔ, Selasi ka san kɛmɛ naanin ni san sawa le kɛ, ka dence ni denmusoilu sɔrɔn.

¹⁶ Heberi sɔrɔn ka san bisawa ni san naanin bɔ̄ tuma men na, a ka Peleji sɔrɔn.

¹⁷ Peleji sɔrɔn kɔrɔ, Heberi ka san kɛmɛ naanin ni san bisawa le kɛ, ka dence ni denmusoilu sɔrɔn.

¹⁸ Peleji sɔrɔn ka san bisawa bɔ̄ tuma men na, a ka Eruhu sɔrɔn. ¹⁹ Eruhu sɔrɔn kɔrɔ, Peleji ka san kɛmɛ fila ni san kɔnɔndo le kɛ, ka dence ni denmusoilu sɔrɔn.

²⁰ Eruhu sɔrɔn ka san bisawa ni san fila bɔ̄ tuma men na, a ka Seruki sɔrɔn.

²¹ Seruki sɔrɔn kɔrɔ, Eruhu ka san kɛmɛ fila ni san wɔrɔnwula le kɛ, ka dence ni denmusoilu sɔrɔn.

²² Seruki sɔrɔn ka san bisawa bɔ̄ tuma men na, a ka Nakɔri sɔrɔn. ²³ Nakɔri sɔrɔn kɔrɔ, Seruki ka san kɛmɛ fila le kɛ, ka dence ni denmusoilu sɔrɔn.

²⁴ Nakɔri sɔrɔn ka san muwan ni san kɔnɔndo bɔ̄ tuma men na, a ka Teraki sɔrɔn.

²⁵ Teraki sɔrɔn kɔrɔ, Nakɔri ka san kɛmɛ ni san tan ni kɔnɔndo le kɛ, ka dence ni denmusoilu sɔrɔn.

²⁶ Teraki sɔrɔn ka san biwɔrɔnwula bɔ̄ tuma men na, a ka Iburama ni Nakɔri ni Haran sɔrɔn.

²⁷ Teraki bɔnsɔn de jin di. A ka Iburama ni Nakɔri ni Haran sɔrɔn. Haran ka Luti sɔrɔn. ²⁸ Haran sara ka a fa kɛnde to. A la saya kera a sɔrɔn jamana le rɔ, Kalide jamana kɔnin. A sara Uri so le kɔndo. ²⁹ Iburama ni Nakɔri ka furu kɛ, Iburama muso tɔ̄ le tere ko Sarayi. Nakɔri ka Haran denmuso do furu, men tɔ̄ ko Milika. Haran denmuso do fanan tɔ̄ ko Sisika. ³⁰ Sarayi tere densɔrɔnbali le ri. Den tun te a bolo.

³¹ Nba, Teraki ka a dence Iburama ni a mamarencé Luti ta ka wa Kanaan bɔnsɔn na jamana rɔ. Luti ye Haran den de ri. Teraki ka a biramusoni Sarayi fanan ta, men ye Iburama muso ri. Alu bɛ̄ bɔra Uri so la ka Kanaan bɔnsɔn na jamana sila mira. Uri wo ye Kalide jamana le rɔ. Kɔni alu se men keni Haran, alu ka i sii ye. ³² Teraki si bɛ̄ ladenni kera san kɛmɛ fila ni san loolu le ri. A sara Haran ye.

12

Alla kumara Iburama yε

¹ Nba, Allabatala kumara Iburama yε ko: «Iburama, i ye bɔ̄ i la jamana rɔ, ka bɔ̄ i

badenmailu tɛma, ka bɔ̄ i fa la lu ma. I ye wa jamana do rɔ, n ketɔ men yirakala i la.

² N di i bɔnsɔn ke jamana ba ri ye. N di baraka don i rɔ, ka i tɔ̄ bonya. Mɔɔilu ri baraka sɔrɔn i la sababu rɔ. ³ Mɔɔ men ba duwa i yε ka i miri kojuma, n di numaya ke wo tii yε. Mɔɔ men ba i danka, n di tɔrɔya la wo kan. I ri ke sababu ri, siyailu bɛ̄ ri baraka sɔrɔn n bolo.»

⁴ Iburama wulira ka wa ikomin Allabatala ka a fɔ a yε ja men ma. Luti taara a fe. Iburama bɔra Haran ka wa, ka a tereñ a sɔrɔn da san biwɔrɔnwula ni san loolu bɔ.

⁵ Iburama ka a muso Sarayi ta a ni a kɔrɔce dence Luti a ni a jɔnilu a ni a bolofen bɛ̄. A tun ka fen fen sɔrɔn Haran, a ka wo bɛ̄ ta. Alu bɔra wo ja le ma ka wa Kanaan jamana rɔ.

Iburama ni a la mɔɔilu seni ye, ⁶ alu ka jamana ratee ka wa Sikemu, More la jiriju ba lɔni dinkira men dɔ. Wo tuma, Kanaan bɔnsɔn tere jamana wo rɔ ye fɔləfɔlɔ.

⁷ Awa Allabatala ka a jεre yiraka Iburama la, ka a fɔ a yε ko: «N di duu jin bɛ̄ di i bɔnsɔn ma.» Wo le rɔ, Iburama ka saraka bɔ̄ diya lɔ Allabatala bato kanma, Allabatala men ka a jεre yiraka a la.

⁸ Iburama bɔra ye ka wa koyinkɔilu fan fe, menilu ye Beteli so telebɔ̄ fan fe. A ka a la faaninbon lɔ ye, ka Beteli to a telebe fan fe, ka Ayi to a telebɔ̄ fan. A ka saraka bɔ̄ diya lɔ Allabatala bato kanma ye ka a tara.

⁹ Iburama bɔra ye ka jamana wo rataama ka wa Nekebi mara.

¹⁰ Nba, wo tuma kɔnkɔ ba ra don jamana kɔndo. Wo juuyara kosebe. Wo rɔ, Iburama wara Misiran jamana rɔ ka men ye. ¹¹ Alu dontɔla Misiran, Iburama ka a fɔ a muso Sarayi yε ko: «N ka a lɔn ko i kεji ba le. ¹² Ni Misirankailu ka i yen, alu ri a lɔn ko n muso le i ri. Wo rɔ, alu ri n faa ka i kɛnde to. ¹³ I jaandi, ni an sera ye, i ye a fɔ ko n doomuso le i ri, sa alu ri n damira kojuma ka n to i la ko kosɔn.»

¹⁴ Iburama ni a muso sera Misiran tuma men na, Misirankailu ka a yen ko Sarayi kεji kosebe. ¹⁵ Misiran mansa Ferawuna*la mɔɔbailu ka Sarayi yen tuma men na, alu wara a mankutun fɔ Ferawuna yε.

A ka wo men ka mɔɔilu lɔ Sarayi tala ka na a ri a wara. ¹⁶ A ka Iburama mira

* ^{12:15} Misirankailu alu a fɔla alu la mansa ma le ko Ferawuna.

kopuma Sarayi la ko kosən, ka kolofen su bəε di Iburama ma: saailu wo, bailu wo, nisilu wo, nɔɔməilu wo, falilu wo, a ni jənilu.

¹⁷ Koni Allabatala ka yankaro juuilu bila Ferawuna ni a la bonkɔndɔmɔɔilu la Iburama muso Sarayi la ko kosən. ¹⁸ Wo rɔ, Ferawuna ka Iburama kili ka a fɔ a yε ko: «Ira nfen kε n na ten? Nfenna i ma a fɔ n yε ko i muso le? ¹⁹ Nfenna i ka a fɔ ko i doomuso le? Wo le ka a kε, nde ka a ta ko n ye a kela n muso ri. Hen, i muso le jin de. A mira, i ye wa a ri!»

²⁰ Ferawuna ka a fɔ a la mɔɔilu yε ko alu ye Iburama ni a muso labɔ Misiran, a ni alu bolofenilu bεε.

13

Luti ni Iburama farara

¹ Iburama ni a muso bɔra Misiran ka wa Nekəbi. A wara a bolofenilu bεε ri. Luti wara a fε. ² Iburama tun da kε fentii ba ri. Kolofen ni wodigbe ni sanin tere a bolo a ja ma. ³ A bɔra Nekəbi ka wa Beteli. A tun ka a la faaninbon lɔ dinkira men dɔ kərəman, a sera ye. Dinkira wo tere Beteli ni Ayi soilu te le, ⁴ Iburama tun ka Alla saraka bɔ diya lɔ dinkira men dɔ. A se men keni ye, a ka Allabatala matara.

⁵ Kolofenilu ni mɔɔilu tun ka siya Luti fanan bolo, men tere ye taamala Iburama fε. ⁶ Wo le kosən, dinkira wo dooyara alu fila bolo, baa alu bolofenilu ka siya kosəbε. Alu fila tun ti se tola dinkira kelen dɔ. ⁷ Lon do rɔ, kεle wulira Iburama la kolofen kɔnɔmadenilu ni Luti la kolofen kɔnɔmadenilu te. Wo tuma, Kanaan bɔnsən ni Feresikailu fanan siini jamana wo rɔ ye.

⁸ Wo rɔ, Iburama ka a fɔ Luti ye ko: «An kana sən kεle ye wuli ile ni nde te ma, wala ile la kolofen kɔnɔmadenilu ni nde la kolofen kɔnɔmadenilu te ma. An ye badenma le ri. ⁹ I ye jamana mafene. Nin bεε te dinkira le ri wa? An ye fara. Ni bolomaran yan fan fε la le duman i yε, i ye wo ta. Nde ri to bolokinin yan fan fε. Ni bolokinin yan fan fε la le duman i yε, i ye wo ta. Nde ri to bolomaran yan fan fε.»

¹⁰ Luti ka a ja lɔ ka Juridən ba lεε bεε ragbe. A ka a yen ko ji kɔ nɔɔman dinkira wo rɔ, ikomin a nɔɔman Allabatala la nakɔ numa rɔ ja men ma, wala ikomin Misiran

ye ja men ma ji ko rɔ. A tere wo ja haan Sowari so. Dinkira wo ka ji tere fɔlɔ. Tuma wo, Allabatala tun ma Sɔdɔmu ni Kɔmɔri soilu halaki fɔlɔ. ¹¹ Nba, Luti ka wo yen ka Juridən ba lεε bεε jnanatɔnbɔn ka a kε a ta ri. Wo rɔ, a bɔra Iburama fε ka wa telebɔ fan fε. Badenma fila wo farara wo ja le ma. ¹² Iburama ka i sii Kanaan bɔnsən na jamana rɔ. Luti wara i sii ba lεε soilu fan fε, ka a la faaninbonilu lɔ Sɔdɔmu so donda la. ¹³ Sɔdɔmukailu tun ka juu kosebε, ka kojuu siyaman kε, ka Allabatala hake ta.

¹⁴ Luti ni Iburama farani kɔ rɔ, Allabatala ka a fɔ Iburama ye ko: «Iburama, i ja lɔ. Ka bɔ i lɔ dinkira ye i ja lawa tele kankan bolo maran fan fε, a ni tele kankan bolo kinin fan fε, telebɔ fan fε a ni telebe fan fε. ¹⁵ I ja ye jamana men bεε la jin, n di wo bεε di i ni i bɔnsən ma, ka a kε ai ta ri kadawu! ¹⁶ N di i bɔnsən siyaya ka alu kε ikomin dununja kijε. Ni mɔɔ ri se dununja kijε jatela, i bɔnsən fanan di se jatela. ¹⁷ I wuli ka jamana rataama, ka a janyan ni a bonya ragbe, baa n ye a bεε dila ile le ma.»

¹⁸ Iburama ka a la faaninbonilu bɔ, ka wa i sii Mamere la jirijuilu kɔrɔ. Dinkira wo ye Heburɔn so da la. A ka saraka bɔ diya wɔse raben Allabatala yε.

14

Luti mirara

¹ Wo tuma, Amurafeli ye Sineyari jamana mansaya la. Ariyɔki ye Elasari jamana mansaya la. Kedorilameri ye Elamu jamana mansaya la. Tidali ye Koyimu jamana mansaya la. ² Mansa naanin woilu ka alu ladən ka wa mansa Bera kεle, a ni mansa Birisa ni mansa Sineyabu ni mansa Semeberi ni mansa men siini Bela so kun na. Bela tɔɔ fanan ko Sowari. Bera siini tere Sɔdɔmu so kun na. Birisa siini tere Kɔmɔri so kun na. Sineyabu siini tere Adima so kun na. Semeberi siini tere Seboyimu so kun na.

³ Mansa loolu woilu wara i ladən Sidimu kεnegbe rɔ, Dalaba Kɔɔjilama ye dinkira men dɔ bi. ⁴ Alu tun da san tan ni fila kε, alu ye mansa Kedorilameri la fanka kɔrɔ. A san tan ni sawana, alu muruntira a ma.

⁵ A san tan ni naaninna, Kedorilameri ni a fe mansailu wulira ka na, ka mansa menilu kεle; Refayikailu menilu siini Asiterɔti Kari-nayimu so la, Sisikailu menilu siini Hamu

so la, Emukailu mənilu siini Sawe Kiriyatimu so la, ka ye məɔilu kəle ka alu se woilu la. ⁶ Alu wara Horilu kəle woilu bara, koyinkəma dinkira do rø, Seyiri la jamana rø, ka se woilu la. Alu ka alu gben haan Heliparan, so men ye wula kəndo. ⁷ Wo kø, Kedorilameri ni a dafajəɔilu ka ie koseyi ka na Enimisipa, men tø ko Kadesi. Møø mənilu tere ye Amaleki bənsən na jamana rø, alu ka woilu kəle ye, ka se woilu la ka ai la jamana bëe ta. Alu sera Amərikailu fanan na, mənilu siini tere Asarən Tamari so la.

⁸ Wo rø, Sədəmu mansa bəra, a ni Kəməri mansa ni Adima mansa ni Seboyimu mansa ni Bela mansa. Bela wo tø fanan ko Sowari. Mansa woilu bəra ka wa kəle diya Sidimu kənegbə rø. ⁹ Alu wara ka Elamu mansa Kedorilameri kəle, a ni Koyimu mansa Tidali ni Sineyari mansa Amurafeli ni Elasari mansa Ariyəki. Mansa loolu woilu ka mansa naanin kəle. ¹⁰ Nba, Sədəmu mansa ni Kəməri mansa ni alu la məɔilu ka i bori alu juuiliu nə. Alu siyaman borimantə bera tulubə fasani denkailu rø, baa wo ka siya tere Sidimu kənegbə rø. Mənilu ma be denka rø, woilu ka i bori footindilu kan. ¹¹ Wo rø, Kedorilameri ni a la məɔilu wara ka Sədəmu ni Kəməri nanfulu bëe ta, a ni alu la damunun fenilu bëe. Alu ka wo bëe ta ka wa a ri. ¹² Alu ka Iburama badenma Luti fanan mira ka wa a ri, a ni a bolofen bëe, baa ale fanan siini tere Sədəmu so le kəndo.

Iburama ka Luti kisi

¹³ Møø do borimantə nara ka wo bëe jaʃ Iburama yε, a ye fəla men ma ko Heburu cε. Wo tuma, Iburama siini tere Mamere la jirijuili tərəfə. Mamere wo tere Amərika møø do le ri. A badenmailu le Esikoli ni Aneri ri. Wo bëe tere Iburama denkuruilu le ri. ¹⁴ Iburama badenma mira ko fəra a ye tuma men na, a ka a la məɔilu kili, mənilu kusan kəlela. Cε farinman møø kəmə sawa ni møø tan ni seyin men bëe sərənni Iburama wara woilu bəra, ka mansailu kəsarən foo Daan so la. ¹⁵ Su rø, Iburama ka a la məɔilu ratala ka be mansailu kan. Iburama ka alu kəle ka se alu la, ka alu gben haan Hoba. So wo ye Damasi so tele kankan bolo maran fan fəla. ¹⁶ Mansailu tere ra nanfulu men bëe ta, Iburama ka wo bëe mira alu la ka na a ri. A nara a badenma Luti fanan di, a ni Luti bolofenilu bëe ni

muso mənilu mirani tere wo ni møø təilu bëe.

Melikisedeki ka Iburama kunben

¹⁷ Nba, Iburama ka mansa Kedorilameri ni a mansa jøɔnilu kəle ka se alu la, ka ban ka i koseyi. A koseyito, Sədəmu mansa wara a kunben Sawe kənegbə rø, məɔilu ye a fəla men ma ko mansa la kənegbə.

¹⁸ Saləmu so mansa Melikisedeki nara Iburama kunben ka sə buru ni resenji a rø. Alla Kərətaniba sarakalasela le wo ri. ¹⁹ A duwara Iburama yε ko: «Alla ye jumaya kε Iburama yε, Alla Kərətaniba, men ka san dan ka duu dan. ²⁰ An ye Alla Kərətaniba tando, men ka i juuiliu di i ma.» Iburama ka mənilu sərən kəle rø, a ka wo bëe ja bə ka a di Melikisedeki ma.

²¹ Sədəmu mansa ka a fə Iburama yε ko: «N na məɔilu laseyi n ma. Kəni i ka nanfulu men mira, i ye wo ta.» ²² Iburama ka a jabi: «N da n bolo kərəta ka n kali Allabatala la, Alla Kərətaniba, men ka san dan ka duu dan. ²³ N da n kali wo la ko n tə i bolofen si tala, hali jisikari, wala sanbara julu. N tə a foyi ta, sa i kana a fə ko ile le ka Iburama kε nanfulutii ri. ²⁴ N tə foyi tala fo n na məɔilu ka men ke alu balo ri. Kəni mənilu wara n kəfə, Aneri wo, Esikoli wo, Mamere wo, fen mənilu sərənda kəle rø woilu ri alu nin bə wo rø.»

15

Alla ni Iburama la teriya

¹ Wo waati taminni kø rø, Iburama ka Allabatala kumakan men kibarə misaliya rø. A kan ko: «Iburama i kana silan. N di i lantanka fen bëe ma ka i sara kosebə.» ² Iburama ka a jabi: «N Tii Allabatala, den tə n bolo. I ri nfen de di n ma wo rø? Damasika men tø ko Eliyeseri, wo le kətə n na bon cətala ri.» ³ Iburama kan ko: «I ma den si di n ma. Wo rø, n na jøn, men ye n wara yan, wo le kətə n cətala ri.»

⁴ Iburama ka Allabatala kumakan men jabili rø ko: «Wo kuma tε. Cε wo te kəla i cətala ri, fo i jərə den, i kətə men sərənna. Wo le kətə i cətala.»

⁵ Allabatala ka Iburama labə kənəma ka a fə a ye ko: «Iburama, i ja lə san dø, ka lolobə jate, ni i ri se wo dan lənna.» Allabatala kan ko: «Loloilu siyaman ja men ma, i bənsən di siyaya wo ja.»

⁶ Iburahima lara Allabatala la kuma la, wo rɔ Allabatala ka a jate mɔɔ telenni ri.

⁷ Allabatala ka a fɔ a ye ko: «Nde le Allabatala ri, mɛn ka lɔ i jɔrɔ ka i labɔ Uri so kɔndɔ Kalide jamana rɔ. N ka i lana yan de, ka jamana jin di i ma ka a kε i ta ri.»

⁸ Koni Iburama ka a jabi: «N tii Allabatala, n di se a lɔnna di ko jamana jin di ke n ta ri?» ⁹ Allabatala kan ko: «Nisi muso kelen mira ka na a di n ma, a ni ba muso kelen ni saaji kelen. Wo bɛɛ ye ke san sawa sawa ri. I ye kanba kelen fanan mira, a ni sokɔndɔkanbanin kelen.»

¹⁰ Iburama nara woilu bɛɛ di a ma, ka alu faa ka kolofenilu sensen a tɛma fila ri, kɔni a ma kɔnɔilu sensen. A ka kunkurun woilu bilabila ka alu nabɛn i jɔɔn na. ¹¹ Duwailu jiira soboilu ma tuma mɛn na, Iburama ka alu gbɛn.

¹² Nba, tele be tumana, sunɔɔ ba donda Iburama ja rɔ. Ka a tɛren a ye sunɔɔ rɔ, silan juu ni dibi ba sera a ma. ¹³ Allabatala ka a fɔ a ye ko: «Iburama, i ye a lɔn ko i bɔnsɔn di ke lɔndanilu ri jamana gberɛ rɔ. Alu ri kε jɔnilu ri, ka tɔrɔ kojuuya haan san keme naanin wa dafa. ¹⁴ Koni jamana mɛn kɛtɔ alu bilala jɔnya rɔ, n di kititee jamana wo kan. Kiti wa kε, i bɔnsɔn di bɔ jamana wo rɔ nanfulu siyaman di. ¹⁵ Ile kɔnin di i la kɔrɔya diya bɔ, ka sa hɛrɛ rɔ. Alu ri i suu don. ¹⁶ I denilu bɔnsɔn naaninna ri alu kɔseyi yan, baa yan mɔɔilu, ni woilu ye Amɔrikailu le ri, alu la kojuu ma dan natamin fɔlɔ ka se alu gbɛn ma.»

¹⁷ Nba, tele bera ka dibi don tuma mɛn na, sinkɔn sisima ni kala melen taminda sobo kunkurunilu tɛma. ¹⁸ Wo lon jere rɔ, teriya donda Allabatala ni Iburama tɛma. A ka a fɔ a ye ko: «N di duu jin di i bɔnsɔn ma, ka bɔ Misiran ba ma, ka wa haan ba belebele ba ma, mɛn ye Efirati ba ri kɔnin. ¹⁹ Dinkira wo ye Kenikailu bolo, a ni Kenisikailu ni Kadimonikailu ²⁰ ni Hɛtikailu ni Feresikailu ni Refayikailu ²¹ ni Amɔrikailu ni Kanaan bɔnsɔn ni Kirikasikakailu ni Jebusikailu.»

16

Isumayila sɔrɔn ko

¹ Iburama muso Sarayi tun ma den sɔrɔn a ye. Wo tuma, Misiranka sunkurun do

terɛ Sarayi bolo jɔnya la, mɛn tɔɔ ko Hajara.

² Lon do rɔ, Sarayi ka a fɔ Iburama ye ko: «N cε, Allabatala ma sɔn n ye den sɔrɔn. I ye wa i la n na jɔn sunkurun Hajara fε. Ni Alla sɔnda, a ri den sɔrɔn n ye.»

Iburama sɔnda Sarayi la kuma ma. ³ Wo rɔ, a muso Sarayi ka a la jɔn Misiranka sunkurun di a ma ka a kε a muso ri, wo ka a tɛren Iburama ra san tan ke Kanaan jamana rɔ. ⁴ Iburama wara a la Hajara fε. Hajara ka kɔnɔ ta. Hajara ka a yen tuma mɛn na ko a kɔnɔ ma le, a ma a tii Sarayi jii foyi le ri, fo ka a dooya. ⁵ Wo rɔ, Sarayi ka a fɔ Iburama ye ko: «Ko mɛn ye kɛla n na, wo bɔni ile le rɔ. N ka n na jɔn di i ma ka a kε i muso ri. Koni a ka a yen tuma mɛn na ko a kɔnɔ ma le, a ma n jii foyi le ri. Allabatala, a ye wo kititee nde ni ile tɛma!»

⁶ Iburama ka Sarayi jabi: «Ale le wo ri. I la jɔn ye i la fanka le kɔrɔ. Men wa i diya, i ye wo kε a la.» Wo rɔ, Sarayi ka Hajara tɔrɔ kojuuya, foo Hajara ka i bori a kɔrɔ ka wa.

⁷ Allabatala la melɛka ka Hajara yen kɔ do rɔ wula kɔndɔ. Kɔ wo ye Suri sila dafε.

⁸ Melɛka ka a fɔ a ye ko: «Ile, Hajara, Sarayi la jɔnmuso, i bɔni mi? I watɔ mi?» Hajara ka a jabi: «N borini n tii Sarayi le kɔrɔ.»

⁹ Allabatala la melɛka ka a fɔ a ye ko: «I kɔseyi i tii wara, ka wa i fanmajii a ye ka a kan mira.» ¹⁰ Melɛka kan ko: «N di i bɔnsɔn siyaya a ja ma, foo mɔɔ te wo jate lɔn muumɛ!» ¹¹ Habadan Mansala la melɛka ka a fɔ a ye iko tuun ko: «I ja lɔ. I kɔnɔ ma le, i ri dencɛ sɔrɔn. I ye wo tɔɔ la ko Isumayila, baa Allabatala da i la jusukasi kan namɛn.

¹² Den wo ri kε iko waa rɔ sofali, mɛn bilani a jere ma. A ti se a la yala a badenma tɛma. A ni a badenmailu te bɛn.»

¹³ Hajara kan ko: «Allabatala ja yen n na», wo rɔ a ka tɔɔ do la ko: «Alla mɛn kɔrɔtanin ja yen n na.»

¹⁴ Wo le rɔ, kɔkun mɛn ye Kadesi so ni Beredi so te, mɔɔilu ye wo kilila ko Lasayi Rɔyi.

¹⁵ Wo taminni kɔ, Hajara ka dencɛ sɔrɔn Iburama ye. Iburama ka den tɔɔ la ko Isumayila. ¹⁶ Hajara ka Isumayila sɔrɔn tuma mɛn na, Iburama sɔrɔn tun da san biseyin ni san wɔɔrɔ bɔ.

17

Alla ni Iburama la teriya təəmasere

¹ Iburama sərən ka san bikənəndə ni san kənəndə bə tuma mən na, Allabatala ka a jəre yiraka a la ka a fə a yə ko: «Nde le Alla Sebeetii ri. I ye n na sila taama ka ke məə telenni ba ri. ² Wo wa ke, n di an na teriya mafa i yə ka i bənsən siyaya kosebe.»

³ Iburama ka wo mən ka a jakərə bən duu ma. Alla kumara a yə ko: ⁴ «An ye teriya mən tala, wo le ye jin di. Jamana siyaman di bə i rə. ⁵ A tə fə i ma butun ko Iburama. I kilitə le sisən ko Iburahima, baa n di i ke jamana siyaman benba ri. ⁶ N di i jiri kosebe. I bənsən di siyaya ka ke jamanailu ri. Mansailu ri bə i bənsən də. ⁷ An na teriya wo ri tə an təma a ni i bənsənilu fanan, mənilu bəe natə i kə. Teriya wo tə banna habadan. N di ke i Maari Alla ri, a ni i bənsən ta. ⁸ I ye ləndanya la jamana mən də bi, n di jamana wo di ile ni i bənsən bəe ma. Kanaan jamana wo ri ke ile ni i bənsən ta ri habadan. N di ke i bənsən na Maari Alla ri.»

⁹⁻¹⁰ Alla ka a fə Iburahima yə ko: «I ni i bənsən bəe ye an na teriya sila taama ka n kan mira. Ai ka kan ka diyagboya ko mən ke, wo le ye jin di. Ai cə kelen kelenna bəe ye faaninta ke. ¹¹ Ai wa faaninta ke, wo ri ke an na teriya təəmasere ri nde ni aile təma. ¹² Ka bə bi ma haan ka wa, denceilu bəe ye faaninta ke alu sərən tele seyin ma. Hali jənilu. Jən fen fen wa sərən i wara, i ye a faaninta ke wo ja le ma. I wa jən fen fen san wodi la siya gbəreilu ma, wo fanan ye faaninta ke ja kelen wo ma. ¹³ Ni a sərənda i wara, ni i ka a san i la wodigbə la, a bəe ye faaninta ke. Wo le rə, n na teriya təəmasere ri ke ai fari ma, ka a yiraka ko teriya wo ri mən kadawu. ¹⁴ Ni cə mən ma faaninta ke ka wo nə ke a fari ma, wo ye fara a badenmailu la, baa n kan mən diyagboya le, a ma wo ke. Wo rə, a ra n na teriya sila bila.»

¹⁵ Nba, Alla ka a fə Iburahima yə ko: «I kana a fə i muso ma butun ko Sarayi. A tə le sisən ko Saran. ¹⁶ N di baraka don a rə. N di a ke, a ri dence sərən i yə. N di baraka don Saran na kə rə ka a ke siyailu ma ri. Mansailu ri bə a bənsən də.»

¹⁷ Iburahima ka a jakərə bən duu ma. Kəni a ka Alla la kuma mən a yəlera ka a fə

a jəre kəndo ko: «Cə mən sərən da san kəmə bə, wo kətə den sərənna di? Saran fanan da san bikənəndə sərən. Wo ri se moyila den na wa?» ¹⁸ A ka Alla madiya ko: «I jaandi. I ye baraka don Isumayila la ko rə, ka i janto a rə.»

¹⁹ Alla ka a jabi: «Wo kuma tə, kəni i muso Saran di dence sərən i yə. I ri a tə la ko Isiyaka. Teriya ri don n ni Isiyaka təma, a ni a bənsən mənilu natə a kə. Teriya wo ri mən kadawu. ²⁰ Mən ləni Isumayila la ko ma, i ka mən dali n fə, n di wo ke. N di baraka don a la ko rə ka den siyaman di a ma, ka a bənsən siyaya kosebe. A ri faama tan ni fila sərən. N di jamana ba do bə a rə. ²¹ Kəni n na teriya ri tə n ni Saran dence Isiyaka le təma, mən Saran di sərən i yə jin tuma sandə.» ²² Alla banda kumala Iburahima yə tumana mən na, a bəra Iburahima fə.

²³ Wo lon kelen də, Iburahima ka Isumayi la faaninta ke, ka a la jən bəe fanan faaninta ke, mənilu sərənni a wara a ni mənilu sanni a bolo. Cəman kelen kelenna mən bəe təre a wara, Iburahima ka wo bəe faaninta ke ikomin Alla ka a fə a yə ja mən ma. ²⁴ Iburahima jəre ka faaninta ke ka a təren a sərən da san bikənəndə ni san kənəndə bə. ²⁵ A dence Isumayila ka faaninta ke ka a təren a sərən da san tan ni sawa bə. ²⁶ Wo lon kelen də, Iburahima ni a dence Isumayila fila bəe ka faaninta ke, ²⁷ a ni cəman mənilu bəe təre Iburahima wara. Jən mənilu sərənni a wara, a ni mənilu sanni a bolo siya gbəreilu ma, woilu bəe ka faaninta ke a fə.

18

Isiyaka sərən ko

¹ Lon do rə, Allabatala ka a jəre yiraka Iburahima la Mamere la jirijuilu kərə. Wo ka Iburahima siini təre a la faaninbon da la tele kunna rə. ² Iburahima ka a ja lə ka cə sawa ləni yen. Alu tun ma jan a la. A ka alu yen tuma mən na, a borimantə bəra a la faaninbon da la ka wa alu labən, ka a majii bakə ka alu fo. ³ A ka a fə alu yə ko: «N tiilu, ai jaandi, ai kana tamin n wara ten.

⁴ Ko ji ye na ka ai sen mako, ka ban ka ai nəjən lulen na. ⁵ N ye wa damunun fen niinin a ye damunun ke. Baa, ai ra na ai la baraden wara. Ai ti se bəla yan wo ja a ma damunun ke. A wa banda damununna a

ri sila mira ka wa.» Alu ka Iburahima jabi: «Ale le wo ri, wo te baasi ri.»

⁶ Iburahima borimanto donda a la faan-inbon na ka a fo Saran ye ko: «I kaliya ka fareni muu numu sumanifen ja sawa suman, ka a gbasi ka a ke buru ri.»

⁷ Iburahima ka a bori ka wa nisi ware ro, ka nisiden toloni do mira, men sobo duman. A ka wo don a la jen do bolo. Jen wo ka a kaliya ka nisiden kannatee ka a sobo tibi.

⁸ Iburahima ka nono sunoni ni nono kende ta, ka nisiden sobo tibini la woilu kan ka wa wo bee sii londan sawa koro. Alu teren ye damununna tuma men na, Iburahima ka a lo alu dafe jiri koro.

⁹ Alu ka Iburahima manininka ko: «I muso Saran ye mi?» A kan ko: «A ye faaninbon na.»

¹⁰ Kelen kan ko: «N di na bo i fe jin tuma sanda. Wo ri a teren i muso Saran da dence soron.»

Saran siini teren londance wo kofe faanin-bon da la, ka a tolo malo a la. ¹¹ Wo tuma, Iburahima ni Saran da koro kosebe. Den soron waati ra tamin Saran kan. ¹² Saran ka kuma wo men tuma men na, a yelera a jere ma, ka a fo ko: «Nde koroni ba le. N ce fanan da cemoya kosebe. N di se den soronna wo ro, ka sewa wo ro wa?»

¹³ Wo ro, Allabatala ka a fo Iburahima ye ko: «Nfenna Saran ye yelela ka sika a den soron ko ro a koreya waati? ¹⁴ Allabatala se kajala fen su numan de kela? Nin tuma sanda, n di na bo i fe yan. Wo ri a teren i la muso Saran da dence soron.»

¹⁵ Saran silanda ka wuya fo ko: «Nde ma yele de!» Koni Allabatala kan ko: «I yelera le jo!»

Iburahima ka Alla tara Sodemukailu ye

¹⁶ Nba, londan woilu wuli men keni ka wa, Iburahima wara alu bilasila. Alu sera tindi do kan ka alu ja lo Sodemu so fan fe lala. ¹⁷ Allabatala ka a fo a jere ma ko: «N ketu men kela, n di wo dokon Iburahima ma wa? ¹⁸ Baa a ri ke jamatii ba ri, fanka ye men na. Iburahima ri ke sababu ri, siya bee ri baraka soron n bolo. ¹⁹ N da a jenematmorn, kosa a ri a denilu ni a bonsor bee jamari ko alu ye n na sila taama telenbaya ro. Ni alu ka wo ke, n di n na teriya mafa, n ka men ta Iburahima ye.»

²⁰ Nba, Allabatala ka a fo Iburahima ye ko: «Sodemukailu ni Komerkailu jalakili kan da siyaya. Alu la ko haramunnin a ra wara kosebe. ²¹ Wo ro, n watu alu ragbela, sa n di a lon ni alu ra kojuu ke ikomin a fora n jana ja men ma.»

²² Ce woilu bora Iburahima terofe ka wa Sodemu fan fe. Koni Iburahima loni tora Allabatala nakoro. ²³ A ka a madon a la ka a fo a ye ko: «Allabatala, i ri jahadi la moa telenilu ni moa telenbalilu bee jooan kan wa? ²⁴ Ni i ka moa telenni biloolu teren so kondye, i rijahadi la so kond moailu bee kan wa? I ti se so kond moailu tola ye moa telenni biloolu woilu la ko koson wa? ²⁵ Ka moa telenilu faa moa telenbalilu fe, i te ko su wo kela fewu. I te sonna ka moa teleni ni moa telenbalilu jate kelen di ka jahadi la alu bee kan. I te ko su wo kela fewu! Ile le dununa bee kititeela ri, men ye kojuu ni konuma faranfaasila.»

²⁶ Allabatala ka Iburahima jabi: «Ni n ka moa telenni biloolu teren Sodemu, n di so kond moa bee to ye moa numu biloolu woilu la ko koson.»

²⁷ Iburahima ka a fo a ye ik tuun ko: «Maari, i ye dije. N te foyi ri fo banku, koni n ye n dajala ka kuma i ye. ²⁸ Ni i ka a teren moa telenni te moa biloolu bo don? Ni moa loolu doren ka moa biloolu jan, i ri jahadi la so bee kan moa loolu woilu la ko koson wa?» Allabatala ka a jabi: «Ni n ka moa telenni binaanin ni loolu teren so kond, n te jahadi la so kan.» ²⁹ Iburahima kumara a ye ik ko: «Ni moa telenni matmin moa binaanin kan don?» Allabatala kan ko: «Mo binaanin woilu la ko koson, n te jahadi la so kan.» ³⁰ Iburahima kan ko:

«Maari, i jaandi, i kana diminya n ma, koni n ye kumala ik. Ni i ka moa telenni bisawa doren teren so kond don?» Allabatala kan ko: «Ni n ka moa telenni bisawa teren ye, n te jahadi la so kan.» ³¹ Iburahima kan ko: «Maari, ye n dije. N ye n dajala ka kuma i ye ik. Ni i ka a teren ko moa telenni te tamin moa muwan kan don?» Allabatala ka a jabi: «N te jahadi la so kan moa muwan woilu la ko koson.» ³² Iburahima kan ko: «Maari, i kana diminya n ma. N na kuma dan de jin di. Ni moa telenni muum kera mo tan di don?» Allabatala kan ko: «N te jahadi la so kan moa tan woilu la ko koson.»

³³ Allabatala banni kumala Iburahima fe, a wara. Iburahima ka i koseyi ka wa a wara.

19

Sədəmu ni Kəməri soilu Jahadi ja

¹ Nba, məleka fila wo sera Sədəmu wura fe. Luti tere siini so donda la. A ka alu yen tuma mən na, a wulira ka wa alu labən ka majii bake ka alu tuwa. ² A kan ko: «N tiilu, ai jaandi, ai ye dijə ka na jiya n wara. Ai ye ai sen mako ka sii yan. Səoma jona, n di sila di ai ma, sa ai ri wa ai la taama rə.» Məlekailu ka Luti jabi: «ɛɛn. An di sii kənəma yan.» ³ Kəni Luti kumara alu yə ka a magbəleya, foo alu sənda ka wa jiya a wara. A la məɔilu ka buru fununbali ni damunun ba rabən. Luti ka wo bəe sii a la ləndanilu kərə. Alu ka damunun ke.

⁴ Ka a təren alu ma i la fələ, Sədəmukailu bəra fan bəe rə ka na bon naminin. Kamarenilu wo, məɔbakərəilu wo, alu bəe nara. ⁵ Alu ka alu kan nabə Luti ma ko: «Cə mən nani i wara yan su jin də, alu ye mi? I ye alu lana an ma. An ye a fe ka an la alu fe.»

⁶ Luti bəra bon na, ka bon da tuun ləndanilu ma. ⁷ A ka fə: «N badenmailu. Ai jaandi, ai kana kojuu jin kə. ⁸ N denmuso fila ye yan, wo si ma cə lən fələ. N di woilu lana ai ma ka alu di ai ma. Fen fen wa diya ai yə, ai ye wo kə alu la. Kəni ai kana foyi kə cə jinilu la, baa alu nani ləndanya le la n wara.»

⁹ So kəndə məɔilu ka a fə i jəɔn yə ko: «Cə jin tə foyi le ri fo ləndan, kəni sisən a ye a fe ka kə an na kuntii ri.» Alu ka a fə Luti yə ko: «I bə sila la an təma. Ni i ma i bə an yərə, an di mən kə i la, wo ri juuya i la ləndanilu təri.» Alu ka Luti tuntun fanka la ka sudunya bon na sa alu ri da kadi ka don. ¹⁰ Kəni cə fila woilu ka da laka ka alu boloilu labə ka Luti mira. Alu ka a ladon bon na ka da səɔ tuma mən na, ¹¹ alu ka məɔilu bəe ja fuyenya bon da kərə. Fen fen tere don ko rə bon na, woilu bəe ja fuyenyara, kanberen wo, məɔbakərə wo, woilu bəe. Wo rə, alu ka bon da jinjin ka kəja.

¹² Cə fila wo ka a fə Luti yə ko: «I la məɔ doilu ye so kəndə yan wa? I ye a bəe labə so kəndə. I biran wo, i denceilu wo, i denmusoilu wo, i la məɔ bəe labə, ¹³ baa an kətə so jin bəe halakila le. Alu jalakili kan

da siyaya Allabatala jana. Wo rə, ale le ka an lə alu halakila.»

¹⁴ Nba, Luti bəra ka wa kuma a biranilu yə, menilu ka a denmusoilu mamira. A ka a fə alu yə ko: «Ai ye wuli. An ye an bori ka bə so kəndə. Allabatala kətə so halakila le!» Kəni, Luti biranilu ka a kuma jate yəlemako le ri.

¹⁵ Səoma da la, məleka woilu ka a fə Luti yə ka a magbəleya a yə ko: «I kaliya! I ye i muso ni i demuso fila ta ka wa. Ni wo tə, ai ri halaki so jahadi rə.» ¹⁶ Kəni, Luti ka a la sumaya. Wo rə, alu ka a mira a bolo ma, a ni a muso ni a denmuso fila ka wa alu ri so kəkan. Allabatala kinikinira alu ma wo ja le ma. ¹⁷ Alu bə mən kəni so kəndə, məleka kelen ka a fə alu yə ko: «Ai ye ai bori ka wa ka ai jere kisi. Ai kana ai kəfənə. Ai kana ai lə kənegbe yərə si rə. Ai ye i bori ka wa koyinke kan, sa ai kana halaki.»

¹⁸ Luti ka fə: «ɛɛ, n tii. I jaandi. ¹⁹ I ra ban ka n kisi, kəni n ti se n borila foo koyinkə kan. Sani n ye se ye, n di jahadi sərən. ²⁰ I na lə. I ma so wo yen, mən ma jan yan na. So wo ka doo. N di se wo sərənna. N tii, i jaandi. N ye n bori ka wa so misən wo la, sa n di kisi.»

²¹ Meleka kan ko: «Ale le wo ri. N da dijə wo ma. I kan so mən ma wo ri, n tə jahadi la wo kan. ²² Kəni ai ye i kaliya ka wa don ye. Ni ai ma se ye, n ti se foyi kəla.» So mən Luti ka a fə a ma ko a dooman, so wo tə lara ko Sowari.

²³ Luti donda Sowari so kəndə ka a təren tele ra yələ. ²⁴ Wo tuma, Allabatala ka ta tinbiriki lama lajii Sədəmu ni Kəməri kan ikomin sanci kise. Allabatala jere le ka wo lajii ka bə sankolo rə. ²⁵ Wo rə, Allabatala ka so woilu bəe janin, a ni kənegbe bəe. Məɔilu bəe halakira, a ni jiri ni bin bəe. ²⁶ Alu watəla, Luti muso ka kəfənə dinkira mən də, a yəlemanda ka kə kə kaba ri.

²⁷ Wo səoma da la jona, Iburahima wara kuma diya wo rə, a ni Allabatala tun kumara i jəɔn fe dinkira mən kənən. ²⁸ A ka a ja lə ka Sədəmu ni Kəməri soilu ragbə, a ni kənegbe bəe. A ka sisi wulitəla yen. Sisi bəra ikomin ta wa jiri mira furu kəndə.

²⁹ Nba, Alla ka kənegbe so bəe halaki tuma mən na, a ka a miri Iburahima ma ka Luti kisi ta la halakili ma. Ta wo ka so bəe halaki, Luti siini tere dinkira mən də.

Luti ni a denmuso fila la ko

³⁰ Luti ma sɔn ka to Sowari ka a masɔrn a silanni. Wo rɔ, a ka a denmuso fila ta ka wa alu ri koyinke kan. Alu ka alu sii falan na ye. ³¹ Lon do rɔ a denmuso kɔrɔmamɔɔ ka a fɔ a doomuso ye ko: «An fa ra kɔrɔya. Cε fanan tε yan, mɛn di an furu, ikomin a ye kela dunuja fan bεe rɔ ja mɛn ma. ³² An ye dɔlɔ di an fa ma. A wa a min ka a ja laminin, an di an la a fε, sa an di den sɔrɔn, sa an fa bɔnsɔn kana tunun dunuja ma.» ³³ Alu ka dɔlɔ di alu fa ma su wo rɔ. A ka a min foo ka a ja laminin. A denmuso kɔrɔmamɔɔ wara a la a fε. Luti ma a la tumana lɔn. A ma a wuli tumana fanan lɔn.

³⁴ Wo sɔɔma da la, Luti denmuso kɔrɔmamɔɔ ka a fɔ a doomuso ye ko: «Su rɔ, n ka n la n fa fε. Su ba ko, an ye dɔlɔ di a ma iko. A wa a min ka a ja laminin, ile ri wa i la a fε, sa an fa bɔnsɔn kana tunun dunuja ma.» ³⁵ Alu ka dɔlɔ di alu fa ma su wo rɔ iko. A ka a min foo ka a ja laminin. A denmuso doomamɔɔ wara a la a fε. Luti ma a la tumana lɔn. A ma a wuli tumana fanan lɔn.

³⁶ Nba, Luti denmuso fila bεe ka kɔnta Luti fe ja wo le ma. ³⁷ A denmuso kɔrɔmamɔɔ ka dence sɔrɔn ka a tɔɔ la ko Mowabu. Mowabu bɔnsɔn mɛn ye ye bi, wo benba le wo ri. ³⁸ A doomuso fanan ka dence sɔrɔn, ka a tɔɔ la ko Benami. Amoni bɔnsɔn mɛn ye ye bi, wo benba le wo ri.

20

Ko mɛn taminda Iburahima ni Abimeleki tema

¹ Nba, Iburahima bɔra Mamere ka wa Nekεbi, ka taa i sii Kadesi a ni Suri so fila tema. Ka a teren a ye Kerari, ² Iburahima ka a fɔ ye mɔɔilu ye Saran na ko rɔ ko: «N doomuso le.» Wo le rɔ, Kerari mansa Abimeleki ka a la mɔɔilu lɔ Saran mirala kosa a ri a ke a la muso ri. ³ Kɔni su do rɔ, Alla ka a jεre yiraka Abimeleki la sibo rɔ, ka a fɔ a ye ko: «Abimeleki i ja lɔ. A te mɛn i ri faa dε, baa i nɔ muso mɛn mirala jin di, a furunin de.»

⁴ Wo ka a teren, Abimeleki tun ma a la Saran fe fɔlɔ. Wo rɔ, a ka Alla jabi: «Faama, i ri se n na jamana halakila hali an ma kojuu ke wa? ⁵ A cε le ma a fɔ n yε ko a doomuso le jin di wa? Muso fanan ma a fɔ ko ale kɔrɔcε

le wa? N kɔnin ka ko jin ke jusu gbεya le la. N ma kojuu ke.»

⁶ Alla ka Abimeleki jabi sibo kelen wo rɔ ko: «N ka a lɔn ko i ka ko jin ke jusu gbεya le rɔ. Wo le rɔ, nde le ka a ke, i ma i la a fε fɔlɔ ka ko haramunnin ke. ⁷ Nba, cε wo muso laseyi a ma. N na nabijnuma de a ri. A ri madiyali ke i yε sa i kana faa. Ni i ma a muso laseyi a ma, i ye la a la ko i ri faa fewu, i ni i la mɔɔ bεe!»

⁸ Sɔɔma da la jona, Abimeleki ka a la mɔɔilu kili ka ko wo bεe jafo alu yε. Alu ka wo mɛn ka silan kojuuya. ⁹ Abimeleki ka Iburahima kili ka a fɔ a yε ko: «Cε, i ka nfen ke an na jin de ten? N na kojuu su juman kela i la fo i ra kojuu jin jaɔn nase nde ni n na jamana mɔɔilu ma? I ra mɛn kela n na jin, mɔɔ ma kan ka wo ke i mɔɔjaɔn na habadan! ¹⁰ I ka ko jin ke nfenna?»

¹¹ Iburahima ka a jabi: «N tεrε ye n mirila le ko n te mɔɔ sɔrɔn jamana jin dɔ, mɛn silanni Alla yε. N ko yan mɔɔilu ri n faa n na muso kosɔn. Wo le rɔ, n ka a fɔ i yε ko n doomuso le. ¹² Wo bεe ni a ta, n doomuso bεre bεre le a ri. An bεe ye fa kelen de la, kɔni an te na kelen na. N ka a furu ka a ke n muso ri. ¹³ Alla ka n nabɔ n fa wara tuma mɛn na n ka wa taama rɔ, n ka a fɔ Saran yε ko: «I ka kan ka jumaya mɛn ke n yε wo rɔ, wo le ye jin di. An wa wa yɔrɔ yɔrɔ, i ye a fɔ ye mɔɔilu yε ko «N kɔrɔcε le a ri.»»

¹⁴ Abimeleki ka Iburahima muso Saran naseyi a ma, ka saailu ni bailu ni nisiilu la a kan, a ni jɔnilu. ¹⁵ A ka a fɔ Iburahima yε ko: «N na jamana ragbε. A yɔrɔ mɛn wa diya i yε, i ye wa i sii yε.»

¹⁶ A ka a fɔ Saran yε ko: «A ragbε! N da wodigbe waa kelen di i kɔrɔcε ma ka a yiraka ai wara mɔɔ bεe la ko i ma kojuu ke. Mɔɔ bεe ri a lɔn ko i ra jo sɔrɔn.»

¹⁷ Iburahima ka Alla tara Abimeleki yε. Wo rɔ, Alla ka Abimeleki lakendεya, a ni a la muso ni a la jɔnmuso bεe, wo le rɔ ai ri se den sɔrɔn ikɔ tuun ¹⁸ baa Allabatala tun da densɔrɔnbaliya jankarɔ le bila Abimeleki muso bεe la Iburahima muso Saran mira kosɔn.

21

Isiyaka sɔrɔn ko

¹ Allabatala hinara Saran na ikomin a tun ka a fɔ ja mən ma. A ka lahidi mən ta a yε fɔlɔ, a ka wo mafa. ² Wo rɔ, Iburahima la cəməɔ̄baya waati rɔ, Saran ka kənɔ ta ka dence sərɔn a yε, waati mən fɔni Alla bolo kɔrɔmanna. ³ Saran ka dence mən sərɔn, Iburahima ka wo tɔ la ko Isiyaka*. ⁴ Isiyaka sərɔn tele seyin, Iburahima ka a faaninta kε, ikomin Alla ka a jamari a yε ja mən ma fɔlɔ. ⁵ Isiyaka sərɔnda ka a teren Iburahima sərɔn da san kəmə bɔ. ⁶ Saran kan ko: «Ε! Alla ra n nasewa foo n da jalen ka yεlε bake. Ko jin ba fɔ mɔɔ mən yε, wo fanan di sewa ka yεlε n fε.» ⁷ Saran kumara ikɔ ko: «Yon tun di a fɔ Iburahima yε ko Saran di sin di den ma wa? Kəni n da dence sərɔn a yε, ka a teren a ra cəməɔ̄ya kosebe.»

Hajara ni a den gbenda

⁸ Nba, den bonyara. Ie ka a da bɔ sin na lon mən dɔ, Iburahima ka tolon ba kε. ⁹ Misiranka muso Hajara ka dence mən sərɔn Iburahima yε, wo tere ye Isiyaka mayelēla. Saran ka wo yen ¹⁰ ka a fɔ Iburahima yε ko: «I ye jənmuso wo ni a dence gbən. N dence Isiyaka le dɔrɔn di kε i cətala ri. A dence te kε i cətala ri fewu!»

¹¹ Saran na kuma wo gbara Iburahima la kosebe, ka a masərɔn Isumayila fanan ye a den de ri. ¹² Kəni Alla ka a fɔ a yε ko: «Iburahima, wo kana gba i la i dence ni i la jənmuso la ko. Saran ba fen fen jinin i fε, i ye wo kε a yε, baa n ka bənsən mən lahidi ta i yε, bənsən wo bətə Isiyaka le rɔ. ¹³ Kəni n di i la jənmuso dence bənsən fanan siyaya ka a kε jamattii ri ka a masərɔn a bɔra ile le rɔ.»

¹⁴ Wo duu sa gbəni, Iburahima ka buruta ka a di Hajara ma, ka ji kε jikεfen gbololama kəndɔ ka wo fanan di a ma. A ka a den di a ma ko alu ye wa. Hajara bɔra Iburahima wara wo rɔ ka wa a mataama wula kəndɔ, Béri Seba so kɔkan. ¹⁵ Alu ka alu mataama wula kəndɔ haan ji banda jikεfen kəndɔ. Ji banda tuma mən na, Hajara ka a den to jirinin do lulen na. ¹⁶ A ka a mabɔ a den na ko bijε səməndiya ko kelen jatela ka a sii, baa a ka a miri ko a tε a fε ka a den faatɔla yen. A ka a sii ye ka kasi kojuuya. ¹⁷ Kəni Alla ka den kasi kan mən. Wo rɔ, Alla la məleka ka a kan nabɔ Hajara ma ka

bɔ sankolo rɔ. A kan ko: «Hajara, nfen kəni? I kana silan. Alla ra i den kasi kan mən. ¹⁸ I wuli ka wa den bolo mira. N di a bənsən siyaya ka a kε jamana ba ri.»

¹⁹ Alla ka Hajara ja laka. A ka kɔlɔn do yen. A wara jikεfen nafa ji rɔ ka na a di den ma. Den ka ji min. ²⁰ Alla tora den fε. A kumbayara, ka a sii wula kəndɔ ka a kε bijεfilila ri. ²¹ A siini tere Paran wula kəndɔ. A na ka Misiranka muso do furu ka wo di a ma.

Iburahima ni Abimeleki la teriya

²² Nba, lon do rɔ Abimeleki ka a la kəleden kuntii Pikɔli ta ka wa Iburahima wara. A ka a fɔ Iburahima yε ko: «Alla ye i fε i la ko bεε rɔ. ²³ Wo rɔ, n ye a fε i ye i kali Alla la yan bi, ko nde ni n denilu, a ni n mamarenilu, ko i tε an si janfa. I ye ləndan de ri n na jamana rɔ yan. N ka jnumaya mən kε i yε wo rɔ, n da wo kε. Wo ja kelen ma, i ka kan ka jnumaya wo kε n yε, i ye wo kε. I ye an na jamana mən dɔ bi, i ka kan ka jnumaya mən kε wo la mɔɔilu yε, i ye wo fanan kε.» ²⁴ Iburahima kan ko: «Ale le wo ri, n da n kali wo la.» ²⁵ Kəni Iburahima ka Abimeleki jalaki kɔlɔn do la ko rɔ, baa Abimeleki la jənilu tun da wo mira fanka la. ²⁶ Abimeleki ka Iburahima jabi: «N ma a lən n na jən mən ka kɔlɔn mira. Ile ma foyi fɔ n yε. N ma a lən fo bi.»

²⁷ Iburahima ka a la saa doilu bɔ, a ni a la bailu a ni a la nisilu bɔ ka a di Abimeleki ma, alu la teriya rɔ. ²⁸ Iburahima ka saadeni musoman wɔrɔnwula gbərε fanan bɔ a la saa kuru rɔ. ²⁹ Abimeleki ka a majininka ko: «I ka saaden musoman wɔrɔnwula jin bɔ nfenna ko rɔ?» ³⁰ Iburahima kan ko: «Saadeni wɔrɔnwula jin mira. Alu ye kε an sere ri ka a yiraka ko nde le ka kɔlɔn jin sen.» ³¹ Wo le rɔ, alu ka dinkira wo tɔ la ko Béri Seba†, baa Iburahima ni Abimeleki ka alu kali alu jəɔn yε dinkira wo le rɔ.

³² Alu ka alu kali alu jəɔn yε tuma mən na, Abimeleki ni a la kəleden kuntii Pikɔli ka alu koseyi alu wara Filisiti jamana rɔ.

³³ Iburahima ka tamarisi ju turu Béri Seba ka Allabatala bato, Maari mən tε banna kənин.

* ^{21:3} Isiyaka kɔrɔ ye le ko a ye yεlεla † ^{21:31} Béri Seba kɔrɔ ye le ko Teriya Kolən

³⁴ Iburahima menda Filisiti jamana wo rø ka waati jan ke ye.

22

Alla ka Iburahima kɔrɔbɔ a dencε la ko rɔ

¹ Nba, waati wo taminni kɔ rɔ, Alla ka Iburahima kɔrɔbɔ. A ka a kili ko: «Iburahima.» Iburahima kan ko: «Naamun.» ² Alla kan ko: «I ye Isiyaka ta, i dencε kelen pe, mɛn duman i yε. I ye wa a ri Morija mara rɔ. N di koyinkε do yiraka i la ye. I ye wa koyinkε wo kan ka Isiyaka ke saraka ri ka n sɔ a la ye. I ye a faa ka a janin ka a ke buuri ri.»

³ Wo Duusa gbɛni, Iburahima wulira jona ka lɔɔ tεe Alla sɔlifen janin kanma ka a la fali raben. A ka a la jɔnce fila kili, a ni a dencε Isiyaka. Alu bεε ka sila mira ka wa. Alla ka dinkira mɛn ko fɔ a yε, alu wara ye.

⁴ Alu ka tele sawa ke taaman na. Iburahima ka a ja lɔ wula jan na ka dinkira wo yen.

⁵ Iburahima ka a fɔ a la jɔnilu yε ko: «N ni n dencε watɔ koyike wo kan ka Alla bato. Ai ye an makɔnɔ fali dafε yan. An natɔ.»

⁶ Iburahima ka Alla sɔlifen janin lɔɔ sii a dencε Isiyaka kun ma, ka a la muru ta, a ni takise. Alu fila wara alu jɔɔn fε. ⁷ Isiyaka ka a fɔ a fa yε ko: «N fa.» Iburahima kan ko: «Naamun.» Isiyaka kan ko: «Takise ye an bolo, lɔɔ fanan ye an bolo. Saadennin ye mi, an ye mɛn kela saraka ri ka a di Alla ma?» ⁸ Iburahima ka a jabi: «N den, Alla ri an mako ja ka saadenin ko janabɔ.» Alu fila tora wa la i jɔɔn fε.

⁹ Dinkira mɛn ko fɔni a yε Alla bolo, alu sera ye. Iburahima ka saraka bɔ diya lɔ ka lɔɔ la wo kan. Wo keni, a ka a dencε Isiyaka sidi ka a lala saraka bɔ diya kan lɔɔ kun na. ¹⁰ A ka a la muru ta ko a ye a dencε kannateela.

¹¹ Kɔni Allabatala la mɛleka tora sankolo rɔ ka a kan nabɔ Iburahima ma ko: «Iburahima, Iburahima!» Iburahima kan ko: «Naamun.» ¹² Mɛleka kan ko: «I kana i bolo lase i den ma de! I kana foyi ke a la. N da a lɔn sisen ko i silanni Alla yε, ka a masɔrɔn i ma i ban ka i dencε kelen pe di Alla ma.»

¹³ Iburahima ka a ja lɔ ka saaji do yen. A mirani a kere ma tunin do rɔ. Iburahima wara saaji wo mira ka a ke saraka ri Allabatala sɔ kanma a dencε nɔ rɔ. A ka a faa ka a janin ka a ke buuri ri. ¹⁴ Iburahima

ka dinkira wo tɔɔ la ko: «Allabatala di mɔɔ mako ja.» Wo le rɔ, mɔɔilu ye a fɔla bi ko: «Allabatala di mɔɔ mako ja a la koyinkε kan.»

¹⁵ Allabatala la mɛleka tora sankolo rɔ ka Iburahima kili a sijna filana rɔ, ¹⁶ ka a fɔ a yε ko: «Allabatala kan ko: I ma i ban i dencε kelen pe faala ka a ke saraka ri ka a di n ma. Ikomin i ra wo ke, n da n kali n jere tɔɔ la, ko ¹⁷ i ri baraka. N di i bɔnsɔn siyaya iko lolo ye sankolo rɔ ja mɛn ma, wala kɔɔji da la kijε siyaman yε ja mɛn dɔ. I bɔnsɔn di se alu juuili la, foo ka woilu la soilu mira alu la. ¹⁸ Wo ri ke sababu ri, siya bεε ri baraka sɔrɔn n bolo i bɔnsɔn fε, baa i ra n kan mira ka a ke.»

¹⁹ Nba, Iburahima ni a dencε ka alu kɔseyi ka wa a la jɔnilu tεren ye. Alu bεε ka sila mira ka wa Béri Seba. Iburahima ka a sii ye le ka mɛn.

²⁰ Waati wo taminni, a fɔra Iburahima yε ko a badenma cε Nakɔri muso Milika fanan da dencεilu sɔrɔn. ²¹ A dencε fɔlɔma tɔɔ ko Usi. A dencε filana tɔɔ ko Busi. A dencε sawana tɔɔ ko Kemuheli. Kemuheli wo ye Aramu fa le ri. ²² Milika dencε naaninna tɔɔ ko Kesedi, ka Haso tuun wo la, ka Pilidasi tuun wo la, ka Yidilafe tuun wo la, ka ban ka Betuweli tuun wo la. ²³ Betuweli wo le denmuso le Rebeka ri. Milika ka dencε seyin wo le sɔrɔn Iburahima badenma cε Nakɔri yε. ²⁴ Nakɔri muso filana, mɛn tɔɔ ko Rehuma, wo fanan ka dencεilu sɔrɔn a yε. Wo dencεilu tɔɔ le ten: Tebaki, Kahamu, Tahasi a ni Mahaka.

23

Saran na saya

¹ Saran ka san kɛmɛ ni san muwan ni wɔrɔnwula bɔ tuma mɛn na, ² a sara Kanaan jamana Kiriyati Ariba so kɔndɔ, mɛn tɔɔ bi ko Heburɔn. Iburahima ka a sii Saran suu kun na a ka kasi.

³ Iburahima bɔra a muso Saran suu dafε, ka wa kuma Hɛtika yε, ⁴ a kan ko: «Nde ye lɔndan de ri ai wara yan. Ai ye dinkira do san n ma, sa n di a ke kaburu so ri ka n muso suu don ye.»

⁵ Hɛtika ka Iburahima jabi: ⁶ «An fa, i tolo malɔ an kan na. Ile ye Alla la faamaden de ri an tɛma yan. An na kaburu so dinkira mɛn ba diya i yε, i ye i la suu don ye. An

si te an ban wo ma ka an na duu di i ma. I ye i muso suu don.»

⁷ Iburahima ka a wuli ka a majii Hetikailu jana. ⁸ A ka a fo alu ye ko: «Nba, ni ai sonda n ye n muso sutura, aijandi, ai ye Sokari dence Efuron madiya n ye. ⁹ Falan men ye a bolo Makipela, a la senne kongko fe kongin, a ye wo san n ma. A sanko wa ke wodi men di, n di wo di a ma ai nakoro yan, sa dinkira wo ri ke n na kaburu so ri.»

¹⁰ Wo ka a teren Efuron jere siini Hetika tema so donda la ye, baa ale fanan tere Hetika de ri. A ka Iburahima jabi jama bee jana ko, ¹¹ «An fa, i tolo malo n kan na. N di senne ni falan bee di i ma ka a la a joon kan. N ye a bee dila i ma ka n badenmailu ke a sere ri. Wa, i muso suu don.» ¹² Iburahima ka a majii so kondo moe bee jana. ¹³ A ka a fo Efuron ye wo bee nakoro ko: «I jaandi, i tolo malo n na. N di senne jin sanko di i ma. I ye a mira, sa n di wa n muso suu don ye.» ¹⁴ Efuron ka a fo Iburahima ye ko: ¹⁵ «N na faama, i tolo malo n na. Senne jin sanko te tamin wodigbe kilo naanin a ni tala la. Wo ri nfen ja nde ni ile tema? Wa i muso suu don.»

¹⁶ Efuron ka senne sanko men fo, Iburahima sonda wo ma. A ka wodigbe wo suman Hetika bee jana ka a di Efuron ma, wodigbe kilo naanin a ni tala la, ka ben julailu la sumanni ja ma.

¹⁷ Wo ro, Iburahima ka Efuron na senne san a ma, senne men tere Makipela, Mamere fan fe. Senne wo ni a falan ni a jiri bee haan ka wa se senne dan na, ¹⁸ wo bee kera Iburahima ta ri. Hetika men bee siini tere laden do so donda la ye, woilu kera alu sere ri.

¹⁹ Iburahima bora ye ka a wa a muso Saran suu don falan na Makipela, Mamere fan fe Kanaan jamana. Mamere wo too le fanan ko Heburon. ²⁰ Wo le koson, senne wo ni a falan bee kera Iburahima ta ri, ka a ke a la kaburu so ri. A ka wo san Hetika de ma.

24

Isiyaka ka Rebeka furu

¹ Nba, Iburahima koreyara kosebe, Allabatala tun ka baraka don a la ko bee ro. ² Lon do ro, a ka a demenba kili, men ye a la nanfulu kunnasiila ri, a ka a fo a ye ko: «I bolo la n woro kore ka lahidi ta n ye ka i

kali. ³ An siini Kanaan bonsan de tema yan, koni n ye a fe i ye i kali Allabatala too ro, men ye sankolo ni duukolo tii ri, ko i te Kanaan bonsan denmuso si furu ka a di n dence ma. ⁴ I ye i kali ko i ri wa n fa jamana ro, ka wa denmuso do furu n dence Isiyaka ye n badenmailu wara.»

⁵ Demenba wo kan ko: «Ni denmuso ma son ka na nde kofe yan don? Nyewa idence ri i fa jamana ro wa?»

⁶ Iburahima kan ko: «Een de! I kana wa n dence ri ye fewu! ⁷ Allabatala Alla, men ye sankolo tii ri, wo ka n nabu n fa so la, ka n nabu n soron jamana ro. A kumara ka a kali n ye ko a ri jamana jin di n bonsan ma. Ale le jere ketu a la meluka bilala i ne ka wa n fa jamana ro, sa i ri muso do soron n dence ye ye. ⁸ Ni muso ma son ka na i kofe, wo kalili kunko ri bo i ma, koni i kana wa n dence ri de!» ⁹ A demenba ka a bolo la a tii Iburahima woro kore ka a kali ko a ri wo bee ke.

¹⁰ Wo ro, Iburahima la demenba ka joomtan ta a tii la joomelilu ro ka wa Nakori la so la, Aramu Naharayimu mara ro. A tii la fen juma ba doilu wara a kun ma. ¹¹ A semen keni ye, a ka joomelilu lala kolon da la so kukan. A donda wura da le fe, musoilu ye wala ji ta diya kolon da la waati men do.

¹² A ka Alla tara ko: «Allabatala, n tii Iburahima Maari Alla, i jaandi, i ye n na sila diya n na bi. I ye numaya ke n tii Iburahima ye. ¹³ N loni kolon da la yan, so kondo sunkurunilu ri na ji ta diya yan sisen. ¹⁴ N ba a fo sunkurun men ye ko: «I la jitafen najii ka n so ji ro, n ye n min», ni wo ka n so, ka ban ka n na joomelilu fanan namin, nba sunkurun wo ye ke i la baaraden Isiyaka muso ri, i jere ka men natue a ma. Ni wo bee kera, n di a lon ko i ra numaya ke n tii ye ka a masoren i ra ke a Maari Alla ri.»

¹⁵ Sani a ye ban Alla matarala, Rebeka nara ka a teren a la jitafen ye a kaman-nakun kan. Rebeka ye Betuweli denmuso le ri. Betuweli ye Milika dence le ri. Milika ye Nakori la muso le ri, Iburahima korece kongin. ¹⁶ Sunkurun wo kene kosebe. A ma ce lon folo. A wara ji ta diya, ka a la jitafen nafa ka a koseyi. ¹⁷ Iburahima demenba ka i bori ka wa a laben, ka a fo a ye ko: «N na, i jaandi, i ye n so ji ro, n ye n min.»

¹⁸ Sunkurun ka a kaliya ka a la jitafen majii, ka cε wo jabi: «N fa, i min.» A ka a la jitafen mira a bolo la ka cε sō ji rɔ. ¹⁹ A banni ji minna, sunkurun kan ko: «I lɔ, n di wa ji ta ka i la jøømeilu fanan sō ji rɔ. A bεε ye alu min ka wasa.» ²⁰ A ka i kaliya ka a la jitafen najii ka ji ke kolofen na jiminfen kɔndɔ ka i bori ka wa ji ta ikɔ. A tora ji tala ka na haan jøømeilu bεε banda alu minna. ²¹ A tere ye baara wo kan tuma mén na, cε wo ka a lɔ ka a mafene. A ma foyi fɔ. A ka sunkurun kɔrɔsi ka a lɔn ni Allabatala da a la sila diyala.

²² Nøømø bεε banda ji minna tuma mén na, cε ka nundølafen sanin do labɔ, mén sumannin di karamun loolu bɔ. A ka bololafen sanin fila fanan nabɔ, mén sumannin di karamun kεmε a ni karamun tan ni loolu bɔ. ²³ A ka sunkurun majininka ko: «Hakε to, yon denmuso ye ile ri? I fa ri sɔn ka nde ni n taamajøønilu jiya a wara wa?» ²⁴ Rebeka ka a jabi: «Nakɔri ni Milika dence Betuweli, wo denmuso le nde ri. ²⁵ Ai ri jiya diya sɔrɔn an wara. Bin ni fira siyaman ye an bolo fanan ka a di i la jøømeilu ma.»

²⁶ Cε ka wo mén ka a tin birin ka Allabatala bato. ²⁷ A kan ko: «N di Allabatala tando, n tii Iburahima Maari Alla, a ma ban a la kaninteya ma. Allabatala le ka a lɔ n jørɔ ka n na n di n tii Iburahima badenmailu ma yan.»

²⁸ Sunkurun ka a bori ka wa a bεε jafo maoilu ye a na wara. ²⁹ Wo ka Rebeka kɔrɔce do tereñ ye, mén tɔɔ ko Laban. Wo ka wo bεε mén tuma mén na, a bɔra ka a bori ka wa cε wo kɔ kɔlɔn da la, ³⁰ baa Laban tun ka nundølafen ni bololafen yen a doomuso bolo la. Rebeka ka a danteeли mén kε, Laban tolo tere ye wo bεε la. A sera kɔlɔn da la, ka cε lɔni tereñ a la jøømeilu dafe. ³¹ Laban ka a fɔ a ye ko: «N fa, ile, Allabatala ka baraka don ile mén na kɔ rɔ, nfenna i lɔni kɔkan yan? An ye wa lu ma. N da dinkira raben i ye, ka dinkira fanan daben i la jøømeilu ye.»

³² Wo rɔ, cε wara Laban kɔ fe lu ma. Alu sisén ye, Laban ka jøømeilu la donin bεε lajii, ka bin ni fira di alu ma. A nara ji di cε ni a taamajøønilu ma. Alu ka alu sen mako. ³³ A ka damunun sii alu kɔrɔ. Kɔni cε kan ko: «N te damunun kɛla fɔlɔ, fo n ye danteeли ke fɔlɔ.» Laban ka a jabi: «Ale le wo ri. I ye danteeли fɔlɔ kε.»

³⁴ Ce kan ko: «N ye Iburahima demenba le ri. ³⁵ Allabatala ka baraka don n tii la wo rɔ kosebε ka a kε nanfulutii ri. A ra saa ni ba ni nisiilu di a ma, a ni wodigbε ni sanin, a ni jønilu, a ni jøømeilu ni faliilu. ³⁶ N tii Iburahima muso Saran ka dence sɔrɔn a yε a la musokɔrɔbaya waati rɔ. N tii ra a bolofen bεε di a dence wo le ma. ³⁷ Nba, lon do rɔ, n tii ka a fɔ n ye ko n ye n kali a ye ko a siini Kanaan bɔnsɔn wara mén dɔ jønin, ko n kana sɔn ka wo denmuso si furu a dence yε. ³⁸ Ko n ye wa a fa jamana rɔ ka muso jønin a dence yε a badenmailu wara. ³⁹ N ka a majininka ko ni denmuso ma a sɔn ka na n kɔ fe don? ⁴⁰ A ka n jabi a ye taamala ka ben Allabatala mén kan ma, wo jεre ri a la meleka bila n jøne ka n na sila diya n na, kosa n di muso furu a dence yε a badenmailu wara a fa jamana rɔ. ⁴¹ N tii kan ko n ba se a fa la jamana rɔ, ko ni a badenmailu ka i ban muso dila n ma, ko n na kalili kunko ri bɔ n ma wo rɔ. Ko kalili kunko wo te bɔ n ma ja gbere si ma fo wo ba kε.

⁴² «Nba, n se mén kεni kɔlɔn da la bi, n ka Alla matara ko: «Allabatala, n tii Iburahima Maari Alla, i jaandi, i ye n na sila diya n na. ⁴³ N lɔni kɔlɔn da la yan. Sunkurun mén ba na ji ta diya yan, ni n ka a fɔ wo ye ko: «Na, i ye i la jitafen najii ka n sɔ ji rɔ,» ⁴⁴ ni a ka n jabi: «Do min, n ye wa do fanan ta ka na a di i la jøømeilu ma,» nba sunkurun wo ye kε n tii la dence la muso ri, Allabatala jεre ka mén natεε a ma.» ⁴⁵ Nba, sani n ye ban madiyali kɛla n kɔndɔ, n ka Rebeka natɔla yen. A la jitafen ye a kamannakun kan. A wara jitafen wo lafa. N ka a fɔ a ye ko: «N na, n sɔ ji rɔ.» ⁴⁶ A ka a kaliya ka jitafen majii a kamannakun na ka a fɔ ko: «I min. N di i la jøømeilu fanan sɔ ji rɔ.» Wo rɔ, n ka n min. N banni n minna, a ka n na jøømeilu fanan sɔ ji rɔ. ⁴⁷ N ka a majininka ko: «Yon denmuso ye ile ri?» A kan ko: «Nakɔri ni Milika dence Betuweli denmuso le nde ri.» N ka nundølafen don a nun dɔ, ka a bololafen bila a bolo la. ⁴⁸ N ka n tin birin ka Allabatala bato, n tii Iburahima Maari Alla kɔnин. N ka wo tando ka a masɔrɔn a ka a lɔ n jørɔ ka na n di n tii Iburahima badenmailu wara, ka alu denmuso sɔrɔn n tii dence yε. ⁴⁹ Nba, ni alu ye a fε ka kaninteya yirika n tii la, ai ye wo fɔ n yε. Ni ai fanan ti se wo kɛla, ai ye

wo fō n ye, kosa n ka kan ka mēn kē, n ye wo kē.»

⁵⁰ Laban ni Betuweli ka a jabil kē ko: «Ko jin bōni Allabatala jēre le rō. An ti se wo masōsōla. ⁵¹ Rebeka le jin di. A ta, i ye wa a ri. A ye kē i tii dencē la muso ri, ikō Allabatala a ra a lateē ja mēn ma.»

⁵² Iburahima dēmenba ka jabil wo mēn tuma mēn na, a ka a jnakōrō bēn duu ma ka Allabatala bato. ⁵³ A ka wodigbē masidilifēn ni sanin masidilifēn labō ka woilu di Rebeka ma, a ni faanin. A ka fen jnuma bailu di a kōrōcē ni a na fanan ma.

⁵⁴ Wo rō, kuma wo banni, cē ni a taamajōōnilu ka damunun kē, ka alu min, ka su si. Alu kununni sōoma da la, cē ka a fō Rebeka la mōōilu ye ko, «Ai ye sila di n ma sa n di n kōseyi n tii wara.» ⁵⁵ Rebeka kōrōcē ni a na ka jabil kē ko: «A to sunkurun ye tele tan jōōn kē an fē yan fōlō. Wo ba tamin, a ri wa.» ⁵⁶ Cē kan ko: «Ai jaandi, ai kana n nanōō butun, baa Allabatala a ra n na sila diya n na. Ai ye a to n ye kōseyi n tii wara jona.» ⁵⁷ Alu ka a jabi: «Nba, an ye sunkurun kili ka a majininka.» ⁵⁸ Alu ka Rebeka kili ka a majininka ko: «I ri taa cē jin kōfē sisēn wa?» A kan ko: «N di wa.»

⁵⁹ Wo rō, alu ka alu badenma muso Rebeka bila ka wa Iburahima dēmenba ni a taamajōōnilu kōfē. Jōnmuso men ka a mamira, wo wara Rebeka malō. ⁶⁰ Alu watōla, Rebeka wara mōōilu duwara a ye. Alu kan ko: «An badenma muso, Alla ye i bōnsōn siyaya ka a kē mōō waa siyaman siyaman di, Alla ma wo kera. Alla ye alu se alu juuiliu la, Alla ma wo kera.» ⁶¹ Rebeka ni a la jōnmusoilu ka alu rabēn ka yelē jōōmeilu kan, ka alu bila Iburahima dēmenba kōfē. A wara Rebeka ri wo ja le ma.

⁶² Wo ka a terēn, Isiyaka ra bō Beri Lasayi Rōyi fan fē, Nekēbi mara rō. ⁶³ Lon do rō, Isiyaka wara a mataamala diya wula kōndō wura da fē. A ka a ja lō ka jōōmeilu natōla yen. ⁶⁴ Rebeka ka a ja lō ka Isiyaka yen tuma mēn na, a jiira ka bō a la jōōmē kan. ⁶⁵ A ka Iburahima dēmenba majininka ko: «Mēn bōtōwula rō ka na an kunbēn jin, yon de wo ri?» Cē kan ko: «N tii le wo ri.» Wo rō, Rebeka ka a la kunnabirin kē a kun na.

⁶⁶ Nba, cē tun ka fen fen kē a la taama rō, a ka wo bēe jnafō Isiyaka ye. ⁶⁷ Isiyaka wara

Rebeka ri a na Saran na faaninbon na, ka a furu ka a kē a muso ri. Isiyaka ka Rebeka kanin kōsēbē, a diyara a ye. Wo rō, Isiyaka jusu sumara a na la saya ko rō.

25

Iburahima la saya

¹ Nba, Iburahima ka muso gberē furu, mēn tōō ko Katura. ² Wo ka dencēilu sōrōn Iburahima ye: Simiran, Jokisan, Medan, Madiyan, Sisibaki a ni Suwahi.

³ Iburahima dencē Jokisan fanan ka dencē fila sōrōn: Seba ni Dedan. Dedan dencēilu kēra Asirikailu ni Letusikailu ni Lemikailu le ri. ⁴ Iburahima dencē Madiyan dencēilu le ten: Efa, Efēri, Henēki, Abida a ni Elida. Wo bēe ye Katura bōnsōn de ri.

⁵ Iburahima ka a cēe bēe di Isiyaka le ma, ⁶ kōni a ka a muso tōiliu dencēilu fanan sō fen doilu rō. Sani a ye sa, Iburahima ka woilu lawa telebō jamana rō, ka alu mabō a dencē Isiyaka la.

⁷ Iburahima si san bēe ladenni kēra san kēmē ni san biwōrōnwula ni san loolu le ri.

⁸ A ka a la kōrōya diya bō kōsēbē ka sa ka la a benbailu kan. ⁹ A dencē fila, mēnilu ye Isiyaka ni Isumayila ri, woilu ka a suu don Makipela falan na, Mamere fan fē. Dinkira wo tēre ye Hetika Sokari dencē Efurōn bolo kōrōman na, ¹⁰ kōni Iburahima ka wo le san a ma. A ni a muso Saran suu donda ye.

¹¹ Iburahima sani kō rō, Alla ka baraka don a dencē Isiyaka la kō rō. Isiyaka siini tēre Beri Lasayi Rōyi le la.

Isumayila bōnsōn

¹² Nba, Iburahima dencē Isumayila bōnsōn de jin di, Saran na jōnmuso Misiranka Hajara a ka mēn sōrōn Iburahima ye. ¹³ Isumayila dencēilu tōō le jin di, ka bēn alu sōrōn waati ma. A dencē fōlō tōō ko Nebayōti, ka Kedari tuun wo la, ka Adibeli

tuun wo la, ka Mibisamu tuun wo la, ¹⁴ ka Misima tuun wo la, ka Duma tuun wo la, ka Masa tuun wo la, ¹⁵ ka Hadadi tuun wo la, ka Tema tuun wo la, ka Seturi tuun wo la, ka Nafisi tuun wo la, ka Kedima tuun wo la.

¹⁶ Isumayila dencēilu le wo ri, mēnilu kēra faama tan ni fila le ri, ka alu sii kabila tan ni fila kun na, bēe ni alu la so.

¹⁷ Isumayila ka san kēmē ni san bisawa ni san wōrōnwula le sōrōn, ka sa ka la a

benbailu kan. ¹⁸ A bənsən siini tere Asiri so sila la, Misiran telebə fan fe, Habila ni Suri soilu təma. Alu ni alu badenma tere ma i sii i jəən fe.

¹⁹ Nba, Iburahima dence Isiyaka bənsən de jin di. Iburahima ka Isiyaka sərən.

²⁰ Isiyaka sərən ka san binaanin bətuma mən na, a ka Rebeka furu. Rebeka fa le tere Betuweli ri. Betuweli ye Aramu bənsən do le ri ka bə Padani Aramu. Rebeka kərəcə le tere Aramu bənsən Laban di. ²¹ Isiyaka ka Allabatala matara a muso ye ka a masərən a tere densərənbali le ri. Allabatala ka a la tarali kan mira, Rebeka ka filani kənə ta. ²² Ka a təren alu ma sərən fələ, denilu bilara i jəən na alu na kənə rə. Rebeka kan ko: «Nfenna jin ye kela n na?» A wara Allabatala majininka ko wo ma. ²³ Allabatala ka a jabi:

«Jamana fila le ye i kənə.

Jamana fila ri bə i kənə rə.

Kelen fanka ri bonya kelen ta ri.

Kərəmaməo ri ke doomaməo la baaraden de ri.»

²⁴ Nba, Rebeka moyi lon seni, a moyira filani le la. ²⁵ Mən fələma sərənda, wo wulenni de tere, si le tere ye a fari ma. Wo rə alu ka wo təə la ko Esawu. ²⁶ Wo kə rə, a dooce nara, a kərəcə sen tintiri mirani a bolo. Alu ka wo təə la ko Yakuba. Rebeka ka alu sərən ka a təren Isiyaka sərən da san biwəərə bə.

²⁷ Denilu bonyara ka ke kanberen di. Esawu kera donso fadiman di, waa rə taama diyara a ye. Kəni, Yakuba kera məə masumanin di, a tun te a məbəla faaninbon na kosebə. ²⁸ Esawu duman tere Isiyaka ye, ka a masərən a tere ye sobo sərənna Esawu le sababu le rə. Yakuba duman tere Rebeka ye.

²⁹ Lon do rə, Yakuba tere ye səsə tibila. Esawu kənkəto ba nara ka bə wula kəndə. ³⁰ A ka a fə Yakuba ye ko: «Kənkə ba le n na jin. I jaandi, i ye n sə i la səsə wulen də. N ye a damun.» Nba, kuma wo kera sababu ri, məəilu ka a fə Esawu ma ko Edəmu*.

³¹ Yakuba ka a jabi: «Ni i ka i la kərəmaməoya di n ma fələ, n di i sə.»

³² Esawu kan ko: «Kənkə kətə n faala. Kərəmaməoya ye nfen jəala n ma?»

³³ Yakuba ka a jabi: «I kali Alla la fələ.»

Esawu ka a kali a ye, ka a la kərəmaməoya falen Yakuba ma wo ja le ma. ³⁴ Wo rə Yakuba ka a sə səsə ni buru rə. Esawu ka a damun ka ji min ka a wuli ka wa.

Nba, a kera ten de. Esawu ma a la kərəmaməoya jate foyi ri.

26

Isiyaka wara Filisitilu la jamana rə

¹ Nba, wo bəə taminni kə rə, kənkə donda jamana kəndə. Kəni kənkə mən donda Iburahima la waati rə, wo ni jin te kelen di. Isiyaka wara Filisitilu la mansa Abimeləki wara, Kerari so la. ² Allabatala bəra gbe rə Isiyaka ye, ka a fə a ye ko: «I kana wa Misiran! N kətə jamana mən yirakala i la, i ye wa i sii ye. ³ I ye mən jamana wo rə fələ. N di to i fə, ka baraka don i la ko rə, ka yərə jin bəə di i ni i bənsən ma. Wo rə n di n na lahidi mafa, n ka mən ta i fa Iburahima ye. ⁴ Ko lolo ka siya ja mən ma, n di i bənsən siyaya wo ja ma, ka duu jin bəə di alu ma. Siyailu bəə ri baraka sərən n bolo i bənsən na sababu rə. ⁵ N di baraka don i la ko rə, ka a masərən Iburahima ka n kan mira ka a ke. N ka mən fə a ye, a ka wo bəə ke. A ka n na jamarili ni n na sariya bəə latelen.» ⁶ Wo rə, Isiyaka ka a sii Kerari ye.

⁷ Ye cəili tun ba Isiyaka majininka a muso la ko ma, a ri a fə ko a doomuso le. A silanni tere a fəla alu ye ko a muso le, sa alu kana a faa ka Rebeka ta, baa Rebeka kəni ba le tere.

⁸ Nba, Isiyaka mənda Kerari. Lon do rə, Filisiti la mansa Abimeləki ka a ja labə a la bon na ka Isiyaka ni a muso Rebeka yen. Alu ye tolon kəla i jəən fe. ⁹ Abimeləki ka Isiyaka kili ka a fə a ye ko: «I muso le jin di jə! Nfenna i ka a fə an ye ko i doomuso le?» Isiyaka ka a jabi: «N ka a fə ka a masərən a tere n kəndə ko ai ri n faa ka a ta.» ¹⁰ Abimeləki kan ko: «I ka nfen ko ke an na jin de ten? Ni n na jamana məə do tun ka a la i muso fe wo rə don? Ni wo tun kera, i tun di an lə ko haramunnin kəla ri!»

¹¹ Abimeləki ka a jasere mala a la məə bəə ye ko: «Məə mən ba a maa Isiyaka la, wala a muso la, n di wo tii faa.»

¹² Nba, wo san kelen Isiyaka ka suman senə jamana wo rə. A la suman sənda

* ^{25:30} Edəmu kərə ye le ko wuleman

kosebe, a ka suman si men foyi, a ka wo jøøn keme sørøn, baa Allabatala ka baraka don a la suman do. ¹³ Isiyaka bolofen siyayara, foo kæ a ke nanfulutii ba ri. ¹⁴ Saa ni ba ni nisi ni jønilu tere a bolo. Wo rø, a la ko nangboya ka Filisitilu sørøn. ¹⁵ Wo bolo ma, alu ka bøø ke a la køløn bøø køndø fo ka alu ja. A fa Iburahima la jønilu le tun ka køløn woilu sen a la tele rø.

¹⁶ Abimeleki ka Isiyaka kili ka a fø a yø ko: «I ye bø an wara yan. I fanka ka bon an tra ri.»

Filisitilu ka Isiyaka kæle a la kølønilu fe

¹⁷ Wo rø, Isiyaka børa ye ka wa a la faaninbon lø Kerari kænegbe rø, ka a sii dinkira wo rø. ¹⁸ A fa Iburahima tun ka køløn menilu sen dinkira wo rø a tele rø, Filisitilu nara ka woilu bøø lafa a la saya kø rø. Isiyaka ka køløn wo bøø rabø ko kura. A fa tun ka tøø men la kølønilu la, Isiyaka ka tøø kelen kelenna kølønilu la alu la.

¹⁹ Lon do rø, Isiyaka la jønilu ka køløn do sen kænegbe rø ka se ji ma. ²⁰ Kerari kolofen kønømadenilu nara ka Isiyaka la kolofen kønømadenilu kæle, ka a fø ko: «Køløn jøin ye an ta le ri.» Isiyaka ka køløn wo tøø la ko Eseki, ka a masøøn alu keler a fe.

²¹ Isiyaka la jønilu ka a køløn døgbøre sen. Køni Kerarikailu nara ka alu kæle wo fanan fe. Isiyaka ka wo tøø la ko Sitina. ²² A ka yøø wo bila ka wa yøø gberø, ka køløn gberø sen ye iko. Møø si ma alu kelerla wo fe. Wo rø, Isiyaka ka wo tøø la ko Rehoboti. A kan ko: «Sisen Allabatala da dinkira di an ma. An di sabati jamana jønin køndø.»

²³ Isiyaka børa ye ka wa Beri Seba. ²⁴ Su wo rø, Allabatala børa gbe rø a yø, ka a fø a yø ko: «Nde ye i fa Iburahima Maari Alla le ri. I kana silan, baa n ye i fe. N di jøumaya ke i yø ka i bønsøn siyaya n na baarenden Iburahima la ko kosøn.»

²⁵ Isiyaka ka Alla saraka bøø diya lø ye Allabatala bato kanma. A ka a la faaninbon lø dinkira wo rø. A la jønilu ka køløn gberø sen.

Abimeleki ni Isiyaka ka lahidi sidi

²⁶ Lon do rø, mansa Abimeleki ni a lalila Ahusati ni a la kæleden kuntii Pikjli børa Kerari ka na Isiyaka wara. ²⁷ Isiyaka ka alu majininka ko: «Waati taminni, ai ka n tøø ka n gbøn ka n nabø ai la jamana rø. Nfenna ai nani n wara yan sisen?» ²⁸ Alu

ka a jabi: «An da a yen ko Allabatala ye i fe. An ye teriya sidi an jøøn tema, ka ben kan kelen ma. ²⁹ Ikomin an ma kojuu ke i la, i fanan te kojuu ke an na. An ka kojuma le ke i yø. I børa an tøøfe høre le rø. An da a yen sisen ko Allabatala ra baraka don i la ko rø.» ³⁰ Isiyaka ka tibili ba ke alu yø. Alu ka damunun ke ka alu min.

³¹ Wo duusa gbe jona, alu ka alu kali i jøøn yø ko alu te kojuu ke i jøøn na. Wo banni, Isiyaka ka sila di alu ma. Alu børa høre le rø ka wa.

³² Nba, wo lon kelen, Isiyaka la jønilu børa køløn sen diya ka na a fø a yø ko: «An da køløn sen ka se ji ma.» ³³ Isiyaka ka køløn wo tøø la ko Seba. Wo le ka a ke, so wo tøø lara ko Beri Seba haan bi.

Esawu musoilo

³⁴ Nba, Esawu sørøn ka san binaanin bo tuma men na, a ka Høtika sunkurun fila furu. Kelen tøø ko Yuditi. Wo fa tøø Beeri le ri. A tøø kelen tøø ko Basimati. Wo fa tøø Eløn de ri. ³⁵ Muso woilu la ko ka Isiyaka ni Rebeka jusu tøø kosebe.

27

Isiyaka Duwara Yakuba yø

¹ Nba, Isiyaka kørøra kosebe. A ja tøø te fen na sa la wula rø. Lon do rø, a ka a dencø føø Esawu kili ko: «N dencø.» Esawu ka a jabi: «Naamun.» ² Isiyaka kan ko: «A ragbe, n da kørø. N ma n sa waati løn. ³ I ye i la donsoya muran ta, i la bijøkala ni i la bijø, ka wa sobo jønin wula køndø. I ye na sobo di n ma. ⁴ Suman men duman n yø, i ye wo tibi ka a sii n kørø. N di wo damun ka duwa i yø sani n ye sa waati men dø.»

⁵ Jaa, Isiyaka ka men fø a dencø Esawu yø, Rebeka tolo tøø ye wo bøø la. Esawu børa ka wa sobo jønin diya wula køndø tuma men na, ⁶ Rebeka ka a fø a dencø Yakuba yø ko: «N da i fa kumakan men. A ra a fø i kørøce Esawu yø ko: ⁷ i ye na sobo ri. Ko suman men duman n yø, ko i ye wo tibi ka a sii n kørø. Ko n di wo damun ka duwa i yø Allabatala jøana sani n ye sa waati men dø.» ⁸ Rebeka kan ko: «Nba, n dencø, i tolo malø. N ye men føø i yø, i ye wo ke. ⁹ Wa badennin jøuma fila mira ba kuru rø ka na alu ri. Suman men duman i fa yø, n di wo tibi. ¹⁰ N ba ban wo tibila, i ri wa a di i fa

ma. A ri wo damun ka duwa i yε sani a ye sa waati mεn dø.

¹¹ Yakuba ka a na jabi: «Køni i ka a løn ko n kørøce Esawu fari fan bøe ye si le ri. Si don tø nde ma. ¹² Ni n fa ka a maa n na don? Ni wo køra, a ri n jate janfate ri. N tø duwa si sørøn, fo danka.» ¹³ A na kan ko: «N dence, Alla ye a kε danka wo kana i mira fo nde. N ka mεn fø, i ye wo kε dørøn. Wa bailu mira ka na alu ri.»

¹⁴ Yakuba wara ba fila mira ka na alu di a na ma. A na ka a fa diyanan tibili kε.

¹⁵ Esawu la faanin numa tøre ye a na bolo bon na. Rebeka ka faanin wo ta ka wo don a dence doomaní Yakuba bolo. A ka a bila a ma. ¹⁶ Rebeka ka ba gbolo ta ka Yakuba bolokailu masidi. A ka a kan fanan masidi, si tun tø a fan mεnilu ma. ¹⁷ A ka suman tibini wo don Yakuba bolo, ka buru la a kan, a tun ka mεn gbasi.

¹⁸ Yakuba wara wo ri a fa wara, ka a fa kili ko: «N fa.» Isiyaka kan ko: «Naamun. N dence numan de kan?» ¹⁹ Yakuba ka a fa jabi: «I dence følø Esawu le kan. I ka mεn fø n yε, n da wo kε. I wuli ka i sii ka n na sobo damun, sa i ri duwa n yε.» ²⁰ Isiyaka ka a fø a dence yε ko: «εε, n dence! I ra kaliya. I ka sobo sørøn jona di?» Yakuba kan ko: «Allabatala, i Maari Alla, wo le ka n harijee fulen.» ²¹ Isiyaka kan ko: «N dence, i madon n na yan. N ye n bolo maa i la ka a løn ni Esawu le ile ri.» ²² Yakuba ka a madon a fa la. A fa ka a maa a la ka a fø ko: «I kan bøni Yakuba kan na, køni i boloilu ye Esawu boloilu le ri.» ²³ Isiyaka filira Yakuba ma, ka a masørøn si tøre ye a boloilu ma iko Esawu boloilu tøre ye ja mεn ma, wo bolo ma a duwara a yε.

²⁴ Isiyaka ka Yakuba majininka ko: «Tuna le wa, ko n dence Esawu le ile ri?» Yakuba ka a jabi «Nde le.» ²⁵ Isiyaka kan ko: «Suman di n ma. N di i la sobo damun ka duwa i yε.» Yakuba ka suman sii a kørø. A ka damunun kε. Yakuba nara resenji fanan di. A ka wo min. ²⁶ Isiyaka banda damununna ka a fø a yε ko: «N den, i madon n na ka n sunbu.» ²⁷ Yakuba ka a madon a la ka a sunbu. Isiyaka ka a la faanin suma mεn tuma mεn na, a ka a duwa a yε ko: «N dence suma ye ikomin

søne suma duman ja mεn ma, Allabatala ka baraka don øne mεn dø.

²⁸ N dence, Alla ma i la øneke duu numaya ka sanci numa lana a kan, Alla ma wo køra.

Ka i la suman ni i la resenji siyaya kosebe, Alla ma wo køra.

²⁹ Ka moøilu bila i la fanka kørø, Alla ma wo køra.

Ka siyailu lana ka alu majii i kørø, Alla ma wo køra.

Ka i lasii i badenmailu kun na, Alla ma wo køra.

Ka i na la den bøe lana ka alu majii i kørø, Alla ma wo køra.

Møø mεn ba i danka, Alla ma tørøya lara wo kan.

Møø mεn ba duwa i yε, Alla ma numaya køra wo yε.»

Esawu kan ko Isiyakaye duwa a fananye

³⁰ Nba, Isiyaka banni duwala Yakuba yε, Yakuba børa a fa tørøfe. A ma mεn bakε wo kørø, a kørøce Esawu nara ka bø donsoya diya wula køndo. ³¹ A ka suman duman tibi, ka wa a di a fa ma. A ka a fø a fa yε ko: «N fa, i ye i wuli. I ye i dence la sobo damun, ka duwa n yε.» ³² A fa kan ko: «Yon de kan?» A ka a jabi: «Nde le kan, i dence følø Esawu.» ³³ Isiyaka yøreyerøra kojuuya. A kan ko: «Yon wara sobo faa ka wo tibi ka na a sii n kørø? N ka wo damun ka duwa a tui yε sani i ye na. N da duwa a yε, n ti se wo yølemanna butun.»

³⁴ Nba, Esawu ka a fa la kuma wo mεn tuma mεn na, a jusu kasira. A kulera kojuuya ka a fø a fa yε ko: «N fa, i ye duwa n fanan yε!» ³⁵ Isiyaka ka a jabi: «I dooce le nara janfa rø ka i la duwawu sørøn.»

³⁶ Esawu kan ko: «Men ka a tøø la ko Yakuba*, jo ye wo fε, baa a ra janfa don n ma sijn fila. A tøø benni a ma fewu! A ka n na kørømamøøya mira n na ka wo kε a ta ri. A ra n na duwawu fanan ta. N fa, i ma duwa si bila n yε wa?» ³⁷ Isiyaka ka a jabi: «A ragbe! N da a lasii i kun na, ka a badenma tø bøe ke a la baaraden di. N da suman ni resenji siyaman baraka don a la ko rø. N dence, n ye nfen ke i yε?» ³⁸ Esawu ka a fa madiya iko tuun ko: «N fa, duwa kelen pe wo le tøren i bolo wa? I ye duwa n fanan yε.» Esawu kulera ka woyo ka kasi

* ^{27:36} Yakuba kørø ye le ko sen tintiri a fø ja gbøre yε ko janfate

kosebe. ³⁹ A fa ka a fō a ye ko: «Duu numa ye yōrō mēn dō, sanci numa ye na la a kan, i ri janyan wo la. ⁴⁰ I ri i balo sōrōn i la fanmuru le la. I ri kē i dooce la baaraden de ri, kōni i ba murunti numa mēn na, i ri i jere bō a la fanka kōrō.»

Yakuba ka i bori ka wa a barince wara

⁴¹ Nba, Isiyaka ka duwawu mēn kē Yakuba ye, wo kera sababu ri, Yakuba gbo-yara Esawu ye. Esawu ka a miri ko: «N fa la sa waati a ra sudunya. Ni a sara, an ba ban a suu don na, n di n dooce Yakuba faa.»

⁴² Esawu miri tēre ye mēn di, wo fōra Rebeka ye. Wo rō, a ka a dence Yakuba kili ka a fō a ye ko: «I tolo malō. A loo ye i kōrōce Esawu la ka i faa ka a la mōne bō i rō. ⁴³ N den, i ye n kan mira ka a kē. I bori sisēn ka wa n kōrōce Laban wara Haran. ⁴⁴ I ye mēn a wara ye dooni, foo i kōrōce jusu ye ban sumala. ⁴⁵ I kōrōce la diminya ba mala, i ka mēn kē a la, a ri jina wo kō rō. Wo ba kē, n di kela di i ma ko i ye na. Ni wo te n kana bōnō ai fila bēe la ko rō lon kelen dō.»

⁴⁶ Nba Rebeka ka a fō Isiyaka ye ko: «N kōrō, Esawu ka Hētika sunkurun mēnilu furu jin, woilu ra n sēe kojuuya, foo ka dunuya loo bō n na. Ni Yakuba fanan ka Hētika sunkurun do ta, mēn ye woilu jōon di, wo ri n tōrō wo ja jere jere ma. Saya ka fisa wo ri paaon!»

28

¹ Wo rō, Isiyaka ka Yakuba kili ka duwa a ye, ka a fō a ye ko: «I kana muso ta Kanaan bōnsōn denmusoilu rō de! ² Wa i benba Betuweli wara Padami Aramu, ka i barince Laban denmuso do furu. ³ Alla Seebēstii ye baraka don i la ko rō ka i jiri ka i bōnsōn siyaya. Alla ye jama siyaman bō i rō. ⁴ Alla ka baraka mēn kē i benba Iburahima la ko rō, a ye baraka wo jōon kē i ni i bōnsōn na ko rō, kosa jamana jin di kē i ta ri, i yōrō mēn dō jin di i ye lōndan de ri haan bi, baa Alla ka jamana jin di Iburahima le ma.»

⁵ Isiyaka ka Yakuba lawa Padami Aramu, ko a ye wa Laban wara, mēn ye Aramu bōnsōn Betuweli dence ri. Laban de Yakuba ni Esawu na Rebeka kōrōce ri.

Esawu ka muso gberē furu

⁶ Nba, Esawu ka a yen ko Isiyaka ra duwa Yakuba ye ka a lawa Padami Aramu, ko a

ye muso do ta ye. A ka a yen fanan ko a fa ra duwa Yakuba ye tuma mēn na, a ka a fō a ye ko a kana muso ta Kanaan bōnsōn denmusoilu rō de! ⁷ Esawu ka a yen fanan ko Yakuba ka a fa ni a na kan mira ka wa Padani Aramu. ⁸ Esawu ka a lōn wo le rō ko Kanaan bōnsōn sunkurun ma di a fa Isiyaka ye. ⁹ Wo rō, a wara Isumayila wara, mēn ye Iburahima dence ri. A ka wo denmuso do furu ka a la a musoilu kan. Sunkurun wo tō le ko Mahalati. A kōrōce tō ko Nebayōti.

Yakuba sibora

¹⁰ Nba, Yakuba bōra Bēri Seba ka wa Haran. ¹¹ A ye sila kan tuma mēn na, a sera dinkira do rō ka si ye, baa su tun da ko a ma. A ka a la, ka kabakurun do ta ka a don a kun kōrō a sunōra. ¹² Ka a tō sunōrō a ka sankale do yen sibo rō. Wo lōni duu ma, a kun seni foo bandakolo ma. Alla la mēlekailu ye jii ni yelēla sankale wo ma.

¹³ Allabatala jere kan ko: «Nde le Allabatala ri, i benba Iburahima ni i fa Isiyaka Maari Alla. I lani duu mēn kan jin de, n di wo di i ni i bōnsōn ma. ¹⁴ I bōnsōn di siyaya iko duukolo kijē, ka jēsen ka wa telebō ni telebe rō, ka wa tele kankan bolo maran ni tele kankan bolo kinin dō. I ni i bōnsōn di kē sababu ri, siyailu bēe di baraka sōrōn n bolo. ¹⁵ I tolo malō. N ye i fē tuma bēe rō. I wa kē wa la yōrō yōrō rō, n di i latanka kojuu ma. N di i kōseyi ka i lana jamana jin dō ikō. N te bō i fē haan n da n lahidi mafa, mēn n da ta i ye.»

¹⁶ Yakuba kunura sunōrō tuma mēn na, a ka a fō ko: «Allabatala ye dinkira jin dō yan. N tun ma a lōn.» ¹⁷ Yakuba silanda. A kan ko: «Dinkira masilannin de jin di de! Dinkira jin te foyi di fo Alla la bon! Sankolo don dinkira ri tērē yan.» ¹⁸ Yakuba wulira sōoma da la jona. A tun ka kabakurun mēn don a kun kōrō, a ka wo ta ka a lālō ka a kē tōomasere ri ka tulu kē a kan. ¹⁹ A ka dinkira wo tō la ko Beteli. A tō fōlō le tērē ko Lusi.

²⁰ Yakuba ka dakan ta Alla ye ko: «Ni Alla tora n fē ka n natanka n na taama jin dō, ka suman ni firiyabō di n ma, ²¹ sa n di n kōseyi hērē rō ka na n fa so la, ni i ka wo bēe kē ten, Allabatala ri kē n Maari Alla ri. ²² N da kabakurun mēn nalo ka a kē tōomasere

ri yan, wo ri ke Alla la bon di. I wa fen fen
di n ma, n di wo ja di i ma.»

29

Yakuba sera a barince Laban wara

¹ Yakuba ka sila mira ka wa telebə ja-mana rɔ. ² A seni yɔrɔ do rɔ, a ka kɔlɔn do yen wula rɔ. Saa kuru sawa lani tere kɔlɔn da la. Wo ye laminna kɔlɔn wo le rɔ. Kɔlɔn wo da tuunni kabakurun mɛn na, wo ka bon tere kosebe.

³ Kolofen kɔnɔmadenilu alu wa alu la saa bɛɛ laden tuma mɛn na, alu ri kabakurun makurukuru ka a labə kɔlɔn da la, ka saa ie lamin. Saa wa ban alu minna tuma mɛn na, alu ri kabakurun makurukuru ka kɔlɔn da latunun a la ikɔ.

⁴ Yakuba ka kolofen kɔnɔmadenilu majininka ko: «N badenmailu, ai bɔni mi?» Alu ka a jabi: «An bɔni Haran de.»

⁵ Yakuba kan ko: «Ai ka Laban lɔn wa, Nakɔri mamaren?» Alu ka a jabi: «An ka a lɔn.» ⁶ Yakuba ka alu majininka ko: «Tana tɛ a la ye?» Alu kan ko: «Tana si tɛ a la ye. I ma a denmuso Raseli yen? A natɔla a la saailu ri.»

⁷ Yakuba kan ko: «Ai ja lɔ. Tele ka jan fɔlɔ, saailu laden waati ma se fɔlɔ. Ai ye saailu lamin ka wa alu ri bin damun diya.»

⁸ Kolofen kɔnɔmadenilu ka a jabi: «An ti se wo kɛla, foo saa bɛɛ wa ban nala fɔlɔ. Alu wa na, an di kabakurun makurukuru ka a bɔ kɔlɔn da la ka saailu lamin.»

⁹ Yakuba ye kumala kolofen kɔnɔmadenilu fe tuma mɛn na, Raseli nara a fa la saailu ri. Ale le tere ie kɔnɔmaden de.

¹⁰ Yakuba ka a barince Laban denmuso Raseli ni a la saailu yen tuma mɛn na, a wara kabakurun makurukuru ka a bɔ kɔlɔn da la, ka a barince la saailu lamin.

¹¹ Yakuba ka Raseli sunbu ka sewa kosebe fo ka kasi. ¹² A ka a fɔ Raseli ye ko, a ye a fa doomuso Rebeka den de ri. Raseli borimantɔ wara wo fɔ a fa ye. ¹³ Laban ka a doomuso dencé Yakuba la ko mɛn tuma mɛn na, a ka a bori ka wa a kɔfɛ. A seni a tɔrɔfɛ, a ka a bolo mininminin a kan ma ka a sunbu, ka wa a ri lu ma. Yakuba ka danteeli ke Laban ye. ¹⁴ Laban ka kuma wo men tuma mɛn na, a ka a jabi: «An bɛɛ ye buruju kelen de ri jo!» Yakuba ka karo kelen ke Laban tɔrɔfɛ.

¹⁵ Lon do rɔ, Laban ka a fɔ Yakuba ye ko: «N badenma le i ri fewu, kɔni wo bɛɛ ni a ta, i ma kan ka baara ke n ye ni n ma i sara. I sara ka kan ka ke mɛn di, i ye wo fɔ n ye.»

¹⁶ Wo ka a teren, denmuso fila ye Laban bolo. Kɔrɔmamɔɔ tɔɔ ko Leya. A doomuso tɔɔ ko Raseli. ¹⁷ Leya nakise tere ye kɛni, kɔni Raseli kɛni ja bɛɛ ma. ¹⁸ Raseli diyara Yakuba ye kosebe. Wo rɔ, a ka Laban jabi: «N di san wɔrɔnwula ke baara la i ye yan, kosa i ri i denmuso filana Raseli di n ma.» ¹⁹ Laban kan ko: «N wa a di ile ma, wo ka fis a dini ri mɔɔ gbere ma. To n tɔrɔfɛ yan.»

²⁰ Wo rɔ, Yakuba ka san wɔrɔnwula ke baara la Raseli sɔrɔn kanma, kɔni Raseli ladiyajɛ kosɔn san wɔrɔnwula wo kera a nana iko tele dandɔ.

²¹ San wɔrɔnwula dafanin, Yakuba ka a fɔ Laban ye ko: «N muso di n ma sisem. Waati mɛn fɔni, wo ra dafa. N ye a fɛ an ye dɛn.»

²² Nba, Laban ka a siijɔɔn bɛɛ kili ka tibili ba ke, ²³ kɔni su wo rɔ, a ka a denmuso Leya ta ka wa a di Yakuba ma. Yakuba ni Leya denda. ²⁴ Laban ka a la jɔnmuso do di Leya ma ka a ke a la jɔn di. Jɔnmuso wo tɔɔ ko Silipa. ²⁵ Duu sa gbɛni, Yakuba ka Leya le yen ye! A wara a fɔ Laban ye ko: «I nɔ nfen de kɛla n na jin ten? N ka baara ke i ye Raseli le sɔrɔn ko rɔ. Nfenna i ra n janfa?» ²⁶ Laban ka a jabi: «Ka doomamɔɔ furu kɔrɔmuso ne, wo tɛ kɛla an wara yan. ²⁷ I sabari ka lookun jin dafa Leya la kɔnɔ bon na. Wo wa tamin, n di Raseli fanan di i ma. Wo rɔ, i ri san wɔrɔnwula gbere ke n ye.»

²⁸ Yakuba sɔnda wo ma. A ka lookun wo dafa Leya fɛ. Wo taminni, Laban ka a denmuso Raseli fanan di a ma. ²⁹ Laban ka a la jɔnmuso Bilaha di Raseli ma ka a ke a la jɔnmuso ri. ³⁰ Yakuba ni Raseli denda. Raseli diyara a ye ka tamin Leya kan. Yakuba ka san wɔrɔnwula ke baarala Laban ye ikɔ tuunni.

³¹ Allabatala ka a yen ko Leya ma duman Yakuba ye kosebe, tuma mɛn na, a ka den sɔrɔn nɔɔya Leya ye, kɔni Raseli tere ye densɔrɔnbali le ri.

³² Leya ka kɔnɔ ta ka dencé sɔrɔn. A kan ko: «Allabatala ra n na tɔrɔya yen. N di diya

* ^{29:32} Ruben kɔrɔ ye le ko «i ja lɔ, dencé le»

n cε ye sisen.» Wo le rø, a ka den tøø la ko Ruben*. ³³ A ka kønø ta ikø tuunni ka dencø sørøn. A kan ko: «Allabatala ra a men ko n ma duman n cε yε. Wo rø, a ra den jin fanan di n ma.» Wo le rø, a ka den wo tøø la ko Simeyøn†.

³⁴ Leya ka kønø ta ikø tuunni ka dencø sørøn. A kan ko: «Sisen køni, n cε ri i fasa n ma, ka a masørøn n da dencø sawa sørøn a yε.» Wo le rø, a ka den wo tøø la ko Lebi‡.

³⁵ A ka kønø ta ikø tuunni ka dencø sørøn. A kan ko: «Sisen, n di Allabatala tando.» Wo le rø, a ka den wo tøø la ko Yahuda§. Wo kø, a ka den sørøn madooya.

30

Yakuba den tøilu

¹ Nba, Raseli ka a yen tuma men na ko a ma den sørøn Yakuba yε, a kørømuso la keleya ka a mira. A ka a fø Yakuba yε ko: «I ye den di n fanan ma. Ni wo te n di faa.» ² Yakuba jusu børa. A ka a fø a yε ko: «N ye Alla le jøøn jala wo rø wa? Ale le ma i lakanya den sørønna wa?» ³ Raseli kan ko: «Nba, n na jønmuso Bilaha ta, i ye si a fε, sa a ri den sørøn n yε, sa n fanan di kε denbatii ri.»

⁴ Wo rø, Raseli ka a la jønmuso Bilaha di Yakuba ma, ka a kε a muso ri. Yakuba ni wo sira. ⁵ Bilaha ka kønø ta Yakuba la, ka dencø sørøn a yε. ⁶ Raseli kan ko: «Alla ra jo di n ma. N ka men fø, a ra wo men ka n sø dencø la.» Wo le rø, Raseli ka den wo tøø la ko Daan*.

⁷ Raseli la jønmuso Bilaha ka kønø ta Yakuba la ikø, ka a dencø filanan sørøn a yε. ⁸ Raseli kan ko: «Nde ni n kørømuso bilani tere an jøøn na kojuuya. Sisen, n kønin da se a la.» Wo le rø, a ka den wo tøø la Nefitali†.

⁹ Nba, Leya ka a yen tuma men na ko a te kønø ta la butun, a ka a la jønmuso Silipa ta ka a di Yakuba ma ka a kε a muso ri. ¹⁰ Silipa ka kønø ta. A ka dencø sørøn Yakuba yε tuma men na, ¹¹ Leya kan ko: «N da kunnadiya.» Wo le rø, a ka den wo tøø la ko Kadi‡.

† 29:33 Simeyøn kørø ye le ko Alla ye n kan menna * 30:6 Daan kørø ye le ko n da jo sørøn † 30:8 Nefitali kørø ye le ko kunnadiya § 30:13 Aséri kørø ye le ko sewa * 30:18 Isakari kørø ye le ko sara ‡ 30:24 Yusufu kørø ye le ko bonya

¹² Silipa ka kønø ta ikø tuunni. A ka a dencø filanan sørøn Yakuba yε tuma men na, ¹³ Leya kan ko: «Eε, n da sewa kosebø. Musoilu ri a fø n ma sisen ko mɔɔjalenni le n di.» Wo le rø, a ka den wo tøø la ko Aséri§.

¹⁴ Suman ka waati, Ruben wara jiri lulu doilu tøren sene rø. A ka lulu woilu bø ka na alu di a na ma. Raseli ka jiri lulu woilu yen Leya bolo tuma men na, a kan ko: «I jaandi, i ye n sø i dencø la janman basi jiri lulu doilu rø.»

¹⁵ Køni Leya ka a jabi: «I ra n cε bø n bolo køni wo ma i wasa, ko di? I ri n dencø la janman basi jiri lulu fanan bø n bolo wa?» Raseli kan ko: «Ale le wo ri. Ni i ka n sø i dencø la janman basi jiri lulu rø, n na cε Yakuba ri si i fe su jin dø.» Leya sønda wo ma.

¹⁶ Wura fε, Yakuba nara ka bø sene rø. Leya ka i bori ka wa a kunben, ka a fø a yε ko: «I sitø nde le wara bi. N da i sørøn n dencø la janman basi jiri lulu la.» Yakuba sira Leya fε su wo rø. ¹⁷ Alla tolo tere ye Leya la tarali kan na. Wo rø, Leya ka kønø ta ka a dencø looluna sørøn Yakuba yε. ¹⁸ Leya kan ko: «Alla ra n sara ka a masørøn n ka n na jønmuso di n cε ma.» Wo le rø, a ka dencø wo tøø la ko Isakari*.

¹⁹ Leya ka kønø ta ikø tuunni ka a dencø wøørøna sørøn Yakuba yε. ²⁰ A kan ko: «Alla ra ko ba kε n yε. N cε ri n bonya sisen, ka a masørøn n da dencø wøørø sørøn a yε.» Wo le rø, a ka den wo tøø la ko Sabuløn†.

²¹ Wo kø rø, a ka denmuso fanan sørøn, ka wo tøø la ko Dina.

²² Nba, Alla hankili tora Raseli la ko kø, ka a la tarali kan namen, ka den ko nøøya a yε. ²³ Wo rø, a ka kønø ta ka dencø sørøn. A kan ko: «Alla ra maloya bø n na. ²⁴ Allabatala ye dencø gberø la jin kan.» Wo le rø, a ka den wo tøø la ko Yusufu‡.

Yakuba køra nanfulutii ri.

²⁵ Nba, Raseli ka Yusufu sørøn tuma men na, Yakuba ka a fø Laban yε ko: «Sila di n ma. N ye n køseyi n wara. ²⁶ I ye n musoilu ni n denilu di n ma. N ka baara ke i yε, woilu le la ko rø. I ye alu di n ma, sa n di wa. N da baara men ke i yε, i jøre ka wo

§ 29:34 Lebi kørø ye le ko masidi § 29:35 Yahuda kørø ye le

ko bato * 30:11 Kadi kørø ye le ko n da sedon † 30:11 Kadi kørø ye le ko kunnadiya § 30:13 Aséri kørø ye le ko sewa * 30:18 Isakari kørø ye le ko sara † 30:20 Sabuløn kørø ye le ko bonya

lən.» ²⁷ Laban ka a jabi: «N fa, i sabari. N da jañininnin ke ka a yen ko Allabatala ka baraka don n ko rɔ ile le la ko kosən. ²⁸ Wo rɔ, i sara ka kan ka bən mən na, i ye wo fɔ n yε. N di wo di i ma.» ²⁹ Yakuba ka a jabi: «Nde ka baara ke i yε na mən ma, i jere ka wo lən. I la kolofenilu siyayara ja mən ma nde bolo, i ka wo fanan lən. ³⁰ N nara kolofen mən tərən i bolo, woilu ma siya tərε, kəni sisen, alu ra siyaya ka ke kolofen kuru ba ri. Allabatala ka baraka don i la ko rɔ nde le la ko kosən. Wo rɔ, n te baara ke n jere yε sisen, ka n na denbaya balo wa?»

³¹ Laban kan ko: «N ye nfen di i ma ka a ke i sara ri?»

Yakuba ka a jabi: «I kana foyi di nde ma, kəni ni i ka ko kelen pe jin ke n yε, n di to yan ka i la saailu gbən ka alu kanda. ³² I ye dijε, n ye wa i la kolofen bεε kərəsi bi. N wa kolofen finman mənilu yen, n di woilu bɔ a rɔ, a ni kolofen manjəenman. Woilu ri ke n sara ri. ³³ Lon do natɔ, ni i ka n na kolofen kərəsi i ri a lən ni n telenni wala n telenni tε. Ni i ka ba do yen n bolo, mən manjəenman tε, i ri a lən ko n da wo sonya ile ma. Ni i ka saa do yen n bolo, mən finni tε, i ri a lən ko n da wo sonya ile ma.» ³⁴ Laban kan ko: «Ale le wo ri. I ka a fɔ ja mən ma, a ri ke wo ja ma.»

³⁵ Wo lon kelen, Laban wara bakərən manjəenman ni bamuso manjəenman bεε bɔ a la kolofenilu rɔ. Fen fen, ni gbe ye a rɔ, a ka wo bεε bɔ alu rɔ. A ka saa finilu la woilu kan ka a bεε karifa a denceilu la. ³⁶ Alu ka tele sawa taama ke kolofen woilu ri ka alu mabɔ Yakuba la fewu! Yakuba tora Laban na kolofenilu gbənna ka alu lakanda.

³⁷ Nba, Yakuba ka jiribolo kəndε doilu tεe jiri su sawa la, pepiliye, amande\$, a ni pilatani. A ka jiribolo kəndε woilu fara doilu bɔ alu ma ka jiribolo woilu manjəen. ³⁸ A ka jiribolo kəndε manjəennin woilu bilabila bailu la jiminfen kəndε, sa bailu wa na alu min diya, alu ri jiribolo manjəennilu yen, baa bailu ye yεləla i jəoñ kan i min waati le. ³⁹ Alu wa yεləla i jəoñ kan jiribolo woilu je, alu ri den manjəenilu sərən.

⁴⁰ Yakuba ka saamusoilu bɔ kolofen tɔilu rɔ, ka alu bila Laban na saa manjəenilu ni finmanilu jəkərɔ, sa alu ri Laban na saa woilu yen. Wo rɔ, Yakuba la saa woilu ka

den manjəenman ni den finmanilu sərən. Wo bolo ma, Yakuba ka kolofen kuru sərən a jere yε. A ma sən a ta ni Laban ta ye basan.

⁴¹ Ni kolofen tɔlənninilu nara ka i min, Yakuba ri jiribolo manjəenilu bila jiminfen kəndε alu jəkərɔ. Wo rɔ, alu ri yεlε i jəoñ kan jiribolo dafε, ⁴² kəni ni kolofen baraninilu nara ka i min, Yakuba te jiribolo bila jiminfen kəndε alu jəkərɔ. Wo bolo ma, kolofen baranin denilu kera Laban ta ri, kəni kolofen tɔlənni denilu kera Yakuba ta ri.

⁴³ Nba, Yakuba kera fentii ri wo ja le ma. A ka kolofen misən siyaman sərən. A ka jənilu fanan sərən, a ni jəoñməilu ni falilu.

31

Yakuba ka a dokon ka bɔ Laban wara

¹ Laban denceilu tərε ye a fəla ko: «Yakuba ra an fala nanfulu bεε ta. A ra a jere ke fentii ri wo rɔ an fa bolofen dɔ.» Wo kuma fəra Yakuba yε. ² Yakuba ka Laban nakərəsi ka a yen ko Laban tərε ye a mirila a ma ja mən ma fələ, a te a mirila a ma wo ja ma butun.

³ Lon do rɔ, Allabatala ka a fɔ Yakuba yε ko: «I kəseyi i fa so la, ka wa i badenmailu tεma. N di to i fε.» ⁴ Wo rɔ, Yakuba ka kela di Raseli ni Leya ma ko alu ye na a tərən wula kəndε, a la kolofen ye yɔrɔ mən. ⁵ Alu seni ye, Yakuba ka a fɔ alu yε ko: «N da a yen ai fa ja rɔ ko a tərε ye mirila n ma ja mən ma fəlɔfəlɔ, a te mirila n ma wo ja ma butun, kəni n fa Maari Alla ra to n fε. ⁶ Ai jere ka a lən ko n da baara ke ai fa yε n fanka bεε la.

⁷ Hali wo, ai fa ka n janfa, ka do bɔ n sara la ko tan, kəni Alla ma sən a ye kojuu ke n na. ⁸ Ni ai fa ka a fɔ ko finman ni gbəman ye kolofen mənilu rɔ, ko woilu ri ke n sara ri, nba, kolofen bεε ra ke finman ni gbəman di. Ni a ka a fɔ ko kolofen mənilu manjəennin, ko woilu ri ke n ta ri, nba, kolofen bεε ri manjəen. ⁹ Alla le ka ai fa la kolofenilu bɔ a bolo ka alu di nde ma.»

¹⁰ Yakuba ka a fɔ a musoilu yε ikɔ tuun ko: «Kolofen ye yεləla i jəoñ kan waati mən na, n sibora. N ka a yen sibo rɔ ko bakərən mənilu ye yεləla bamusoilu kan, wo bεε manjəennin de. ¹¹ Wo waati rɔ, Alla la mεləka ka a fɔ n yε ko: «Yakuba.» N kan ko: «Naamun.» ¹² A kan ko: «Bakərən mənilu

ye yelela bamusoilu kan, i ye woilu kɔrɔsi. A bɛe manjɛennin de. A ye wo na le ka a masɔrɔn Laban ka fen fen kɛ i la, n ka wo bɛe yen.» ¹³ A kan ko: «Alla le nde ri, men ka a jɛrɛ yiraka i la Beteli. I ka tulu kɛ kabakurun kan dinkira men dɔ ka a kɛ tɔɔmasere ri, ka i dakan ta n yɛ. Nba, sisen, i wuli ka bɔ jamana jin dɔ, ka i kɔseyi i fa so la.»

¹⁴ Raseli ni Leya ka a jabi: «An tɛ foyi sɔrɔnna yan an fa la cɛerɔ a la saya kɔrɔ. ¹⁵ An fa jɛrɛ tɛ an jatela foyi ri sisen fo siya gberɛ mɔɔ. A ra an san, ka an furu fen bɛɛ damunun ka a ban.» ¹⁶ Alu kan ko: «Alla ra nanfulu men bɛɛ mira an fa la ka a di i ma, an ta le wo bɛe ri, a ni an denilu. Nba, Alla ka men fɔ i yɛ, i ye wo kɛ fasayi.»

¹⁷ Wo rɔ, Yakuba wulira ka a musoilu ni a denilu layele jɔɔmɛilu kan, ka sila mira ka wa. ¹⁸ A ka a la kolofen bɛɛ bila a jɛ ka wa a fa Isiyaka wara, Kanaan jamana rɔ. A ka a la kolofenilu ni a bolofen bɛɛ ta, a tun ka fen fen sɔrɔn Padani Aramu.

¹⁹ Alu watɔla, Raseli ka a fa Laban na jooilu sonya ka wa alu ri a bolo. A ka woilu sonya a fa kɔ ma, baa Laban wani tɛrɛ a la saailu si mali diya.

²⁰ Yakuba ka Aramu bɔnsɔn Laban janfa wo na le ma. A ma a sara a la fo ka a dokon a ma ka wa. ²¹ A ka a bolofen bɛɛ ta ka a bori. A ka Efirati ba tɛɛ, ka wa Kiliyadi koyinkɛ jamana fan fɛ.

Laban ka Yakuba kɔsarān

²² Yakuba wa tele sawanan lon, a fɔra Laban yɛ ko Yakuba ra a bori.

²³ Laban ka a badenmailu ladɛn ka wa Yakuba kɔ. Alu ka tele wɔrɔnwula kɛ a kɔsaranna. Alu ka Yakuba tɛrɛn Kiliyadi koyinkɛ yɔrɔ rɔ, ²⁴ kɔni sani alu ye i jɔɔn yen, Alla ka a jɛrɛ yiraka Aramu bɔnsɔn Laban na sibo rɔ, ka a fɔ a yɛ ko: «Laban, i ye a kɛ kojuma. I kana Yakuba danka, i kana duwawu kɛ a yɛ!»

²⁵ Nba, Laban wara Yakuba tɛrɛn tu-mana men na, Yakuba tun da a la faan-inbonilu lɔ koyinkɛ do le kan. Laban ni a badenmailu ka alu la faaninbonilu lɔ Kiliyadi koyinkeilu kɔrɔ. ²⁶ Laban wara ka a fɔ Yakuba yɛ ko: «I ka nfen de ko kɛ n na jin ten? I ra janfa don n ma ka n denmusoilu ta ikomin jɔn ye mirala kɛlɛ rɔ ja men ma. ²⁷ Nfenna i ka i dooko n ma ka

i bori? I ma i sara n na fo ka n janfa. Ni wo tɛ, n tun di tolon ba kɛ i yɛ. An tun di sewa ka donkilila, ka dundun fɔ, ka kora fɔ ka i bilasila. ²⁸ Hali ka n denmusoilu ni n mamarenilu kɔndɔn, i ma wo fɛrɛ di n ma. I na nfen nalonmaya ko kɛla jin di? ²⁹ An ye yɔrɔ men dɔ jin, a se ye n yɛ ka kojuu kɛ i la, kɔni su taminni, i fa Maari Alla kumara n yɛ sibo rɔ. A kan ko: «Laban, i ye a kɛ kojuma. I kana Yakuba danka, i kana duwawu kɛ a yɛ.» ³⁰ Nba, n ka a lɔn ko i kunfani ba le tɛrɛ ka wa i fa so la, kɔni nfenna i ka n na jooilu sonya?» ³¹ Yakuba ka Laban jabi: «N ka n bori ka a masɔrɔn n silanni tɛrɛ i jɛ. A tɛrɛ ye n kɔndɔ ko i ri i denmusoilu bɔ n bolo fanka la ³² kɔni i la jooilu ta fan fɛ, ni i ka woilu tɛren mɔɔ men bolo yan, wo tii ri faa de! An badenmailu siini yan ka kɛ an sereilu ri. Wa i jɔlankalan an na dinkira bɛɛ rɔ. Ni i ka i la fen do yen, i ye a ta.» Yakuba tun ma a lɔn ko Raseli le ka a fa Laban na jooilu sonya.

³³ Laban wara a jɔlankalan Yakuba la faaninbon na, ka bɔ ye ka wa a jɔlankalan Leya la faaninbon na, ka bɔ ye ka wa a jɔlankalan jɔnmuso fila la faaninbonilu la. A ma fen si yen ye. A bɔra ye ka wa a jɔlankalan Raseli la faaninbon na. ³⁴ Jaa, Raseli le tun ka a fa la jooilu dookoma jɔɔmɛ siifen kɔrɔ, ka a sii a kan. Laban ka a jɔlankalan fan bɛɛ rɔ bon na, kɔni a ma foyi yen. ³⁵ Raseli ka a fɔ a yɛ ko: «N fa, i ri hakɛ to. N ye musoilu la landa karɔyen na bi. Wo rɔ, n ti se n wulila.» Laban ka a la jooilu jinjin fan bɛɛ rɔ, kɔni a ma alu yen.

³⁶ Wo rɔ, Yakuba jusu bɔra Laban kanma fo ka a kɛlɛ loo tɛrɛ ye a la. A ka a fɔ a yɛ ko: «I ra n kɔsarān ten nfenna? N ka kojuu su numan de kɛ i la? N ka hakɛ su numan ta i la? ³⁷ Nba, i ra i jɔlankalan ka n bolofen bɛɛ mafɛnɛ sisen, i ka i la fen su numan yen? I ka men yen, wo labɔ an badenma bɛɛ jana yan, sa alu ri kititeɛ an tɛma. ³⁸ Nde ka san muwan kɛ i wara. I la saamusoilu ni i la bamusoilu fen fen kɔnɔ ma tijan. N ma i la saaji si mafaa ka a damun. ³⁹ Wara wa men mira ka wo faa, n te wo yiraka i la. N jɛrɛ ri wo jɔɔn sara. Men wa sonya su rɔ, a ni men wa sonya tele rɔ, i ri a fɔ ko n ye wa wo jɔɔn jinjin. ⁴⁰ Tara gbara n na tele rɔ. Nene ka n mira su rɔ. N ma se sunoola. ⁴¹ N ka san

muwan ke i wara. N ka san tan ni naanin ke baarala i ye i denmuso fila ko koson. N ka san wɔɔrɔ ke baarala ka kolofen doilu soron, kɔni i ka do bɔ n sara la sija tan. ⁴² N benba Iburahima Maari Alla, n fa silanni Maari Alla men ye kɔnin, ni wo tun ma ke n fe, sa i ra n bolokolon gben a to, kɔni Alla ka n na tɔrɔya le yen. N ka baara men ke, ale le ka wo lɔn. Wo le koson, a ka kititee ile ni nde te su taminni jin dɔ.»

⁴³ Laban ka Yakuba jabi: «Muso jin ye n denmuso ilu le ri. Alu den ye n mamaren de ri. Kolofen jin ye n na kolofen de ri. I na yen fen fen na jin, n ta le wo bε ri, kɔni n ti se n denmuso ilu ni n mamaren ilu bɔla i bolo butun. ⁴⁴ Wo rɔ, an ye bɛn kan kelen ma an ni i jɔɔn tema, sa sereya ri ke nde ni ile tema.»

⁴⁵ Yakuba ka kabakurun do ta ka a lalɔ ka a ke tɔɔmasere ri. ⁴⁶ A ka a fɔ a badenmailu ye ko: «Ai ye na kabakurun di.» Alu ka kabakurun ta ka a ton i jɔɔn kan. Wo keni, alu bεe ka i laden ka damunun ke kabakurun ton tɔrɔfe. ⁴⁷ Laban ka kabakurun ton wo tɔɔ la ko Sekari Sahaduta. Yakuba ka a tɔɔ la ko Kalèdi. ⁴⁸ Laban kan ko: «Kabakurun ton men ye sereya le ri nde ni ile tema bi.» Wo le koson yɔrɔ wo tɔɔ lara ko Kalèdi. ⁴⁹ A ye kilila fanan ko Misipa, ka a masɔrɔn Laban ka a fɔ Yakuba ye ko: «An wa fara, Allabatala ye an fila bεe kɔrɔsi. ⁵⁰ Ni i ka kojuu ke n denmuso ilu la, ni i ka muso gberεilu ta, hali n ma ko lɔn a rɔ, Alla ja yen an fila bεe la. I kana jinna wo kɔ rɔ.»

⁵¹ Laban ka a fɔ Yakuba ye ko: «I ja lo kabakurun ton jin dɔ, ka i ja lo kabakurun jin dɔ, n ka men lɔ ka a ke tɔɔmasere ri. ⁵² Kabakurun ton jin di ke sereya ri. Kabakurun lɔni jin fanan di ke sereya ri. Wo rɔ, n kana tamin alu la ka wa i kεlε. I fanan kana tamin alu la ka na n kεlε. ⁵³ I benba Iburahima ni n benba Nakɔri a ni alu failu Maari ri kititee nde ni ile tema.»

Yakuba ka a kali Alla la, a fa Isiyaka silanni men ye. ⁵⁴ Yakuba ka kolofen do faa ka Alla sɔ wo rɔ koyinkε kan ye, ka a janin ka a badenma bεe kili ko alu ye na damunun ke. Alu ka damunun ke ka si koyinkε kan ye.

32

Yakuba ka kela lawa Esawu ma

¹ Wo sɔɔma da la jona, Laban wulira ka a denmuso ilu ni a mamaren ilu kɔndɔn ka duwa alu ye, ka ban ka sila mira ka a kɔseyi a wara.

² Yakuba ni a la mɔɔilu ka sila mira ka wa. Alu watɔla, Alla la mεlεka doilu nara ben Yakuba la. ³ A ka alu yen waati men na, a kan ko: «Dinkira jin ye Alla la daa make diya le ri.» Wo rɔ, a ka dinkira wo tɔɔ la ko Mahanimu.

⁴ Yakuba ka keladenilu lawa a jε a kɔrɔcε Esawu ma Seyirila jamana rɔ, Edɔmu mara rɔ kɔnin. ⁵ A ka alu kelaya ko: «Ai ye wa a fɔ n tii Esawu ye ko a la jɔncε Yakuba kan ko n wani tere Laban wara. Ko n tun da men ye, kɔni sisèn n da n kɔseyi. ⁶ Ko nisi ye n bolo, a ni fali, a ni saa, a ni ba, a ni jɔnilu. Ko n ye kela la wala a ma, sa n na ko ri diya n tii Esawu ye.» ⁷ Keladenilu wara kela wo fɔ Esawu ye. Alu ban men keni kela fɔla, alu ka alu kɔseyi Yakuba ma ka a fɔ a ye ko: «An wara i kɔrɔcε Esawu tereñ ye. A natɔ i labenna. Ce kεmε naanin ye a bolo.»

⁸ Yakuba silanda kojuuya foo ka a kɔnɔ rakaliya. A ka a la mɔɔilu ratala ka alu ke kuru fila ri, ka a la saa a ni ba a ni nisi a ni jɔɔmεilu fanan datala wo ja ma. ⁹ A tere ye a mirila ko: «Ni Esawu nara be kuru kelen kan, a tɔ kelen di i bori ka bɔ a bolo.»

¹⁰ A ka Alla tara ko: «εε Allabatala, n benba Iburahima ni n fa Isiyaka Maari, ile le ka a fɔ n ye ko n ye n kɔseyi n fa so la, ka wa n badenmailu tema. I kan ko i ri hεre ke n ye ye. ¹¹ I la kaninteya ka bon nde ma. N ka Juridɛn ba tεe fɔlɔman, foyi tere tε n bolo, fo n na taama gbeleke dɔrɔn, kɔni bi, n na mɔɔilu ra siyaya kosebε, foo ka ke kuru fila ri. ¹² I jaandi, i ye n bɔ n kɔrɔcε Esawu bolo. N silanni a jε. A kana na be n kan, ka n na denilu ni ie nailu faa. ¹³ I jεre le ka a fɔ ko i ri hεre ke n ye ka n bɔnsɔn siyaya iko kɔɔji kijε, mɔɔ te wo men dan lɔnna.»

¹⁴ Yakuba banda Alla matarala ka su si dinkira wo rɔ. A ka a la kolofen doilu jenemətɔmɔn, ka alu sanba a kɔrɔcε Esawu ma. ¹⁵ A ka bamuso kεmε fila ni bakɔrɔn muwan bɔ, ka saamuso kεmε fila ni saaji muwan la woilu kan. ¹⁶ A ka jɔɔmεmuso bisawa ni woilu sinmindenilu fanan bɔ. Ka la woilu bεe kan, a ka nisimuso binaanin ni tora tan fanan bɔ, a ni falimuso muwan ni falice tan. ¹⁷ A ka kolofen woilu ke kuru doilu ri, bεe ni a ta. A ka kuru kelen kelenna

bεe karifa a la jøn kelen kelenna la. A ka a fø alu ye ko: «Alu ye wa n jøe, ka tøe ladon kolofen kuruilu tøma.» ¹⁸ A ka a fø jøn følø ye ko: «I wa n kørøce Esawu yen, a ri i majininka ko: «I tii ye yon di? I watø mi ten? Kolofen jønilu ye yon ta ri?» ¹⁹ A wa jøninkali ke ten, i ye a jabi: «I la jønce Yakuba ta le. A ka alu lana ile le ma, ko ka a tii Esawu sanba. A jøre natø kø fe.»

²⁰ Yakuba ka kuma kelen wo fø jøn filanan yø, a ni jøn sawanan, a ni a to bεe, kolofen kuruilu karifani mεnilu la. A ka a fø alu ye ko: «Ai wa n kørøce Esawu yen, ai ye jabili kelen wo di a ma. ²¹ Ai ye a fø a yø fanan ko a la jønce Yakuba natø le jøn di.» Yakuba ye a mirila ko: «Ni n ka a ladiya kolofenilu la følø, a jusu ri suma. Wo rø, an wa an jøøn yen, n na ko ri diya a yø.» ²² Nba, Yakuba ka sanba fen woilu lawa a jøe, køni ale jøre ka su si dinkira wo rø ye.

Yakuba ka søedon

²³ Su kelen wo rø, Yakuba wulira. A ka a muso fila ni a la jønmuso fila, a ni a dencø tan ni kelen, natamin Jabøki ba køma. ²⁴ A ka alu latamin ba kø, ka ban ka a bolofenilu bεe fanan natamin. ²⁵ Yakuba kelen pe tora ba fan kelen wo fe. Su wo rø, cø do nara be Yakuba kan. Alu ka søedon foo ka kønø bo. ²⁶ Cø wo ka a yen ko a ti na lasela Yakuba la waati mεn na, a ka Yakuba gbasí a worokudu rø. Wo rø, Yakuba woro kolo mukara. ²⁷ Cø kan ko: «I ye n bila. Kønø bøtø le.» Yakuba ka a jabi: «N te! Ni i ma baraka don n dø, n te i bila fewu!» ²⁸ Cø kan ko: «I tøø di?» A ka a jabi: «N tøø le Yakuba.» ²⁹ Cø kan ko: «I tøø te wo ri butun. I tøø le sisen ko Isirayøli, ka a masørøn i ni Alla ra søedon, i ni møøilu ra søedon, wo bεe rø fanka ye i bolo.»

³⁰ Yakuba ka a fø a yø ko: «I jaandi, i tøø fø n yø.» Cø kan ko: «Nfenna i ye n tøø majininkala?» A ka baraka don Yakuba la ko rø. ³¹ Yakuba ka wo dinkira tøø la ko Penuyøli. Wo kørø le ko: «N da Alla yen ja ni ja, køni n ma faa.»

³² Yakuba børa Penuyøli telebø waati. A tøø ye taamala ka jii a sen kelen ma ka a masørøn a sen da muka. ³³ Nba, Yakuba gbasira a worokudu le rø wo ja le ma. Wo le ka a kε, Isirayølika tøø kolofen worokudu fasa damunna, haan bi.

33

Yakuba ni Esawu ka i jøøn ben

¹ Nba, Yakuba ka a ja lø ka Esawu natøla yen. Ce møø kømø naanin ye a køfe. Wo rø, Yakuba ka a denilu ratala Rasøli ni Leya tøma, a ni jønmuso fila tøma, bεe ni a na.

² A ka jønmusoilu ni alu den bila jøe fe, ka Leya ni a denilu tuun woilu la, ka Rasøli ni Yusufu bila kø fe. ³ A jøre taminda jøe fe. A wara ka i majii bake sijnø wørønwula, ka i madon a kørøce Esawu la. ⁴ Esawu ka i bori ka na a labøn. A ka a to a kan ka a sunbu. Alu fila bεe kasira. ⁵ Esawu ka a ja lø ka Yakuba musoilu ni a denilu yen. A kan ko: «Mønilu nani i fe jøn di, yon de woilu ri?» Yakuba kan ko: «N tii, Alla kininkininda n ma ka den mønilu di n ma, woilu le ten.»

⁶ Jønmusoilu ni alu deni ka ai madon ka ai majii ka a fo. ⁷ Leya ni a denilu fanan nara ka alu majii. A laban, Rasøli ni Yusufu nara ka alu majii.

⁸ Esawu ka Yakuba majininka ko: «N bønda kolofen kuru siyaman di. Wo kørø ye nfen di?» Yakuba ka a jabi: «N tii, n ka alu lawa i ma, kosa n na ko ri diya i yø.» ⁹ Esawu kan ko: «N doo, fen siyaman ye nde fanan bolo. I bolofenilu ye to i bolo.» ¹⁰ Køni Yakuba kan ko: «I jaandi. Ni n na ko ra diya i yø, i ye woilu mira. N ja la i kan sisen, wo le iko n da n ja la Alla kan ka a masørøn i ra n damira kojuma. ¹¹ I jaandi. N ka i sanba fen mønilu la, i sabari ka woilu mira. Alla ra kininkin n ma. N bolofen ka siya, n døseni te foyi la.» Yakuba ka wo magbøleya kosebe foo Esawu dijøera wo ma.

¹² Esawu ka a fø a yø ko: «An ye wa. N di wa i malø.» ¹³ Yakuba ka a jabi: «N tii, i jøre ka a løn ko denilu la ko ka gbølen. Fanka tøø alu la. Kolofenilu ni alu sinmindenilu ye n bolo fanan. N kana jøna woilu kø. Ni n ka taama lakaliya tele kelen kørø dørøn, wo te bøn. Kolofenilu ri faa. ¹⁴ N tii, i ye wa n jøe sisen. N di wa dooni dooni, ka bøn kolofenilu ni denilu taama ja ma. N di i tøøn Seyiri la jamana rø.» ¹⁵ Esawu kan ko: «Ale le wo ri. N na møø doilu ri to n kø ka i malø.» Yakuba kan ko: «N tii, i kana i jøre tøø butun. Ni n diyara i yø, wo ri n wasa.»

¹⁶ Wo rø, Esawu ka sila mira wo lon kelen ka wa Seyiri la jamana rø.

¹⁷ Koni Yakuba wara Sukəti. A ka a la bon lə ye, ka gba lə a la kolofenilu yε. Wo le kosən, alu ka dinkira wo təo la ko Sukəti.

Yakuba sera Sikəmu so kəndo

¹⁸ Yakuba bəra Padani Aramu ka wa. A numa donda Sikəmu so kəndo, men ye Kanaan jamana rə. A seni ye, a ka a la faan-inbon lə so kəkan. ¹⁹ A la faaninbon ləni dinkira men, a ka wo dinkira san Sikəmu fa Haməri bənsən de ma. A ka a san wodigbə kəmə le la. ²⁰ A ka Alla saraka bə diya lə dinkira wo rə, ka wo təo la ko Alla ye Isirayeli Maari le ri.

34

Dina ni Sikəmu la ko

¹ Nba, Leya ka denmuso men sərən Yakuba yε, wo təo le tere ko Dina. Lon do rə, Dina wara bə diya sunkurunilu fə so kəndo. ² Kanberen do tere ye, men təo ko Sikəmu. Wo fa le Hifika Haməri ri, men ye jamanatiyya la. Sikəmu ka Dina yen waati men na, a ka a mira fanka la ka a la a fə ka a ratijan.

³ Yakuba denmuso Dina diyara Sikəmu yε kosebə. A ka a kanin. Wo rə, Sikəmu kumara a yε kojuma, kosa a la ko ri diya sunkurun yε. ⁴ Sikəmu ka a fə a fa Haməri yε ko: «I ye sunkurun jin furu n yε.»

⁵ A fəra Yakuba yε ko Sikəmu ra a denmuso ratijan. Wo tuma, a denceilu ye kolofen dafə wula kəndo. Wo rə, Yakuba ma foyi fə fo ka alu makənə.

⁶ Sikəmu fa Haməri nara bə Yakuba fə, ka na kuma a yε. ⁷ Yakuba denceilu nara ka bə wula kəndo. A fəra alu ye tuma men na ko Sikəmu ra alu doomuso ratijan, alu dun-yara ka mənə kojuuya, baa Sikəmu na men kəla, kojuu ba le wo ri Isirayeli la məailu wara. Məo te wo kəla muumə! ⁸ Haməri ka a fə Yakuba yε ko: «I denmuso duman n dence Sikəmu yε kosebə. N ye ai madiyala, ai ye a di n ma, a ye kε a muso ri. ⁹ An ye kε furuŋənmailu ri. Ai ye ai denmuso ilu di an ma. An fanan di an denmuso ilu di ai ma. ¹⁰ Ai di to an fε an wara yan. Jamana bεe labilani ai yε. Ai ye i sii yan ka a julaya kε. Ai ye duu san ka a kε ai ta ri.»

¹¹ Sikəmu ka a fə Dina fa ni a kərəcəilu yε ko: «Ai jaandi, ai ye hina n na. Ai ye dijə n yε. Ai wa fen fen jənin n fε, n di wo bə ka a

di ai ma. ¹² Ai ye furu nanfulu ba ni wodi siyaman fə. N di wo bεe bə ikomin ai ka a fə ja men ma, sa ai ri denmuso di n ma ka a kε n muso ri.»

¹³ Ikomin Sikəmu tun da ban alu doomuso ratijanna, Yakuba denceilu ka Sikəmu ni a fa Haməri jabi janfa kuma la.

¹⁴ Alu kan ko: «Ka an doomuso di kojiibali ma, wo tε ben. Maloya ko ba le wo ri an wara. ¹⁵ An tε sən wo ma foo ai cəman bεe ye a wara foo wo bεe wa faaninta kε ikomin an bεe faaninta kəni ja men ma.

¹⁶ Ni wo kera, an di an denmuso ilu di ai ma. An fanan di ai denmuso ilu furu. An di an sii ai təma yan ka kε məo kelen di. ¹⁷ Ni ai kənin ma sən faaninta kε ko ma, an di an denmuso mira kə wa a ri.»

¹⁸ Kuma wo diyara Haməri ni a dence Sikəmu yε. ¹⁹ Sikəmu bəra ye i kərə ka wa ko wo raben, baa Yakuba denmuso duman a yε kosebə. Sikəmu wo bonyani tere ka tamin məo bεe kan a fa wara. ²⁰ Haməri ni a dence Sikəmu wara ladən diya so donda la ka kuma so kəndo məailu yε. ²¹ Alu kan ko: «Məo men ye an duŋənnilu le ri. An ye dijə alu ye to an na jamana kəndo ka julaya kε an na jamana rə, baa an na jamana ka bon, an bεe ri kun a kəndo. An di alu denmuso ilu furu ka an denmuso ilu di alu ma. ²² Koni ko do ye an təma. Ni cε bεe ma sən ka faaninta kε, iko alu bεe faaninta kəni ja men ma, alu tε sən ka alu sii an təma ka an kε məo kelen di. ²³ Ni alu ka alu sii an təma yan, alu la kolofen ni alu bolofen bεe tε kε an ta ri wa? An ye sən faaninta kε ko wo ma, sa alu ri to an təma yan.»

²⁴ So kəndo məailu bεe sənda Haməri ni a dence Sikəmu la kuma wo ma. Wo rə, cε menilu tere ye so kəndo, wo bεe faanintara.

²⁵ Nba, alu la faaninta kε tele sawana lon, ka dimin to alu kan, Yakuba dence fila, Simeyon ni Lebi kənin, menilu ni Dina ye fa kelen ni na kelen na, woilu ka alu la fanmuruilu ta ka na be so kəndo məailu kan, məailu men hankili tε kəle wo ma. Alu nara don so kəndo məailu jənama, ka cəilu bεe faa. ²⁶ Alu ka Haməri ni a dence Sikəmu fanan faa, ka alu doomuso Dina ta Sikəmu la bon na ka wa a ri.

²⁷ Yakuba dence təilu nara fureilu lani tere yε tuma men na, alu ka so kəndo məailu bolofen bεe ta, ka a masərən Sikəmu ka alu doomuso ratijan. ²⁸ Alu ka saa ni ba ni nisi ni falilu ta. Alu ka fen menilu yen so

kondə a ni səneilu rɔ, alu ka wo bɛe ta. ²⁹ Alu ka nanfulu bɛe mira, ka musoili ni denilu bɛe mira. Fen fen tɛrɛ ye bon na so kondə, alu wara wo bɛe ri.

³⁰ Yakuba ka a fɔ Simeyən ni Lebi ye ko: «Ai ka mən ke jin di, wo ri ke ko ba ri n kuna. Ai ra n gboya yan məɔilu yε, Kanaan bənsən ni Feresikailu kənin. N na məɔilu ma siya. Ni yan məɔilu ka alu ladən ka be an kan, n ni n na denbaya bɛe ri faa.» ³¹ Alu ka a jabi: «A ka an doomuso jate iko sunkurunba. Wo benni wa?»

35

Yakuba wara Beteli

¹ Lon do rɔ, Alla ka a fɔ Yakuba yε ko: «I ye wa i sii Beteli. I wa se ye, i ye saraka bɔ diya do lɔ Alla yε, mən ka a jere yiraka i la wo lon ka a təren i boritɔ i kɔrɔcɛ Esawu kɔrɔ.»

² Wo rɔ, Yakuba ka a fɔ a la denbaya ni a la məɔilu bɛe yε ko: «Joo mənilu ye ai bolo, ai ye wo bɛe lafili. Ai ye ai jere səniya, ka ai la faanin sənimani lu bila ai kan na. ³ An bətɔ yan ka wa Beteli. N watɔ saraka bɔ diya do ləla Alla yε ye, mən ka n na tarali lamən ka n dəmən n na tərɔya waati rɔ. A ra to n fe n na taama bɛe rɔ.»

⁴ Joo mənilu tərɛ ye alu bolo, alu nara wo bɛe di Yakuba ma, a ni tololafen mənilu tərɛ ye alu tolo la. Yakuba ka denka sen jiriju do kɔrɔ Sikemu so dafɛ, ka wo fen bɛe dokon.

⁵ Alu wulira ka wa tuma mən na, Alla ka silan ba bila ye məɔilu la so bɛe kəndə. Wo le ka a kε, məɔ si ma bɔ ka bila Yakuba ni a dencəilu kɔ.

⁶ Yakuba ni a la məɔilu sera Lusi, so mən tɔ bi ko Beteli. Wo ye Kanaan de rɔ. ⁷ Yakuba ka saraka bɔ diya lɔ Alla yε ye, ka a tɔ la ko Beteli, baa a ka a bori a kɔrɔcɛ Esawu jε tuma mən na, Alla ka a jere yiraka a la dinkira wo le rɔ.

⁸ Wo tuma, Debora sara, mən tun ka Rebeka lamə. Alu ka wo suu don jiriju do kɔrɔ Beteli so dafɛ, ka jiri wo tɔ la ko An Ye Kasila Jiri Nin Kɔrɔ.

⁹ Yakuba nara Beteli ka bɔ Padani Aramu tuma mən na, Alla ka a jere yiraka a la ikɔ tuunni, ka kuma ka baraka don a la ko rɔ. ¹⁰ Alla ka a fɔ a yε ko: «I tɔ le tərɛ ko Yakuba, kɔni i tɔ te ten butun ko Yakuba. I tɔ le sisen ko Isirayeli.» Alla ka a tɔ la

ko Isirayeli wo na le ma. ¹¹ Alla ka a fɔ a yε ikɔ tuunni ko: «Alla Sebɛɛtii le nde ri. I ye jiri ka siyaya. Jamana siyaman di bɔ i rɔ. I bənsən doilu ri ke mansailu ri. ¹² N ka duu mən di Iburahima ni Isiyaka ma, n di wo di i ma. I bənsən mənilu natɔ i kɔ, n di a di woilu fanan ma.»

¹³ Alla kumara Yakuba yε dinkira mən na, a wara. ¹⁴ Yakuba ka tɔɔmasere kabakurun do lɔ dinkira wo rɔ, Alla kumara a yε dinkira mən dɔ kənin. A ka resenji labən kabakurun wo kan, ka Alla sɔ wo rɔ. A ka tulu fanan nabən a kan. ¹⁵ Alla kumara a yε dinkira mən na, Yakuba ka wo dinkira tɔɔ la ko Beteli.

Raseli la saya ko

¹⁶ Alu bɔra Beteli ka wa. Alu tun ma sudunya Efirata la tuma mən na, Raseli moyi lon sera. A la tin gbɛleyara kosebɛ.

¹⁷ A ye tin kan tuma mən na, tinkɔrɔsilali ka a fɔ a yε ko: «i kana silan, i ra dence kura sərɔn.»

¹⁸ Koni Raseli ma bɔ a rɔ. A satɔla ka a den tɔɔ la ko Benoni*. A sanin kɔrɔ, Yakuba ka den tɔɔ la ko Beniyaminu†.

¹⁹ Nba, Raseli sara. Alu ka a suu don Efirata sila da la. Efirata wo tɔɔ le bi ko Bətiləhəmu. ²⁰ Yakuba ka tɔɔmasere kabakurun do lɔ Raseli kaburu kan. Kabakurun wo lɔni ye haan bi.

Yakuba dencəilu

²¹ Isirayeli ni a la məɔilu bɔra ye ka wa ai la faaninbonilu lɔ Mikidali Edəri kɔma.

²² Ai siini ye tuma mən na, Ruben ka i la Bilaha fε, mən ye a fa Isirayeli muso do ri. Ruben ka mən kε, wo fɔra a fa Isirayeli yε.

Yakuba dencəilu tərɛ məɔ tan ni fila le ri. ²³ Leya ka Ruben de fəlɔ sərɔn, ka Simeyən tuun wo la, ka Lebi tuun wo la, ka Yahuda tuun wo la, ka Isakari tuun wo la, ka Sabulɔn tuun wo la. Ruben tərɛ Yakuba den fəlɔ le ri. ²⁴ Raseli dencəilu tərɛ ye Yusufu ni Beniyaminu ri. ²⁵ Raseli la jənmuso Bilaha ka Daan ni Nefitali sərɔn. ²⁶ Leya la jənmuso Silipa ka Kadi ni Asəri sərɔn. Nba, woilu le Yakuba dencəilu le ri, a musoili ka mən sərɔn a yε Padani Aramu.

Isiyaka la saya ko

²⁷ Nba, Yakuba sera a fa Isiyaka wara Mamere, Kiriyati Ariba so da la. Bi,

* ^{35:18} Benoni kɔrɔ ye le ko «tərɔya dence» † ^{35:18} Beniyaminu kɔrɔ ye le ko «bolokininma dence»

mooilu ye a fola Kiriyati Ariba le ma ko Heburon. Iburahima siini tere dinkira wo le ro. Isiyaka fanan siini tere ye le.
²⁸ Isiyaka soron ka san kemne ni san biseyin bo huma men na, ²⁹ a sara ka la a benbailu kan. A korrora ka a la korroya diya bo. Adence fila Esawu ni Yakuba ka a suu don.

36

Esawu ka i mabɔ Yakuba la

¹ Esawu bənson de jin di. Məəilu ye a fəla Esawu le ma ko Edəmu. ² Esawu ka Kanaan bənson sunkurun doilu furu. Do təə ko Ada, men tere Hetika Elən denmuso le ri. Do fanan təə ko Olibama, men tere Ana denmuso le ri. A benba tere Hifi do le ri, men təə ko Sibeyən. ³ Esawu ka Basimati fanan furu, Isumayila denmuso kənin. Basimati kərəcə təə ko Nebayəti.

⁴ Ada ka Elifasi sərən Esawu yε. Basimati ka Reweli sərən a yε. ⁵ Olibama ka Jesi ni Jalamu ni Kore sərən. Esawu denceilu le woilu ri, a musoilu ka mənilu sərən a yε Kanaan jamana rɔ.

⁶ Nba, lon do rɔ, Esawu wara jamana
gbere rɔ ka a mabɔ a dooce Yakuba la. A ka a
musoili ta, a ni a denceilu ni a denmusoili
a ni a la mɔɔ tɔili bɛe. A ka a la kolofen
ni a bolofen fanan bɛe ta, a tun ka men
bɛe sɔrɔn Kanaan jamana rɔ. A ka wo bɛe
mira ka wa yɔrɔ gbere rɔ, ⁷ baa a ni a dooce
Yakuba bolofenilu ka siya tere kosebe. Wo
kera sababu ri alu fila ma se tola i jnɔɔn kan
yɔrɔ kelen dɔ. Alu siini tere jamana men dɔ,
wo dooman tere alu fila bolo ka a masɔrɔn
alu la kolofenilu wara kojuuya. ⁸ Wo rɔ,
Esawu bɔra ye ka wa i sii koyinkema yɔrɔ
do rɔ, Seyiri la jamana rɔ. Mɔɔili ye a fɔla
Esawu ma ko Edɔmu.

⁹ Esawu le kera Edəmu bənsən bəe benbari, mənilü siini Seyiri la koyinkəma jamana rə. A bənsən de nin di. ¹⁰ Esawu dence ilu le ten: Elifasi, Esawu muso Ada dence. Rewəli, Esawu muso Basimati dence.

11 Esawu dence Elifasi dence ilu le ten:
Teman, Omar, Sefo, Katamu a ni Kenasi.

12 Esawu dence Elifasi ka jənmuso do fanan ta. Wo təo ko Tima. Ale le ka Amaleki sərən a yε. Esawu muso Ada bənsən de woilu ri.

¹³ Esawu dence Reweli dence ilu le ten:
Nahati ni Seraki ni Sama ni Misa ri.
Esawu muso Basimati bōnson de woilu ri.

¹⁴ Esawu muso Olibama, wo tere Ana den-muso le ri. A benba tere Sibeyon de ri. Olibama ka dence menilu soren Esawu ye, woilu le tere Jesi ni Jalamu ni Kore ri.

15 Nba, mənilu kera kabilabatii ri Esawu bənson də, woilu le ten. A dence fələ Elifasi dence woilu rə, mənilu kera kabilatii ri, woilu le ten: Teman, Omar, Sefo, Kenasi,
16 Kore, Katamu a ni Amaleki. Kabilitatii mənilu bəra Elifasi rə Edəmu bənson na jamana rə, woilu le le tere jin di. Esawu la muso Ada bənson de woilu ri.

17 Esawu dence Reweli dence mənilu kera kabilabatii ri, woilu le ten: Nahati, Seraki, Sama a ni Misa. Kabilatii mənilu bora Reweli rɔ Edəmu bənson na jamana rɔ, woilu le tere nin di. Esawu muso Basimati bənson de woilu ri.

¹⁸ Esawu muso Olibama dence menilu kera kabilabatii ri, woilu le ten: Jesi, Jalamu a ni Kore. Esawu muso Olibama dence menilu kera kabilatii ri, woilu le tere pin di. Olibama tere Ana denmuso le ri.

¹⁹ Nba, woilu le Esawu dence ri, a ni kabilatii. Edəmu bənsən de woilu ri.

Seyiri dence ilu

²⁰ Nba, Esawu ka Hori Seyiri denceilu menilu teren Edemu bənsən na jamana rə, woilu le ten Lotan, Sobali, Sibeyən, Ana, ²¹ Disən, Esəri a ni Disan. Seyiri denceilu le woilu ri, menilu kera Horilu la kabilabatii ri Edemu bənsən na jamana rə. ²² Lotan denceilu le tere Hori ni Heman ri. Lotan doomuso le tere Tima ri. ²³ Sobali denceilu le ten: Aliban, Manahati, Ebali, Sefo a ni Onamu. ²⁴ Sibeyən denceilu le tere Aja ni Ana ri. Ana wo tere ye a fa la falilu gbənna tuma mən na, ale le fələfələ ka ji kaliman yen bə duu rə wula kəndo ye. ²⁵ Ana dence le tere Disən di. A denmuso tere Olibama ri. ²⁶ Disən denceilu le ten: Həmedan, Esiban, Itiran a ni Keran. ²⁷ Esəri denceilu le tere Bilan ni Saban ni Akan di. ²⁸ Disan denceilu le tere Usi ni Aran di.

²⁹ Nba, Horilu la kabilabatii le ten: Lotan, Sobali, Sibeyon, Ana, ³⁰ Dison, Eseri a ni Disan. Menilu kera Horilu la kabilabatii ri Seyiri la jamana ro, woilu le tere nin di.

Edəm u mansailu

31 Sani mansa ye a sii Isiray elika kun na,
mansa menilu tere ye mansaya la Edəmu
bənson na jamana rɔ, woilu le nin di.

³² Beyɔri dence Bela kera mansa ri Edɔmu bɔnsɔn na jamana kun na. A siini tere so men na, wo le tɔɔ ko Dinhaba. ³³ Bela sani, Seraki dence Jobabu kera mansa ri a nɔ rɔ. Wo siini tere so men na, wo le tɔɔ ko Bɔsira. ³⁴ Jobabu sani, Usamu siira mansaya la a nɔ rɔ. Ale bɔra Temanka jamana le rɔ. ³⁵ Usamu sani, Bedadi dence Hadari siira mansaya la a nɔ rɔ. Wo le ka Madiyan bɔnsɔn kεlε Mowabu bɔnsɔn na jamana rɔ ka se alu la. A siini tere so men na, wo le tɔɔ ko Abiti. ³⁶ Hadari sani, Samula siira mansaya la a nɔ rɔ. Ale bɔni Masirekan de. ³⁷ Samula sani, Sawuli le kera mansa ri a nɔ rɔ. Wo bɔra Rehoboti, men ye ba da la. ³⁸ Sawuli sani, Akibori dence Bahali Hanani siira mansaya la a nɔ rɔ. ³⁹ Akibori dence Bahali Hanani sani, Hadari siira mansaya la a nɔ rɔ. Ale siini tere so men na, wo le tɔɔ ko Pawu. A muso tɔɔ le ko Matabeli. Matabeli tere Matiredi denmuso le ri. A benba le tere Masabu le ri.

⁴⁰ Nba, kabilabatii mεnilu bɔra Esawu denilu rɔ, woilu tɔɔ le jin di, a bεe ni a la mɔɔilu, a bεe ni a la duu. Alu tɔɔ le ten: Tima, Aliba, Jeteti, ⁴¹ Olibama, Ela, Pinon, ⁴² Kenasi, Teman, Misari, ⁴³ Madiyeli a ni Iramu. Woilu le kera kabilabatii ri Edɔmu bɔnsɔn na jamana rɔ, a bεe ni a la duu. Esawu le kera Edɔmu bɔnsɔn bεe benba ri.

37

Yusufu la siboilu kan

¹ Nba, Yakuba ka i sii Kanaan jamana rɔ, a fa siini tere dinkira men do kɔnin. ² Yakuba denceilu la ko le jin di.

Yusufu sɔrɔn ka san tan ni wɔrɔnwula bɔtuma men na, a tere ye saai ni bailu gbenna a kɔrɔceilu fe. A tere ye a fa la jɔnmusoilu Bilaha ni Silipa denceilu dεmennna. Dence woilu tere ye ko bεnbali menilu kela la, Yusufu tere ye wo bεe nafɔla a fa ye.

³ Yusufu duman tere Isirayeli ye ka tamin a den tɔ bεe la ka a masɔrɔn a ka Yusufu sɔrɔn a la cεmɔɔbaya waati le rɔ. Wo rɔ, Yakuba ka durukiba jnuma manjεenman do di Yusufu ma. ⁴ Yusufu kɔrɔceilu ka a yen ko a duman alu fa ye ka tamin alu tɔ bεe la. Wo rɔ, Yusufu gboyara alu ye foo alu ka alu ban kuma jnuma fɔla a ye.

⁵ Lon do rɔ, Yusufu sibora. A ka wo nafɔ a kɔrɔceilu ye tuma men na, do lara a la gboyajε kan. ⁶ A ka a fɔ alu ye ko: «Ai ye i tolo malɔn na sibo kan na! ⁷ N sibora an bεe ye sene rɔ. An tere ye suman kala ka a lasidi. Wo yɔrɔni bεe, n ta sumansidi ka i wuli ka i lɔ. Ai la sumansidilu nara n ta laminin ka i majii a kɔrɔ.» ⁸ A kɔrɔceilu ka a jabi: «A ye di? A loo ye i la ka i sii an kun na ka ke an na mansa ri wa?» A gboyara alu ye ikɔ tuunni ka tamin fɔlɔman na a la sibo ni a la kumailu kosɔn.

⁹ Yusufu sibora ikɔ. A ka wo fanan nafɔ a kɔrɔceilu ye. A kan ko: «Ai la tolo malɔn na. N da sibo ikɔ tuun. N ka tele yen a ni karo ni lolo tan ni kelen. Wo bεe ka i majii n kɔrɔ.»

¹⁰ A ka sibo nafɔ a fa ni a kɔrɔceilu ye tuma men na, a fa jamanda a ma ko: «Sibo su juman de wo ri? I ye a fe nde ni i na ni i kɔrɔceilu bεe ye na an majii i kɔrɔ wa?» ¹¹ A la ko jangboya ka a kɔrɔceilu mira, kɔni a fa tere ye i mirila sibo wo ma waati bεe rɔ.

Yusufu kɔrɔceilu ka a san

¹² Nba, lon do rɔ Yusufu kɔrɔceilu wara alu fa la kolofenilu gbɛn diya Sikemu.

¹³ Isirayeli ka a fɔ Yusufu ye ko: «I kɔrɔceilu ra wa kolofenilu gbɛn diya Sikemu. N ye a fe i ye wa bɔ ye.» Yusufu kan ko: «Ale le wo ri.»

¹⁴ Yakuba ka a fɔ a ye ko: «Wa bɔ alu fe. Ni alu kεnde, ni ko te kolofenilu fanan na, i ye na wo fɔ n ye.» Wo rɔ, a ka Yusufu lawa ka bɔ Heburɔn kεnegbe rɔ.

A se men keni Sikemu, ¹⁵ a tere ye a mataamala wula kɔndɔ. Ce do ka a tεren ye ka a majininka ko: «I ye nfen jinlinna?»

¹⁶ Yusufu kan ko: «N ye n kɔrɔceilu le jinlinna. Alu ye kolofenilu gbenna. I ka alu diya lɔn wa?» ¹⁷ Ce kan ko: «Alu ra bɔ yan. N ka alu kan men ko alu watɔ Dotan.» Yusufu bɔra ye ka wa alu kɔ. A ka alu tεren Dotan.

¹⁸ A kɔrɔceilu ka a natɔla yen foo yɔrɔ jan. Sani a ye se alu ma, a kɔrɔceilu ka janfa don a ma ko alu ri a faa. ¹⁹ Alu ka a fɔ i jɔɔn ye ko: «Ai ja lɔ, sibotii wo natɔ la le ten! ²⁰ An ye an wuli ka a faa. An ye a lafili kɔlɔn jarjan kɔndɔ ka a fɔ ko wara juu le ka a faa ka a damun. A la sibo ri ke men di wo rɔ, an di wo yen.»

²¹ Ruben ka kuma wo men tuma men na, a loo tere ye a la ka Yusufu kisi alu ma. A kan ko: «An kana a faa. ²² Ai kana a jeli labo. Ai ye a lafili kelon jaran nin kondoo wula kondoo yan, ai kana ko ke a la.» Ruben ka wo fo kosa a ri wa alu kofe ka Yusufu layele kelon do ka wa a di a fa ma.

²³ Nba, Yusufu se men keni alu ma, alu ka a la durukiba juma manjeenman wo bo a kan na. ²⁴ Alu ka a mira ka a lafili kelon do kondoo. Kelon wo jani le tere, ji tun te a kondoo. ²⁵ Alu siini tere damununna tuma men na, alu ka alu ja lo ka jula doilu tamintola la yen. Woilu tere ye Isumayila bonsan de ri. Alu batu Kiliyadi ka wa Misiran. Wusulan ni tulu suma duman ni latikelon tere ye alu la joomailu la donin do.

²⁶ Yahuda ka a fo a badenmailu ye ko: «Ni an ka an dooce faa ka a dokon, an di tono su juman soron wo la? ²⁷ An ye a san Isumayila bonsan julailu ma. An jere kana a faa. An dooce le. An bee ye badenma le ri.» A badenmailu sonda wo ma.

²⁸ Wo ro, Madiyan bonsan julailu tamintola, Yusufu korece ilu ka a layele kelon kondoo, ka a san Isumayila bonsan woilu ma wodigbe muwan na. Woilu ka a san ka wa a ri Misiran.

²⁹ Nba, Ruben nara kelon da la alu kofe, koni a ma Yusufu teren kelon kondoo. Wo gbara a la kojuuya foo a ka a la duruki rafrafara. ³⁰ A wara a dooce ilu teren ye ka a fo alu ye ko: «Kanberen te kelon kondoo ye butun! Ny wala di?»

³¹ Wo ro, alu ka baakoren do faa ka Yusufu la durukiba ta ka a bila wo jeli ro. ³² Alu wara durukiba di alu fa ma ka a fo ko: «An ka durukiba nin teren wula ro. I ye a ragbe ni i dence ta le.»

³³ Yakuba ma fili a ma. A kan ko: «N dence la duruki le jo. Wara juu ra a faa ka a damun. Ee, n dence Yusufu! Wara ra a rafrafara.»

³⁴ Yakuba ka a la duruki rafrafara jusukasi koson, ka landa faanin bila a kan na ikomin landa faanin. A ka tele siyaman ke kasila kojuuya a dence la saya ko ro. ³⁵ A dence ilu ni a denmusoilu tere ye nala ko alu ye alu fa jusu sumala. Koni a ma son a jusu suma ko ma. A kan ko: «N kasimantso ri to n dence la ko la haan n di faa.» Yusufu fa kasira ten de a la saya ko ro.

³⁶ Nba, Madiyan bonsan julailu sera Misiran ka Yusufu san Ferawuna jemao Potifari ma. Potifari tere Ferawuna la kandalilailu la kuntii le ri.

38

Yahuda ni Tamari la ko

¹ Nba, a ma men bake, Yahuda bore a badenmailu tema, ka wa a sii Adulamuka do torafe men too ko Hira. ² Yahuda ka Kanaan bonsan sunkurun do yen ye, men fa too ko Suwa. A ka sunkurun wo furu. Alu dendu. ³ Muso ka kono ta ka dence soron Yahuda ye. Yahuda ka den wo too la ko Eri. ⁴ A ka kono gberet, ka dence soron. A ka wo too la ko Onan. ⁵ A ka kono gberet ta ikot tuun ni, ka dence soron. A ka wo too la ko Sela. Den wo soronda ka Yahuda teren Akesibu so kondoo.

⁶ Waati wo taminni ko, Yahuda ka muso do furu Eri ye, a dence folo koin. Muso wo too le tere ko Tamari. ⁷ Koni, Eri kera mojuu le ri Allabatala jana. Wo ro, Allabatala ka a faa.

⁸ Yahuda ka a fo a dence Onan ye ko: «I ye i numoemuso ta, i korece muso koin. Ai ye den, sa den di soron i korece ye, sa i korece bonsan kana tunun.»

⁹ Koni Onan ka a yen ko ni den wo soronda, a te jate ale ta ri, fo a korece ta ri. Wo ro, Onan ni muso wo wa den, a te sonna a siji ye don a ro. A ri wo bee ke duu ma, kosa a kana bonsan di a korece ma. ¹⁰ Onan tere ye men kela, wo ma diya Allabatala ye. Wo ro, Allabatala ka ale fanan faa.

¹¹ Yahuda ka a fo Tamari ye ko: «I kana sii ce gberet kun. I wa, to i fa wara fo n dence Sela wa se i furu ma.» Yahuda ka wo fo ka a masoren a silanni ka Tamari di Sela ma, baa Sela kana faa ikomin a korece ilu faara ja men ma. Tamari wara a fa wara wo ro.

¹² Waati wo taminni ko, Yahuda muso sara, Suwa denmuso koin. Yahuda la jusukasi sumara tuma men na, a wara Timaha, mojilu tere ye a la saailu si malila dinkira men do. A dunjonce Adulamuka Hira wara a fe. ¹³ A fora Tamari ye ko a birance Yahuda watoto a la saailu si mali diya Timaha. ¹⁴ Tamari ka a lon ko a numoocce Sela ra se furu ma, koni a birance Yahuda ma son a ye sii wo kun. Wo ro, Tamari ka a la landa faanin bo a fari ma, ka a la bitiran birin a kun na, ka a ja latunun. A wara ka a

sii a jere ma Enayimu so donda la, Timaha sila la ye.

¹⁵ Yahuda taminto ka Tamari siini yen. A ka a jate jatomuso le ri, ka a masoron Tamari tun da a ja matunun. ¹⁶ Yahuda filira a ma fewu! A ma a lon ko a biranmuso le. A wara a fo a ye ko: «N ye a fe ka n la i fe.» Tamari kan ko: «Ni n dijera, i ri nfen di n ma?» ¹⁷ Yahuda ka a jabi: «N di badenni kelen bo n na bailu ro ka a lana i ma.» Tamari kan ko: «I ri nfen bila a kun koro sani i ye ba lana n ma?» ¹⁸ Yahuda kan ko: «N ye nfen di i ma?» Tamari ka a jabi: «I too toomasere ye fen men kan, i ye wo ni a julu di n ma, ka i la gbeleke la woilu kan.» Yahuda ka wo bee di a ma. Alu denda. Wo ro, Tamari ka kona ta Yahuda fe. ¹⁹ Tamari ka a koseyi a wara. A ka bitiran bo a kun na ka a la landa faanin bila a kan na iko.

²⁰ Yahuda ka badenni lawa muso ma a dujoonce Adulamuka bolo, kosa a ka fen menilu di muso ma, a dujoonce ye woilu mira ka na. Ce wo wara, koni a ma muso yen. ²¹ A ka ce doilu majininka Enayimu ko: «Jatomuso men tere ye a siila sila la yan so donda la, a ye mi?»

Alu ka a jabi: «An ma jatomuso si yen yan folo.»

²² Ce ka a koseyi ka a fo Yahuda ye ko: «N ma muso wo teren ye. Ye caillu kan ko alu ma jatomuso si yen ye folo.» ²³ Yahuda kan ko: «Baasi te wo ri. Fen woilu ye to a bolo. An kana an jere lamaloya a jininna. Koni n ka baden nawa a ma. Ni i ma a yen, a ma ban?» ²⁴ Nba, karo sawa taminni ko ro, a fora Yahuda ye ko a biranmuso Tamari ra jatoya ke. Ko sisen, ko a ra kona ta. Yahuda ka kuma wo men tuma men na, a kan ko: «Ai ye wa a labo kenema ka a janin!»

²⁵ Mooilu wara Tamari mira. Alu ye a labo la kenema tuma men na, a ka kela lawa a birance ma ko: «Men ka kona la n na, a la fenilu le jin di. I ye tomasere fen jin ni a julu ragbe, ka gbeleke fanan dagbe ni i ka woilu tii lon.»

²⁶ Yahuda ka wo fenilu ragbe ka a yen ko a ta le. A kan ko: «Muso jin telenni ka tamin nde la, baa n tun ka kan ka a di n dence Sela le ma ka a ke a muso ri, koni n ma son wo ma.» Yahuda ma a la Tamari fe wo ko.

²⁷ Nba, a moyi waati sera tuma men na, den kera filani ri. ²⁸ A moyitla, den kelen ka a bolo labo. Tinkorosilali ka a bolo mira ka kari wulen do sidi a la ka a fo ko: «Nin de ye folo ri.» ²⁹ Koni den ka a bolo ladon iko tuunni. A filani-joan bora. Tinkorosilali le kan ko: «Ile le ra sila bo jo!» Wo ro, a ka wo too la ko Peresi*.

³⁰ A doomanin bora a ko, kari wulen sidini wo bolo la. Alu ka wo too la ko Seraki†.

39

Yusufu sanda Potifari ma

¹ Nba, Isumayila bonson jula woilu wara Yusufu ri Misiran ka a san Ferawuna la jemoo Potifari ma. Potifari tere mansa la kandalilailu la kuntii le ri. ² Allabatala tora Yusufu fe ka a la ko bee sabati. A tere ye baarala a tii Potifari la bon na, Misiranka wo konin.

³ A tii ka a yen ko Allabatala ye Yusufu fe ko bee ro, baa a wa a bolo bila fen fen do, Allabatala di wo bee sabati. ⁴ Yusufu diyara a tii ye. Wo ro, a ka Yusufu ke a jere demenba ri, ka a lasii a la mooilu bee kun na, ka a ke a la nanfulu kunnasiiba ri.

⁵ Kebi Misiranka ce wo ka Yusufu lasii a la nanfulu ni a la mooilu bee kun na, Allabatala ka jumaya ke a ye ka ko bee sabati a wara ka a masoron Yusufu la ko ro. Allabatala ka Potifari bolofen bee jumaya, menilu ye so kondo, a ni menilu ye sene ro.

⁶ Potifari ka a la ko bee to Yusufu bolo. A ma a jere toro foyi la fo a tere ye menilu damunna.

Yusufu tere ye kanberen kepanin de ri. A fari dafanin a kan. A jaada fanan kepni.

Potifari muso nabora Yusufu la

⁷ Lon do ro, Potifari muso nabora Yusufu la. A ka a fo Yusufu ye ko: «Na, i la n fe.»

⁸ Yusufu ma son fewu. A ka a fo muso wo ye ko: «I ja lo. N tii te a jere toro foyi la a wara yan ka a masoron n ye yan. A ra a bolofen bee karifa n na. ⁹ A la fanka ni n ta bee ka kan a wara yan. N sawo ye fen bee ro lu ma yan fo ile, baa i ye a muso le ri. N ti se kojuu su wo kela, ka haramu ke Alla jana.» ¹⁰ Hali wo, muso wo ma a boloka wo si ro. Lon lon a tere ye Yusufu madiyala, koni Yusufu ma son ka i la a fe.

* ^{38:29} Peresi ko ye le ko a gberenda † ^{38:30} Seraki ko ye le ko kari wulen

¹¹ Lon do rɔ, Yusufu wara baara diya bon na. Wo ka a tərən bonkəndə jən si tun tə ye.

¹² Muso ka Yusufu mira a la duruki ma, ko a ye a la a fε. Kəni Yusufu ka a bori a yε ka bɔ bon na ka a la duruki to muso bolo.

¹³ Muso ka a yen tuma mən na ko Yusufu borimantə ra bɔ bon na ka a la duruki to a bolo, ¹⁴ a ka a kan nabɔ bonkəndə jənilu ma. Woilu nani, a ka a fɔ alu yε ko: «Ai la ragbε. N cε ka Heburu cε mən nana an ma, wo ra an dooya. A ra don n kan ko a ye i lala n fε. Kəni n kulera fanka la. ¹⁵ A ka n kule kan mən tuma mən na, a borimantə bɔra bon na ka a la duruki to n dafε yan.»

¹⁶ Muso ka duruki wo lamara a dafε ka Yusufu tii Potifari makənə. ¹⁷ Wo nani, muso ka danteeli bεe ke a cε ye ja kelen wo ma ko: «I ka Heburu jənce mən nana an ma, wo ra don n kan ka n dooya. ¹⁸ Kəni n kulera tuma mən na, a borimantə bɔra bon na ka a la duruki to n dafε yan.»

¹⁹ Nba, a ka a muso la kuma mən Yusufu la ko rɔ tuma mən na, a jusu bɔra kojuuya.

²⁰ Wo rɔ, a wara Yusufu mira ka a bila kaso la, mansa la kasoden bilani dinkira mən. Yusufu tora kaso la ye.

²¹ Kəni Allabatala tora Yusufu fε. A ka numaya ke Yusufu yε. Wo rɔ, a ka Yusufu demen ka a la ko diya kaso bon kuntii yε.

²² Wo rɔ, kaso bon kuntii ka Yusufu lasii kasoden tə bεe kun na kaso bon na. Yusufu le tere ko bεe jənabəla ye. ²³ Kasobon kuntii ka ko mən bεe to Yusufu bolo, a ma hamin wo si la butun baa Allabatala tere ye Yusufu fε. A ka fen fen ke, Allabatala ka wo bεe sabati.

40

Yusufu ka siboilu kərɔ fɔ

¹ Waati wo taminni kɔ, Misiran mansa la minninfendila ni a la burugbasila ka kojuu do ke a la. ² Ferawuna jusu bɔra məɔba fila woilu kanma, a la minninfendilailu la kuntii ni a la burugbasilailu la kuntii kənin. ³ A ka alu mira ka alu bila kaso la, Yusufu bilani dinkira mən dɔ. Kaso wo tere ye kasoden kandalila kundiiba la bon dafε. ⁴ Kasoden kandalila kundiiba ka alu karifa Yusufu la, ko a ye ke alu demenba ri. Alu mənda kaso la.

⁵ Lon do rɔ, mansa la minninfendila ni a la burugbasila sibora su rɔ. Wo ka a tərən alu ye kaso la fɔlɔ. Alu fila sibora, kəni sibo

kelen tun tε. Alu kərɔlu tun tε kelen di fanan. ⁶ Wo duusa gbe, Yusufu ka a yen ko hamin ba ye alu la. ⁷ A ka mansa la jəməmə mapininka ko: «Nfen kəni ai sewani tε bi?» ⁸ Alu ka a jabi: «An fila ra sibo, kəni məm tε yan mən di sibo woilu kərɔlu fɔ an yε.» Yusufu kan ko: «Sibo kərɔ lənba tε Alla le ri wa? Ai ka mənilu yen sibo rɔ, ai ye woilu nafən yε.»

⁹ Wo rɔ, mansa la minninfendilailu la kuntii ka mən yen, a ka wo fɔ Yusufu yε. A kan ko: «N siboni le, n ka resenju do yen n jε. ¹⁰ Bolo sawa ye a la. A fira wa bɔ damira, a ri a fəren ka den ka ke resen mənihilu ri i kərɔ. ¹¹ Misiran mansa la minninfen tere ye n bolo. Wo rɔ, n ka resen məni woilu kadi, ka alu rabirin mansa la minninfen kəndə, ka a di a ma.»

¹² Yusufu kan ko: «Wo kərɔ le jin di. Bolo sawa wo ye tele sawa le ri. ¹³ Tele sawa wa tamin, mansa ri i bɔ kaso la, ka i bila i la baara kərɔ la. I ri a la minninfen don a bolo i darini a kela ja mən ma kərɔman.

¹⁴ I wa here wo sərən tuma mən na, i jaandi, i kana jina n kɔ. I ka kan ka jumaya ke n ye baa n ka i demen. I ye n na ko fɔ Ferawuna ye wo rɔ, kosa a ri n nabɔ kaso la, ¹⁵ baa məɔilu ka n mira fanka le la ka n nabɔ Heburuilu la jamana rɔ. Kəbi alu ka n nana yan, n ma kojuu ke, məɔ ri məɔ bila kaso la mən dɔ.»

¹⁶ Nba, burugbasilailu la kuntii ka a yen ko Yusufu ka a dujənce la sibo kərɔ fɔ ka a diya. Wo rɔ, ale ka a fɔ Yusufu yε ko: «N fanan sibora. N ka seye sawa yen n kun ma. ¹⁷ Seye mən tere ye sanfε, buru su bεe tere ye wo kəndə. Wo bεe rabenni tere Ferawuna yε, kəni kənɔilu tere ye jiila a ma ka fen woilu damun seye kəndə n kun dɔ ma.» ¹⁸ Yusufu kan ko: «Sibo wo kərɔ le jin di. Seye sawa wo fanan ye tele sawa le ri. ¹⁹ Tele sawa wa tamin, Ferawuna ri i bɔ kaso la, ka i kun tε a la ka i suu dun jiri la. Kənɔilu ri na i sobo damun.»

²⁰ Nba, tele fila a sawana, wo kəra Ferawuna sərən lon sankunben tolon di. Wo rɔ, Ferawuna ka tibili ba ke a la jamana məɔbailu yε. A ka minninfendilailu la kuntii ni burugbasilailu la kuntii labɔ kaso la ka alu lana məɔbailu bεe jana. ²¹ A ka minninfendilailu kuntii bila a la baara kərɔ la, kosa a ri Ferawuna la minninfen don a

bolo iko. ²² Koni Ferawuna ka burugbasi-lailu la kuntii wo dun jiri la iko Yusufu ka a fōna men ma.

²³ Minninfendilailu la kuntii ma a miri Yusufu ma wo kō. A jinara a kō fewu.

41

Misiran mansa la siboilu

¹ San fila taminnin kō rō, Misiran mansa sibora ka a jere lōni yen Nili ba dala. ² A lōnin tora ye tuma men na, nisi tōlōni wōrōnwula bōra ji rō ka na bin damun diya ba dala. ³ A ma men bake, nisi barani wōrōnwula fanan bōra Nili ba ji rō. Woilu nara alu lō nisi tōlōni woilu tōrōfe ba dala. ⁴ Nisi barani kojuuyani woilu ka nisi juma tōlōni wōrōnwula woilu damun ka ban. Wo kēni, mansa kunura sunōo rō.

⁵ A sunōora iko ka sibo gberē fanan la. A ka sumantōnsōn wōrōnwula yen. Wo bēe bōni sumangbala kelen de la. Alu kise bēe kunba. Alu ka ji. ⁶ A ma men bake, sumantōnsōn wōrōnwula gberē bōra. Woilu kise misenman. Alu kēni iko fōjō ba wa suman janfō a gban na. ⁷ Sumantōnsōn menilu kiseni misenman, woilu ka suman juma wōrōnwula woilu damun, menilu kise kunba. Wo kēni, mansa kunura ka a yen ko sibo le tere.

⁸ Wo duu sa gbēni, mansa jusumakasara. Wo rō, a ka Misiran jamana felēlailu bēe ni a hankilimailu bēe kili. A ka men yen sibo rō, a ka wo jafō alu yē, kōni wo si ma se ka a la sibo kōrō fō a yē. ⁹ A la minninfendilailu la kuntii kumara a yē ko: «Mansa, n hankili ra bila n na kojuu kēni rō sisēn. ¹⁰ I mōnēra an, i la jōnilu ma tuma men na wo lon, i ka nde ni i la burugbasilailu la kuntii bila kasō la kasoden kandalila kundiiba la jāla kasō la. ¹¹ An mōō fila bēe sibora su kelen dō. Sibo woilu kōrōlu tun tē kelen di. ¹² Heburu kanberen do tere ye an fē kasō la. Kasoden kandalila kundiiba la jōn de tere. An mōō fila ka men yen sibo rō, an ka wo jafō a yē. A ka woilu kōrōlu fō an yē. ¹³ A ka a kōrō men fō, a kēra wo ja le ma! I ka nde laseyi n na baara kōrō la, ka ban ka burugbasilailu la kuntii dun jiri la.»

Yusufu ka Misiran mansa la sibo kōrō fō

¹⁴ Mansa ka kela lawa ko Yusufu ye na. Mōō ilu borimantsō wara Yusufu labō kasō

la. Yusufu ka a bonbosi li ka a la faanin mayelēman, ka wa i lō Misiran mansa jākōrō. ¹⁵ A seni ye, mansa ka a fō a yē ko: «N da sibo le kē. Mōō si ma se ka wo kōrō fō n yē. A fōra n yē ko i ri se sibo kōrō fōla.» ¹⁶ Yusufu ka mansa jabi: «Mansa, nde ti se, kōni Alla ri a kōrō juma di i ma.»

¹⁷ Mansa ka a fō a yē ko: «N sibora ka n lōni yen Nili ba dala. ¹⁸ N lōni tora ye tuma men na, nisi wōrōnwula bōra ji rō ka na bin damun diya ba dala. Alu ka ji kosebē. Alu tōlōni. ¹⁹ A ma men, nisi wōrōnwula gberē fanan bōra ji rō. Woilu barani tere kojuuya. Alu kejuuyani ka tamin. Sobo jōnjōn tun te alu la. N tun ma nisi gberē kejuuyani woilu jōōn yen fōlō munun Misiran jamana muume rō yan. ²⁰ Nisi barani woilu, menilu kejuuyani kōnīn, woilu ka nisitōlōni wōrōnwula wo damun, menilu fōlōma bōra ji rō. ²¹ Hali alu ka woilu damun, mōō ti se wo lōn na, ka a masōrōn alu fari barani tere ja men ma fōlō, a ye ja kelen wo ma munun. Wo kēni, n kunura sunōo rō. ²² N sunōora iko ka sibo. N ka sumantōnsōn juma wōrōnwula yen. Woilu bōni sumangban kelen de la. Alu bēe kise kunba. ²³ A ma men bake, sumantōnsōn wōrōnwula gberē bōra. Woilu tun kiseni tē jōnjōn. Alu bēe kise misenman. Alu kēni iko fōjō ba wa suman janfō a gban na. ²⁴ Sumantōnsōn misenman woilu ka Sumantōnsōn juma wōrōnwula wo damun. Nba, n ka wo bēe fō n na felēlailu yē, kōni woilu si ma se wo kōrō fōla n yē.»

²⁵ Yusufu ka a fō mansa yē ko: «I la sibo fila bēe ye kōrō kelen de ri. Alla natō men kēla, a ra wo le yiraka i la. ²⁶ Nisi juma wōrōnwula wo misaliya ye san wōrōnwula le ri. Sumantōnsōn juma wōrōnwula wo fanan misaliya ye san wōrōnwula le ri. Sibo fila wo bēe ye kōrō kelen de ri. ²⁷ Nisi barani kejuuyani wōrōnwula men bōra ji rō kō fē, wo ye san wōrōnwula le ri. Sumantōnsōn misenman wōrōnwula wo, fōjō ka menilu ja, wo fanan ye san wōrōnwula kōnkō le ri. ²⁸ Mansa, n ka a fō i yē ja men ma, a ye wo ja le ma. Alla kētō men kēla, a ra wo le yiraka i la. ²⁹ San wōrōnwula menilu natō, suman di sōn a ja jere jere ma Misiran jamana fan bēe rō. ³⁰ San woilu wa tamin, kōnkō ri na ka san

wərənwula ke. Məəilu ka suman ba mən sərən san diyani wərənwula woilu kərə, alu ri jina wo bəe kə, kənkə ri juuya jamana bəe rə. ³¹ Kənkə ri juuya kosebə. Məəilu ka suman mən sərən san diyani wərənwula wo rə, wo bəe rijina alu la fewu. ³² Mansa, i ka sibo jin ke sjna fila. Wo kərə le ko Alla ra ban wo ko latee la. Alla ri wo ke lakaliyalı bolo ma.

³³ «Wo rə, mansa, i ye məə hankiliman do jinin, mən ka ko kərə lən, ka wo lasii Misiran jamana kun na. ³⁴ I ye məəba doilu lasii jamana kəndə, sa məə woilu wa suman mən sərən, məəba woilu ye a tala looluna lamara. Alu ye a ke wo ja jamana fan bəe rə san diyani wərənwula bəe kərə. ³⁵ I ye a fə alu ye ko ie ye suman woilu bəe ladən wo ja le ma san woilu kərə, ka wo bəe ladən jamana soilu la i təo rə ka a kənəgbən. ³⁶ Sa san wərənwula kənkə ba don Misiran jamana rə tuma mən na, suman lamarani woilu ri ke jamana məəilu la balo ri.»

Misiran mansa ka Yusufu lasii jamana kun na

³⁷ Yusufu ka mən fə, wo diyara Misiran mansa ni a la jəməəilu bəe ye. ³⁸ Mansa ka a fə a la jəməəilu ye ko: «An di məə sərən Misiran yan, Alla la Nin ye mən də ikomin cejin?»

³⁹ Mansa ka a fə Yusufu ye ko: «Alla ra wo bəe yiraka i la. Wo rə, məə si te yan, mən hankili ka bon i ta ri, men ka ko kərə lən ile ri. ⁴⁰ N di i lasii n na jamana kun na. I ba mən fə, n na məəilu ri wo ke. Mansaya dərən de ri ke i ni nde təma. ⁴¹ N da i lasii Misiran jamana bəe kun na.»

⁴² Mansa ka a la bolola koyini bə a bolo la, a la mansaya təəmasere ye mən kan, ka wo don Yusufu bolo la. A ka faanin jumajuma di a ma, ka kanna nəe saninnaman bila a kan na. ⁴³ A ka a la sowontoro filana don Yusufu bolo. Məəilu wara sowontoro wo jə ka alu kan nabə ko: «Bəe ye alu majii!» Misiran mansa ka Yusufu lasii Misiran jamana bəe kun na wo ja le ma.

⁴⁴ Mansa ka a fə Yusufu ye ko: «Nde le Misiran mansa ri, kəni məəilu kana foyi ke Misiran jamana rə butun fo ile wa sən mən ma.» ⁴⁵ Mansa ka Yusufu təo la ko Safinati Paneya, ka Potifera denmuso Asanati di a

ma ka a ke a muso ri. Potifera wo tərə ye Əni so məəilu la joo sarakalasela le ri.

Nba, Yusufu kera Misiran jamana kunnasiila ri wo ja le ma. ⁴⁶ A ka baara wo damira Ferawuna ye ka a tərən a sərən da san bisawa bə. A bəra mansa dafə, ka wa Misiran jamana rataama.

⁴⁷ Awa, san wərənwula kəra, suman ye sənna a ja jere jere ma. ⁴⁸ San san, Yusufu ri suman nadən suman ka waati la Misiran jamana fan bəe rə a so misen a ni a so kunba. Suman kanin yərə yərə a ka suman namara wo yərə kelen de bəe rə. ⁴⁹ Wo rə, Yusufu ti se a jatela butun baa a tərə ka siya kojuuya ikomin ba kijə.

⁵⁰ Sani san wərənwula kənkə ye don jamana kəndə, Yusufu muso Asanati ka dence fila sərən a ye. Asanati wo tərə ye Əni so məəilu la joo sarakalasela Potifera denmuso le ri. ⁵¹ Yusufu ka a dence fələ təo la ko Manase, baa a kan ko Alla ra a lajina a la tərəya bəe kə rə, ka a hankili bə a fa wara rə.

⁵² A ka a dence filana təo la ko Efirayimu, baa a kan ko Alla ka a ke, a tərəni tərə jamana mən də, a ra jiri ye.

⁵³ San diyani wərənwula wo dafara Misiran tuma mən na, ⁵⁴ san wərənwula kənkə donda iko Yusufu ka a fə ja mən ma. Kənkə donda jamana gberelilu bəe rə, kəni suman namarani tərə fan bəe rə Misiran. ⁵⁵ Kənkə sera Misirankailu ma tuma mən na, alu wara Misiran mansa madiya ko a ye suman di alu ma. Mansa ka alu jabi: «Ai ye wa Yusufu tərən ye. A wa mən fə ai ye, ai ye wo ke.» ⁵⁶ Kənkə juuyara ka se Misiran jamana yərə bəe rə, tuma mən na, Yusufu ka suman namara bondonilu da laka, ka suman san Misirankailu ma. ⁵⁷ Məəilu bəra jamana bəe rə ka na suman san diya Yusufu ma Misiran, baa kənkə gbelyara dunuja fan bəe rə.

42

Yusufu kərəceilu wara suman san diya Misiran

¹ Nba, a fəra Yakuba ye ko suman ye sərənna Misiran tuma mənna, a ka a fə a denceilu ye ko: «Nfenna ai siini ai jəən dagbela yan ten? ² N da a mən ko suman ye sərənna Misiran. Ai ye wa do san an ye, sa an kana faa kənkə bolo yan.» ³ Wo

rø, Yusufu kørœciyu mœ tan wulira ka wa suman san diya Misiran, ⁴ koni Yakuba ma són Yusufu dooce Beniyaminu ye wa a kørœciyu kofe, baa Yakuba silanni tere ko kojuu kana a sørøn sila la.

⁵ Isirayeli dencœilu ni mœ gberœilu wara suman san diya Misiran, baa kørœciyu tere ye Kanaan bønsøn na jamana rø. ⁶ Wo ka a teren, Yusufu ye jamana kuntiiya la Misiran. Ale le tere suman sanna mœ bœ ma. Wo le ka a ke, a kørœciyu nara Yusufu ma, ka alu majii a kørœciyu, ka alu kun majii. ⁷ Yusufu ka a kørœciyu yen tuma men na, a ma fili alu ma, koni a ka a ke ikomin a ma alu løn. A jamanda alu ma ka a fœ ko: «Ai bøni mi?» Alu ka a jabi: «An bøni Kanaan bønsøn na jamana le rø, ka na suman jinjin diya yan.»

⁸ Yusufu ma fili a kørœciyu ma, koni woilu filira ale ma. ⁹ Yusufu hankili bilara a la siboilu rø, a ka a kørœciyu yen sibo rø na men ma. A ka a fœ alu ye ko: «Ai nani jamana lakørœsi diya le, sa ai ri a løn ai ri se an na ja men ma.» ¹⁰ Alu ka a jabi: «An tii, wo kuma te! Ande, i la jønilu nani suman san diya le dørøn. ¹¹ An bœ ye ce kelen den de ri. Mœ telenilu le ande ri. An te jamana si lakørœsila.» ¹² Yusufu kan ko «Een de! Ai nani jamana lakørœsi diya le.» ¹³ Alu kan ko: «An ye i la jønilu le ri. An bœ ye fa kelen de la. An fa siini Kanaan bønsøn na jamana le rø. A dencœilu tere mœ tan ni fila le ri. An dooce ye an fa dafœ ye bi. A tœ kelen da sa.» ¹⁴ Yusufu kan ko: «N ka a fœ ja men ma, a ye wo ja kelen de ma jø! Ai nani jamana lakørœsi diya le! ¹⁵ N di alu la kuma fesefesø na men ma, wo le ye jin di. Ni ai dooce doomani ma na yan, ai te bœ yan fewu. N ye n kali la wo la Misiran mansa tœ le rø. ¹⁶ Ai mœ kelen ye wa ai dooce ta ka na a ri. Ai tœilu ri wo makønø kasø la yan. Wo rø, n di ai la kuma fesefesø. Ni ai ka tuja le fœ, n di wo løn. Ni wo te, ai ma na foyi kanma, fo ka an na jamana lakørœsi dørøn. N ye n kalila wo rø Misiran mansa tœ le rø!»

¹⁷ Wo rø, a ka alu bila kasø la. Alu ka tele sawa ke ye.

¹⁸ A tele sawana, Yusufu ka a fœ alu ye ko: «Nba, n silanni Alla ye. Wo rø, n ye men fœla ai ye, ai ye wo mira, sa ai ri kisi. ¹⁹ Ni mœ telenilu le ai ri, mœ kelen ye to kasø la yan

ai bœ no rø. Ai tœilu ye wa suman di ai la denbaya kørœciyu ma, ²⁰ koni a fere te fo ai ye na ai dooce doomani ri yan. A wa na, n di a løn ko ai ka tuja le fœ n ye, sa ai kana faa.» Alu sonda wo ma.

²¹ Alu ka a fœ i jøon ye ko: «Sika te a rø, tørœya jin da an sørøn Yusufu le kosøn. Wo lon, a tørœra an jakørœciyu. A ka an madiya ko an ye hina a la, koni an ka an ban a rø. Wo le kosøn kojuu jin da an sørøn bi.»

²² Ruben ka a fœ alu ye ko: «N ma a fœ ai ye ko ai kana kojuu ke den na wa, koni ai ma søn n na kuma ma? Nba, a jeli jininkali le jin ka a hake bœ an dœ.»

²³ Alu ma a løn ko Yusufu tolo ye alu kan na, baa alu ni Yusufu wa kuma, kan nataminna ri alu kan natamin i jøon ma.

²⁴ Yusufu ka a mabœ alu la ka wa kasi. A koseyi men keni, a kumara alu ye, ka ban ka Simeyøn bœ alu rø ka a bolo sidi alu jana.

Yusufu kørœciyu ka i koseyi Kanaan bønsøn na jamana rø

²⁵ Yusufu ka a fœ a la mœilu ye ko alu ye a kørœciyu la børœilu lafa suman na, ka alu kelen kelenna bœ la wodi bila ei la børœ woilu kondœ, ka suman fanan di alu ma ka a ke ei sila fanda ri. Alu ka wo bœ ke ikomin Yusufu ka a fœ ja men ma. ²⁶ Alu ka børœilu la alu la falilu kœ kan, ka sila mira ka wa.

²⁷ Su kora alu ma tuma men na, alu ka alu lœ yœrœ do rø ka sii ye. Mœ kelen ka a la børœ da laka ko a ye damunun dila a la fali ma. A ka a la wodi yen børœ kondœ. ²⁸ A ka a fœ a badenmailu ye ko: «N na wodi a ra laseyi n ma. A ye n na børœ kondœ yan.» Alu kondafilira kojuuya. Alu kondakaliyara ka a fœ alu jøon ye ko: «Alla ra nfœn de ke an na nin de ten?»

²⁹ Nba, alu se men keni alu fa Yakuba wara Kanaan bønsøn na jamana rø, ko men ka alu sørøn, alu ka wo bœ dantœeli ke a ye. Alu kan ko: ³⁰ «Misiran jamana kuntii jamanda an ma kosebe! A ka an jalaki ko an wani alu la jamana lakørœsi diya le. ³¹ An ka a jabi an ye mœ telenilu le ri, ko an ma jamana si lakørœsi fœla habadan. ³² An kan ko an bœ ye fa kelen de la, ko an mœ tan ni fila le tere an fa bolo. Ko kelen da sa. Ko an dooce doomani ye an fa dafœ ye Kanaan bønsøn na jamana rø, ³³ koni jamana kuntii wo kan ko a ri a løn ko an ye mœ telenilu

ri ja men ma, ko wo le ye jin di. Ko an ye mao kelen to a bolo ye, ka na suman di an wara mao ilu konkoto ma. ³⁴ Ko an ye wa an dooce doomanri a ma. Wo wa ke, ko a ri a lon ko an ma wa jamana lakorosi kanma, ko a ri a lon ko an ye mao telenilu le ri, kosa a ri an badenma bo kasol a. Ko a ri jamana bee labila an ye.»

³⁵ Nba, alu ka suman nabo alu la boreilu kondoo tuma men na, alu bee ka alu la wodi bila boreneilu sidini yen suman boreilu kondoo. Alu ni alu fa ka wodi sidini wo yen tuma men na, alu bee silanda.

³⁶ Alu fa Yakuba ka a fo alu ye ko: «Ee! Ai ye n denilu bola n bolo. Yusufu te yan butun. Simeyon fanan te yan butun. Sisen ai ye a fe ka Beniyaminu fanan mira ka wa wo ri. Nin toroya bee ye nde le kan.»

³⁷ Ruben ka a fo a fa ye ko: «I ye Beniyaminu karifa nde la. N di a laseyi i ma. Ni n ma na Beniyaminu ri, i ye n dence fila bee faa Beniyaminu no ro.» ³⁸ Yakuba kan ko: «Een de! N dence te wala ai kofe! A korece Yusufu ra sa ka wo kelen pe to. Sisen nda koro. Ni ko ka ale fanan soren taama ro, n di faa jusumakasa bolo.»

43

Yusufu korecelu wara Misiran iko

¹ Nba, konkoo juuyara jamana kondoo. ² Yakuba dence ilu nara suman men di ka bo Misiran, wo bantola le tere. Wo ro, Yakuba ka a fo alu ye ko: «Ai ye wa suman do san an ye Misiran.»

³ A dence Yahuda ka a jabi: «Ce wo ka a fo an ye le ka a magbeluya kosebe ko an te a yen butun fo an dooce wa ke an kofe. ⁴ Ni i sonda an dooce Beniyaminu ye wa an kofe, an di wa ka suman san i ye. ⁵ Ni i koinin ma son, an te wa ye, baa ce wo ka a fo an ye ko an te a yen butun fo an dooce wa ke an kofe.»

⁶ Isirayeli kan ko: «Ai ra kojuu ke n na de! Nfenna ai ka a fo ce wo ye ko ai dooce ye ai koma?»

⁷ A dence ilu ka a jabi: «Ce wo ka jininkali siyaman ke an kun, ka an majininka an na ko ma, a ni an na denbaya la ko ma. A kan ko: «Ai fa kendee wa? Ai dooce ye ye?» An ka a jabi ten tuun. An ma wo lon ko a ri a fo an ye ko an ye wa an dooce ri.»

⁸ Yahuda ka a fo a fa Isirayeli ye ko: «N fa, i ye n dooce karifa n na, sa an di wa i koro. Wo wa ke, konkoo te ile ni ande a ni an denilu faa yan. ⁹ Nde jere ri n lo den kunko la. Ni ko ka a soren, i ye nde majininka. Ni n ma na a ri i ma, ka a lalo i nakoro, wo jalakili te bo n kan habadan. ¹⁰ Ni an koinin tun ma lanoo yan, sa andawa ka na sija fila.»

¹¹ Alu fa Isirayeli kan ko: «Nba, diyagboya le. Wo ro, ai ye an na jamana fen juma doilu bila ai la boreilu kondoo ka jamana kuntii wo sanba. Ai ye tulu do ta, a ni li ni wusulan ni latikelon ni jiriden doilu, pisitasi ni amande koinin. ¹² Ai wara wodi men di folo, ai ye wo joen fila ta, baa wodi men bilani tere ai la boreilu kondoo, fo ai ye ai koseyi wo ri. Ai ri a soren, alu jinanin de. ¹³ Nba, ai ye ai dooce ta ka wa ce wo teren ye sisen. ¹⁴ Alla Sebeetii ye ai la hina don a ro, kosa a ri Beniyaminu ni Simeyon naseyi ai ma, koni ni n bonora n deni la, n di bono wo ro kosebe.»

¹⁵ Wo ro, alu ka Beniyaminu ta, a ni sanba fenilu, a ni wodi wo joen fila, ka sila mira ka wa Misiran. Alu se men keni ye, alu wara Yusufu torofe, ka alu lo a nakoro. ¹⁶ Yusufu ka Beniyaminu yen alu fe tuma men na, a ka a fo a la bon kunnasiila ye ko: «Wa maojinilu ri n na bon na, ka kolofen do faa ka a tibi. Alu ketel telero damunun kela nde le fe bi.»

¹⁷ Ce wo ka alu malo Yusufu la bon na iko Yusufu ka a fo a ye ja men ma.

¹⁸ Alu watola Yusufu la bon na, wo ka alu masilan. Alu kan ko: «An da lana yan wodi ko le ro, wodi men bilara an na boreilu kondoo an na ko folo ro. Alu ketel bela an kan de, ka an na falilu ta, ka an mira ka an ke jenilu ri.» ¹⁹ Wo ro, alu ka i madon Yusufu la bon kunnasiila la bonda la ka kuma a ye. ²⁰ Alu kan ko: «An fa, hake to an ye. Waati taminni, an nara suman san diya yan. ²¹ An bo men keni yan, an ka an lo an sii diya. An ka an na boreilu da laka ka wodi bilani yen boreilu kondoo. An na wodi bee le tere, an ka men san suman na. Wodi wo nani an bolo ka a laseyi ai ma. ²² Suman sankoo fanan nani an bolo, koni men ka wodi do wo bila an na boreilu ro wo lon, an ma wo lon.»

²³ Bon kunnasiila ka alu jabi: «Ai kana hammin wo la. Ai kana silan. Ai Maari Alla

a ni ai fa Maari Alla, wo le ka wodi wo bila bɔrɔilu kɔndɔ ai yε. Ni wo tε, ai ka suman sankɔ mɛn bɔ, n ka wo sɔrɔn.»

Wo rɔ, cε wo wara Simeyɔn ta ka na a di alu ma, ²⁴ ka alu bεe ladon Yusufu la bon na. A ka ji di alu ma ko alu ye alu sen mako. A ka damunun di alu la falilu fanan ma. ²⁵ Alu nara sanba fen mɛnilu ri, alu ka woilulabɔ ka Yusufu makɔnɔ, baa a fɔra alu yε ko a ri na telerɔ damunun diya alu fε ye.

²⁶ Yusufu sera a wara tuma mɛn na, alu nara a la sanbailu di a ma bon na ka alu majii a kɔrɔ. ²⁷ Yusufu ka alu fo ko: «Tana tε ai la? Wo lon, ai ka ai fa la ko fɔ n yε ko a ra kɔrɔya. Ale don? A kɛnde fɔlɔ?»

²⁸ Alu ka Yusufu jabi: «Tana si tε an fa la, i la jɔnce kɔnin. A kɛnde.» Alu ka alu kun majii Yusufu kɔrɔ.

²⁹ Yusufu ka a nanakalan ka a dooce Beniyaminu yen, a jεrε na la den. A kan ko: «Ai ka ai dooce mɛn na ko fɔ, wo le ye jin di wa?» Alu kan ko: «ɔɔn, ale le.» Yusufu ka a fɔ a yε ko: «N den, Alla ma hεrε kera i yε.»

³⁰ Beniyaminu hina donda Yusufu la kosebe. Wo rɔ, a kasitɔla le tεrε. A ka bɔ alu tɔrɔfe i kɔrɔ ka wa a jεrε la bon kɔndɔ ka kasi. ³¹ A ka ban kasila tuma mɛn na, a ka a na lako, ka wa alu tεrε ye. A ka a jεrε mira ka a fɔ a la mɔɔilu yε ko alu ye na balo di alu ma. ³² Alu ka Yusufu la balo bɔ a la a dan na, ka a badenmailu ta bɔ a dan na. Misiranka mɛnilu tεrε ye, alu ka woilu fanan ta bɔ a dan na, baa Misirankailu ti sɔn ka damunun kε Heburuilu fε. Alu tana le wo ri. ³³ Yusufu ka a badenmailu lasii a jnɔkɔrɔ, ka alu tuun i jnɔɔn na ka bɛn alu si kasabiya ma, ka a damira kɔrɔmamɔɔ ma ka wa se doomamɔɔ ma. Alu ka alu siija wo yen tuma mɛn na, alu ka i jnɔɔn dagbε ka kabannakoya. ³⁴ Balo mɛn tεrε ye Yusufu kɔrɔ, a la mɔɔilu ka a badenmailu bεe sɔ wo le rɔ. Beniyaminu ka mɛn sɔrɔn, wo kera a kɔrɔceilu ta jnɔɔn loolu le ri. Alu ka damunun kε ka alu min, ka sewa Yusufu la kosebe.

44

Yusufu ka a kɔrɔceilu kɔrɔbɔ

¹ Nba Yusufu ka a fɔ a la bon kunnasiila yε ko: «Alu la bɔrɔilu lafa suman na. Alu la falilu di se donin mɛn kɔrɔ, i ye wo jate di alu ma. I wa bɔrɔilu lafa, i ye alu

kelen kelenna bεe la wodi la suman kan alu la bɔrɔilu kɔndɔ. ² I ye n na wodigbε minninfen bila doomamɔɔ la bɔrɔ kɔndɔ a la wodi kan.» Bon kunnasiila ka wo bεe ke ikomin Yusufu ka a fɔ a ye ja mɛn ma.

³ Wo duu sa gbεni jona Yusufu ka sila di alu ma. Alu ka alu la doninilu la alu la falilu kɔ kan, ka wa. ⁴ Ka a tεrεn alu ma janfa so la fɔlɔ, Yusufu ka a fɔ a la bon kunnasiila yε ko: «Wa alu kɔ! I wa se alu ma tuma mɛn na, i ye a fɔ alu yε ko: «Nfenna ai ka kojuma sara kojuu la? ⁵ Nfenna ai ka n tii la minninfen sonya? A ye a minna wo le la, a ye jaŋinin kela wo le la. Ai ra kojuu ba le kε jin di de!»

⁶ Bon kunnasiila wara se alu ma tuma mɛn na, a kumara alu yε ikomin Yusufu ka a fɔ a yε ja mɛn ma. ⁷ Alu ka a jabi: «An tii, nfenna i ye an jalakila ten? An tε ko su wo kela fewu! ⁸ I jεrε ka a lɔn ko an nani wodi ri an na bɔrɔilu kɔndɔ wo lon, ka bɔ Kanaan jamana rɔ ka na wodi wo di i ma. A ye di? An di wodigbε wala sanin sonya i tii la bon na wo rɔ wa? ⁹ An tii, ni i ka minninfen yen an si kunma, wo tii ri faa. Ka a la wo kan fanan, an tɔilu ri kε i la jɔnilu ri.»

¹⁰ Bon kunnasiila kan ko: «Ale le wo ri, n da dijne wo ma, kɔni minninfen wa yen mɔɔ mɛn kunma, wo ri kε n na jɔn di. Ai tɔilu tε jalakili.»

¹¹ Wo yɔrɔ wo rɔ, alu ka alu la bɔrɔilu lajii duu ma ka alu da laka. ¹² Bon kunnasiila ka bɔrɔilu ragbε. A ka a damira kɔrɔmamɔɔ ta ma, ka wa se doomamɔɔilu ta ma. A ka minninfen yen Beniyaminu la bɔrɔ kɔndɔ.

¹³ Wo le rɔ, alu ka alu la durukilu rafara alu kan na jusukasi bolo ma. Alu ka alu la bɔrɔilu la falilu kɔ kan, ka alu kɔseyi so kɔndɔ. ¹⁴ Yahuda ni a badenmailu sera Yusufu wara ka a tεrεn a ye ye fɔlɔ. Alu ka alu la duu ma a kɔrɔ. ¹⁵ Yusufu ka a fɔ alu yε ko: «Ai na nfen ko kela jin ten? Ai ma a lɔn ko nde jnɔɔn di jaŋinin kε ka koilu lɔn wa?» ¹⁶ Yahuda kan ko: «N tii, an ti se foyi fɔla. Kuma tε an bolo butun. An ti se an bɔla ko jin dɔ. Alla jεrε le ra an sonjuu labɔ gbe rɔ. An bεe ye i la jɔnilu le ri sisen, minninfen yenni mɛn kunma, a ni an tɔilu bεe.» ¹⁷ Yusufu ka a jabi kɔnin ko: «Ka alu bεe jalaki ten, n tε ko su wo kela fewu! Minninfen yenni mɛn kunma, wo le kεtɔ n na jɔn di. Ai tɔilu ye wa hεrε rɔ ai fa wara.»

Yahuda ka Yusufu madiya Beniyaminu la ko rɔ

¹⁸ Yahuda ka a madon Yusufu la, ka a fɔ a yε ko: «N tii, i jaandi, i ye dijε n ye kuma i yε. N ka a lɔn ko i ni Misiran mansa bεε ka kan. I kana mɔnε n ma. ¹⁹ N tii, an na ko fɔlɔ yan, i ka an maŋininka an fa ni an badenmailu ma. ²⁰ An ka i jabi an fa ye ye, ko a ra kɔrɔya kosebe. Ko an dooce doomani fanan ye ye, an fa kɔrɔyanin ka mɛn sɔrɔn. Doomamɔ wo kɔrɔce ra faa, ka a kelen pe to. Dogberε te ye butun, a ni mɛn ye na kelen na. A la ko duman an fa yε kosebe. ²¹ I ka a fɔ an yε ko an ye na a ri yan, kosa i ja ri la a kan. ²² An ka a fɔ i yε wo lon ko den ti se bɔ la an fa tɔrɔfε. Ni a bɔra a tɔrɔfε an fa ri faa, ²³ kɔni, an tii, i ka an jabi ni an dooce ma na an kɔfε yan, ko an te i yen butun.

²⁴ «Wo rɔ, an ka an kɔseyi an fa wara tuma mɛn na, an ka i la kuma lase a ma. ²⁵ Lon do rɔ, an fa ka a fɔ ko an ye na suman do san iko. ²⁶ An ka a jabi an ti se nala suman san diya fo an dooce wa na an kɔfε, baa cε wo kan ko an te a yen butun fo an dooce wa ke an kɔfε. ²⁷ An fa ka a fɔ an yε ko an ka a lɔn ko a muso Raseli ka dence fila-pe le sɔrɔn a yε. ²⁸ Ko kelen da tunun a ma. Ko a miri rɔ, ko wara juu le ka a mira ka a rafarafara. Ko kεbi wo lon, a ma a yen butun. ²⁹ Ko ni an wara do jin fanan di don? Ni ko ka a sɔrɔn taama rɔ, ko a kɔrɔyani ri faa ninnafin dɔ. An fa kan ten.

³⁰ «Nba, ni n ka n kɔseyi i la jɔnce, n fa, ma sisén ka den to n kɔ yan, wo te bɛn. Den wo le ye n fa la ko bεε ri. ³¹ N fa wa a yen tuma mɛn na ko den wo ma a kɔseyi an fε, a ri faa. An fa kɔrɔyani ri faa jusumakasa rɔ, wo le rɔ an di ke wo sababu ri. ³² Ka a la wo kan, n ka n lɔ den na kunko la. N ka a fɔ n fa yε ko ni n ma kɔseyi den di a ma, n fa hake ri to nde kan kadawu. ³³ I jaandi, i ye n ke i la jɔn di den nɔ rɔ, kosa den di a kɔseyi a kɔrɔce ilu kɔ fε. ³⁴ N ye n kɔseyila n fa ma di, ni den te n bolo? N te i se n fa jusumakasani yenna fewu.»

45

Yusufu ka a jere yiraka a badenmailu la

¹ Nba, Yahuda banni kumala, Yusufu ma se a jere mirala a la jɔnilu jana. A ka alu jamari ko alu bεε ye bɔ. Mɔo gberε si

tun te ye tumana mɛn na, fo Yusufu ni a badenmailu, Yusufu ka a jere yiraka alu la. ² A kasira kosebe, fo Misirankailu ka a kasi kan mɛn kɔkan. Wo ko fɔra mɔɔilu jana Misiran mansa wara.

³ Yusufu ka a fɔ a badenmailu yε ko: «Yusufu le nde ri! N fa kɛnde wa?» Yusufu badenmailu ma se a jabilia, baa alu silanni tere kojuuya. ⁴ Yusufu kan ko: «Ai ye i madon n na.» Alu ka i madon a la tuma mɛn na, a kan ko: «Ai badenma Yusufu le nde ri, ai ka mɛn san Isumayila bɔnsɔn julailu ma mɛn ye taala Misiran. ⁵ Ai jusu kana a lafin. Ai kana mɔnε ai jere ma n san ko rɔ. Alla le ka n nana ai jε yan sa n di kε sababu ri ka mɔɔilu kisi kɔnkɔ ma. ⁶ Kɔnkɔ san fila le jamana kɔndɔ jin. A ra to san loolu le ma, sɛnɛkelailu ti nala foyi sɔrɔnna sɛnε rɔ. ⁷ Alla le ka n lɔ ai jε yan ka an to yan an fa bɔnsɔnilu kisibaya kanma, sa ai bɔnsɔn kana tunun dunuya ma. ⁸ Ai le ma n nana yan de. Alla le ka n nana yan ka n kε Misiran mansa lalila ri, ka n nasii mansa la bon kun na, ka n nasii Misiran jamana bεε kun na. ⁹ Ai ye ai kaliya ka i kɔseyi n fa ma. Ai ye a fɔ a yε ko a dence Yusufu kan ko Alla ra a lasii Misiran jamana bεε kun na. Ko a ye a kaliya ka na n tereñ yan. ¹⁰ Ko a ri a sii Koseni jamana rɔ, ka to n tɔrɔfε yan. Ko a ye na, a ni a la denilu ni a la mamarenilu ni a la kolofenilu ni a bolofen bεε. ¹¹ Ko n di alu balo, baa kɔnkɔ ri san loolu ke fɔlɔ. Sa a ni a la mɔɔ bεε kana bolokolonya kojuuya.»

¹² Yusufu kan ko: «Nba, ai ja yen n na sisén. N dooce Beniyaminu fanan ja yen n na. Ai ra a yen ko Yusufu jere le kumala ai yε. ¹³ Mɔɔilu ye n bonyala ja mɛn ma Misiran yan, ai ye wo fɔ n fa yε. Ai ra fen fen yen ai ja la yan, ai ye wa wo bεε fɔ a ye, ka ban ka na a ri jona.»

¹⁴ Nba, Yusufu ka a ton a dooce Beniyaminu kan ka kasi. Beniyaminu fanan ka a ton a kan ka kasi. ¹⁵ Yusufu kasimantɔ ka a ton a kɔrɔce kelen kelenna bεε kan ka alu sunbu. Wo le ka a kε, a kɔrɔce ilu ka kuma damira a fe.

Misiran mansa kan ko Yakuba ye na Misiran

¹⁶ Nba, Yusufu badenmailu na ko fɔra Ferawuna wara tuma mɛn na, wo diyara mansa ni a la jɛmɔɔ bεε yε. ¹⁷ Mansa ka

Yusufu kili ka a fɔ a yε ko: «A fɔ i baden-mailu yε ko alu ye alu doninilu la alu la falilu kɔ kan ka alu kɔseyi Kanaan jamana rɔ. ¹⁸ Alu wa se ye, alu ye alu fa ni alu la mɔɔ bεε ta ka na alu ri n ma. N di duu jnuma di alu ma, mɛn ka ji duu bεε ri Misiran. Alu ri an na jamana balo jnuma damun. ¹⁹ I ye a fɔ i baden-mailu yε fanan ko alu wa ke wala, alu ye wontoro doilu ta Misiran yan. Alu wa se alu fa wara, alu ri alu musoilu ni alu denilu ni alu fa lasii wontoro woilu kɔndɔ ka na woilu ri yan. ²⁰ Ni alu bolofen doilu tora alu kɔ ye, alu kana hamin woilula, baa Misiran fen jnumajumailu le ditɔ alu ma yan.»

²¹ Nba, Misiran mansa ka mɛn fɔ Isirayeli denilu yε, alu ka wo ke. Yusufu ka wontoroilu di alu ma, ka bɛn mansa la kuma ma. A ka sila fanda suman fanan di alu ma.

²² A ka faanin kura di alu kelen kellenna bεε ma, kɔni a ka wodigbe kɛmɛ sawa ni faanin kura loolu di Beniyaminu ma. ²³ A ka a fa sanba falice tan ni falimuso tan na. A ka falice woilu donin Misiran fen jnumailu la, ka falimusoilu donin sumankisɛ ni buru ni damununfen gbereilu la, mɛnilu ri a fa balo taama rɔ. ²⁴ A ka sila di a baden-mailu ma wo rɔ ka a fɔ alu ye ko: «Ai kana silan de!»

²⁵ Alu bɔra Misiran ka wa alu fa Yakuba tereñ Kanaan jamana rɔ. ²⁶ Alu seni ye, alu ka a fɔ a yε ko: «Yusufu kɛndɛ le! Ale le jere siini Misiran jamana bεε kun na sisen.» Kuma wo bararɔ Yakuba rɔ fo ka a dan natamin. A ma la a la fewu.

²⁷ A denceilu ka Yusufu la kuma bεε lase a ma tuma mɛn na, Yakuba ka wo bεε mɛn ka wontoroilu yen fanan, Yusufu ka mɛnilu lana a ta kanma. Wo le rɔ, a sewara ka a jaalen. ²⁸ A kan ko: «N dence Yusufu kɛndɛ fɔlɔ! Nde te foyi jininna butun ka tamin wo kan. N di wa n ja la a kan sisen sani n ye sa.»

46

Yakuba watɔla Misiran

¹ Wo rɔ, Isirayeli ka a bolofen bεε ta ka sila mira ka wa Misiran. A sera Béri Seba, a ka saraka bɔ ka a di a fa Isiyaka Maari Alla ma.

² Su wo rɔ, Alla ka Isirayeli kili ko: «Yakuba, Yakuba!» A ka jabi: «Naamun.»

³ Alla kan ko: «N ye i fa Maari Alla le ri.

I kana silan Misiran taa ko rɔ, baa n di i bɔnsɔn siyaya ye kosebe kosebe. ⁴ N jere di wa i kɔfe Misiran. N jere le ketɔ i bɔnsɔn nanala yan fanan. I sa tuma wa se, Yusufu jere ri i jnakise latunun.»

⁵ Wo rɔ, Yakuba wulira ka bɔ Béri Seba. A denceilu ka a ladon wontoro kɔndɔ, Misiran mansa ka mɛn nana a ta kanma. Alu ka alu denilu ni alu musoilu fanan nadon wontoroilu kɔndɔ. ⁶ Alu ka alu la kolofenilu fanan ta, a ni alu bolofenilu bεε, alu ka mɛnilu sɔrɔn Kanaan bɔnsɔn na jamana rɔ. Yakuba ni a la denbaya bεε wara Misiran wo na le ma. ⁷ A denceilu bεε wara a kɔfɛ, a ni a denmusoilu, a ni a māmarenilu, a la denbaya bεε kɔnin. Woilu bεε wara Misiran Yakuba kɔfɛ.

⁸ Nba Isirayeli ka mɛnilu wara Misiran, Yakuba ni a la denceilu kɔnin, wo tɔɔilu le nin di.

Yakuba dence fɔlɔ tɔɔ le ko Ruben. ⁹ Ruben denceilu le ten: Henɔki, Palu, Hesirɔn a ni Karimi.

¹⁰ Simeyɔn, wo denceilu le ten: Yemuweli, Yamini, Owadi, Yakɛn, Sokari, Sawuli. Sawuli na tere Kanaan bɔnsɔn do le ri.

¹¹ Lebi, wo denceilu le Kerisɔn ni Kohati ni Merari ri.

¹² Yahuda, wo denceilu le ten: Eri, Onan, Sela, Peresi a ni Seraki, kɔni Eri ni Onan sara Kanaan jamana rɔ. Peresi denceilu le Hesirɔn ni Hamuli ri.

¹³ Isakari, wo denceilu le ten: Tola, Puwa, Yɔbu a ni Simirɔn.

¹⁴ Sabulɔn, wo denceilu le Seredi ni Elon ni Jaleli ri.

¹⁵ Leya ka dence mɛnilu sɔrɔn Yakuba yε Padani Aramu, woilu le woilu ri. A ka denmuso do fanan sɔrɔn a yε ye, mɛn tɔɔ ko Dina. Yakuba bɔnsɔn mɛnilu bɔni Leya rɔ, wo bεε ladenni kera mɔɔ bisawa ni mɔɔ sawa le ri.

¹⁶ Kadi, wo denceilu le ten: Sefɔn, Haki, Suni, Esibɔn, Eri, Arɔdi, a ni Areli.

¹⁷ Aseri, wo denceilu le ten: Imina, Isiba, Isibi a ni Beyira. Aseri denmuso tɔɔ ko Sera. Beyira denceilu le Keberi ni Malikiyeli ri. ¹⁸ Silipa wo tere jɔnmuso le ri, Laban ka mɛn di a denmuso Leya ma. Yakuba bɔnsɔn mɛnilu bɔni Silipa rɔ, wo bεε ladenni kera mɔɔ tan ni wɔɔrɔ le ri.

¹⁹ Yakuba muso Raseli denceilu le Yusufu ni Beniyaminu ri. ²⁰ Asanati ka dence fila

sɔrɔn Yusufu ye Misiran. Do tɔɔ ko Manase. Do tɔɔ ko Efirayimu. Asanati tere Potifera denmuso le ri, men tere ye ɔni so mɔɔilu la joo sarakalasela ri. ²¹ Beniyaminu dence ilu le ten: Bela, Bekeri, Asibeli, Jera, Naman, Ehi, Rɔsi, Mupimi, Hupimi a ni Aridi. ²² Raseli ka dence menilu sɔrɔn Yakuba ye, wo ilu le wo ilu ri. Yakuba bɔnsɔn menilu bɔni Raseli rɔ, wo bεe ladenni kera mɔɔ tan ni naanin le ri.

²³ Daan, wo dence le Husimu ri.

²⁴ Nefitali, wo dence ilu le ten: Jaseli, Kuni, Jeseri, a ni Silemu.

²⁵ Bilaha ka dence menilu sɔrɔn Yakuba ye wo ilu le wo ilu ri. Bilaha wo tere jɔnmuso le ri, Laban ka men di a denmuso Raseli ma. Yakuba dence menilu bɔni Bilaha rɔ, wo bεe ladenni kera mɔɔ wɔrɔnwula le ri.

²⁶ Mɔɔ menilu wara Misiran Yakuba kɔfε, menilu bɔni ale rɔ kɔnin, wo ilu bεe ladenni tere mɔɔ biwɔɔrɔ ni mɔɔ wɔɔrɔ le ri. A biranmusoilu ma jate. ²⁷ Yusufu ka dence fila sɔrɔn Misiran. Nba, Yakuba la mɔɔ menilu nara Misiran, wo bεe ladenni kera mɔɔ biwɔrɔnwula le ri.

Yakuba sera Misiran

²⁸ Nba, Yakuba ka Yahuda lawa a ne Misiran, ka wa a fɔ Yusufu ye ko alu ye i jɔɔn ben Koseni jamana rɔ. Yakuba ni a la mɔɔilu sera Koseni tuma men na, ²⁹ Yusufu donda a la sowontoro kɔndɔ ka wa a fa kunben Koseni. A ka a fa yen tuma men na, a ka a fa laben ka a ke a kɔnkɔndɔ ka kasi. A menda kasila kosebe.

³⁰ Yakuba ka a fɔ Yusufu ye ko: «Hali ni n sara bi, wo te baasi ri, baa n da i yen, ka a lɔn ko i kɛndɛ le.»

³¹ Yusufu ka a fɔ a badenmailu ni a fa la tɔilu ye ko: «N di wa a fɔ mansa ye ko n badenmailu ni n fa la mɔɔilu bεe ra bɔ Kanaan bɔnsɔn na jamana rɔ ka na n ma. ³² N di a fɔ a ye ko ai bεe ye kolofen kɔnɔmadenilu le ri, ko aila baara le kolofen namara ri. N di a fɔ a ye ko ai ra na ai la kolofen bεe ri, a ni ai bolofenilu bεe.

³³ Wo rɔ, ni mansa ka ai kili ka ai la baara majininka, ³⁴ Ai ye a jabi: «An tii, an ye kolofen namarala le ri kεbi an na denniya tumana. An benbailu bεe ka wo baara le kε.» Ni ai ka a jabi wo na men ma, a ri sɔn ai ye ai sii Koseni jamana rɔ, baa kolofen kɔnɔmadenilu ma di Misirankailu ye muumε.»

47

Yusufu ka a la mɔɔilu yiraka Misiran mansa la

¹ Wo rɔ, Yusufu wara a fɔ Misiran mansa ye ko: «N fa ni n badenmailu ra na ka bɔ Kanaan bɔnsɔn na jamana rɔ. Alu nani alu la kolofenilu ri, a ni alu bolofen bεe. Alu ye Koseni sisen.» ² Yusufu ka a badenma loolu yiraka mansa la, a ka menilu lana wo kanma mansa wara. ³ Mansa ka wo ilu majininka ko: «Ai la baara ye nfen di?» Alu ka mansa jabi: «An tii, an ye kolofen kɔnɔmadenilu le ri, iko an benbailu tere ye ja men ma. ⁴ An nani sii diya jininna i wara yan, ka a masɔrɔn kɔnkɔ ra gbεleya an kan Kanaan bɔnsɔn na jamana rɔ. Kolofenilu la damunun tε ye butun. Wo rɔ, an tii, an ye i madiyala, i jaandi, i ye diŋe an ye an sii Koseni jamana rɔ.»

⁵ Mansa ka a fɔ Yusufu ye ko: «I fa ni i badenmailu ra na i ma. ⁶ An na jamana Misiran ye i ta le ri. Wa i fa ni i badenmailu lasii yɔrɔ jumajuma rɔ, yɔrɔ men ka ji a tɔ bεe ri. Alu ye alu sii Koseni. Ni i ka doilu sɔrɔn alu rɔ, menilu kusan kolofen marala kosebe, i ye n na kolofen fanan don wo ilu bolo.»

⁷ Yusufu ka a fa Yakuba lana ka a yiraka mansa la. Yakuba duwara mansa ye. ⁸ Mansa ka Yakuba majininka ko: «N fa, i sɔrɔn da san yeli bɔ?» ⁹ Yakuba kan ko: «N da san kεmε ni san bisawa sɔrɔn n na dunujarateε bεe rɔ, wo bεe rɔ, n si ma siya a ni n da tɔrɔya siyaman sɔrɔn. N si ma siyaya ikomin n failu ka si sɔrɔn alu la dunujarateε rɔ ja men ma.»

¹⁰ Yakuba duwara mansa ye ikɔ ka wa.

¹¹ Yusufu ka duu di a fa ni a badenmailu ma ka alu lasii Misiran jamana rɔ iko mansa ka a fɔ a ye ja men ma. Duu wo tere ye Ramesisi le. Yɔrɔ wo ka ji jamana yɔrɔ tɔ bεe ri. ¹² Yusufu ka a fa ni a badenmailu ni a fa la mɔɔ balo, bεe ni a la denbay.

Kɔnkɔ juuyara

¹³ Nba, kɔnkɔ juuyara kosebe, ka a masɔrɔn suman tun tε sɔrɔnna fan si. Mɔɔilu fanka tere ye desela kɔnkɔ bolola Misiran jamana ni Kanaan bɔnsɔn na jamana rɔ. ¹⁴ Misirankailu ni Kanaankailu ka alu la wodi bεe san Yusufu ma suman na. Yusufu ka wodi wo mira Misiran

mansa ye ka wa a di a la bon na. ¹⁵ Wodi banda Misirankailu ni Kanaan bənson bolola tuma mən na, Misiranka bəe nara Yusufu təren ka a fə a yə ko: «Suman di an ma. I kana sən an ye faa i jnana ten. An na wodi bəe ra ban fewu.»

¹⁶ Yusufu ka alu jabi: «Ni ai la wodi banda, ai ye na ai la kolofenilu ri, ka wa woilu falən suman na.»

¹⁷ Wo rə, alu nara alu la kolofenilu ri Yusufu ma. Soilu ni saailu ni bailu ni nisilu ni falilu, alu nara wo bəe ri. Yusufu ka kolofen wo bəe falen suman na, ka məɔilu balo san kelen wo kərə.

¹⁸ San wo taminni, alu nara Yusufu təren ikə, ka a fə a yə ko: «An fa, i ka a lən ko an na wodi ra ban. An na kolofen bəe ra kə i ta ri fanan. Foyi ma to an bolo fo an jərə ni an na duu. ¹⁹ I jaandi, i kana sən an ye faa i jnana ten, sa an na duu rakolon kana to. I ye an ni an na duu san suman na. An di kə mansa la jənilu ri. An na duu ri kə a ta ri. I ye suman di an ma, sa an di balo. I ye si di an ma, sa an na səneilu lakolon kana to.»

²⁰ Wo rə, Yusufu ka Misiran duu bəe san mansa ye. Misirankailu bəe ka alu la səneilu san, ka a masərən kənkə ra juuya foo ka a dan natamin. Jamana duu bəe kera mansa ta ri ja wo le ma. ²¹ Ka bə jamana kun do la, ka wa bila a kun do la, Yusufu ka jamana məɔilu ke jənilu ri. ²² A ka duu bəe san, fo duu mən təre ye məɔilu la joo səlailu bolo, baa mansa təre ye məɔilu la joo səlailu səla suman na tuma bəe. Suman wo kera woilu balo ri. Wo le kosən woilu ma alu la duu san.

²³ Yusufu ka a fə məɔilu ye ko: «N da ai ni ai la duu san mansa ye bi. Nba, ai ye si jin ta ka wa a foyi ai la səneilu rə, ²⁴ kəni ai wa suman mən ka, ai ye wo tala loolu ri, ka tala kelen di mansa ma. A tə naanin, ai ta le wo ri. Ai ye do kə si ri, ka do kə balo ri, sa ai ri ai jərə ni ai denilu ni ai wara məɔilu bəe balo.»

²⁵ Alu ka Yusufu jabi: «An fa, i ra kojuma kə an ye ka an kisi kənkə ma. An di kə mansa la jənilu ri.»

²⁶ Yusufu ka sariya sii Misiran jamana rə ko məɔilu wa suman mən ka, wo ye tala loolu ri, ka tala kelen di mansa ma. Sariya wo siini ye fələ haan bi. Məɔilu la joo sarakalaselailu la duu le dərən ma kə mansa ta ri.

²⁷ Nba, Isirayeli la məɔilu ka alu sii Koseni jamana rə Misiran. Alu ka nanfulu sərən ye ka jiri kosebe.

²⁸ Yakubə si bəe ladənni kəra san kəmə ni san binaanin ni san wərənwula le ri. A ka san tan ni wərənwula ke Misiran jamana rə. ²⁹ A sa waati sudunyanin tuma mən na, a ka a dence Yusufu kili ka a fə a yə ko: «Ni n duman i yə, i ye i bolo la n woro kərə ka lahidi ta n yə ko i ka kan ka jumaya mən kə n yə, i ri wo kə ka kankelentiiya kə n yə n na saya kə rə, ko i tə n suu don Misiran jamana rə yan fewu. ³⁰ N ye a fə i ye n suu don n benbailu suu don diya. I ye n suu ta ka bə Misiran ka wa a don diya wo rə.» Yusufu kan ko: «N di a kə ikomin i ka a fə ja mən ma.»

³¹ Yakuba kan ko: «I kali n yə.» Yusufu ka a kali a yə. Wo rə, Yakuba ka i birin a la lafen kun na ka Alla bato.

48

Yakuba duwara Yusufu dencəilu yə

¹ Waati wo taminni a fəla Yusufu yə ko a fa ma kəndə. Wo rə, a ka a dence fila ta, Manase ni Efirayimu kənin, ka wa a fa tuwa. ² A fəra Yakuba ye tuma mən na ko a dence Yusufu ra na, a ka a raja ka i wuli, ka i sii a la lafen kan. ³ Yakuba ka a fə Yusufu yə ko: «Alla Sebəetii bəra gbe rə n yə Lusi so dafə Kanaan jamana rə, ka jumaya kə ka baraka don n na kə rə. ⁴ A ka a fə n yə ko: «N di i jiri, ka i bənson siyaya ka a kə jama siyaman ba ri. N di jamana jin di i bənson ma i kəma rə, ka a kə alu ta ri kadawu.»

⁵ Yakuba ka a fə Yusufu yə ko: «I ka i dence Efirayimu ni i dence Manase sərən Misiran yan ka a təren n tun ma na i tərəfə fələ, kəni sisen, n da woilu kə n denilu ri. Efirayimu ni Manase ra kə n ta ri sisen ikomin Rubən ni Simeyən ye n ta ri ja mən ma. ⁶ Ni i ka den mənilu sərən woilu kə, woilu ri kə i ta ri. Woilu bənson di duu sərən Efirayimu ni Manase bənson ta ni rə. ⁷ N bəra Padani Aramu rə ka n kəseyi n fa wara tuma mən na, Rasəli sara ka n ninnafin kojuuya. A sara sila la Kanaan bənson na jamana rə, ka a təren an tun da sudunya Efirata so la. N ka a suu don Efirata sila la ye.» Efirata mən təo bi ko Bətilehəmu.

⁸ Isirayeli ka Yusufu dencəilu yen tuma mən na, a kan ko: «Yon de jniliu ri?»

⁹ Yusufu ka a fa jabi: «Alla ka dence fila mën di n ma yan, woilu le jin di.» Yakuba kan ko: «Alu lana n ma yan, sa n di duwawu kë alu yë.» ¹⁰ Isirayeli na lafinni tere. A tun të fen nasala kosebe butun. Yusufu ka a denceilu madon a la tuma mën na, Isirayeli ka a ton alu kan ka alu sunbu. ¹¹ A ka a fô Yusufu yë ko: «N ma a lën fewu ko n di i yen butun, koni Alla ra a kë n da i denceilu fanan yen sisen.» ¹² Yusufu ka a denceilu ta ka alu bô a fa sen kan, ka a majii, ka a kun majii a fa kôrø. ¹³ A wulira ka a denceilu madon a fa la, ka Efirayimu lasii a fa bolomaran fe, ka Manase lasii a fa bolokinin fe. ¹⁴ Hali wo, Isirayeli ka a bolo latamin a jôon kô rø. A ka a bolokinin natamin ka a la Efirayimu kun dø, ni a ye doomam   ri. A ka a bolomaran natamin ka a la Manase kun dø, wo mën ye den fôlø ri. ¹⁵ Wo rø, a duwara Yusufu yë ko: «N benba Iburahima ni n fa Isiyaka tere ye taamala ka b  n Alla m  n kan ma, wo ye jumaya k   den jinilu yë. Alla m  n ka a l   n j  r   ka a damira n s  r  n waati ma haan ka se bi ma, wo ye jumaya k   den jinilu yë. ¹⁶ Alla m  n nara n ma iko meleka, ka n kisi kojuu b  e ma, Wo ye jumaya k   den jinilu yë. Denilu sababu la n t  o kana tunun, A ni n benba Iburahima t  o ni n fa Isiyaka t  o. Ka alu b  ns  n siyaya a ja jere jere ma duukolo kan, Alla ma wo k  ra.» ¹⁷ Yusufu ka a yen tuma m  n na ko a fa ra a bolokinin la Efirayimu kun dø, wo ma diya Yusufu yë. A ka a fa bolo mira ka a bô Efirayimu kun dø, ka a la a dence fôlø Manase kun dø. ¹⁸ A ka a fô a fa yë ko: «N fa, i filinin de. Den fôlø le Manase ri. I bolokinin la wo kun d  .» ¹⁹ A fa, k  n, ma s  n wo ma. A kan ko: «N dence, n ye m  n k  la, n ka wo l  n j  . Manase b  ns  n fanan di siyaya ka k   kabila ba ri. A ri bonya, k  n a dooce ri bonya ka tamin a kan. A dooce b  ns  n di k   jama siyaman di.» ²⁰ A duwara alu y   wo lon. A kan ko: «Isirayelika di duwa m  o  lu y   ai t  o le r   ka a fô ko: «Alla ma i k  ra iko Efirayimu ni Manase ye ja m  n ma.»»

Wo r  , Yakuba ka Efirayimu bila Manase j  . ²¹ A ka a fô Yusufu y   ko: «N sat   le, k  ni Alla ri to ai fe. A ri ai laseyi ai fa wara Kanaan jamana r   ik  . ²² N di i s   ka tamin i badenmailu kan, ka Sikemu koyink  ma y  r   di i ma. N ka Am  rikailu k  le n na fanmuru ni kalabij   la ka y  r   juma wo mira alu la.»

49

Yakuba ka men f   a sat  la la

¹ Yakuba ka a denceilu kili ko: «Ai ye na ai laden n t  r  fe. N ye a fe ka koilu lase ai ma, m  nilu ket   alu la sini nat   k  n. ² N denceilu, ai ye na ai tolo mal   nde ai fa Yakuba la, a ye fola n ma ko Isirayeli.

³ Rub  n, ile le n dence f  l   ri. I f  l   le k  ra n na c  ya ni n na fanka f  l   ri. Bonya ni sebaaya ye i bolo ka tamin i dooceilu kan,

⁴ k  ni i ye ikomin ji ba woyet  , m  n ti se a jere mirala. I ti nala k  la bonkun ri fewu, baa i ra i la i fa la lafen kan ka si a muso fe.

A ka a la n na lafen kan ka a man  o. ⁵ Simey  n ni Lebi miriya ye ko kelen de ri. Alu ka ie la fanmuruilu ta ka wa t  jannin k  .

⁶ Alu wa kuma gbundu r  , n te s  n ka n sen bila wo r  . Alu wa laden ke, n di n ban wala, baa alu m  nera ka m  o  ilu faa.

Alu juuyara ka nisilu sen fasailu tee. ⁷ Alla ye t  r  ya la alu kan alu la m  ne wo kos  n, baa alu la m  ne ka juu, a ni alu la jenik  juuya wo kos  n, baa alu la jenik  juuya ka alu k   hinabaliilu le ri. N di alu b  ns  n datala Yakuba b  ns  n na jamana r  .

N di alu laj  sen Isirayelika la jamana y  r   b  e r  . ⁸ Yahuda, i badenmailu ri ile le tando. I ri se i juu ilu la.

I faludenmailu ri alu majii i k  r  . ⁹ Yahuda ye ikomin yara kanberen de, m  n di wa sobo faa ka wo damun, ka na i ras  mon ka i la. Yon di a lawuli?

¹⁰ Faamaya gbeleke te b   Yahuda bolo. Mansaya gbeleke ri to a b  ns  n bolo

fo mansaya tii wa na,
dunuŋia bεe ri i majii mεn kɔrɔ.
11 A ri a la fali sidi resenju la,
ka a la faliden sidi resenju juma ŋuma la.
A ri a la faanin ko resenji la,
ka a la durukiba ko resenji la, mεn wulenni
ikomin jeli.
12 A ri resenji min fo ka a ŋailu lafin.
A ri nɔnɔ min fo ka a ni gbe.
13 Sabulɔn di i sii kooji da la.
Kulunbailu lɔ diya ri kε a wara ri.
A la duu ri wa foo Sidɔn so fan fe.
14 Isakari ye ikomin fali, fanka ba ye mεn
na.
A ri a la a la donin bɔrɔilu temɑ.
15 Ni a ka a yen tuma mεn na
ko jamana wo ka ni,
ko yɔrɔ wo duman kosebε,
a ri a kɔ rabɛn donin ta kanma
ka ke jɔn di ka diyagboya baara kε.
16 Daan di a sii a la mɔɔilu kun na ka alu la
kiti tεε,
a ri ke ikomin Isirayeli kabilia tɔilu fanan.
17 Daan ye ikomin sa, mεn lani sila dafε,
ikomin fɔnfɔnni, mεn ye sila misenilu la.
A ri so cin a sen ma,
ka so tii labe a kɔ kan.»
18 Yakuba kan ko: «εε Allabatala, n ye i
makɔnɔla, i ye n kisi.»
19 A kan ko:
«Benkanninnailu ri na be Kadi kan,
kɔni a ri alu gbɛn ka alu kɔsarān kojuuya.
20 Aseri ri suman duman sɔrɔn;
a ri damunun fen duman di mansailu ma.
21 Nefitali a la ferɛnin ikomin minamuso,
mεn ye a jere ma,
mεn ye den ŋumailu sɔrɔnna a jere ma.
22 Yusufu ye ikomin jiri mεn ye a denna
kosebε,
jiri mεn lɔni kɔ dafε,
men bolo ye janyanna foo ka tamin dandan
kun na.
23 Kalabiŋetiilu wulira a kanma kojuuya.
Alu ka bijεilu lafili a ma ka a tɔrɔ kosebε,
24 kɔni Yusufu la kala ma yereyere.
A boloilu ka fanka sɔrɔn Alla Sebεetii bolo,
mεn ye Yakuba demenna.
Wo le ye mɔɔ latankala le ri,
mεn ye Isirayeli lakandala,
mεn barakan i komin farakolo.
25 I fa Maari ye i demenna.
Alla Sebεetii ye ŋumaya kɛla i yε.

A ri fen ŋumailu di i ma ka bɔ san ma.
A ri ji di i ma ka bɔ duu kɔrɔ.
A ri i denilu ni i la kolofenilu siyaya.
26 Fen ŋumailu ye bɔla koyinkε kɔrɔilu la,
nanfuluilu ye bɔla fɔlɔ tindilu la,
kɔni Alla ka ŋumaya mεnilu ke i fa yε, woilu
ka bon woilu bεe ri.
Alla ye wo ŋɔnɔn ke Yusufu yε.
Alla ye a kε, ŋumaya woilu ye mεn Yusufu
fe,
mεn ŋenematɔmɔnni ka bɔ a badenmailu
rɔ.
27 Beniyaminu fadima ikomin wara.
Sooŋma a ye sobo mirala ka do damun.
Wura la, a ri a tɔ ratala.»
28 Nba, Isirayeli kabilia tan ni fila le woilu
ri. Alu fa duwara alu ye tuma mεn na,
a ka kuma woilu fɔ. A duwara alu kelen
kelenna bεe ye, bεe ni a la duwa.

Yakuba la sayɑ

29 Nba, Yakuba ka a fɔ a denceilu yε ko:
«N satɔla le ka la n benbailu kan. Ni n
sara, ai ye wa n suu don n benbailu dafε
falan na, falan mεn ye Hεtika Efurɔn na
sεnε rɔ. **30** Falan wo ye Makipela, Mamere
telebɔ fan fe Kanaan bɔnsɔn na jamana rɔ.
N benba Ibrahima ka dinkira wo le san
Hεtika Efurɔn ma, ka a kε a la suu don diya
ri. **31** N benba Ibrahima ni a muso n mε
Saran suu don diya ye ye le. N fa Isiyaka ni
a muso n na Rebeka fanan suu don diya ye
ye le. N ka Leya suu don ye le fanan. **32** Duu
wo ni falan bεe sanda Hεtika de ma.»

33 Nba, Yakuba banni kumala, a ka a la a
la lafen kan ka sa, ka la a benbailu kan.

50

1 Yusufu ka a ton a fa suu kan ka a
sunbu ka kasi. **2** Nba, Yusufu ka a fɔ a la
dandalilailu yε ko alu ye a fa fure rabɛn
ka baara ke kosa a kana toli, ka ban ka
a mamininminin. Alu wara Isirayeli fure
rabɛn. **3** Alu ka tele binaanin kε baarala.
Alu la fure rabɛn na le wo ri. Misirankailu
ka tele biwɔrɔnwula ke a sayɑ kasila.

4 Saya kasi waati wo taminni, Yusufu ka
a fɔ Misiran mansa la mɔɔbailu yε ko: «Ni
n na ko diyara ai yε ai ye wa kuma mansa
yε. Ai ye a fɔ a yε ko **5** n fa ka kuma do fɔ n
yε a sa tumana la. A kan ko n ye n kali a yε
ko ni a sara, ko n di wa a suu don Kanaan
bɔnsɔn na jamana rɔ. Ko a ka suu don diya

mən dabən a jere ye, ko n ye wa a suu don dinkira wo rə. N fa kan de wo ri. Wo rə, n ye mansa madiyala, a ye sən n ye wa n fa suu don. N wa ban, n di na.»

⁶ Ferawuna ka jabi: «Wa i fa suu don iko i ka i kali a ye ja mən ma.»

⁷ Wo rə, Yusufu wara a fa suu don diya. Misiran mansa la jeməo bəe wara a malə, a ni mansa wara məəbailu ni Misiran jamaana məəbailu. ⁸ Yusufu wara məə bəe fanan wara, a ni a kərəcəilu ni a dooce ni a fa wara məə bəe. A den ni ala kolofenilu le tora alu kə ma Koseni. ⁹ Sowontoro tiilu ni so tiilu fanan wara Yusufu malə. A kera jama siyaman ba le ri.

¹⁰ Alu sera Atadi la gberema Juridən ba da waati mən na, alu bəe ka san kasi kə ye, ka kule kan ba labə. Yusufu ka tele wərənwula kə san kasila ye. ¹¹ Ye duurenilu, Kanaan bənsən kənin, woilu ka wo yen tuma mən na alu kan ko: «Misirankailu ra saya kasi ba le kə ten de!» Wo le kosən dinkira wo təə lara ko Abela Misirayimu, yərə mən ye Juridən ba da la.

¹² Nba, Yakuba satəla ka mən fə a denceilu ye, alu ka wo kə. ¹³ Alu wara a suu ri Kanaan jamana rə, ka a suu don falan na Makipela, Mamere telebo fan fe, falan a ni duu mən Iburahima ka san Hətika Efuron ma, ka a kə a la suu don diya ri. ¹⁴ Yusufu banda a fa suu donna tuma mən na, a ka a kəseyi Misiran. A badenmailu ni mənilu bəe wara a fe a fa suu don diya, woilu bəe ka alu kəseyi a fe.

¹⁵ Nba, Yusufu kərəcəilu ka a yen ko alu fa Yakuba tə alu fe butun. Wo rə, alu ka a fə i njən ye ko: «An ka kojuu mən kə Yusufu la, ni an gboyara a ye don? A tə wo julu sara an na wa?» ¹⁶ Wo le rə, alu ka kela lawa Yusufu ma ko: «Sani i fa ye sa, a ka kuma do fə. ¹⁷ A kan ko an ye a fə i ye. Ko i jaandi, i ye i kərəcəilu la hake ni alu la juluman yafa alu ma, alu ka mən kə i la. An fa kan de wo ri. Wo rə, an ye i madiyala, i ye yafa an ma an na kojuuilu rə, ande mənilu ye i fa Maari la jənilu ri.» Kela wo fəra Yusufu ye tuma mən na, a kasira.

¹⁸ A kərəcəilu jere nara alu majii a kərə duu ma, ka a fə a ye ko: «Ande ye i la jənilu le ri.» ¹⁹ Yusufu ka a fə alu ye ko: «Ai kana

silan. N ye Alla nə le rə wa? ²⁰ Men kera n na, ai ka wo kə kojuu kə kanma, kəni Alla ka wo kə kojuma le kə kanma, kosa məə siyaman di kisi n bolola yan bi. ²¹ Wo rə, ai kana silan. N di n janto ai rə, ai ni ai denilu bəe.» Yusufu kumara alu ye kaninteya la, ka alu jusu suma.

Yusufu la saya

²² Nba, Yusufu ni a fa la məəjilu tora Misiran. Yusufu si bəe ladənni kera san kəmə ni san tan de ri. ²³ A ka a tolomirailu yen, a dence Efirayimu ni a dence Manase mamarenilu kənin. Manase dence Makiri,* wo ka denilu sərən tuma mən na, alu nara a la Yusufu sen kan.

²⁴ Lon do rə, Yusufu ka a fə a badenmailu ye ko: «N satəla le, kəni Alla ri a janto ai rə ka ai ta ka bə jamana jin də ka wa ai ri lahidi jamana rə, baa a ka kali an benba Iburahima ni an benba Isiyaka ni an fa Yakuba ye ko jamana wo ri kə alu ta ri.» ²⁵ Yusufu ka a fə a badenmailu ye ko: «Ai ye i kali n ye ko Alla wa na ai dəmen ka ai labə Misiran yan, ko ai ri wa n koloilu ri.»

²⁶ Yusufu sara Misiran ka a tərən a sərən tun da san kəmə ni san tan bə. Misirankailu ka a suu rabən ka baara kə sa a kana toli. Wo banda mən kə, alu ka a mamininminin ka a la suu balankari kəndə Misiran.

* ^{50:23} Yusufu le ka Makiri la den nabalo

Kitabu mən səbeni Nabi Luka bolo

Kitabu mən səbeni Nabi Luka bolo

¹ Ko ba doilu dafanin an təma yan. Wo bolo ma, məo siyaman da wuli ka wo kibaro mafənə ka a səbe damira. ² Mənilu ka wo bəe kəni yen ie ja la ka sereya kəbi a damira waati la, a ni mənilu kelayani wo kibaro lasela, woilu ka a bəe lase an ma. Alu ka a lase ja mən ma, a səbebailu ye a səbela wo ja le ma. ³ N terice juma Teyofili, n fanan da ko wo bəe fəsəfəsə kəbi a damira waati. Wo le rə, n da a yen ko n ka kan ka a bəe səbe konuma ka a lawa i ma, ⁴ kosa i ri a lən ko i karanni ko mən na, wo ye tuja jəre jəre le ri.

Meleka ka Yaya sərən ko fə

⁵ Waati wo rə, Herodi təre ye Jude maratiyala. Wo tuma,

sarakalasela do təre ye, mən təo ko Sakariya. A təre ye Abiya la sarakalasela dəkuru le rə. A muso, Elisabeti, fanan təre sarakalasela kuntiiba Haruna bənsən de ri. ⁶ Sakariya ni a muso, alu fila təre ye məo telenin de ri Alla jəkərə. Alu təre ye Maari Alla la sariyailu ni jamari bəe bonyala. ⁷ Kəni den tun tə ie bolo, baa Elisabeti təre ye densərənbali le ri. Alu fila tun da kərəya.

⁸ Lon do rə, dakun sera Sakariya la sarakalasela dəkuru ma ko alu ye wa sarakalase diya Allabatobonba la. ⁹ Ka bən ie la namun ma, Sakariya suwandira ko a ye don Allabatobonba la ka wusulan janin yərə sənimən kəndə. ¹⁰ Wusulan wa kə janinna waati mən na, jama ba ye Alla matarala kəne ma Allabatobonba kəma.

¹¹ Wo tuma, Maari Alla la meleka nara i lakənəmaya Sakariya jəkərə. Meleka wo ka i lə wusulan saraka bə diya bolokinin fe. ¹² Sakariya ka meleka yen tuma mən na ka a magban. A silanda kojuuya. ¹³ Kəni meleka ka a fə a ye ko: «Sakariya, i kana silan. I ra mən jinin matarali rə, Alla ra wo mən. I muso Elisabeti ri dence sərən i ye. I ye den təo la ko Yaya. ¹⁴ Den wo ri i diya kosebə. A wa sərən, məo siyaman di sewa bake wo, ¹⁵ baa den wo kətə məo ba le ri Maari jəkərə. A te resenji wala dələ su

su min habadan. Kəbi a na kənə ma ye a la Alla la Nin Sənimən ye a fe. ¹⁶ A ri kə sababu numa ri, mən di Isirayeli məjilu siyaman laseyi Maari Alla ma. ¹⁷ A ri wa Maari jəfə, ka Alla la baara kə. A la hankili ni a la fanka ye ikomin Nabi Eli fanan təre ye ja mən ma. Wo rə, a ri deni ni ie failu tə raben, ka məo muruntini yəleman ka kə məo səbə ri, ka Alla la məjilu raben ka ie bila sila bərə kan.»

¹⁸ Sakariya ka meleka majininka ko: «N di la wo ja numan de ma? I ma a lən ko n da kərəya wa? N muso fanan da kərəya.»

¹⁹ Meleka ka Sakariya jabi: «Jibirila ye nde ri. N ye n ləla Alla dafe. Ale jəre ra n kelaya i ma ko n ye na kibaro juma jin lase i ma.

²⁰ Awa n da kelaya mən fə i ye, i ma la wo la. Wo rə, i kətə bobo ri fo n na kela wa ban dafala lon mən na. Wo lon wa se, kela wo ri dafa fewu!»

²¹ Nba, məjilu təre ye Sakariya makənə la kəne ma. Alu kəndafilira ka a masərən a tun da mən yərə sənimən kəndə. ²² Sakariya bə mən kəni kəne ma, a ma se kumala ie ye. Alu ka a yen ko Sakariya ra fen do yen yərə sənimən kəndə, baa a təre ye kuma təəmasereyalə a bolo le la jama jana, kəni a mənda boboya rə.

²³ Sakariya la baara waati banda tuma mən na, a ka kəseyi a wara. ²⁴ A ma mən bake wo kə, a muso ka kənə ta. Wo kə, Elisabeti ka karo loolu kə a ma bə a la wara. ²⁵ A ko: «A ragbə! Maari ka ko mən kə n ye waati mənna, a ka miriya ta ka maloya bə n na məjilu jana.»

Meleka ka Isa sərən ko fə

²⁶ Elisabeti la kənəmaya karo wəərəna, Alla ka meleka Jibirila kelaya Nasareti so la, Kalile mara rə. ²⁷ A wara se sunkurun do ma ye, mən təo ko Mariyamu. Mariyamu wo tun ma cə lən fələ. A mamirani təre ye cə do bolo la, mən təo ko Yusufu. Yusufu təre ye Mansa Dawuda bənsən de ri.

²⁸ Meleka donda Mariyamu kan ka a fə a ye ko: «N na tuwali ye i ye, ile, barakaden. Alla ye ile fe.» ²⁹ Tuwali kan wo ka Mariyamu kəndafili kosebə. A ma a kərə lən. ³⁰ Meleka ka a fə a ye ko: «Mariyamu, i kana silan. I la ko ra diya Alla ye. ³¹ Awa i ri kənə ta ka dence sərən. I ye a təo la ko Isa. ³² A ri kə məoba ri. Məjilu ri a fə ale

ma ko Alla Kørətaninba Dence. Maari Alla ri a benba Mansa Dawuda la mansaya di a ma. ³³ A ri i sii Yakuba bənsən kun na foo habadan. A la mansaya ti ban fewu!»

³⁴ Mariyamu ka məleka majininka wo ma ko: «Wo ri se kela di, baa ce si ma se n ma fələ?» ³⁵ Məleka ka a jabi: «Alla la Nin Səniman di jii i ma. Alla Kørətaninba səebə ri birin i kun na. Wo bolo ma, i ye dence men sərənna a ye den səniman de ri, a ri kili ko Alla Dence. ³⁶ I badenma muso Elisabeti ra harijee dence la a la musokərbəaya waati rə. Ale tun da jate densərbəali le ri, kəni a kənə karə wəərəna le ten. ³⁷ Alla bali ko sa ye.» ³⁸ Mariyamu ka jabilə ke ko: «N ye Maari la jən de ri. I ra a fə ja men ma, Alla ye a ke wo ja.» Məleka bəra Mariyamu wo jana le ma ka wa.

Mariyamu wara Elisabeti fo diya

³⁹ A ma men bake wo ko, Mariyamu ka a rabən ka a kaliya ka wa so do la Jude mara koyinke yərə rə. ⁴⁰ A se men kəni ye, a donda Sakariya la bon na ka Elisabeti tuwa. ⁴¹ Elisabeti ka Mariyamu tuwali kan men tuma men na, a den ka a lamaa bake a kənə rə. Wo tuma, Alla la Nin Səniman jiira Elisabeti rə. ⁴² Elisabeti ka a kan nabə wo baraka rə ka a fə Mariyamu yə ko: «Alla ra jumaya ke i ye ka tamin muso bəe la. I harijene den men na, Alla ra jumaya ke wo fanan yə!» ⁴³ Elisabeti ka a fə ikə tuun ko: «Nde ye məo su juman de ri fo n Maari na jəre ra nabə n fe yan? ⁴⁴ I ma a yen? N ka i tuwali kan men tuma men na, n den sewara ka a lamaa bake n kənə rə. ⁴⁵ Maari Alla ka men fə i ye wo lon, i lani a la ko wo ri dafa. Wo bolo ma, muso barakanin de ile ri.»

Mariyamu ka Alla tando

⁴⁶ Mariyamu ka a ko:
«N ye Maari bonyala n soləmə rə.
⁴⁷ N nin da sewa ka jaalen n Kisiba Alla ko rə.
⁴⁸ A sənda ka a janto n də, a la jənmuso fanmajiini.
Wo bolo ma, ka damira bi haan ka wa, məo ri a fə n ma ko barakaden,
⁴⁹ baa Alla Sebəetii ra ko ba ke n yə.
A təə səniman də!
⁵⁰ Alla ri kininkinin məo ilu ma menilu ka a bonya,

a ni ie denilu ni ie mamarenilu.

⁵¹ A ra ko ba siyaman ke a la fanka rə.

A ra doilu gben a rə, menilu ye jəredaba ri.

⁵² A ra mansaya bə mansailu bolo,

kəni a ka məo fanmajiininilu kərəta.

⁵³ A ra kənkətoilu sə damunun juma rə foo ka iwasa,
kəni a ka nanfulutiilu gben ka ie lawa bolokolonya rə.

⁵⁴ A ma jina a la kininkinin məo ilu kə.

Wo rə, a ra a la jənilu dəmen, Isirayeli məo ilu kənin.

⁵⁵ A tun ka wo lahidi ta an benba Ibrahima ni a bənsən yə foo ka wa kadawu.»

⁵⁶ Nba, Mariyamu mənda Elisabeti tərəfə ye. A ka karo sawa jəən ke, ka ban ka wa a wara.

Yaya sərənja

⁵⁷ Nba, Elisabeti moyi lon sera. A moyira dence la. ⁵⁸ A siijəənilu ni a badenmailu ka a men ko Maari Alla ra kininkinin a ma ka ko ba ke a yə. Alu bəe sewara. ⁵⁹ A sərən tele seyin, alu bəe nara ka den kojiyya ke. Alu təre ye a fə ka a təə la a fa Sakariya la. ⁶⁰ Kəni a na ka ie jabi: «Wo tə ben. A təə le ko Yaya.»

⁶¹ Alu ka a səsə ko: «Ai badenmailu rə məo si təə te Yaya.» ⁶² Alu ka kuma Sakariya yə ie bolo la, ka a majininka den təə ma.

⁶³ Sakariya ka ie jabi a la kuma la a bolo la ko alu ye walan do don a bolo. Alu ka do don a bolo. A ka a ta ka səbəli ke a kan ko: «Den təə le Yaya.» Alu bəe ka wo yen ka kabannakoya. ⁶⁴ I kərə ye, Sakariya da lakara. A sera kumala iko tuun. A ka Alla tando bake.

⁶⁵ Wo ka ye məo ilu bəe masilan. Məo ilu bəe təre ye a barola ko jinilu kan Jude koyinke yərə wo fan bəe rə. ⁶⁶ Menilu ka kibaro wo lamən, woilu təre ye i mirila ko: «Den wo ri ke məo su juman di?» Baa, alu ka Alla la baraka yen den kan.

Sakariya ka Alla tando

⁶⁷ Alla la Nin Səniman jiira Sakariya rə, ka kelaya ko:

⁶⁸ «Tandoli ye Isirayəlikailu Maari Alla yə, baa a ra na ka a la məo ilu hərəya.

⁶⁹ A ra Kisiba di an ma ka bə a la jən Mansa Dawuda bənsən də.

⁷⁰ A ra wo ke iko a la nabijuma sənimanilu ka a fə ja men ma kəbi waati jan.

⁷¹ Kisiba wo ri an kisi an juuili ma, ka an bɔ an kəniyabailu bεe bolo.
⁷² A ra hina an failu la, baa a ra a janto a la teriya səniman dɔ,
⁷³ a ka mən sidi an benba Iburahima yε kənin.
⁷⁴ A ko, ko a ri an kisi an juuili fanka ma. Kosa an kana silan məɔilu kɔrɔ, fo ka Alla bato
⁷⁵ səniya rɔ, a ni telenbaya rɔ. An di baara kε a jana wo ja ma, haan ka an si tele bεe ban.»
⁷⁶ «N den, məɔilu ri i kili ko:
 «Alla Kərətaninba la nabijnuma.» Ka a masərən i ri wa Maari yε, ka a la sila raben a yε.
⁷⁷ A ri kisi ko lənniya di a la məɔilu ma, tuma mən na alu julumun ye a makotola,
⁷⁸ baa an na Maari Alla ye kininkinin tii le ri. Wo bolo ma, a ri kene labɔ an yε ikomin tele bətəla.
⁷⁹ Sa mənilu ye Alla lənbaliya dibi rɔ, a ni mənilu silanni saya dibi yε, woilu ri bɔ dibi wo bεe rɔ. Sa an di se ka jusu suma sila taama.»

⁸⁰ Nba, den wo bonyara ka kε məɔ ri, ka səebə sərən a nin dɔ. A wara to wula kəndɔ foo a ka a jere yiraka Isirayeli məɔilu la lon men.

2

Isa sərən ja

¹ Nba, lon do rɔ, Rəmu mansa ba ɔjusiti ka a fɔ ko a la mansaya yɔrɔ bεe məɔilu bεe ye wa tɔ səbeli diya. ² Kirinisi le tere ye jamanatiyya la Siri waati wo la, wo tɔ səbeli fəlɔ. ³ Ka bən tɔ səbeli ko ma, məɔ bεe wara a fa so kəndɔ. ⁴ Wo rɔ, Yusufu bora Nasareti, men ye Kalile mara rɔ, ka wa Jude mara rɔ. A wara Bətilehemu, Mansa Dawuda la so kənin, ka a masərən ale ye Mansa Dawuda bənsən de ri. ⁵ Mariyamu wara a kofε, men mamirani a bolo la. Alu fila wara ie tɔ səbeli diya Bətilehemu. Wo tuma, Mariyamu kənəma le tere.

⁶ Ka ie to Bətilehemu, Mariyamu moyi lon sera. ⁷ A moyira a dencε fəlɔ la. A ka faanin miniminin den jərenni ma ka a la kolofen na damunun kε fen kəndɔ, baa alu tun ma jiya diya sərən ləndan jiya bon na.

Meləka ka Isa sərən ko fɔ saagbəngbənna doilu yε

⁸ Wo tuma, saagbəngbənna doilu tere ye Bətilehemu so da la. Alu tere ye sila ie jana waa rɔ ye, ka ie janto ie la saa kuruili rɔ. ⁹ Su wo rɔ, Maari Alla la meləka do ka a jere yiraka woilu la. Maari Alla nəorɔ melənda ka ie laminin, ka ie masilan kojuuya. ¹⁰ Kəni meləka ka a fɔ ie yε ko: «Ai kana silan, baa n nani kibaro numa fəla ai yε, mən di ai la jamana məɔilu bεe lasewa kosebe. ¹¹ Kisiba ra sərən ai yε bi, Mansa Dawuda la so kəndɔ. Ale le Maari ri, Alla la Mɔɔ Nenemətəmənin kənin. ¹² N ye təomasere mən yirakala ai la: Ai ye wa den jərenni sərən, a mamini faanin dɔ, a lani soboilu la damunun kε fen kəndɔ.» ¹³ I kərəkərɔ wo rɔ, wo yɔrɔ kelen dɔ, meləka siyaman ba bora ka na la meləka fəlɔman wo kan. Alu bεe ladənni ka Alla tando ko: ¹⁴ «Gbiliya ye kε Alla ye mən ye sankolo rɔ. Jusu suma ye kε məɔilu ye duukolo kan, məɔ menilu duman a yε kənin.»

Saagbəngbənnailu wara den jərenni mafənε diya

¹⁵ Meləkailu koseyi mən keni sankolo rɔ, saagbəngbənnailu ka a fɔ ijəən yε ko: «An ye wa Bətilehemu. Alla ra ko mən lase an ma, an ye wa wo lakərəsi.» ¹⁶ Alu ka ikaliya ka wa Mariyamu ni Yusufu təren. Alu ka den jərenni lani təren kolofenilu la damunun kε fen kəndɔ. ¹⁷ Alu ka den wo yen ja men ma, alu ka wo bεe dantəeli kε məɔilu yε. ¹⁸ Menilu ka ie la dantəeli kan namen, woilu bεe kabannakoyara. ¹⁹ Kəni Mariyamu ka wo bεe to a jusu rɔ ka imiri wo ma kosebe. ²⁰ Saagbəngbənnailu wo ka ie koseyi waati men na, alu bεe ka Alla gbiliya ka a tando, alu ka men bεe lamən a ni alu ka men bεe yen, a bεe kera ikɔ meləka ka a fɔ ie yε ja men ma.

Den sərənbailu wara a ri Allabatobonba kəndɔ

²¹ Den sərən ka tele seyin bɔ tuma men, alu ka a la kojii kε. A tɔ lara ko Isa, meləka ka tɔ men fɔ Mariyamu yε, ka a təren a tun ma kənə ta burun. ²² Alu səniya waati dafara tuma men, səniya waati men səbeni Nabi Musa la sariya rɔ kənin, Yusufu ni Mariyamu wara den di Jerusaləmu. Alu

wara a yiraka kanma Maari Alla la, ²³ baa a səbeni Maari Alla la sariya rɔ ko: «Ni i den fɔlɔ kera cəman di, den wo ye a bila a dan na Maari Alla ye.» ²⁴ Maari Alla la sariya ka saraka mən fɔ, ko kanba fila wala so kəndo kanba fila, Yusufu ni Mariyamu ka wo bɔ.

Simeyən ni Ana ka den jərenni yen

²⁵ Wo tuma, cε do tere ye Jerusalemu ye, mən tɔo ko Simeyən. Mɔɔ jnuma le tere; a silanni Alla ye a ja jere jere ma. Alla tun ka kisiba lahidi mən ta Isirayeli mɔɔilu ye, Simeyən tere ye wo dafa makənəla. Alla la Nin Səniman tere ye Simeyən kan. ²⁶ Alla la Nin Səniman tun da a yiraka a la ko a te sa fewu foo a ja wa ban lala Maari la Nenemətəmənin kan.

²⁷ Nba, Alla la Nin Səniman ka Simeyən nana Allabatobonba kəndo. Wo waati kelen, Yusufu ni Mariyamu nara den di ye ka sariya ko jnabɔ. Alu don mən kəni Allabatobonba la, alu benda Simeyən na. ²⁸ Simeyən ka den jərenni ta ka Alla tando. A kan ko:

²⁹ «Sisen, n Maari Alla,
i ri i la jɔn boloka ka wa jesusuma rɔ
ka bən i la kumakan ma.

³⁰ N jere ja ra la i la kisiba kan bi,

³¹ i ka mən dabən adamadenilu bεe jnana.

³² A kətə kənebəlan di,
mən di i la sila yiraka siya gberēilu la.
A ri bonya di i la mɔɔilu Isirayeli ma.»

³³ Mən fɔni Isa ma Simeyən bolo, wo ka a fa ni a na kabannakoya. ³⁴ Simeyən duwara ie ye, ka ban ka a fɔ Isa na Mariyamu ye ko: «I tolo malɔ! Den jnин di Isirayeli mɔɔilu siyaman nabe, ka siyaman fanan kərəta. A ri ke Alla la tɔɔmasere ri, mɔɔ siyaman di iban mən də kənin. ³⁵ Wo rɔ, miriya mənilu ye mɔɔ siyaman kəndo, woilu ri bila gbe rɔ. Kəni ile, i ri dunin ba sərən i jusu rɔ. A ri ke iko fan wa i sɔɔ.»

³⁶ Wo ka Alla la nabijnuma muso do fanan tərən Allabatobonba kəndo, mən tɔo ko Ana. A fa, mən bəni Asəri bənsən dɔ, a tɔɔ tere ye ko Fanuyəli. Ana ra kərəya bake. A sunkurunya waati, a furura a cε bolo ka san wərənwula ke. ³⁷ A furu san wərənwula, a cε sara ka a kelen to ye. Sisen, a sərən tun da san biseyin a ni san naanin bɔ. A ye Allabatobonba kəndo tuma bεe, ka Alla bato su ni tele. A la baara ye sun

don di, a ni Alla matara. ³⁸ Ana nara se Yusufu ni Mariyamu kɔfε. A ka baraka bila Alla ye kosebε, ka ban ka wo den na ko fɔ mɔɔilu ye, mənilu jii lani Alla kan ko a ri Jerusalemukailu hərəya ka bɔ ie la tərəya rɔ.

Yusufu ni Mariyamu wara Isari Nasarəti so kəndo

³⁹ Fen fen fɔni Alla la sariya rɔ, Yusufu ni Mariyamu ka wo bεe ke, ka ban ka ikəseyi Kalile mara rɔ. Alu wara isii ie jere la so la, Nasarəti kənin. ⁴⁰ Denni kumbayara, ka fanka sərən a fari rɔ. A walijiyara. Alla la jnumaya ye a kan.

Isa wara Taminkunna Sali rɔ

⁴¹ San san Isa sərənbailu tun di wa Taminkunna Sali ke Jerusalemu. ⁴² Ka bən Isirayeli mɔɔilu la namun ma, Isa ka san tan ni fila sərən san mən na, a fanan wara sali rɔ a sərənbailu kɔfε. ⁴³ Sali ban mən kəni, Isa sərənbailu ka sila ta ka wa so. Jaa, Isa ra to ie kəma Jerusalemu ye, kəni alu ma wo lən. ⁴⁴ Iko alu mɔɔ siyaman ba tere ye sila kan ka wa so, alu lara a la ko Isa ye ie taama jnɔɔn do bolo jama təma ye. Wo bolo ma, alu ka tele wo muumε ke taamala. Kəni fitiri waati seni, alu ma Isa yen fewu! Alu ka a jninin ie wara mɔɔilu təma, a ni ie taama jnɔɔnilu. ⁴⁵ Alu ma a yen. Wo rɔ, alu ka ikəseyi ka wa a jninin Jerusalemu. ⁴⁶ A tele sawanan lon, alu donda Allabatobonba kəndo ka Isa siini tərən dina karanmɔɔilu təma. A tere ye a tolo maləla ie la ka jninkali ke ie kun ma.

⁴⁷ A la hankilimaya ni a la jabili ka woilu bεe kabannakoya. ⁴⁸ A sərənbailu ka a yen tuma mən, alu fanan kabannakoyara. A na ka a majininka ko: «N dencε, nfenna i ra ko su jnин ke an na? An haminni tere kojuuya. An tun da i jninin fan bεe ka kaja.» ⁴⁹ Isa ka a jabi: «Nfenna ai tere ye n jnininna ten? Ai ma a lən ko n ye n fa la bon na wa?» ⁵⁰ Kəni a sərənbailu ma wo kərə lən.

⁵¹ Isa wara ie kɔfε Nasarəti, ka to ie bolo ye. A tere ye ie kan mirala tuma bεe ka bonya di ie ma. Ko mənilu bεe taminni, a na kənin ka woilu bεe to a jusu rɔ. ⁵² Isa tora kumbayala a fari rɔ. A walijiyara. A diyara Alla ye, a ni mɔɔilu fanan ye.

3

Yaya ka kawandili ke

¹ Nba, Rōmu mansa ba Tiberi la mansaya san tan ni looluna, Ponse Pilate tere ye Jude mara kun na, ni Herodi tere ye Kalile mara kun na, ni a kōrōce Filipe tere ye Iture ni Tirakoniti marailu kun na, a ni Lisaniyasi tere ye Abilēni mara kun na. ² Anasi ni Kayifasi tere ye sarakalasela kuntiibaya la.

Wo tuma, Alla ka a la kuma lase Sakariya dencē Yaya ma wula kōndo. ³ Yaya wulira wo rō, ka wa kawandili ke Juridēn ba fandō. A ka a fō mōoilu yē ko alu ye sun ji rō tubi kanma, sa Alla ri yafa ie julumun dō. ⁴ Wo kera iko Nabi Esayi ka a sēbe ja men ma ko:

«Mōo do ri na a kan nabō wula kōndo ka a fō mōoilu yē ko alu ye sila ba rabēn

Maari yē,

ka ban ka sila denni bēe latelen a yē.

⁵ Dinban kōndēla bēe ye lafa.

Koyinkē ni tindi bēe ye rakanya.

Sila rakundunilu ye latelen.

Sila juu ye rabēn ka nunku.

⁶ Wo wa kē, adamadenilu bēe ri Alla la kisi ko yen.»

⁷ Jama tere ye nala Yaya ma sun ji rō kanma. A ka a fō doilu yē ko: «Aileilu fōnfōnni, yon ka Alla la kititeē nafō ai yē? ⁸ Ai ye kewali kē ikomin jiri den men da yiraka ko ai tubini. Ai kana a fō ai jere yē ko «Iburahima ye an fa le ri.» Baa n ye fōla ai yē ko Alla ri se kaba jōn kēla Iburahima denilu di. ⁹ Sisen, tēeran da wuli jiri lulu tēē kanma. Jiri menilu tē den jōuma kēla, woilu ri tēē ka lafili ta rō.»

¹⁰ Mōoilu ka Yaya majininka ko: «An ye nfen de kē wo rō?» ¹¹ Yaya ka ie jabi: «Duruki fila ye men bolo, wo ye feriyatō sō duruki kelen na. Damunun fen tii, wo fanan ye mōo sō wo ja ma.» ¹² Nisōnkōmirala doilu fanan nani sun ji rō kanma. Alu ka Yaya majininka ko: «Karanmōo, an ye nfen de kē wo rō?» ¹³ A ka a fō ie yē ko: «Ai ka kan ka jate men mira mansa yē, ai ye dan wo ma. Ai kana foyi la wo kan.» ¹⁴ Sorodasi doilu fanan nara a majininka ko: «Andeilu don? Andeilu ka kan ka nfen de kē wo rō?» A ka ie jabi: «Ai kana mōo bolofen si mira

a la fanka la. Ai kana maborili ke wuya la fanan. Ai ye ai wasa don ai sara rō.»

¹⁵ Alu bēe tere ye imirila ie jusu rō ko: «Alla la Mōo Nenematomōnin men ko fōni, Yaya le wo ri wo rō wa?» Baa, mōoilu tere ye wo kisiba makōnōla. ¹⁶ Ka ben ie miriya wo ma, Yaya ka a fō ie yē ko: «Nde ye ai sunna ji rō, kōni dēgbēre natō n kō, men fanka ka bon n ta ri. Hali ka n birin ka a la sanbara julu fuli a yē, wo ka bon nde ma. Ale natō ai sunna Alla la Nin Sēnimān dō, a ni ta! ¹⁷ A la fēre ye a bolo, a ri a la sēne suman bu ni a fofo ni a kisē bō a jōōn dō fēre men na. A wa wuli wo baara kanma, a ri suman kisē ni a bu bō jōōn dō. A ri suman kisē ke bondon kōndo, ka ban ka bu bēe janin ta la. Ta wo ye ta sabali ri, men tē ban habadan.» ¹⁸ Yaya ka fen siyaman fō ie yē, ka ie kawandi, ka Alla la kibaro jōuma lase ie ma.

¹⁹ Yaya ka jamanatii Herodi jalaki fanan, ka a masōrōn a tun da a kōrōce muso Herodiyasi mira a la. Yaya ka Herodi jalaki kojuu siyaman dō. ²⁰ Jalakili wo gbara Herodi la, foo ka Yaya mira ka a bila kasola. Herodi ka kojuu ke wo rō, ka wo fanan la a la kojuu tōilu bēe kan.

Isa sunji rō ko

²¹ Mōoilu ye nala sun ji rō kanma tuma men na, Isa fanan nara a sun diya ji rō*. Ka Isa to Alla matarala sun ji rō diya ye, sankolo lakara. ²² Alla la Nin Sēnimān ka kanba fari jōōn ta ka jii Isa kan. Kuma kan do bōra sankolo rō ka a fō ko: «N ninkan dencē le i ri. I duman n yē kosebē!»

Isa buruju

²³ Isa bōra sun ji rō diya ka a la baara damira. Wo ka a tēren a ra san bisawa jōōn sōrōn. Mōoilu tere a jatela Yusufu dencē le ri.

Yusufu tere Heli den de ri.

²⁴ Heli tere Matati den de ri.

Matati tere Lebi den de ri.

Lebi tere Meleki den de ri.

Meleki tere Janayi den de ri.

Janayi tere Yusufu den de ri.

²⁵ Yusufu tere Matatiyasi den de ri.

Matatiyasi tere Amōsi den de ri.

Amōsi tere Nahōmu den de ri.

Nahōmu tere Esili den de ri.

Esili tere Nakayi den de ri.

* **3:21** Wo tuma, Yaya ma bila kasola burun.

26 Nakayi tere Maati den de ri.
 Maati tere Matatiyasi den de ri.
 Matatiyasi tere Semi den de ri.
 Semi tere Joseki den de ri.
 Joseki tere Joda den de ri.
 27 Joda tere Jowanen den de ri.
 Jowanen tere Resa den de ri.
 Resa tere Sorobabeli den de ri.
 Sorobabeli tere Salatiyeli den de ri.
 Salatiyeli tere Neri den de ri.
 28 Neri tere Meleki den de ri.
 Meleki tere Adi den de ri.
 Adi tere Kosamu den de ri.
 Kosamu tere Elimada den de ri.
 Elimada tere Eri den de ri.
 29 Eri tere Yosuwe den de ri.
 Yosuwe tere Eliyeseri den de ri.
 Eliyeseri tere Jorimu den de ri.
 Jorimu tere Matati den de ri.
 Matati tere Lebi den de ri.
 30 Lebi tere Simeyon den de ri.
 Simeyon tere Juda den de ri.
 Juda tere Yusufu den de ri.
 Yusufu tere Jonamu den de ri.
 Jonamu tere Eliyakimu den de ri.
 31 Eliyakimu tere Meliya den de ri.
 Meliya tere Menya den de ri.
 Menya tere Matata den de ri.
 Matata tere Natan den de ri.
 Natan tere Mansa Dawuda den de ri.
 32 Mansa Dawuda tere Jesse den de ri.
 Jesse tere Obedi den de ri.
 Obedi tere Bowosi den de ri.
 Bowosi tere Salimon den de ri.
 Salimon tere Nasun den de ri.
 33 Nasun tere Aminadabu den de ri.
 Aminadabu tere Adimen den de ri.
 Adimen tere Arini den de ri.
 Arini tere Hesiron den de ri.
 Hesiron tere Peresi den de ri.
 Peresi tere Juda den de ri.
 34 Juda tere Yakuba den de ri.
 Yakuba tere Isiyaka den de ri.
 Isiyaka tere Iburahima den de ri.
 Iburahima tere Tera den de ri.
 Tera tere Nakori den de ri.
 35 Nakori tere Seruki den de ri.
 Seruki tere Rakawu den de ri.
 Rakawu tere Faleki den de ri.
 Faleki tere Ebéri den de ri.
 Ebéri tere Sala den de ri.
 36 Sala tere Kanaan den de ri.
 Kanaan tere Arifasadi den de ri.
 Arifasadi tere Semu den de ri.
 Semu tere Nuhan den de ri.

Nuhan tere Laméki den de ri.
 37 Laméki tere Metusalemu den de ri.
 Metusalemu tere Enóki den de ri.
 Enóki tere Yaredi den de ri.
 Yaredi tere Malaleli den de ri.
 Malaleli tere Kenan den de ri.
 38 Kenan tere Enosi den de ri.
 Enosi tere Seti den de ri.
 Seti tere Adama den de ri.
 Adama tere Alla den de ri.

4

Ibulusa ka Isa manee

1 Nin Seniman tora Isa fe. Awa, Isa tere ye bøla Juriden ba da la tuma men na Alla la Nin Seniman lora a jøro ka wa a ri wula køndø. 2 A ka tele binaanin kε wula køndø ye, Ibulusa ye a magberen kela. A ma foyi si damun waati wo kørø. Tele binaanin dafanin, kønkø gbara a la a ja ma. 3 Wo rø Ibulusa nara ka a fø a ye ko: «Ni ile le ye Alla Dence ri, i ye a fø kaba wo ye ko wo ye yeleman ka ke buru ri.» 4 Isa ka Ibulusa jabi: «A sèbeni Alla la kitabu køndø ko: <Moø ti se balola buru gbansan na.»»

5 Isa banni wo føla Ibulusa yε, Ibulusa ka a ta ka wa a ri san ma, ka dunuja mansaya bεe yiraka a la waati kelen na. 6 Ibulusa ka a fø a ye ko: «Jamana woilu bεe dini nde ma. N wa søn moø men dø, n di a bεe di wo ma. N di i lasii jamana woilu bεe kun na sa i ri bonya ba sørøn. 7 Ni i ka nde bato, i ri woilu bεe sørøn.» 8 Isa ka a jabi: «A sèbeni Alla la kitabu køndø ko: <I ye i Maari Alla le bato ka ale kelen pe gbiliya.»»

9 Ibulusa ka Isa ta ka wa a ri Jerusalemu wo rø. A wara Isa lalø Allabatobonba kun na, ka a fø a ye ko: «Ni ile le ye Alla Dence ri, i ye igban de ka bø yan. 10 Ka a masørøn a sèbeni Alla la kitabu køndø ko: <Alla ri a fø a la mélkailu ye ko alu ye i lakanda, 11 ka i kørøta ie bolo la, sa i sen kana se kaba ma.»» 12 Koni Isa ka Ibulusa jabi: «A føra Alla la kitabu køndø fanan ko: <I kana i Maari Alla kørøbø.»» 13 Ibulusa banda Isa manæela, a kanara a ma tuma men na, a børa a køfø ka lon gbere makønø.

Isa ka a la baara damira Kalile mara rø

14 Isa børa ye ka wa Kalile mara rø Nin Seniman na seebaya rø. A la ko føra mara wo fan bεe rø. 15 A tere ye wala moøilu karanna salibonilu la ye. Bεe tere ye a tøø numa føla.

Nasaretikailu ka iban Isa rø

¹⁶ Isa wara se Nasareti, a makoløra yørø men dø. Nøjnøn lon seni, a wara salibon na, ikomin a darini a kela ja men ma. A se men keni karan diya ye, a wulira ka ilø kitabu karan kanma. ¹⁷ Nabi Esayi la kitabu donda a bolo. A ka yørø do jinin kitabu rø, yørø men karan loo tere ye a la. A sèbeni yørø wo rø ko:

¹⁸ «Maari Alla la Nin Sèniman ye n kan, ka a masorøn a ra nde jenematomøn ko n ye wa kibaro numa fø fantanilu ye. Ara n kelaya ko n ye a laseyi kasodenilu ma ko alu ra kanhørøya, ko n ye a fø ja fuyen ye ko ie ja ri laka. A ka n kelaya ko n ye mao tørønilu kanhørøya,

¹⁹ ko n ye a fø maoilu ye ko Maari la san ba ra se, a la kininkinin di yiraka ie la san men na kønin.»

²⁰ A banni wo karanna, a ka kitabu datuun ka a don a lamara bolo ka isii. Mægilu bøe ja løni tere a rø. ²¹ A ka a fø ie ye ko: «N da ban kitabu yørø men karanna, wo kuma ra dafa ai jana bi.»

²² Alu bøe tere ye a tøø numa føla, baa alu kabannakoyani a la kuma jumailu rø. Wo rø, alu ka ijøøn majininka ko: «Yusufu dence te jin di wa?»

²³ Isa ka a fø ie ye ko: «Sika te a rø, ai ri sanda jin la n ye ko: ‹Dandalila, i ka kan ka i jere lakendøya følø.› Ai ri a fø n ye fanan ko: ‹I ka ko menilu ke Kaperinahumu, an ye woilu kalama. I ye woilu jøøn ke i jere fanan wara rø yan.›» ²⁴ A ka a fø ie ye ko: «Tujia le! Nabijuma si te jatela a wara mægilu bolo. ²⁵ N di misali doilu yiraka aila. Nabi Eli la tele rø, san sawa ni karo wøørø dafara sanci ma se nala Isirayeli jamana duu kan. Wo le ka a ke, kønkø ba donda jamana køndø. Wo tuma, cesamuso ka siya Isirayeli jamana rø yan. ²⁶ Køni Alla ma Nabi Eli lawa wo si demenna. Alla ka Nabi Eli lawa cesamuso do wara Sarepitø so køndø, men ye Sidøn mara rø. ²⁷ Ka la wo bøe kan, Nabi Elise la tele rø, kunatø tun ka siya Isirayeli jamana rø yan. Køni wo si ma kendøya Nabi Elise bolo fo Naaman kelen Sirjøka.»

²⁸ Nba, wo ka menilu siini tøren ye salibon na, woilu ka kuma wo men ka monø kojuuya. ²⁹ Alu bøe wulira ka Isa gbøn ka labø so køndo. Iko so wo løni tindi ba kan, alu ka Isa ta ka wa a ri tindi ba wo kun dø ko ka a lafili, kosa a ri be ka faa. ³⁰ Køni a taminda ie tema ka wa.

Isa ka jina gøn

³¹ Nba, Isa wara Kaperinahumu, so men ye Kalile mara rø. Nøjnøn lon sera, a wara mægilu karan salibon na. ³² Alu kabannakoyara a la mao karan ja ma, ka a masorøn a tere ye mægilu karanna kuma men na sebaaya ba tere ye wo rø. ³³ Wo ka ke jinatø do tere ye jama tema ye. Ka Isa to karanna, jinatø wo kulera fanka la ka a fø ko: ³⁴ «Eø, Isa Nasaretika! I ye nfen kela andeilu tema yan? I nani an halaki kanma wa? I ye mao su men di, n ka wo løn. Alla la Mæø sèniman de i ri.» ³⁵ Isa jamanda jina ma ka a fø a ye ko: «I makun! Bo ce wo fe!» Jina ka ce wo labe duu ma jama bøe jana, ka ban ka bo a fe. Foyi si ma ke ce la. ³⁶ Mægilu kabannakoyara a ja jere jere ma wo rø. Alu ka a fø ijøøn ye ko: «Kuma su juman ye jin di? A ragbe! A ye jinalu jamarila fanka ni sebaaya la. A wa a fø ie ye ko alu ye bo, alu ri bo.» ³⁷ Wo rø, Isa tere ye men kela, wo kibaro føra fan bøe yørø wo laminin dø.

Isa ka Simøn biran muso lakendøya

³⁸ Isa børa salibon na ka wa Simøn wara. A sera ye ka a tøren Simøn biran muso tørøni kosebø, a muso na kønin. A fari kalayani kojuuya. Simøn wara mægilu ka Isa madiya ko a ye muso demen. ³⁹ Isa wara se a fe, ka ilø a kun na. A ka fari makaliya makuma, ko a ye bo muso rø. A børa. Muso wulira ikørø ye, ka damunun di ie ma.

Isa ka jankarøto siyaman nakendøya

⁴⁰ Fitiri waati se men keni, mægilu nara jankarø toilu ri Isa ma. Jankarø su siyaman tere ye ie kan. Isa ka a bolo la a kelen kellenø bøe kanma ka ie lakendøya. ⁴¹ Jinailu børa mao siyaman fe fanan. Alu bo waati, alu kulera ka a fø Isa ma ko: «Alla Dence le ile ri.» Køni Isa ka ie makuma ka ie makun! A ma søn ie ye kuma, ka a masorøn alu ka a løn ko ale le ye Alla la Mæø Nenematomønin di.

Isa wara kawandili ke Jude mara rø

⁴² Wo duusa gbe jona, Isa bɔra so kɔndo ka wa wula kɔndo. Mɔɔilu ka a jinin haan ka a sɔrɔn wula kɔndo ye. A loo tere ye ie la ka a laseyi ie wara, baa alu te a fe a ye bo ye. ⁴³ Kɔni Isa ka a fɔ ie ye ko: «A fere te fo n ye wa Alla la mansaya kibaro jnuma lase mɔɔilu ma so ba gbereilu la. N kelayani wo le la.» ⁴⁴ A tora Jude mara rataamala, wo rɔ, ka mɔɔilu kawandi salibonilu la.

5

Simɔn ka jeeilu mira Isa baraka rɔ

¹ Nba, lon do rɔ, Isa lɔni tere Kenesareti Dala tɔrɔfe. Jama nara a laminin fan bɛe rɔ ka ie tolo malɔ Alla la kuma la. ² A ka kulun fila lani yen ji dafɛ. Kulun tiilu tun da bo ji kan ka kulunilu to ye. Alu tere ye ie la jɔɔilu makola ji dala. ³ Isa wara don kulun wo kelen kɔndo, mɛn tere ye Simɔn ta ri kɔnin. A ka a fɔ Simɔn ye ko a ye a kulun mabɔ gbelemala la dooni. Isa ka isii kulun kɔndo ka mɔɔilu karan, mɛnilu lɔni gbelema.

⁴ A banni mɔɔilu karanna, a ka a fɔ Simɔn ye ko: «I ye kulun nawa ji kan bɛre ke ka ai la jɔɔilu bila ji rɔ, sa ai ri jee mira.» ⁵ Simɔn ka a jabi: «Karanmɔɔ, an da su muumɛ ke jee nininna ka kajna. An ma foyi sɔrɔn. Kɔni n di jɔɔilu ke ji rɔ ikɔ tuun i la kuma sababu la.» ⁶ Wo rɔ, Simɔn wara jɔɔilu ke ji rɔ. Nba, alu ka jee siyaman ba mira. Jee warara foo ka jɔɔilu farafara damira. ⁷ Alu ka ie baara jɔɔilu kili, mɛnilu tere ye ji kan kulun gbere kɔndo, ko woilu ye na ie dɛmen. Alu nara ie la kulun dɔ. Kulun fila woilu bɛe fara jee la kojuuya, foo kulunilu jiitɔ tere ji kɔrɔ. ⁸ Simɔn Piyeri ka wo yen tuma mɛn, a ka imajii Isa sen kɔrɔ ka a madiya ko: «Maari, i kana i madon n na, baa kojuukela le ye nde ri.» ⁹ A ka wo fɔ ka a masɔrɔn jee jate wo tun da Simɔn ni a la mɔɔilu bɛe kabannakoya foo ka silan. ¹⁰ A baara jɔɔn mɛnilu tere ye Sebede denceilu Yakuba ni Yuhana ri, woilu fanan kabannakoyara.

Kɔni Isa ka a fɔ Simɔn ye ko: «I kana silan. I kusan jee nininna. Kɔni ka damira bi haan ka wa, i ri mɔɔilu jinin ka ie ke Alla ta ri.» ¹¹ Alu bɔra ji kan tuma mɛn na, alu ka kulunilu ni jee mira fen bɛe to ye ka bila Isa kɔ.

Isa ka kunatɔ do lakendɛya

¹² Nba, lon do rɔ, Isa tere ye Kalile mara rɔ. Ka a to so da la, a bɛnda kunatɔ do ma. Kuna juu ba le tere ye a ma. A ka Isa yen ka a jakɔrɔ ben duu ma, ka a madiya ko: «Maari, ni i sɔnda, a se ye i yɛ ka n fari səniya foo ka n nakendɛya.» ¹³ Isa ka a bolo maa a la ka a fɔ a ye ko: «N sɔnni. I ye səniya.» Kuna ka a bila ikɔrɔ ye. ¹⁴ Isa ka a fɔ a ye ko: «I kana a fɔ mɔɔ si ye. Wa i fari yiraka sarakalasela la. Alla ka saraka mɛn fɔ Nabi Musa la sariya rɔ, i ye wo bo i la səniyalı kosɔn, ka ban ka i la sereya yiraka.» ¹⁵ Kɔni hali wo, Isa tɔɔ tere ye fɔla ka jensen fan bɛe rɔ. Wo le ka a ke, jama tere ye nala ka ie tolo malɔ a la. Jankarɔtoilu tere ye nala kendɛya jininna fanan. ¹⁶ Kɔni Isa kelen tere ye wala Alla matara diya wula rɔ ko siyaman.

Isa ka kɔrɔngbɔnin do lakendɛya

¹⁷ Lon do rɔ, Isa tere ye mɔɔilu karanna bon do la. Farisilu ni sariya karanmɔɔilu sini tere ye. Woilu nani ka bo Kalile mara ni Jude mara so siyaman na, a ni Jerusalɛmu so kɔndo. Wo tuma, Maari Alla la sebaaya ye Isa kan ka mɔɔilu lakendɛya.

¹⁸ Ka Isa to mɔɔilu karanna, mɔɔ doilu nara cɛ kɔrɔngbɔnin do ri. A lani tere lafen kan. Alu tere ye don ko rɔ bon na, ko ka jankarɔto la Isa jakɔrɔ. Alu ka fere bɛe ke ka a don ja jinin. ¹⁹ Kɔni jama warani tere kojuuya. Wo rɔ alu ma don ja sɔrɔn. Wo le kosɔn, alu yelera bon kan ka yɔrɔ do waranka. Alu ka kɔrɔngbɔbatɔ ni a la lafen ta ka a lajii woo wo la. Alu ka a lajii haan ka wa a la Isa jakɔrɔ jama tɛma. ²⁰ Isa ka wo bɛe ragbɛ ka a yen ko mɔɔ woilu lani ale la. Wo rɔ, a ka a fɔcɛ kɔrɔngbɔbatɔ ye ko: «N duuŋɔnce, i ra makoto i la kojuuilu la bi.»

²¹ Sariya karanmɔɔilu ni Farisi mɛnilu tere ye ye, woilu ka imiri ko: «Yon de jin di mɛn ye Alla tanama kuma fɔla ten? Yon di se mɔɔ makotola a julumunna ten, fo Alla kelen pe?» ²² Isa ka ie la miriya lɔn. Wo rɔ, a ka a fɔ ie ye ko: «Nfenna miriya su wo ye ai jusu rɔ? ²³ A ye di? Ka a fɔ cɛ wo ye ko a ra makoto a la julumun na, wala ka a fɔ a ye ko a ye i wuli ka i taama, juman ke duman wo fila rɔ? ²⁴ N di a yiraka ie la, bi, ko a se ye n ye, Mɔɔ Dence kɔnin, ka mɔɔ makoto kojuuilu la, dunujia jin dɔ.» Wo rɔ, a ka a fɔ

kɔrɔngbɔbatɔ yε ko: «I wuli. I la lafen ta. I ye wa i wara.» ²⁵ A wulira ikɔrɔ ye jama bεε nana ka a la lafen ta ka wa a wara. A watɔla, a tere ye Alla tandola kosebe. ²⁶ Mɔɔjilu bεε kabannakoyara ka Alla tando ka ban ka silan. Alu kan ko: «εε! An da ko bailu yen bi!»

Isa ka Lebi kili

²⁷ Wo kɔ, Isa bɔni ye, a ka nisɔnkɔmirala do siini yen nisɔnkɔmira diya. A tɔo ko Lebi. Isa ka a fɔ a yε ko: «I ye bila n kɔ.» ²⁸ Lebi wulira ka a la baara to ye ka bila Isa kɔ.

²⁹ Kofε, Lebi ka damunun ba raben Isa yε ka mɔɔjilu kili a wara. Nisɔnkɔmirala siyaman nara, a ni mɔɔ gberεilu. Alu bεε tere ye damunun kela ijɔɔn fe. ³⁰ Farisi doilu ni sariya karanmɔɔ doilu nara ka ie bεε siini tereñ yɔrɔ kelen dɔ. Wo gbo-yara ie yε. Wo rɔ, alu ka Isa la karandenilu mañininka ko: «Nfenna ai ra sɔn ka damunun ke nisɔnkɔmiralailu fe, a ni kojuukela gberεilu?» ³¹ Isa ka ie jabi: «Mɔɔ menilu kende, woilu mako te dandalila la. Jankaratoilu mako ye dandalila la. ³² N ma na mɔɔ teleninilu kili kanma. N nani kojuukelailu le kili kanma, sa alu ri tubi.»

Fen kɔrɔ ni fen kura te kelen di

³³ Doilu ka a fɔ Isa yε ko: «A ye di? Yaya la karandenilu ni Farisilu la karandenilu ye sun donna waati do la a ni alu ye Alla matara. Kɔni i la karandenilu ri damunun ke ka minnin waati bεε.» ³⁴ Isa ka ie jabi sanda do rɔ ko: «A ye di? Ni kɔŋɔ kura sera do wara, i ri se ka kɔŋɔ kura tii ni a terilu jamari ko alu kana damunun ke ijɔɔn fe wa? Wo ti se kela! ³⁵ Baa lon do natɔ, kɔŋɔ kura tii ri bɔ a terilu rɔ. Wo lon, jɛnɛsuma ri gba ie la. Wo rɔ, alu ri sun don wo lon.»

³⁶ Isa ka sanda do fanan la ie yε ko: «Mɔɔ te faanin kura kunkurun tεε faanin kɔrɔ raben kanma. Ni i ka wo ke, faanin kura ri tijan. Ka la wo kan fanan, i ri a tereñ faanin kura kunkurun wo ti se bennna faanin kɔrɔ ma. ³⁷ Wo ja kelen ma, mɔɔ te minnin fen fadiman kura ke foroko kɔrɔ kɔndɔ. Ni i ka wo ke, minnin fen fadiman kura ri foroko kɔrɔ wo te ka a tijan. Minnin fen bεε ri bɔ. Foroko ni minnin fen bεε ra tijan wo rɔ. ³⁸ Wo le kosɔn, minnin fen fadiman kura ka kan ka ke foroko kura le kɔndɔ. ³⁹ Ni

mɔɔ kɔni darira minnin fen fadiman kɔrɔ minna, a kura loo te gba a la fewu! A ri a fɔ ko: «Kɔrɔman duman.»»

6

Isa ka men fo Nɔŋɔn lonna ko rɔ

¹ Nɔŋɔn lon do rɔ, Isa ni a la karandenilu tamintɔ tere ye sene do tema. Ka ie to sene tema, Isa la karandenilu ka sene suman tonson do bɔrɔndɔ ka a toto ka a damun. ² Wo kera Farisi doilu jana. Alu ka a fɔ karandenilu yε ko: «Ko men ma kan ka ke Nɔŋɔn lon ma, ai ye wo kela nfenna?» ³ Isa ka ie jabi: «Konkɔ tere ye Mansa Dawuda ni a taama jɔɔnilu la, a ka men ke, ai ma wo karang wa? ⁴ A donda Allabatobonba kɔndɔ, saraka buru tere ye yɔrɔ men. Ka bɛn sariya ma, mɔɔ si ma kan ka buru wo damun foo sarakalaselailu. Kɔni mansa Dawuda ka wo ta ka a damun, ka do di a taama jɔɔnilu ma.» ⁵ Wo rɔ, Isa ka a fɔ ie yε ko: «Mɔɔ Dencɛ le ye Nɔŋɔn lon tii ri.»

Isa ka kε bolo faanima do lakendεya

⁶ Nba, Nɔŋɔn lon gberε, Isa donda salibon do la ka mɔɔjilu karan. Ce do tere ye, men bolokinin janin a la. ⁷ Nba sariya karanmɔɔ doilu ni Farisi doilu fanan tere ye ye, menilu tere ye kɔrɔsila kojuuya, baa alu tere ye fere jininna ka Isa jalaki. Ni a ka bolo janintɔ wo lakendεya Nɔŋɔn lon, alu ri a jalaki sababu sɔrɔn. ⁸ Kɔni Isa ka ie miriya lɔn. A ka a fɔ bolo sabatɔ yε ko: «Iwuli ka ilɔ an tema.» A ka ilɔ. ⁹ Isa ka jama mañininka ko: «A ye di? A daani ka kojuma ke Nɔŋɔn lon, wa kojuu? Ka mɔɔ kisi, wa ka a faa?» ¹⁰ A ka a ja lɔ ie bεε rɔ, ka ban ka a fɔ ce wo yε ko: «I bolo rasɔmɔn!» A ka a bolo rasɔmɔn. Ikɔrɔ ye, a kendeyara. ¹¹ Farisilu ni sariya karanmɔɔilu ka wo yen tuma men, ie jusu bɔra kojuuya. Alu wara ijɔɔn yen ka a fɔ ko: «An ye nfen ke Isa la?»

Isa ka keladenba tan ni fila jenematɔmɔn

¹² Lon gberε, Isa wara Alla matara diya koyinkeilu yɔrɔ rɔ. A ka su muumε ke Alla matarala. ¹³ Duusa gbeni, a ka a la karandenilu bεε kili ka mɔɔ tan ni fila jenematɔmɔn ie rɔ, ka ke a la keladenbailu ri. ¹⁴ Wo mɔɔ tan ni fila tɔɔ le jin: Simɔn, Isa ka men tɔɔ la ko Piyeri, a ni a dooce Andere; Yakuba ni Yuhana; Filipe

ni Bartslomi; ¹⁵ Matiyu ni Tomasi; Alife dence Yakuba ni Simən, a ye fəla mən ma ko Fabaden; ¹⁶ Yakuba dence Judasi; a ni Judasi Sikariyɔti, mən ye a janfa məo ri.

Isa ka jama ba karan ka jankarətoilu lakəndəya

¹⁷ Nba, Isa ni keladenba woilu jiira koyinkə la ka wa se gbekula do rə. Alu bənda karanden siyaman di ye. Jama ba fanan tərə ye ka bə yərə siyaman. Doilu bəni Jerusaləmu, doilu bəni Jude mara rə. Doilu fanan bəni kəɔji da la, so menilu təo ko Tiri ni Sidən. Alu bəe nani ka ie tolo malə Isa la, ka lakəndəya. ¹⁸ Jinailu tərə ye menilu tərəla, woilu lakəndeyara fanan. ¹⁹ Məo bəe tərə ye a ja nininna ka i maa Isa la, ka a masərən fanka tərə ye a la jankarətoilu bəe lakəndəya.

Menilu ye barakadenilu ri

²⁰ Isa ka a ja lə a la karandenilu rə ka a fo ie yε ko:

«Aile barakaden menilu ye fantanya rə, baa Alla la mansaya ye ai ta le ri.

²¹ Aile barakadenilu, kənkə ye aileilu men na bi,

baa ai ri fa.

Aile barakadenilu ai men ye kasila bi, baa ai ri yεlə.

²² Aile barakadenilu ni məɔilu ka ai lagboyajə, ka iban ai rə, ka ai nanin, ka ai təo tijan Məo Dence kosən.

²³ Ai ye sewa wo rə kosebə fo ka naalen, baa ai barayi ka bon harijeene rə. Menilu ri kojuu su wo ke ai la, woilu benbailu ka wo juoɔn ke Alla la nabijumailu fanan na.

²⁴ Gbalo ye ai yε, menilu ye nanfulutii ri sisen,

baa ai ra ai la hərə sərən ten.

²⁵ Gbalo ye ai yε, ai menilu ye damununna ka fa sisen. Ai ri kənkə.

Gbalo ye ai yε, ai menilu yεləla sisen. Ai ri kasi ka kasi.

²⁶ Gbalo ye ai yε, ni məɔilu ka ai təo juuma fo tuma bεε,

baa woilu benbailu tərə ye wuya nabijumailu bonyala wo ja kelen ma.»

An ye an juuiliu kanin

²⁷ Isa kan ko: «Ai, menilu tolo ye n kan na, ai ye ai juuiliu kanin, ka kojuma ke ai lagboyajəbailu yε. ²⁸ Məo menilu ye ai dankala, ai ye duwa woilu yε. Məo menilu karagbəleman ai ma, ai ye Alla matara woilu yε. ²⁹ Ni məo ka i da fan kelen gbasi, i ye a tə kelen lə a ye fanan. Ni məo ka i la durukiba bə i bolo, i kana a mabali i la duruki kərəbila fanan tala. ³⁰ Ni məo məo ka i tara, i ye wo sə. Ni məo ka fen do ta i bolo, i kana a fo a yε ko: «A di n ma.» ³¹ Ai ye a fe məɔilu yε ko men ke ai yε, ai jεrε ye wo juoɔn ke məɔilu yε.

³² «Ni ai ka ai kaninba dərən kanin, julu su juman de wo ri? Hali kojuukəlailu fanan ye məo kaninna men fanan ka ai kanin. ³³ Ni ai ye məo ladiyala men ka ai ladiya fanan, julu su juman de wo ri? Hali kojuukəlailu ye wo juoɔn kela. ³⁴ Ni ai ka julu don julu saralailu dərən na, julu su juman de wo ri? Hali kojuukəlailu ye julu donna a sara ko le rə. ³⁵ Ai kəni ye ai juuiliu kanin, ka kojuma ke ai yε. Ai ye julu don ie la, ka ban ka a sara ko to ye. Ni ai ka a kε ten, ai barayi ri wara; ai ri ke Alla Kərətaninba denilu jεrε jεrε ri. Ka a masərən ale ka ni məo bεε ma, hali fisiriwali ni məo juuili. ³⁶ Ai ye ke hinaba ri, iko ai Fa Alla hinaba ri ja men ma.»

Ai kana məɔilu jii kojuukəlailu ri

³⁷ Isa ka a fo ie yε ko: «Ai kana məɔilu jii kojuukəlailu ri. Wo rə, ai fanan te jii kojuukəla ri. Ai kana məo jalaki. Wo rə, ai fanan te jalaki. Ai ye məɔilu makoto. Wo rə, Alla fanan di ai makoto. ³⁸ Ai ye məɔilu sə, ai fanan di sə. Ai ri sə iko məo ye məo səla suman na ka a wara ja men ma. A ri fe lafa, ka a juujuu, ka a madii, ka do fanan la a kan, fo ka bon. Ai ri sə ten. Ai wa məɔilu sə ja men ma, Ai fanan di sə wo ja ma.»

³⁹ Wo rə, Isa ka sanda doilu la ie yε, ko: «A ye di? Na fuyen di se ka ja fuyen na gbeleke mira wa? Alu fila bεε te be denka rə wa? ⁴⁰ Karanden ti se taminna a karanməo la, kəni ni a ka iraja karanna kosebə, a ri ke a karanməo juoɔn di.

⁴¹ «Namanin men ye i badenma ja ma, i ye wo mafənela nfenna, ka a terən ferən men ye i jεrε ja ma, i te wo kərəsila? ⁴² I ri se ka a fo i badenma yε di ko: «N badenma,

namanin men ye i na ma, n di wo bɔ i na ma», ka a teren feren ye i jere na ma? Filankafu! I ye feren wo bɔ i jere na ma fɔlɔ. Kosa i jere na ri laka. Wo rɔ, i ri se ka namanin bɔ i badenma na ma.»

Jiri su ri lɔn a den fe

⁴³ Nba, Isa kan ko: «Jiri numa ti se den juu kela. Jiri juu fanan ti se den numa kela. ⁴⁴ Jiri su ri lɔn a den fe. Toro den ni resen den, wo si te sɔrɔnna jiri wɔnenma la. ⁴⁵ Kojuma ye bɔla mɔɔ numa solɔmɛ rɔ. Kojuu ye bɔla mɔɔ juu solɔmɛ rɔ. Men ye mɔɔ solɔmɛ rɔ, wo kuma ri bɔ a da rɔ.»

Bonlɔla fila

⁴⁶ Isa ko: «Nfenna ai ye a fola nde ma <Maari, Maari> ka a teren ai te n na kumakan bonyala? ⁴⁷ Mɔɔ mɔɔ nani nde ma, ka a tolo malɔ n kan na ka wo mira, n di se ka wo la mɔɔ men ma, n di wo fɔ ai ye. ⁴⁸ A ye iko bonlɔla, men ka duu sen ka a la bon ju birin farakolo kan. Sanci ba nara, ji bɔra. Ji woyora kojuuya ka se bon wo ma. Kɔni a ma foyi si ke bon na, ka a masɔrɔn bon lɔni farakolo kan. ⁴⁹ Mɔɔ men te n na kuma mirala, n di wo fanan la bonlɔla do ma. Bonlɔla wo ka a la bon lɔ kijɛ kan. A ma a juu sii farakolo kan. Sanci nara, ji bɔra. Ji woyo se men keni bon ma, bon bera kojuuya ka tijan fewu!»

7

Isa ka sofaden kuntii la jɔn nakendɛya

¹ Isa banni wo fɔla jama ye, a donda Kapérinahumu so kɔndɔ. ² Rɔmuka sofaden kuntii do tere ye so kɔndɔ, men diyana jɔn tun ma kende. Wo faatɔ le tere jankarɔ bolo. ³ Sofaden kuntii wo ka Isa mankutu men waati men na, a ka Yahudiya mɔɔbailu kelaya ka Isa madiya, ko a ye na a la jɔn nakendɛya. ⁴ Mɔɔbailu se men keni Isa ma, alu ka a madiya kosebe ka a fɔ a ye ko: «Sofaden wo la hakan de. I ka kan ka a dɛmen, ⁵ baa an na jamana mɔɔilu duman a ye kosebe. A jere ka an na salibon lɔ an ye.» ⁶ Wo rɔ, Isa wara ie kɔfe. Alu sudunyani sofaden kuntii wara, sofaden kuntii ka a teri doilu lawa Isa ma, ka a fɔ a ye ko: «Maari, i kana i jere tɔrɔ. N na hakan te i ye don n wara, ka a masɔrɔn i ka bon nde ri paaɔn! ⁷ Wo bolo ma, n ma sɔn n jere ye

wa i kunben, ka a masɔrɔn wo ka bon nde ma. Kɔni ni i ka kuma kelen fɔ, n na jɔn di kendɛya. ⁸ Ka a masɔrɔn n ye do la fanka kɔrɔ, sofaden doilu fanan ye n na fanka kɔrɔ. N wa men kelaya, wo ri wa. N wa men kili, wo ri na. N wa a fɔ n na jɔn ye ko a ye ke ten, a ri a ke ten.» ⁹ Isa ka kela wo men waati men na, a kabannakoyara kosebe. A ka iyeleman ka a na lɔ jama rɔ, jama men bilani a kɔfe, ka a fɔ ie ye ko: «N ye a fɔla ai ye ko hali Isirayɛlikailu rɔ n ma lemɛniya wo jɔɔn yen ye.» ¹⁰ Nba, keladenilu bɔra Isa kɔfe, ka ikɔseyi sofaden kuntii wara. Alu wara a teren ye jɔn wo ra kendɛya fewu!

Isa ka kanberen suu lakunun

¹¹ Wo kɔ, Isa bɔra Kapérinahumu ka wa so do la, men tɔɔ ko Nahini. A la karandenilu ni jama ba bilani tere a kɔ. ¹² A sudunyani so da la, a ka ijɔɔn ben suu la, alu ye wala a madon diya kaburu so la. Dence kelen pe wo le tere cesamuso bolo. So kɔndɔ mɔɔilu siyaman ba le nara muso wo tɔrɔfe. ¹³ Maari ka muso wo kasitɔ yen ka kininkinin a ma. A ka a fɔ muso ye ko: «I kana kasi.» ¹⁴ Ka ban ka imadon suu ta fen na ka a bolo maa a la. Suu talailu ka ilɔ. A ka a fɔ ko: «Kanberen, iwuli.» ¹⁵ Wo fɔni, suu kununda. A wulira ka isii ka kuma damira. Isa ka a di a na ma. ¹⁶ Mɔɔ bɛɛ silanda ka kabannakoya wo rɔ. Alu ka Alla tɔɔ bonya ka a fɔ ko: «Alla la nabijuma ba do ra na an temɛ.» A ni, «Alla ra na a la mɔɔilu dɛmen kanma.» ¹⁷ Nba, Isa kibaro jɛnsɛnda Jude mara ni a laminin bɛɛ rɔ.

Yaya ka a la karandenilu lawa Isa ma

¹⁸ Yaya la karandenilu ka Isa la kibaro lase Yaya ma. Wo rɔ, a ka karanden fila kili ¹⁹ ka ie kelaya ko alu ye wa Maari Isa majininka ko: «Alla la Mɔɔ Nenematomɔnɛn men natɔ, wo ye ile ri wa, wala an ye dɔgbere makɔnɔ?» ²⁰ Karanden fila woilu wulira ka wa Isa majininka ko: «Maari, Yaya ra an lɔ i ma. A ko an ye na i majininka ko: «Alla la Mɔɔ Nenematomɔnɛn men natɔ, wo le ile ri wa, wala an ye dɔgbere makɔnɔ?»» ²¹ Wo tuma, Isa ye a kan ka mɔɔ siyaman nakendɛya, jankarɔto a ni lanjiritɔilu, ka jinailu gbɛn jinatɔilu fe, ka ja fuyen siyaman ja laka. ²² Wo rɔ, Isa ka keladen fila wo jabi: «Men da ke ai jana yan, men fanan da dantɛɛ ai jana, ai ye

wa wo bεε fō Yaya yε. Ai ye a fō a yε ko: Fuyenilu ja ra laka. Senkelenilu ra taama konuma. Kunatəilu ra kəndεya. Tologbedenilu tolo ra laka. Suilu ra kunun ka wuli. Kibaro jnuma ra lase bolokolonilu ma. ²³ Ni mao mao ma tεε n də, wo ye barakaden de ri.»

²⁴ Yaya la keladenilu bō mēn kēni ye, Isa kumara jama ye Yaya la ko rō. A kan ko: «Ai wa mēn kera waa rō, ai wara nfen mafēnε ye? Ai wara bin de mafēnε wa, fōjō ye mēn lamaala? Wo kuma tε! ²⁵ Ai wara ka nfen mafēnε sa? Faanin dagbēlen tii wa? Wo kuma tε. Mēnilu ye faanin dagbēlen donna, ka ie diyana koilu kε, woilu te sərənna waa rō, fo mansa wara. ²⁶ Ai wara nfen mafēnε diya waa rō? Ai ma wa nabijnuma do mafēnε wa? Nabijnuma le tεre jo! Kōni ale ka bon nabijnuma ri paaon! ²⁷ A səbeni a la ko rō Alla la kuma rō ko:

«A ragbε, n di n na keladen nawa i jnε ka i la sila raben i jnε.»

²⁸ A ragbε! Muso si ma den sərən fōlə, mēn ka bon Yaya ri. Kōni mao mao ye Alla la mansaya rō, hali mēn ye a bεε kōrō, wo bεε ka bon Yaya ri. ²⁹ Mao mēnilu ka Isa la kawandili kan namēn, hali nisənkəmiralailu, alu bεε ka Alla gbiliya, ka a masərən alu tεre ye sunna ji rō Yaya la sun ji rō kōrō. ³⁰ Kōni Farisilu ni sariya karanməɔilu ka iban Alla sawo rō. Alu ma sən Yaya ye ie sunna ji rō.»

³¹ Isa ka a fō ikō tuun ko: «N ye bi maojilula nfen ma? Alu ni nfen de munujpani? ³² Alu bəni denninilu la, mēnilu siini jnānateəla ləfε rō. Alu ye a fəla ie dujəɔnilu yε ko:

«A ragbε. An ka fule fō ai yε
kōni ai ma sən ka don kε.
An ka saya dənkili la ai yε,
kōni ai ma kasi.»

³³ I ma a yen, Yaya nara, a ma damunun kε, a ma minnin fen fadiman min. Wo rō, ai ka a jate jinatə ri. ³⁴ Mao Dence ra na sisen. A ye damunun kəla, a ye minnin kəla. Wo rō, ai ye a fəla a ma ko a ma foyi si lən fo noɔmaya a ni dələ min, ko nisənkəmiralailu ni kojuukela gbereilu duman a yε kojuuya. ³⁵ Kōni mao mēn ye Alla la walijiya gbiliyalu, wo tii ye walijiya kelen wo yirakala ko a telenni.»

* **7:38** Waati wo la, Yahudiya tεre ye isiila tabali majiinin de la, ka ie sen dasama ijəɔn kə ma damunun diya. Wo rō muso ka a madon Isa sen na.

Kaninteya den de ye makoto le ri

³⁶ Lon do rō, Farisi cε do tεre ye mēn ka Isa kili damunun kanma. Wo rō, Isa wara a wara. Alu ka damunun ke ijəɔn fe. ³⁷ Ka ie to damununna, muso donda bon na. Muso jnīn tεre ye kojuukela le ri. Muso wo tun da a mēn ko Isa ra wa damunun diya Farisi cε wara. Wo rō, a wulira ka na daa alabasitari ri, mēn fani latikələn tulu la. ³⁸ A donda bon na ten. A taminda Isa *kōfε ka i lə a sen kōrō ka kasi. Ka a to kasila, a naji bəra ka buruburu Isa sen kan ka ie suma. Wo rō, a ka Isa sen jəsi a jεre kundi la ka ie sunbu, ka ban ka ie mamun latikələn tulu la.

³⁹ Farisi cε mēn ka Isa kili damunun kanma ka wo bεε lakōrōsi ka a fō a jεre kəndə ko: «Ni cε jnīn tun kera Alla la nabijnuma jεre jεre ri, a tun di muso suu jnīn lən, mēn da a bolo maa a la ten. A tun di a lən ko muso jnīn tεre ye kojuukela le ri.»

⁴⁰ Isa ka a fō Farisi cε yε ko: «Simən, n ye a fε ka kuma do fō i yε.» Simən ka a jabi: «Karanməɔ, i ye a fō.» ⁴¹ Isa ko: «Cε do la julu tun ye mao fila la. Kelen ta bənni wodigbε kəmē loolu la. A tə kelen ta bənni wodigbε biloolu la. ⁴² Wo fila si ma se julu sarala. Wodi tii wo hinara ie la, ka dijε ka ie fila la julu to ye. A ye di? Alu fila rō, cε ri diya yon yε ka tamin?» ⁴³ Simən ka a jabi: «N hankili rō, mēn na julu tun ka bon, cε ri diya wo le yε ka tamin.» Isa ko: «Ale le wo ri jo!»

⁴⁴ Isa ka a ja lə muso rō, ka a fō Simən yε ko: «Simən, i ma muso jnīn yen wa? N nara i wara, i ma ji di n ma ka n sen mako. Kōni a ka n sen suma a naji la, ka a jəsi a kundi la.

⁴⁵ I ma n sunbu foli rō. Kōni kəbi n donda yan, ale ma n sen sunbu boloka. ⁴⁶ I ma n kun mamun tulu la, kōni a ka latikolon mun n sen na. ⁴⁷ Tuja ka fisa. Muso jnīn da kojuu siyaman ke kōrōman. Kōni a la hake bεε a labe ka a masərən a la kaninteya ra wara. A ragbε! Mao mēn ma makotoli ba sərən ten, a la kaninteya tε kε ten.»

⁴⁸ Wo rō, Isa ka a fō muso yε ko: «I ra makoto i la kojuu bεε la.»

⁴⁹ Mēnilu siini tεre ye, woilu ka a fō ie jεre kəndə ko: «ξε! Yon ye jnīn di, mēn di mao makoto a la kojuu la?»

⁵⁰ Koni Isa ka a fō muso ye ko: «I ra ikisi bi i la lemēniya sababu la. Wa! Alla ye hēra kē i ye!»

8

Muso menilu bilani tērē Isa kō

¹ Kōfē, Isa tērē ye iwala ka mōjilu kawandi so bailu ni so misenilu la. A tērē ye Alla la mansaya kibaro juma lasela ie bēe ma. A la keladenba mōj tan ni fila tērē ye a kōfē. ² Musoilu fanan bilani tērē ye a kō, Isa tun da menilu lakendēya. Doilu fanan tērē ye ie fē, Isa ka jinailu gben ka bō menilu fē. Do tōo tērē ye ko Mariyamu Makidalaka. Isa tun ka jina wōrōnwula gben ka bō ale kōfē. ³ Ce men tōo ko Cusa, wo muso fanan tērē ye, men tōo ko Yohani. Cusa wo tērē ye Mansa Herodi la nanfulu kunnasiila ri. Muso men tōo ko Susana fanan tērē ye, a ni muso dōgbereilu. Muso woilu bēe tērē ye Isa ni a la karandenilu mademenna ie bolofenilu la ko rō.

Si foyila la sanda

⁴ Mōjilu bōra so siyaman na ka na Isa ma. A ka sanda do la jama ba wo ye. A ko: ⁵ «Senekela do bōra ka wa si foyi diya a la sene rō. A seni ye, a ka si foyi. Si do bera sila dafē. Taminbatōjilu ka si wo radōn ie sen na ka a tijan. Kōjilu nara a tō ta ka a damun. ⁶ Si do fanan bera farakoloma yōrō kan. Si wo ferenda, kōni a ma men. A bēe jara, ka a masōrōn sumaya tun tē yōrō wo rō. ⁷ Si do fanan bera yōrō do rō, bin wōnenmailu ye bōla yōrō men. Si wo ferenda, bin wōnenmailu fanan ferenda. Kōfē, bin wōnenmailu warara si ferennilu ma ka ie mabali bonyala. ⁸ Si do fanan bera duu duman dō. Si wo ferenda kojuma ka bonya ka den kosebē. Si jate men bera duu duman wo rō, wo jōōn kēmē sōrōnda.» Isa banni sanda lala ka a kan nabō ko: «Tolo ye menilu kun ma, woilu ye ie tolo malō sanda jin na kosebē.»

⁹ A la karandenilu ka a majininka ko: «Sanda wo kōrō ye nfen di?» ¹⁰ Isa ka a fō ie ye ko: «Alla la mansaya koilu suturani, aile ra famunyali do sōrōn ie rō. Kōni wo koilu ye fōla mōj tōjilu ye sandailu le rō. Wo rō, alu ja ye ie la, kōni alu kana fen yen; alu tolo ye ie la, kōni alu kana fen famun.»

¹¹ «Nba, sanda wo kōrō le jin di. Si wo ye Alla la kuma munuja le ri. ¹² Si do bera sila dafē. Si men bera yōrō wo ye mōj doilu munuja le ri. Mōj woilu ra Alla la kuma men, kōni Ibulusa ra na wo bō ie jusu rō. Kosa alu kana se lala Alla la kuma la ka kisi. ¹³ Si do men bera farakoloma yōrō kan, wo fanan ye mōj doilu munuja le ri. Mōj woilu ka Alla la kuma men ka a mira sewa rō. Kōni kuma wo ma don ie jusu rō bēre bēre kē. Alu ri to lemēniya rō dooni. Gbēliya waati wa se ie ma, alu ri sila juma bila. ¹⁴ Si do men bera bin wōnenmailu yōrō rō, wo fanan ye mōj doilu munuja le ri, mōj menilu ka Alla la kuma men fewu! Kōni dunujarateē hamin da wara ie ma, a ni nanfulu ko nata a ni ie jērē diyana koilu. Wo bolo ma, Alla la kuma ri mabali ie jusu rō, ka kē iko sene fen, men jara ka a den kobali to ye. ¹⁵ Nba, si do fanan bera duu duman dō. A ferenda kojuma ka bonya ka den kosebē. Si men bera duu duman yōrō, wo ye mōj doilu munuja le ri men da Alla la kuma lameñ ka a mira. Alu jusu telenni rō, alu ye kankelentilu ri. Wo mōjilu ye irajala ka Alla sawo ke kosebē waati bēe.»

Fitina la sanda

¹⁶ Isa ka a fō ie ye ikō tuun ko: «Mōj si te fitina lameñ, ka ban ka fen birin a kan na, wala ka a sii lafen kōrō. Alu ri a lameñ ka a sii fen kōrōtani kan. Kosa mōj menilu ye donna bon na, woilu ri fitina mēlen yen. ¹⁷ Nba, mōjilu ra fen fen dokon, wo bēe ri yen. Alu ra fen fen sutura, wo bēe ri bō gbe rō. ¹⁸ Alu ye a kē kunye ie la tolo malō rō! Baa ni fen do kēra mōj do bolo a ri do kura sōrōn, kōni ni fen sa men bolo wo ti fen fen sōrōnna.»

Isa na ni a badenmailu

¹⁹ Isa na ni a dooceilu nara Isa ma, kōni alu ma se ka imadon a la jama bolo la. ²⁰ Isa a lalōnnira ko: «I na ni i dooceilu lōni da la, ko alu ye a fē ka i yen.» ²¹ Isa ka jabili kē ko: «Mōj menilu ye ie tolo malōla Alla la kuma la ka a mira, woilu le n na ni n badenmailu ri.»

Isa ka fōjō ba lalō

²² Lon do rō, Isa ka a fō a la karandenilu ye ko: «An ye wa dala kōma.» Wo rō, alu bēe donda kulun dō ka wa. ²³ Ka alu to ji kan kulun dō, Isa sunōora. Wo kōrō, fōjō ba

wulira ji kan ka kulun nama fo ka ji don a kəndə. Ji siyayara kulun kəndə. Wo rə kulun jiitəla tere ye ji kərə. ²⁴ Alu ka ibori ka Isa lakunun ka a fə a yε ko: «Maari, Maari an tununtə le ji rə.» A wulira ka fənə ni ji makuma. Fənə ni ji ka ilə ka masuma. ²⁵ A ka a fə ie yε ko: «Ai la leməniya na le wo ri wa?» Alu bε silanda ka kabannakoya, ka a fə iñəon yε ko: «Ee! Məə su puman de jin di? A ye fənə ni ji marala, hali woilu bε yε a kumakan mirala.»

Isa ka jina gbən ka bə cε do fe

²⁶ Wo kə, Isa ni a la karandenilu ka dala tε ka se Jerasa mara rə. Dala wo tere ye Jerasa mara ni Kalile mara təma. ²⁷ Isa jii mən kəni ka bə kulun kəndə, cε jinatə do nara a laben. Kəbi waati jan jinatə wo tun tε feriyabə donna muumε. A tun tε sənna ka to so kəndə. A tere ye sila kaburu wo le rə. ²⁸ A ka Isa yen tuma mən na, a kulera bakε. A nara ibe duu ma Isa sen kərə, ka a kan nabə ko: «Ile Isa, Alla Kərətaninba Dence! N bila! I nani an jakankata kanma wa?» ²⁹ A ka wo kuma fə, ka a masərən Isa tun da jina jamari ko a ye bə a fe. Jina tun da wo mira siŋa siyaman kərəman. A wa a mira, so kəndə məɔilu ri a bolo sidi jələkə la, ka a sen don nee la, ka ie janto a rə. Kəni a ri jələkə ni nee kadi ka wa. Jina ri a gbəngbən fo wula jan.

³⁰ Isa ka a majininka ko: «I təo di?» A ka a jabi: «An təo le ko jama ba, baa an ye ikomin keləden jama ba.» Wo kərə le, jina siyaman tere ye a fe. ³¹ Jina woilu ka Isa madiya ko a kana ie lawa denka dun ba rə, jakankata yərə kənин.

³² Wo tuma, kose kuruba tere ye damunun kela tindi kan ye. Jinailu ko Isa ye dijə alu ye don koseilu kəndə. Isa sənda alu ye wa. ³³ Jinailu bəra jinatə fe ka wa don koseilu kəndə. Wo rə, koseilu ka ibori kosebe ka jii tindi la ka wa don ji rə. Alu bε tununda ji rə. ³⁴ Nba, wo bε kəra kose gbəngbennailu jana. Alu ka ibori ka wa a nafə so kəndə məɔilu yε, a ni bonda la məɔilu. ³⁵ So kəndə məɔilu bəra ka wa ka wo mafene. Alu seni yərə wo rə, alu ka jinatə kərə masumani siini yen Isa sen kərə. Jina si tun tε a fe. Duruki tere ye a kan na. So kəndə məɔilu silanda kojuuya wo

rə. ³⁶ Jinailu gbəndə mənilu jana, woilu ka danteeli ke məɔ təilu yε. ³⁷ Jerasakailu bε silanda a na jere jere ma, ka a fə Isa yε ko a ye bə ie la jamana rə. Awa Isa ni a la karandenilu donda kulun də ka ikəseyi. ³⁸ Isa wa tuma, jinatə kərə nara a madiya ko a ye a fe ka to Isa kəfə, kəni Isa ma sən fo ka a kelaya ko: ³⁹ «I ye wa i wara. Alla ra ko ba mən kə i yε, i ye wo kibaro lase i wara məɔilu ma.» Isa tun da mən kə a yε, a wara ka to wo kibaro lasela a so fan bε rə.

Sunkurun faani a ni muso jankarəto

⁴⁰ Isa kəseyitəla, jama ba ka a laben baa alu tere ye a makənəla ⁴¹ Wo tuma, cε do nara se a ma, ka ila a sen kərə. Wo cε, mən təo ko Jayirusi, tere ye salibon kuntiyya la. A ka Isa madiya ko a ye dijə ka wa a wara, ⁴² baa a denmuso kelen pe faatə le. Den wo ra san tan ni fila sərən. Wo rə, Isa ka Jayirusi wara sila ta. Kəni a watəla, jama warara a kəfə kojuuya, fo ka a ragbedən ie təma.

⁴³ Muso jankarəto do tere ye jama wo təma. Jigbe jankarə tere ye a la kəbi san tan ni fila. Dandalilailu tun da a bolofen bε damun, kəni wo si ma se ka a lakendeyə.

⁴⁴ A ka imadon Isa la ka imaa a la duruki kə la. A la jigbe ka ilə ikərə ye. ⁴⁵ Isa ka jininkali ke kelendi ko: «Yon ka a bolo maa n na?» Bε ka a fə ko: «Nde tε.» Piyeri ka a fə ko: «N Maari, i ma jama warani yen fo ka i ragbedən ie təma.» ⁴⁶ Isa ka a jabi: «Jama ko te de! Məə kelen da imaa n na. N ye a kalama ko sebaaya ra bə n də ka ko kə do yε sisen!»

⁴⁷ Muso ka wo lakərəsi ka a yen ko a ti se ka idoon Isa ma. A yεrεyεrεni nara ila Isa sen kərə. A ka imaa Isa la duruki kə la kun mən na, a ni a kendeyara kelendi ja mən ma, a ka wo bε nafə Isa yε jama bε jana.

⁴⁸ Isa ka a fə a yε ko: «N denmuso, i ra bə jankarə rə ka kisi i la leməniya sababu rə. I ye wa həra rə.» ⁴⁹ Ka Isa to wo fəla, keladen nara ka bə salibon kuntii Jayirusi wara. Wo nara a fə Jayirusi yε ko: «I denmuso ra ban. I kana karanməɔ tərə butun.» ⁵⁰ Isa ka kela wo mən ka a fə Jayirusi yε ko: «I kana jiitee. I ye la n na dərən. I denmuso ri kendeyə.»

⁵¹ Isa se mən kəni Jayirusi wara, a ma sən məɔ si ye don a kəfə bon kəndə, fo Piyeri, ni Yuhana, ni Yakuba, a ni den fa ni a na.

⁵² Mɔɔilu tere ye kasila ka kule, ko den da faa. Isa ka a fɔ ie ye ko: «Ai kana kasi. Den ma faa. A ye sunoo rɔ.» ⁵³ Alu ka Isa mayεlε, baa alu bεε ka a lɔn fewu ko den da faa. ⁵⁴ Isa ni a la mɔɔilu donda bon kɔndɔ. A wara den mira a bolo ma ka a kan nabɔ ko: «Dennin, iwuli!» ⁵⁵ Dennin nin kɔseyira a rɔ. A wulira ka ilɔ kelendi. Isa ka a fɔ ko alu ye damunun di a ma. ⁵⁶ Den fa ni a na kabannakoyara, kɔni Isa ka ie jamari ko alu ra mεn yen bon kɔndɔ ye, alu kana wo fɔ mɔɔ si ye.

9

Isa ka a la keladenbailu kelaya

¹ Wo kɔ, Isa ka a la keladenba tan ni fila kili. A ka fanka ni sebaaya di ie ma, kosa alu ri jinailu gbɛn ka bɔ mɔɔilu fε, ka jankarɔtoilu lakendεya. ² A ka ie kelaya ko alu ye wa Alla la mansaya ko lase mɔɔilu ma, ka jankarɔtoilu fanan lakendεya. ³ A ka a fɔ ie ye ko: «Ai kana dεmen fen si ta taama jin dɔ, gbeleke wo, bɔrɔ wo, damunun fen wo, wodi wo, ai kana wo si ta. Hali duruki fila, ai kana wo ta. ⁴ Ai wa jiya yɔrɔ mεn dɔ, ai kana bɔ ye. Ai ye to ye fo ai bɔ tuma wa se so wo kɔndɔ. ⁵ Ni mɔɔilu ka iban aijiyala, ai ye bɔ ie wara, ka ye gbangban bɔ ai sen ma. Wo ri ke sereya ri ye mɔɔilu ma, ko alu ka juu.» ⁶ Nba, alu bɔra ye ka itaama ka se so siyaman dɔ. Alu ka kibaro jnuma lase ka jankarɔtoilu lakendεya fan bεε rɔ.

Isa la ko ka Herodi kɔndafili

⁷ Nba, ko ko kεni tere ye Isa bolo, Mansa Herodi tere ye wo kibaro kalama. Wo kibaro ka a kɔndafili kosebε, baa doilu tere ye Isa jatela Yaya le ri. Alu kan ko Yaya ra wuli ka bɔ saya rɔ. ⁸ Doilu tere ye Isa jatela Nabi Eli le ri. Alu kan ko Eli ra na ikɔ tuunni. Doilu tere ye Isa jatela nabijuma gbere ri, bi ma mεn ban. Alu kan ko wo ra bɔ saya rɔ ka na ikɔ tuunni. ⁹ Herodi kan ko: «N ka mɔɔ lɔ Yaya kun tεela a la. A ye di wo rɔ? N ye kibaro mεn sɔrɔnna jin, wo tii ye yon de ri wa?» Wo rɔ, a loo tere ye Herodi la ka a ja la Isa kan.

Isa ka damunun di jama ma

¹⁰ Isa la keladenbailu bɔra taama rɔ ka na dantεeli kε Isa ye. Alu tun da ko ko kε, alu ka wo bεε fɔ a ye. Wo banni, Isa ka ie ta, ko ka

wa jɔjɔn diya Betisayida so fan dɔ. ¹¹ Kɔni mɔɔ siyaman kolɔnda ie wa ko rɔ, ka ibori ie kɔ. Isa ka ie bεε ramira kɔnuma. A ka Alla la mansaya ko lase ie ma, ka ban ka jankarɔtoilu lakendεya. ¹² Alu bεε menda ye fo ka fitiri sudunya. Keladenba tan ni fila wo nara, wo rɔ, ka a fɔ Isa ye ko: «An Maari, i ye sila di jama ma. Sa alu ri wa si diya a ni damunun jin jin yan laminin soilu la, a ni todailu la. I ma a lɔn, an ye waa le rɔ yan? Foyi tε yan.» ¹³ Isa ka ie jabi: «Ai jεrε ye damunun di ie ma.» Keladenbailu ka a fɔ ko: «Buru kala loolu ni jεε fila-pe ye an bolo yan. Nba, i ye a fε an ye wa damunun san jama jin bεε ye wa?» ¹⁴ Jama wo ka siya ba le. Cε menilu ye a rɔ, woilu jate ri mɔɔ waa loolu bɔ.

Nba, Isa ka a fɔ a la karandenilu ye ko: «Ai ye jama lasii mɔɔ biloolu biloolu dεkuruilu rɔ.» ¹⁵ Karandenilu ka jama laden ka ie lasii ten. ¹⁶ Wo banni, Isa ka buru kala loolu ni jεε fila ta, ka a ja lɔ san ma ka baraka bila Alla ye. A ka buru ni jεε rakadikadi ka a di karandenilu ma, ko ka a rafara jama tεma. ¹⁷ Mɔɔ bεε ka damunun kε fo ka ie fa. Alu bεε ban mεn kεni damununna, karandenilu ka buru ni jεε kunkundun tɔilu laden. Wo kunkundunilu ka seye tan ni fila lafa.

Piyeri ka mεn fɔ Isa ma

¹⁸ Lon do rɔ, Isa kelen tere ye Alla matarala yɔrɔ do rɔ. A la karandenilu tere ma jan ale bakε. Isa ka ie majininka ko: «Mɔɔilu ye n jatela yon di?» ¹⁹ Alu ka a jabi: «Doilu kan ko i ye Yaya le ri. Doilu kan ko i ye Nabi Eli le ri. Doilu fanan kan ko nabijuma do ra bɔ saya rɔ ka na, bi ma mεn ban.»

²⁰ A ka ie majininka ko: «Ai don? Ai ye n jatela yon di?» Piyeri ka a jabi: «Alla la Mɔɔ Nenematɔmɔnin de ile ri.»

²¹ Isa ka a fɔ ka a magbelεya ie ye ko alu kana wo kuma fɔ mɔɔ si ye. ²² A kan ko: «A fεre tε, fo Mɔɔ Dence ye jakankata. Mɔɔbailu ni sarakalasela kuntiilu ni sariya karanmɔɔilu, alu bεε ri iban a rɔ, ka a mira ka a faa. Kɔni a faa tele sawana, a ri lawuli ka bɔ saya rɔ.»

²³ A banni wo fɔla a la karandenilu ye, a ka a fɔ mɔɔilu bεε ye ko: «Ni mɔɔ ye a fε ka na n ma, wo ye ban a jεrε rɔ. Lon lon a ye a

la gbøngbøn jiri ta ka bila n køfø. ²⁴ Nba, ni mœø mœø ka a si kœnøgbøn a la dunujaratee rø, wo tii ti jenemayala, kœni ni mœø mœø bønøra a si rø a la dunujaratee rø nde la ko rø a ri jenemaya. ²⁵ A ye di? Ni mœø do ka dunuja fen bœø sœrøn yan, ka wa bønø a nin dø sini, wo tønø ye nfen di? ²⁶ Men di maloya ka iban i løla n na ko rø, a ni n na kuma rø, Mœø Dence wa na lon men, a ri maloya wo tii la ko la fanan. Wo lon, a natø a la nœørø rø, a ni a Fa Alla ta, a ni mœleka senimanilu ta. ²⁷ Sika te a rø: doilu ye ai tema yan, menilu te sa fewu ni alu ma Alla la mansaya yen fœlo.»

Isa fari yeleman ko

²⁸ Wo fœ tele seyin jœøn, Isa ka Piyeri ni Yuhana ni Yakuba ta ka wa Alla matara diya koyinkœ do kan. ²⁹ Ka Isa to Alla matarala, a jœakœrø yelemanda. A la faanin gbera fo ka melenmelen iko sanmelenmelen. ³⁰ Ikœrœkœrø ce fila kumara a ye men ye Nabi Musa a ni Nabi Eli. Bi tere ma ce fila wo sa. ³¹ Alu lœni tere nœørø ba rø ka Isa baro. Alu barora Isa faa ko kan, a natø men dafala Jerusalemu. ³² Wo ka a tereñ Piyeri ni a dafœjœønilu ra sunœø. Alu kununda ka Isa nœørøni yen, a ni ce fila wo. ³³ Ka sœrøn Nabi Musa ni Nabi Eli watø le tere, Piyeri ka a fœ Isa ye ko: «Karanmœø, yan benni an ma. An ye to yan. An di gba sawa lœ, i ta kelen, Nabi Musa ta kelen, a ni Nabi Eli ta kelen.» Piyeri tere ye kumala tuun, kœni a ma wo kœrø lœn. ³⁴ Ka Piyeri to kumala, banda do jiira ka birin ie kun na, ka ie latunun, wo rø alu silanda a ja ma. ³⁵ Wo tuma, kumakan do bœra banda rø ko: «N Dence le jœin di, n da men Nenematœmœn. Bœø ye a tolo malœ a la.» ³⁶ Kuma banni, karandenilu ma mœø si tereñ ye fo Isa kelen pe. Alu bœø ka imakun wo ko ma. Alu ka men yen, alu ma wo fo mœø si ye.

Isa ka den jinatø do lakendœya

³⁷ Wo duusa gbe, Isa ni karanden sawa wo jiira koyinkœ kœrø tuma men na, mœø siyaman ka Isa labœn. ³⁸ Nba, ce do tora jama wo tema ka a kan nabœ ko: «Karanmœø, n ye i madiyala, i ye n dence demen. A kelen pe le n bolo.» ³⁹ Jina ye a tœrla. A wa a mira, den di kule ikœrø ye. Jina ri a lajœrejœre, fo ka a da kanfa ji labœn. A ti sœn fewu ka den

bila fo a wa ban a sœela kojuuya. ⁴⁰ N nara ka i la karandenilu madiya ko alu ye jina gben. Alu ma se a la.» ⁴¹ Isa ka jabili kœ ko: «Ai bi mœøilu ka juu. Ai te la Alla la muumœ! N ye to ai tema haan waati juman ka ai la lemœniyabaliya mujun?» A ka a fœ ce wo ye ko: «Na i dence ri yan.» ⁴² Den ka imadon Isa la waati men na, jina ka den wo labe duu ma, ka a yereyere kojuuya. Isa ka jina makuma ko a ye bœ den fœ. Jina bœra, den kendeyara. Isa ka den naseyi a fa ma. ⁴³ Mœøilu bœø kabannakoyara wo rø, ko Alla makabani ba le.

Isa ka a la saya ko fœ iko tuun

Isa tere ye ko menilu kœla, woilu ka ie bœø kabannakoya. Ka alu to wo la, a ka a fœ a la karandenilu ye ko: ⁴⁴ «Ai ye ai tolo malœ kojuma kuma jœin na. Janfa natø donna Mœø Dence ma, sa a ri don mœø juuili bolo.» ⁴⁵ Karandenilu ma kuma wo jœyen. A kœrø dooni tere ie ma. Hali alu ma a famun, alu ma sœn ka Isa jœininka a kœrø ma ka a masœrøn alu silanni kojuuya.

Yon ye jœmœø ri?

⁴⁶ Wo tuma, sœsœli do wulira karandenilu tema, ko yon ketø jœmœø ri ie dœkuru rø? ⁴⁷ Isa ka ie miriya lœn. Wo rø, a ka dennin do ta ka a lalœ a tœrfœ. ⁴⁸ A ka a fœ karandenilu ye ko: «Mœø men wa dennin jœin jœøn damira kojuma nde kosœn, wo ra n jœre ramira. Mœø men wa nde ramira kojuma, wo ra n kelayaba ramira kojuma fanan, baa men di sœn ka a jœre kœ dooman mœø ri ai tema, wo le ka bon a tœ bœø ri.»

Men te ie juu ri, wo ye ie jœin de ri

⁴⁹ Isa la karanden men tœ ko Yuhana, wo ka a fœ ko: «Maari, an ka ce do yen, a tere ye jœinailu gbenne ka bœ mœøilu fœ i tœ rø. An ka a fœ a ye ko a ye wo boloka, baa a te an na dœkuru mœø ri.» ⁵⁰ Isa ka a fœ ie ye ko: «Ai kana a mabali wo la. Mœø men te i kanma, wo ye i fœ.»

Samarikailu ka iban Isa rø

⁵¹ Nba, ka a tereñ a waati tun da sudunya ka ikœseyi a Fa Alla wara, Isa ka a jusu latee ko a fœre te fo a ye wa Jerusalemu. ⁵² A ka keladen doilu lawa a kœrø. Woilu wara don Samari so do la, ka jœya diya jœinin a ye. ⁵³ Kœni ye mœøilu ma sœn ka Isa jœya,

ka a masorɔn a wats Jerusalemu. ⁵⁴ Wo rɔ Yakuba ni Yuhana ka Isa majininka ko: «An te ta lajii ka bɔ san dɔ ka ie janin wa?» ⁵⁵ Isa ka iyeleman ka ie makuma, ko alu jo te. ⁵⁶ Alu taminda ye, ka wa so gberɛ jinin.

Ka bila Isa kɔ

⁵⁷ Alu watɔla, mɔɔ do ka a fɔ Isa ye ko: «I wa ke wala fan fan, n di to i kɔ.» ⁵⁸ Isa ka a jabi: «Tɔɔn ye sɔyaninilu bolo. Naan ye kɔnɔilu bolo. Kɔni si diya si te Mɔɔ Dence bolo, a ri se ka ijɔŋɔn yɔrɔ men.»

⁵⁹ Isa ka a fɔ ce gberɛ ye ko: «I ye bila n kɔ.» Wo ka a jabi: «Maari, i ye dijɛ n ye wa n fa suu don fɔlɔ.» ⁶⁰ Isa ka a fɔ a ye ko: «Menilu faani, menilu ma jenema bɛrɛ lɔn, i ye a to woilu ye ie jɔɔn suu don. Ile kɔni ye wa Alla la mansaya ko lase mɔɔilu ma.»

⁶¹ Dogberɛ ka a fɔ Isa ye ko: «Maari, n ye a fe ka bila i kɔ. Kɔni, n ye wa n sara n wara mɔɔilu la fɔlɔ ko an bɛn sɔɔma.» ⁶² Isa ka a jabi: «Mɔɔ men wa nisi daba mira ka sene ke damira, ka ban ka to a kɔfɛ mafenela, wo ti se Alla la mansaya baara nɔɔla.»

10

Isa ka keladen biwɔrɔnwula ni fila kelaya

¹ Wo kɔ rɔ, Isa ka mɔɔ biwɔrɔnwula ni mɔɔ fila gberɛ kili ka ie kelaya. A ka ie mɔɔ fila fila lawa a kɔrɔ. A jere wata yɔrɔ menilu rɔ, a ka ie lawa a kɔrɔ, yɔrɔ woilu bɛɛ rɔ. ² A ka a fɔ ie ye ko: «Suman ka waati ra se. Suman ka siya. Kɔni wo baaralailu ma siya. Ai ye Suman Fɛ Tii* madiya, kosa a ri do kafo baaralailu ma suman fɛ rɔ.»

³ «Ai ye wa sisen. N ye ai kelayala ka ke iko saa dennin, men bilani nɔɔso wuluilu tema. ⁴ Ai kana wodi bila ai kun. Ai kana bɔrɔ ta. Ai kana sanbara gberɛ ta. Ai kana sɔn foli ye ai la baara lanɔɔ sila la.»

⁵ «Ai wa jiya yɔrɔ men dɔ, ai ye ye mɔɔilu fo fɔlɔ ko: 'Jusu suma ye don bon jin na.' ⁶ Ni wo ka do tereñ ye, men ye jesusuma jininnna, ai la duwawu ri mira a ye. Ni wo te, ai la duwawu ri ikoseyi ai ma. ⁷ Menilu wa sɔn ka ai jiya, ai ye to woilu bolo. Alu wa damunun fen fen di ai ma, ai ye wo damun. Alu wa minnin fen fen di ai ma, ai ye wo min. Baaraden ni a sara ka kan. Ai kana ai jiya diya yeleman.»

* **10:2** Suman Fɛ Tii wo ye Alla le ri.

⁸ «Ai wa don so fen fen kɔndɔ, ni ye mɔɔilu ka ai ramira ka na damunun fen do sii ai kɔrɔ, ai ye a damun. ⁹ Jankarɛto menilu ye so kɔndɔ ye, ai ye woilu lakendɛya. Ai ye a fɔ mɔɔilu ye ko: 'Alla la mansaya ra imadon ai la!'

¹⁰ «Kɔni ai wa don so fen fen kɔndɔ, ka a tereñ ye mɔɔilu ma sɔn ai jiyala, ai ye bɔ. Ai ye wa ilɔ sila tema, ka ai kan nabɔ ie ma ko: ¹¹ 'Hali ai la so gbangban, men tere ye an sen ma, an da wo bɔ an sen ma. Wo ri ke tɔɔmasere ri ai kan yan, kɔni ai ye a lɔn ko Alla la mansaya ra imadon ai la.' ¹² N di a fɔ ai ye ko kiti lon wa se, jahadi juuman di la so wo kan ka tamin Sɔdɔmu kan.»

So menilu ka iban leməniya la

¹³ «Korasenkailu, gbalo ye ai ye. Betisayidakailu, gbalo ye ai fanan ye. Ka a masorɔn kabannako bailu kera ai tema. Ni woilu nɔɔn tun kera Tiri so kɔndɔ, wala Sidɔn so kɔndɔ, sa wo mɔɔilu ra tubi kɛbi waati jan. Alu tun di isii buurigbe rɔ ka kasabɔrɔ bila ie kan na, ka ke nimisa tɔɔmasere ri, ka tubi. ¹⁴ Wo le kosɔn, kiti lon wa se, Tirikailu ni Sidɔnkailu la jahadi ri nɔɔya ka tamin ai ta kan. ¹⁵ Kaperinahumukailu ai don? Ai ri bonya haan ka se sankolo rɔ wa? Wo kuma te! Ai ri jii fo ka se jahanama kɔndɔ!»

¹⁶ Isa ka a fɔ a la karandenilu ye ko: «Mɔɔ men wa ai kumakan namen, wo ra n kan namen fanan. Mɔɔ men ma sɔn ai rɔ, wo ra iban n dɔ fanan. Men ka iban n dɔ, wo ra iban n kelayaba rɔ fanan.»

Keladenilu ka ie koseyi

¹⁷ Karanden biwɔrɔnwula ni fila banni kela lasela, alu koseyi men keni, alu sewani ba nara dantɔeli ke Isa ye ko: «Maari, hali jinailu silanni an ye ka an kan mira, i tɔɔ rɔ.» ¹⁸ Isa ka jabili ke ko: «N da Setana betɔ yen ka bɔ sankolo rɔ iko sanmelənmelen ye jiila na men ma. ¹⁹ A ragbe, n da sebaaya di ai ma, sa ai ri sailu ni kɔsɔilu radɔn, ka se ai juu Setana ni a fanka bɛɛ la. Foyi ti se ai la. ²⁰ Hali wo, ai kana sewa wo rɔ, ko jinailu ye imajiila ai kɔrɔ. Ai ye sewa men dɔ, wo le jin di: ai tɔɔ ra sɛbɛ harijene rɔ.»

Isa sewara

²¹ Wo tuma, sewa ba le tere Isa la, sewa men bɔni Alla la Nin Sənimā dɔ. Wo rɔ, a ka Alla tando ko: «N Fa Alla, sankolo ni

duukolo tii, n ye i tandola, ka a masor n a
diyara i y  ka l nniya di denninilu ma, i ma
m n di hankilimailu ni l nninna bailu ma.
  n, N Fa, i sawo le.»

22 Isa ka a fo mɔɔilu yε ko: «N Fa ra fen
bεε karifa n na. Mɔɔ si ma Dence lɔn fo n Fa
Alla. Mɔɔ si fanan ma n Fa Alla lɔn fo Dence
kelen, men bɔra Alla rɔ. N wa n Fa yiraka
menilu la, woilu fanan di se a lɔnna.»

23 Wo kɔ̄, Isa ka iyeleman ka a fɔ̄ a la karandenilu yε ko: «Hεrε ye ja yε ai ja mεn ka yen! **24** Baa ai ja ye mεn yenna, a loo tεrε ye nabijuma siyaman ni mansa siyaman na ka wo yen, kɔ̄ni alu ma fεrε sɔ̄rɔ̄n ka ie ja la a kan. Ai tolo ye mεn namenna, a loo tεrε nabi siyaman ni mansa siyaman na ka wo mεn. Kɔ̄ni alu ma fεrε sɔ̄rɔ̄n ka ie tolo malɔ̄ a la.»

Samarika cε numa

25 Lon do rɔ sariya karanmɔ̄ do ka ilɔ ka jininkali do ke Isa kun a kɔrɔbɔ kanma. A ka a fɔ ko: «Karanmɔ̄, n ye nfen ke, sa n di jenemaya sɔrɔn?» **26** Isa ka a jabi: «Nfen de sebəni Alla la sariya rɔ? I ra nfen de famun wo rɔ?» **27** A ka Isa jabi: «A sebəni sariya rɔ ko: «I ye i Maari Alla kanin i jusu bɛ̄ rɔ, i solɔmɛ bɛ̄ la, i fanka bɛ̄ la, a ni i miriya bɛ̄ la.» Ka la wo kan, a kan ko: «I ye i siijɔɔn kanin iko i ye i jere kaninna ja men ma.»» **28** Isa ka a jabi: «I ra men fɔ, i jo wo rɔ. Ni i ka sila wo taama, i ri jenemaya sɔrɔn.» **29** Koni a loo tɛ̄s ye karanmɔ̄ wo la ka jo di a jere kewalilu ma. Wo rɔ, a ka Isa majininka ko: «N ye yon jate n siijɔɔn di?»

30 Isa ka a jabi sanda do rɔ ko: «Cε do bɔra Jerusalemu ka wa Jeriko. Ka a to sila kan, benkaninnailu bera a kan ka a bolofen bεe bɔ a bolo, hali a feriyabɔ bεe. Alu ka a gbasi kojuuya. Dooni alu ma a faa. Alu bɔra ye ka a lani to sila tɛma.

31 A ma mɛn wo kɔ, sarakalasela do nara sila wo kan. A ka madunbatɔ lani yen sila tɛma. A ka a ragbε, ka tamin a la ka wa.

32 Allabatobonba baaraden do nara sila wo kan. A nara madunbatɔ lani teren sila tɛma. A ka a ragbε, ka tamin a la ka wa. **33** Wo kɔfε, Samarika do fanan nara sila wo kan. A nara madunbatɔ lani teren sila tɛma. A ka a ragbε, a kininkinin donda a rɔ. **34** A ka imadon a la ka a la dailu basi ka woilu

sidi. A ka madunbatə lawuli ka a lala a la fali kan, ka wa a ri ləndan jiya bon do la. Alu se men kəni jiya bon na, a ka a janto a rə. ³⁵ Duusa gbeni, a ka t̄wodi bə ka a di bon tii ma ka a fə a yə ko: «Jianto madunbatə wo rə kosebə. A mako wa kə fen fen na, i ye wo di a ma. Ni wodi jin ma a bəe bə, n wa n koseyi, n di i la wodi bəe laseyi i ma.»

³⁶ «A ye di? Mœ sawa woiloi rœ, yon kera madunbatœ siijœon di?» ³⁷ Sariya karanmœo ka Isa jabi: «Men hinara a la ka a dœmen.» Isa ko: «Jœ! I ye wa wo jœon ke.»

Isa wara Mariyamu ni Marita wara

³⁸ Nba, Isa ni a la karandenilu tere ye taamala Jerusalemu sila kan. Alu se men keni so do la, muso do ka ie jiya a wara. Muso wo too ko Marita. ³⁹ Marita doomuso fanan tere ye, men too ko Mariyamu. Mariyamu wara isii Maari Isa sen koro ka a tolo malo a la. ⁴⁰ Wo ka a teren, Marita nagbani gba donna kojuuya. Wo ro, a ka imadon Maari Isa la ka a fo a ye ko: «Maari, n mamuso ra n kelen to baarala ten. Wo te gbala i la wa? I ye a fo a ye ko a ye wuli ka n demen.» ⁴¹ Maari ka a jabi: «Marita, Marita. I haminni ko siyaman na fo ka i jere nagba. ⁴² Koni fen kelen pe le munafan ka bon fen to bee ri. Mariyamu ra munafan fen wo jenematmorn. Foyi te wo bo a bolo.»

11

Alla matara ja

¹ Lon do rø, Isa tere ye Alla matarala yøro
do rø. A banni, a la karanden do ka a fø a
yø ko: «Maari, i ye an karan Alla matara la,
iko Yaya ka a la karandenilu karan na men
ma.» ² Isa ka a jabi: «Ai wa ke Alla matarala,
ai ye a fø ko:
Ai wa Alla matarala yøro

An Fa Alla, i tø seniman ye bonya.
Iwidi, dudu.

I ye i la mansaya labo gbe rø.
2. I ye i la mansaya labo gbe rø.

³I ye an na damunun di an ma lon lon.
⁴I ye an na damunun di an ma lon lon.

⁴I ye an makoto an na kojuuilu la,
baa mēnilu ra kojuu kē an na, an da woilu
makoto.

I kana an to an na miriya juuiliu sila kan.»

⁵ A ka a fō a la karandenilu yε ko: «Ni ai
do wara i duŋoɔn wara duu tala ma, ka a la
da makonkon ka i kan nabə ko: <N duŋoɔn,
iwuli. I ye buru kala sawa di n ma. ⁶ N

[†] 10:35 Ka wodi mən di wo ye tele fila baara sara le ri.

dunjoon ce botola le taama rø ka na jiya n wara sisen sisen. Damunun fen si te n bolo ka sii a kørø.» ⁷ I dunjoon di to bon køndø ka jabili ke ko: «Eε, cε, i kana na n tøro sa. N da n na da tuun ka a søo. N ni n na denilu bεe ra ban an lala. N ti søn ka foyi di i ma sisen.» ⁸ Hali a ma søn ka buru di i ma ai la dunjoonya kosøn, i wa to a la da makonkon na fo ka a jnagba, a ri wuli ka i mako bεe ja jo! Baa, i ma søn ka a matara boloka.

⁹ «Wo rø, n di a føla ai ye ai wa matara foyi la, ai ri wo sørøn; ai wa jninin, a ri a sørøn; ai ye da makonkon, a ri laka ai ye. ¹⁰ Ka a masørøn mœ si wa matara a ri a sørøn; mœ wa fen jninin, a ri a sørøn; mœ wa da makonkon, a ri laka a ye.

¹¹ «Yon ye ai tema yan, ni i dence ka i matara jee la, i ri sa don a bolo wa? ¹² Wala, ni i dence ka i matara sisékili la, i ri køson don a bolo wa? ¹³ Nba, ni ai, adamadenilu men ka juu, ai kusan fen numa dila ai denilu ma, wo gbénin de an Fa Alla men ye sankolo rø wo ri se Nin Séniman dila a tarabailu bεe ma.»

Isa ni Ibulusa la ko

¹⁴ Lon do rø, Isa ka jina gben ka a bø bobo cε do fe. Jina bø men keni a fe, cε ka kuma damira. Wo ka jama kabannakoya kosebe. ¹⁵ Køni doilu ka a fø ko Isa tere ye jinailu gbenna *Belesøbu baraka le rø, men ye jinailu la kuntii ba ri. ¹⁶ Doilu ka Isa kørøbø, ko a ye tøomasere do kε ie jnana, men di a yiraka ie la ko a la sebaaya bøni Alla rø.

¹⁷ Køni Isa ka ie bεe miriya løn. Wo rø, a ka a fø ie ye ko: «Mansaya kelen wa rafara fila ri ka ijøøn kεle, mansaya wo tijantø le. Bon kelen wa rafara fila ri ka ijøøn kεle, bon wo ri be. ¹⁸ A ye di wo rø? Ni Setana la baaradenilu rafarara fila ri ka ijøøn kεle, a la mansaya te tijan wa? Ai kan ko n ye jinailu gbenna jina kuntii ba Belesøbu le baraka rø. ¹⁹ A ye di? Ni n ye jinailu gbenna Belesøbu baraka rø, ai la karandenilu ye jinailu gbenna yon baraka rø? Ai la karandenilu ri ai la kititeε, ko ai jo te wo rø. ²⁰ Ni wo te, ni n ye jinailu gbenna Alla baraka le rø, wo ra a yiraka ko Alla la mansaya ra se ai tema.

* **11:15** Kørekika la miriya ye le ko Belesøbu a ye jina mansaden de ri

²¹ «Ai ja lø! Fankama wa a raben kεle ke muranilu la, ko ka a la bon kanda, wo bolofenilu kandani a numa la. ²² Køni ni fankama døgbøre bera a kan, men fanka ka bon a ta ri, wo ri se a la. Wo ri a la kεle ke muran bεe ta, a jii lani tere menilu kan kønin, ka ban ka a bolofen bεe rafara mœilu tema.»

²³ Isa banda misali yirakala ka a fø ie ye ko: «Mœ men te n fe, wo ye n juu le ri. Mœ men te n demenna ka mœilu laden, wo ye baarala ka mœilu lajensen.»

Jina ka ikøseyi ka to cεfe

²⁴ Isa ko: «Jina wa gbén ka bø cε do fe, a ri wa jøøn diya jninin fo wula jan ka kajna, ka ban ka a fø ko: «N di n koseyi ka wa n bø diya rø.» ²⁵ A wa koseyi cε jinatø kørøma, a ri a tøren ko wo ra seniya, iko bon men firanni ka a køndø raben kojuma. ²⁶ Wo rø, jina ri wa ka jina wørønwula laden, menilu ka juu a jere ri. Alu bεe ri na ka to cε wo fe. Alaban, jinatø la ko ri juuya ka tamin a føløma kan.»

²⁷ Ka Isa to kuma la, muso do tora jama tema ka a kan nabø ko: «Muso men ka i kønøta ka i sørøn, ka ban ka a sin di i ma, muso wo kunnadiyani.» ²⁸ Isa ka a jabi: «Køni mœ menilu ri ie tolo malø Alla la kuma la ka wo mira, woilu le mœ kunnadiyani bailu ri.»

Yunusa tøomasere jøøn di ke bi mœilu ye

²⁹ Ka a tøren jama warato le Isa laminin dø, a ka ie karan ko: «Bi mœilu kewali ka juu. Ai ye kabannako ko rø, men di ke tøomasere ri, køni kabannako gberø si te ke ai jnana, fo Yunusa ta jøøn. ³⁰ Nabi Yunusa jere kera tømasere ri Ninibekailu bεe jnana ja men ma, Mœ Dence fanan natø kela tømasere ri bi mœilu jnana wo ja le ma. ³¹ Nba, kiti lon wa se, Seba jamana mansa muso ri wuli ka ilø ai tørøfe ka ai jalaki, baa ale børa fo yøø jan ka na a tolo malø Mansa Sulemani la hankilimaya kuma la. Do ye yan bi, men ka bon Mansa Sulemani ri. ³² Kiti lon wo, Ninibekailu fanan di wuli ka ilø ai tørøfe ka ai jalaki, baa Nabi Yunusa wara ie kawandi lon men, alu tubira. Do ye yan bi, men ka bon Nabi Yunusa ri.»

Fitina ni ja kisε la sanda

³³ Isa ka a fō ikō tuunni ko: «Mōo si tē fitina lameñen ka a dokon, wala ka sumanifen do birin a kun na. Wo kuma tē! Mōo wa a lameñen, a ri a sii fitina sii fen kan, kosa menilu wa don bon kōndō ri a melen yen.

³⁴ Mōo ja kise le a fari banku fitina ri. Ni i ja kise ka jī, kene ri don a la, ka i kōndō gbe. Ni i ja kise ma jī, foyi si tē don fo dibi. ³⁵ Wo le kosōn, ai ye ai jere lakorōsi. Ai kana iban kene rō, ka sōn dibi rō. ³⁶ Ni i kōndō gbera kene bolo, ka a tēren dibi tē a yōrō si rō, i ra ke kene rō fasayi. A ye iko fitina ra lameñen ka i bila kene rō.»

Isa ka Farisilu ni sariya karanmōoñilu jalaki

³⁷ Isa banni kumala, Farisi cē do ka a kili ko a ye wa damunun ke a wara. Alu wara don a wara, ka isii damunun diya. ³⁸ Isa ma a bolo ko fōlō iko Farisilu ye a kela jīa men ma. Wo ka Farisi cē kabannakoya kosebē.

³⁹ Maari Isa ka a fō a ye ko: «Ai Farisilu ye daailu ni muranilu kōkan makola ka gbe, ka ai kōndō nōoni to natabaya ni kojuu su bēe la. ⁴⁰ Ai hankilitanilu! Men ka kokan ladan, wo le ma a kōndōla fanan dan wa?

⁴¹ Ai ye ai kōndō rō di fantanilu ma, wo wa ke bēe ri seniya.

⁴² «Gbalo ye ai Farisilu ye! Ai ye irajala ka jaka bō, hali ai la suma fira kelen kelenna bēe rō. Ai ra telenbaya a ni Alla la kaninteyla bilani to. Ai ka kan ka wo ke fōlō ka a tō bēe ladenni ke. ⁴³ Gbalo ye ai Farisilu ye! Ka a masōrōn ai wa don salibon kōndō, ai ye nēmōa sii diya jininkna. Ai wa ke so kōndō, ai ye a fē mōoñilu ye ai bonya ka ai fo.

⁴⁴ Gbalo ye ai Farisilu ye! Ka a masōrōn ai ye iko kaburu, men ni duu bēe ra ke kelen di. Mōoñilu ye taminna wo kan, kōni alu ma a lōn ko kaburu le.»

⁴⁵ Sariya karanmōoñilu do ka Isa jabi: «Karanmōoñilu, i la kuma ma dan Farisilu kelen ma dē! I ye andeiliu fanan dooyala kosebē!» ⁴⁶ Isa ka a jabi: «Gbalo ye ai sariya karanmōoñilu fanan ye! Ai ye donin ba siila mōoñilu kun ma, donin men ta gbēleman kojuuya. Kōni ai ti sōn muume kā ie dēmen wo donin tala! ⁴⁷ Gbalo ye ai ye, ka a masōrōn ai benbailu ka nabijuma menilu faa, ai ye woilu kaburuilu masidila. ⁴⁸ Ai ra sōn ai benbailu la baara juu ma, ka a masōrōn alu ka nabijumailu faa ka kaburu masidi

ko to ai ma. ⁴⁹ Wo le kosōn, Alla ka a fō a la hankilimaya rō ko: «N di nabijumailu lawa ie ma, a ni keladenbailu. Alu ri doilu faa ka doilu jakankata.» ⁵⁰ Wo rō, mōoñilu ra nabijuma fen fen faa kēbi dunuja dan waati, Alla ri bi mōoñilu jininka wo kelen kelenna bēe saya ko ma. ⁵¹ A ri damira Abila la saya ma, haan ka wa Nabi Sakariya la saya ma, men sara saraka bō diya a ni Allabatobonba tema. N di a fō ai ye, Alla ri bi mōoñilu jininka wo bēe ma kiti lon. ⁵² Gbalo ye ai ye, ai sariya karanmōoñilu! Ai ra iban lōnni bēre rō, ka wo da tuun ka a sōo. Ai jere ti don a rō. Ai ye mōoñilu labanna fanan, mōo menilu ye don ko rō.»

⁵³ Isa bō men kēni yōrō wo rō, sariya karanmōoñilu ni Farisilu ka a lajinin jininkali siyaman na. ⁵⁴ Alu ye a fē a ye jabili bēnbali do ke, men di ke a mira sababu ri.

12

Isa ka mōoñilu lali kuma siyaman dō

¹ Wo tuma, mōo waa siyaman ladenni Isa laminin dō. Alu warara haan ka ilō īnōñ kan. Ka Isa to jama tema, a ka a la karandenilu karan. A ka a fō ie ye ko: «Ai ye ai jere latanka Farisilu la leben ma, ie la filankafuya kōnin. ² Mōoñilu la ko si dokonni a ri bō gbe rō, lon do rō. Menilu suturani, woilu bēe ri lōn mōoñilu bolo. ³ Ai wa idoon ka fen fen fō mōoñilu ye dibi rō, woilu bēe ri lamen kene ma. Ai wa fen fen fō mōoñilu tolo kōrō kan majii rō, hali ni a kera bon kōndō sutura rō, woilu bēe ri fō gbe rō, ka ke iko mōo ra ilō bon kun na ka wo bēe lase fan bēe rō.

⁴ «N terilu, n di a fō ai ye ko mōo menilu seni mōo faala dōrōn, ai kana silan woilu ye, baa woilu dan ye mōo fari banku faa ri. Alu ti se ka tamin wo kan. ⁵ Ai ye silan men ye, n di wo yiraka ai la. Men di se ka mōo faa, ka ban ka a fili jahanama kōndō, ai ye silan wo ye.

⁶ «A ye di? Kōnō misen loolu tē sanna wodi misen na wa? Kōni Alla ka a kelen kelenna bēe lōn. ⁷ Alla ka ai lōn kosebē, hali ai kundi jate! Wo rō, ai kana silan fewu. Alla ye ai jatela ka tamin kōnōñilu kan.

⁸ «N di a fō ai ye ko mōo fen fen wa ilō n tōo la mōoñilu jana, Mōo Dence fanan di ilō wo tii la Alla la mēlekailu jana. ⁹ Kōni men di

iban n də məɔilu jana, Məɔ Dence fanan di iban wo rə Alla la melkailu jana. ¹⁰ Ni məɔ ka Məɔ Dence mafə, a ri se a makotola. Kəni məɔ wa Alla la Nin Səniman tanama kuma fə, a tə makoto habadan!

¹¹ «Lon do rə, məɔilu ri ai mira. Alu wa ai lana salibonilu jeməɔilu ma, wala kititeəla su bəe, ai ka kan ka kuma men fə ka ai jere lafasa, ai kana hamin wo la. ¹² Ka a masorən ai ka kan ka men fə, Alla la Nin Səniman di wo kuma bila ai kəndə wo waati kelen na.»

Nanfulutii hankilitan

¹³ Cə do tora jama rə ka a fə Isa ye ko: «An karanməə, i ye a fə n kərəcə ye ko an fa sara ka cə men to, ko a ye cə wo rafara ka n ta di n ma.» ¹⁴ Isa ka a jabi: «Ee, cə! Yon de ka nde lasii, ka n ke ai la kititeəla ri, wala ai la cə rafarala?» ¹⁵ Wo kə, Isa ka a fə jama ye ko: «Ai ye a ke konuma, ka ai jere mira natabaya ma. Ka a masorən hali ni məɔ la nanfulu siyayara a ja jere ma, wo ti se ka nenemaya jere di a ma.»

¹⁶ Isa ka wo kərə yiraka ie la sanda do rə. A kan ko: «Waati do kəra, nanfulutii do la səne fenilu sənda kosebe. ¹⁷ Wo rə, a ka a jate mira a jere kəndə ko: «N di nfen de kə sa? Suman mara diya si te n bolo, suman jate wo ri kun men də.» ¹⁸ A ka imiri wo ma ka a fə ko: «N di n na bondon bəe lawuya ka kurailu lə ka woilu wara. N di n na suman kise ni n na səne fen bəe ke ie kəndə ka a bəe lamara ye. ¹⁹ Wo wa ban, n di a fə n jere ye ko: «Cə, i nəjən fewu! Suman siyaman ba marani i bolo, suman men di san siyaman bo. I ye damunun ke, ka minnin ke, ka sewa.» ²⁰ Alla ka a fə a ye ko: «Ile, kəməɔ gbeden. Bi su jin də jere, i nin di mira i la. I ra men nadən i jere ye, wo totə yon bolo sa?» ²¹ Məɔ men ye nanfulu jininna a jere ye, ka a ban Alla rə, wo betə ten de.»

An kana hamin

²² Wo rə, Isa ka a fə a la karandenilu ye ko: «Nba, n kan de, ai kana hamin ai nin na ai la dunujaratəe damunun ko rə, wala ai la fari banku la feriyabə ko rə. ²³ Ka a masorən nin ka bon damunun fen di. Fari banku ka bon feriyabə ri.

²⁴ «Ai ye kərənduwailu lakərəsi. Alu te səne kəla, alu te suman kala. Suman mara diya su su te ie bolo. Kəni Alla ye woilu

balola. Ai munanfan ka bon kənəilu munanfan di paaon Alla jana. ²⁵ A ragbə! Yon ye ai rə, men hamin di se do kafula a si ma, hali waati kelen? ²⁶ Ni ai la hamin ti se hali wo ko fitini la, nfenna ai ye haminna ko təilu bəe la? ²⁷ Ai ye waa rə binilu lakərəsi. Bin woilu ye wulila ka ferən ka ja. Alu te baara kəla, alu te feriyabə jininna. Kəni hali Mansa Sulemani, men kera nanfulu batii ri, wo ma duruki si don, men ka kenyani bin ferən kelen na. ²⁸ A ragbə! Bin menilu ye wulila bi woilu ri janin ta la sini. Hali wo, Alla ka ie feriyabə ferənilu la. A ye di? Alla te ai dəmen fanan, ka ai feriyabə wa? Kəni ai la lemeniya ka doo fewu!

²⁹ «Ai kana hamin ka a fə ko: «An di nfen damun ka nfen min?» ³⁰ Jamana men məɔ ma Alla lən dunujəna rə bi, woilu le ye ko su wo jininna waati bəe rə. Kəni ai mako ye fen menilu la, ai Fa Alla ka woilu bəe lən. ³¹ Wo le rə, ai ye Alla la mansaya jinin fəlo. Alla ri fen woilu fanan di ai ma.»

Nanfulu banbali

³² Isa ka a fə a la karandenilu ye ko: «N na dekuru jin, ai kana silan. A diyara ai Fa Alla ye ka a la mansaya di ai ma. ³³ Ai ye ai bolofenilu san ka məɔ bolokolonilu sə wodi wo rə. Ai ye nanfulu mara yərə ladan ai jere ye harijeene, nanfulu mara yərə men te tijan. Sa ai ri nanfulu bila ai ye harijeene, nanfulu men te desə habadan. Son si ti se yərə wo sərənna, jənbərə ni kərikəri si ti tijani ke ye, ³⁴ baa i la nanfulu marani yərə men, i soləmə ye yərə wo le rə.»

Jən menilu rabənni

³⁵ Isa ka a fə ie ye ko: «Ai ye ai jere təsidi ka ai rabən baara kanma. Ai ye ai la fitina lameleni to waati bəe rə. ³⁶ Ai ye ke iko jən, menilu ye ie la kuntii makənəla bon kəndə. Ni kuntii bəra kəjə malə diya ka na da makonkon, alu ri da laka a ye. ³⁷ Ni kuntii nara ka a tərən jənilu ma sunəɔ fewu, baraka ri don ie la ko rə. A ragbə! Kuntii ri a təsidi ka a jere rabən ka jənilu kili. A ri ie bəe lasii ka damunun sii ie kərə. ³⁸ Wo le rə, ni kuntii nara duu tala waati, wala dondon kasi waati, ni a nara ka a tərən jənilu ma sunəɔ, baraka ri don ie la ko rə.

³⁹ «Ai tolo malə! Ni bon tii tun ye a kalama ko son natə le a wara a waati men na, a tun di a jere rabən a jən rə. ⁴⁰ Wo

na kelen ma, ai fanan ye ai raben. Ka a masor n M o Dence ri na waati do r , ai hankili te waati men na.»

J n numa nij n juu

⁴¹ Piyeri ka Isa majininka wo r  ko: «Maari, i ra sanda nin la andeiliu d r n de y , wala jama b  ?» ⁴² Maari ka a jabi: «Yon ye jatela j n telenni ri, wala j n hankiliman? Kuntii ri j n wo lasii a wara b   kun na, ko a ye a janto j n t ilu r , ka solo b  ka a di ie ma. ⁴³ Ni kuntii nara ka a t ren j n wo ye baara kan, baraka ri don j n na ko r . ⁴⁴ Kuntii ri a bolofenilu b   karifa j n wo la. Tuja le fewu! ⁴⁵ K ni, ni j n wo ka imiri ko: «N na kuntii ti nala jona». A ri j n t ilu t ro ka ie gbasu, c  ni muso. A ri damunun ke kojuuya ka d l  min haan ka a j re ja laminin. ⁴⁶ Wo ko r , a la kuntii ri na waati do r , j n wo hankili te waati men na. A wa na, a ri a la j n t ro ya kojuuya ka a ke ikomin Alla l nbali.

⁴⁷ «J n men ka a la kuntii diyana ko l n, k ni a k nd gbo ma s n ka a janto a r , kuntii ri wo gbasu kojuuya ka jahadi la a kan kosebe! ⁴⁸ J n men ma a la kuntii diyana ko l n, ni a filira ka baara juu do ke, men ye gbasili ko ri, j n wo fanan di gbasu. Ale k ni te gbasu kojuuya. M o m o wa siyaman s r n, siyaman di ninin wo fe. Siyaman wa karifa fen fen na, siyaman di ninin wo fe fanan.»

H ra wala b nbaliya?

⁴⁹ Isa ka a f  ie y  ko: «N da na ta su kanma duukolo kan. N da gbedenni ba le fo ta wo ye mel n. ⁵⁰ K ni a f re te fo n ye n na jakankatay  dafa. Yani n ye ban wo k la, n te jesusuman s r n. ⁵¹ A ye di? A ye ai k nd  ko n da na ka h ra ke duukolo kan wa? Wo kuma te! N nani b nbaliya bilala m o ilu tema. ⁵² Ka damira bi ma, ni m o loolu k ra denbaya kelen d , m o sawa ri ke m o fila kanma, wala m o fila ri ke m o sawa kanma. ⁵³ C  dence ri bila a la, c  fanan di bila a dence la. Muso denmuso ri bila a la, muso fanan di bila a denmuso la. Muso a dence muso ri bila a la, muso fanan di bila a dence muso la.»

Bi m o ilu ka kan ka waati nin lak r si

⁵⁴ Isa ka a f  jama y  ko: «Ni ai ka banda finni yen tele be r , ai ye a f la ko sanci nat 

le. Sanji di na iko ai ka a f  na men ma. ⁵⁵ Ni ai ka a yen f j o ye b la tele kankan bolo maran fan fe ai ye a f la ko: «Tara ri b .» Tara ri b  ikomin ai ka a f  na men ma. ⁵⁶ T omasere menilu ye k la sankolo ni duukolo kan, ai kusan woilu faranfasila. K ni Alla ye ko menilu k la bi m o ilu tema, nfenna ai ma kusan woilu fanan faranfasila? Ai filankafuili! ⁵⁷ Nfenna ai te a fe ka ko telennilu jate mira ai j re ma ka woilu ke?»

⁵⁸ «A ragbe! Ko wa ke i ni m o do tema, ni wo ye a fe ka i lana kiti diya, yani ai ye se ye, i ye f re b   ke ka a madiya sani ai ye se kitite  diya. Ni wo te, kitite la ri i don tasidilu bolo. Polisi ri i bila kasol la. ⁵⁹ Ni i donda kasol la, i ti b  fewu fo i wa ban wodi wo b   sarala. Tuja le fewu!»

13

M o ilu ye ik seyi Alla ma

¹ Nba, waati wo r , m o ilu t re ye nala Isa ma ka a f  a y  ko men keni Kalilekailu la Pilate bolo. A ka Kalilekailu jeli ni saraka sobo jeli basan ij  n na. ² Isa ka ie jabi: «A ye di? Ai hankili r , Kalileka menilu faani ten, woilu tun da kojuu le ke ka tamin Kalileka t  b   kan wa? Alu faara wo sababu la wa? ³ Wo kuma te! K ni ni ai ma tubi, ai fanan di halaki. ⁴ Waati taminni, Silowe sankaso jan bera m o tan ni seyin kan ka woilu faa Jerusalemu so k nd . Wo te ai miri r , m o tan ni seyin wo, woilu la k ewalilu tun ka juu ka tamin Jerusalemukailu t  b   ta kan wa? ⁵ E n, de! Wo kuma te! K ni ni ai ma tubi, ai b   fanan di halaki.»

Jiri denbali

⁶ A ka misali di ie ma sanda r , ko: «Toro ju kelen t re ye ce do bolo a la s ne r . L n do r , a wara toro den ninin. A ma foyi s r n a la. ⁷ A ka a f  a la baaraden y  ko: «N da san sawa ke, n ye toro den nininna n na toro ju la. Haan bi, n ma foyi s r n a la munun. Wo r , i ye a t  , ka a b  ye. T n  te a la. A kana to ten ka n na duu t  n.»

⁸ Baaraden ka a madiya ko: «Faama, i ye a to ten san kelen nin na munun. N di duu sen a k r  ka n   ke a fe. ⁹ Sando ni a ka den ke, ale le wo ri. K ni ni a ma den ke, i ri a t   ka a b  ye.»»

Isa ka muso do lakendeya Nəŋən lon

¹⁰ Lon do rø, Isa tere ye məɔ̄ilu karanna Alla la salibon do la. Nəŋən lon de tere. ¹¹ Muso jankarøto do tere ye, jinailu ra dan ba bila mən kə kan. A ra san tan ni seyin bø, a ma se a kə lawulila. ¹² Isa ka muso wo yen ka a kili. A ka a fø a ye ko: «N badenma muso, i ra hərøya i la jankarø rø ka bø a rø fewu.» ¹³ A ka a bolo la muso kan. Muso kəndeyara ikørø ye ka a kə latelen, ka ban ka Alla tando.

¹⁴ Kəni salibon kuntii ka wo bəe lakørøsi ka diminya. A monera Isa ma ka a masørøn a ka lakendeyali ke Nəŋən lon. Kuntii wulira ka a fø jama ye ko: «Tele wøorø ye an bolo ka baara ke. Ai ye na kendeya ninin tele wøorø wo kørø. Ai kana na Nəŋən lon fewu!» ¹⁵ Maari ka salibon kuntii jabi: «Ai ye filankafuili le ri. I ja lø! Ni nisi wala fali kəra ai bolo, ai te wa ie furen ka ie mayeleman ka ie lamin Nəŋən lon wa? ¹⁶ Ni ai ye wo kəla, a ye di? Muso jin ye Iburahima bønson de ri. Setana ra a sidi jankarø la kəbi san tan ni seyin. N ma kan ka wo furen ka a lakendeya Nəŋən lon wa?» ¹⁷ Wo jabilo ka Isa juuili bəe maloya. Kəni jama bəe sewara Isa la kosebəe, ka a masørøn a tere ye kabannako bailu kəla.

Alla la mansaya ye lala nfen ma?

¹⁸ Wo rø Isa ka jininkali ke ko: «Alla la mansaya ni nfen mununni? N di se a ni nfen lala a nən ma? ¹⁹ Alla la mansaya ye iko sebəni fira kise. Cə do ka wo ta ka wa a lan a la nako rø. Kise wo fərenda, ka bonya ka ke jiri ju ri. Kənəilu ka ie jaan la jiri wo bolonilu la.»

²⁰ Isa ka jininkali ke ko: «N ye Alla la mansaya lala nfen ma ikə tuun? ²¹ A ye iko lebən. Ni muso ka wo ta ka dooni ke fareni muu siyaman dø, a ri fareni muu bəe funu.»

Kisi sila ye iko lu kəndə danin

²² Wo kə, Isa watəla Jerusalemu, a tere ye məɔ̄ilu karanna sila la so bailu ni so misennilu la.

²³ Do ka Isa majininka ko: «Maari, məɔ̄ gbənseni ri kisi wa?» Isa ka ie jabi: ²⁴ «Ai ye iraja ka don da doomanin na. Ka a masørøn n di a fø ai jana, məɔ̄ siyaman di don diya jinim ka kana. ²⁵ Maari, men ye bontii ri, ni a wulira ka bon da latuun, ai ri to kəne ma. Ai ri da makonkon ka a fø ko: «Maari,

i ye da laka an ye.» Bontii ri jabilo ke ko: «N ma a lən i bəni yørø men dø.» ²⁶ Ai ri a fø ko: «Maari, an bəe ka damunun ke ka an min yørø kelen. I ka an karan an na soilu la.» ²⁷ Maari ri a fø ai ye ko: «Ai kojuukəlailu, n ma ai lən, n ma ai bø diya lən. Ai ye bø yan!»

²⁸ «Wo lon, ai wa Iburahima ni Isiyaka ni Yakuba ni nabijumailu bəe yen Alla la mansaya rø, ka a tereñ ai lafilini kəkan. Ai ri kasi ka mənə fo ka ai jin makin. ²⁹ Məɔ̄ilu ri bø dunuja fan bəe rø ka na isii Alla la mansaya rø ka damunun ke. ³⁰ Nba, doilu ye kəmaməɔ̄ilu ri bi, menilu ri ke jeməɔ̄ilu ri sini. Doilu fanan ye jeməɔ̄ilu ri bi, menilu ri ke kəmaməɔ̄ilu ri sini.»

Isa ni Jerusalemukailu

³¹ Wo waati kelen, Farisi doilu nara Isa lali ko: «I ye yan bila ka wa yørø gberø rø, baa Mansa Herodi ye i faa ko rø.» ³² Isa ka ie jabi: «Ai ye wa a fø səyani wo ye, Herodi kənən, ko n ye jina gbənna ka bø məɔ̄ilu fə, ka jankarøtoilu lakendeya. Bi ni sini, n ye wo baara kan. A tele sawana, n na baara ri dafa. ³³ A fere te fo n ye n daja ka n taama bi, a ni sini a ni sini kəndə, baa nabijuma kana faa yørø si fo Jerusalemu.»

³⁴ Isa ka a kan nabø ka fø ko: «Jerusalemu, Jerusalemu. Ai ye nabijumailu faala a ni menilu yon ai kawandi la, ai ye woilu bon kaba la ka ie faa. Sina siyaman, n tere ye a fe ka ai ladən iko sisə ba ri a denilu ladən ja mən ka ie dokon a kərø. Kəni ai ma sən wo ma. ³⁵ Wo rø, ai la bon naflinin de tere. Ai ja te la n kan butun, fo ai wa a fø lon men ko: «Kunnadiya wo mən nani Maari Alla tøø rø.»»

14

Isa ka jankarøto do lakendeya Nəŋən lon

¹ Nəŋən lon do rø, Isa wara damunun diya Farisilu la jeməɔ̄ do wara. Menilu siini tere damunun na ye, woilu bəe tere ye a lakørøsila kojuuya. ² Jankarøto do tere ye Isa jana jama təma ye. Jankarø tun da a fari yørø doilu mafunufunu. ³ Isa ka sariya karanməɔ̄ ni Farisilu majininka ko: «A ye di? Ka məɔ̄ lakendeya Nəŋən lon, wo benni an na sariya ma, wala wo benni te?» ⁴ Alu ka imakun. Wo rø, Isa ka a bolo la jankarøto kan ka a lakendeya, ka ban ka sila di a ma.

⁵ A bɔ mən kəni, Isa ka ie majininka ko: «Ni ai la den, wala ai la nisi bera kələn kəndə, yon ye ai təma yan, mən di iban wo layeləla Nəjənən lon? Ai ri a labə jona, wo tə?» ⁶ Alu ma se Isa jabilia.

Neməə sii diya jininnailu

⁷ Ka Isa to damunun diya ye, a ka məəilu lakərəsi, mənilu kilini damunun kanma. Alu nani neməə sii diya tala ie jəre yε. Wo rɔ, a ka sanda do la ie yε. A kan ko: ⁸ «I wa kili ka wa kəjə malə diya rɔ, i kana wa isii neməə sii diya rɔ, baa wo ri a təren tumado neməə do kilini ye, mən ka bon i ri. ⁹ Ni wo nara ka i siini təren neməə sii diya, i maloyatə le. Mən ka ai fila bεe kili, wo ri na ka a fɔ i yε ko: «Iwuli ka sii diya wo di məəba ma.» I ri wuli maloya rɔ ka kəmaməə sii diya jinin jama kəfε.

¹⁰ «Nba, i wa kili kəjə malə diya rɔ, i ye wa isii kəmaməə sii diya rɔ. Wo wa ke, mən ka ai bεe kili, wo ri lakərəsili ke ka a fɔ ko i ma kan ka isii ten. A ri sii diya gberε jinin i yε, mən ka ni fələman di. A ri a fɔ i yε ko: «N teri, i ye na isii neməə sii diya rɔ.» I ri bonya ba sərən məəilu bεe jana. ¹¹ A ragbe! Məə məə wa a jəre bonya, Alla ri wo majii. Kəni məə məə wa a jəre fanmajii, Alla ri wo bonya.»

¹² Isa ka kuma do fɔ cε yε fanan, a kilini mən bolo. A kan ko: «I wa ke məəilu kilila damunun kanma, i kana dan i terilu ni i badenmailu ma, a ni i siijəən nanfulutiilu, baa lon do rɔ, woilu fanan di a jəən ke i yε, ka i sara wo rɔ. ¹³ Ni i ka məəilu kili sali damunun kanma, i ye fantanilu ni lanjiiritəilu a ni ja fuyenilu kili dumunun diya. ¹⁴ I ri barayi sərən wo rɔ, ka a masərən woilu ti se ka i la kojuma julu sara. Alla wa telenbailu suu lawuli, a ri wo baaraji di i ma.»

Menilu kilini damunun ko ma

¹⁵ Isa damunun jəən do ka a tolo malə wo bεe la, ka a fɔ a yε ko: «Mən di damunun ke Alla la mansaya rɔ, a ri a kunnadiya sərən a la ko rɔ kosebε.» ¹⁶ Isa ka jabili ke sanda do rɔ. A ko: «Lon do rɔ, cε do təre ye a fε ka damunun ba raben ka məə siyaman kili. ¹⁷ Damunun waati sera tuma mən na, a ka a la jənce lɔ məəilu kili la, ko alu ye na damunun ke. ¹⁸ Kəni, alu bεe ka bəja jinin a bolo. A wara məə fələ mən kili, wo ka a fɔ

ko: «N da duu do san. A fere te fo n ye wa a mafəne. I sabari ka yafa a ma. N ti se wala.» ¹⁹ Məə filana kan ko: «N da sənəke nisi tan san. N watə woilu mafənela. I sabari ka yafa n ma.» ²⁰ Məə sawana fanan kan ko: «N ban san de muso furula. Wo le kosən, n ti se wala.» ²¹ Jənce wara wo nafə a la kuntii yε. A la kuntii duunyara kosebε, ka a fɔ jənce yε ko: «Ibori ka wa se so kəndə fan bεe, tiritilu ni sila misənilu la. I wa fantan mənilu yen, i ye ie kili, a ni lanjiiritəilu. I ye ie bεe ta ka na ie ri yan.» ²² Jənce ka a fɔ a la kuntii yε ko: «I ka mən fɔ, n da ban wo kəla. Kəni haan bi, i la bon ma fa munun.» ²³ Kuntii ka a fɔ a yε ko: «I ye bɔ so kəndə ka wa kəkan. I wa məə məə təren silailu la ye, i ye ie kili. I ye fere bεe ke kosa alu ri na n na bon nafa a na ma. ²⁴ A ragbe! N ka so kəndə məə mənilu fələman kili, mənilu ka iban nde rɔ, alu te foyi si sərən n na balo rɔ.»»

Ka Sankə Jate

²⁵ Lon do rɔ, jama ba bilani təre ye Isa kəfε. A ka iyeləman ka a fɔ ie yε ko: ²⁶ «Ni məə mən ye a fε ka bila n kəfε, a ma sən n na ko ye diya a yε ka tamin a fa la, ka tamin a na fanan na, ka tamin a muso la, ka tamin a denilu fanan na, ka tamin a doonilu ni a kərəilu la, hali ka a tamin a jəre nin na, wo ti se ka ke n na karanden jəre jəre ri. ²⁷ Mən ma sən a gbəngbənjiri ta, ka bila n kəfε, wo ti se kəla n na karanden di.

²⁸ «A ye di? Yon de ye ai təma yan, ni a ye a fε ka sankaso lɔ, a tε isii fələ ka jate mira ke? Kosa a ri a lən ni a ri se ka a ləka a laban. ²⁹ Ni a ma wo ke fələ, a ri sankaso ju sii, ka ban ka kaja a ləla ka a to ye. Wo wa ke, məəilu ri a mayele wo rɔ. ³⁰ Alu ri a fɔ ko: «Han, cε wo! A kan ko a ri sankaso lɔ, kəni a ra kaja fewu!»

³¹ «A ye di? Mansa juman di sən ka bɔ mansa gberε kele kanma, ni a ma isii fələ ka jate mira ke. Kosa a ri a lən ni a la sofaden məə waa tan di se wo la sofaden məə waa muwan na. ³² Ni a ka a yen ko a ti se wo la, yani mansa wo ye sudunya a ma, a ri keladenilu lawa kele ban kanma. ³³ A ragbe! Ni i ma iban i jəre rɔ, ka fen bεe to ye, i ti se kəla n na karanden di.

³⁴ «I ka a lən, kɔ ye fen juma ri. Kəni ni a diya bəra a la, a ti se ladiyala iko. ³⁵ Ni a diya bəra a la, a ti se ka duu diya sənə rɔ, a ti

se foyi nala sununkun na fanan. A ri lafili. Nba, men tolo ye mənni kəla wo ye a tolo malə misali jin na.»

15

Saa tununni le

¹ Nisənkəmiralailu ni kojuukəla gbəreilu tərə ye nala ka ie tolo malə Isa la. ² Farisilu ni sariya karanməɔilu ka wo yen ka a fə ie da kərə Isa ma ko: «A ragbə! Cε wo ye kojuukəlailu ramirala, fo ka damunun kə fe kelen də.» ³ Wo rə, Isa ka sanda la ie yε ko: ⁴ «Ni saa kəmə kəra məɔ kelen bolo ai rə yan, saa kelen wa tunun, yon te sən ka saa bikənəndə ni kənəndə to waa rə, ka wa saa tununni kelen pe jinjin diya haan ka a yen? ⁵ A wa saa tununni wo yen, a ri sewa. A ri a ta ka a la a kan ma ka na a ri. ⁶ A wa se a la lu ma, a ri a fə a terilu ni a siijəɔnilu yε ko: «An ye sewa. N na saa tununni tərə, kəni n da a jinjin ka a yen.»

⁷ «A ragbə! Wo ja kelen ma, kojuukəla kelen pe wa tubi, wo ye sewa ko ba le ri Alla wara. Wo sewa ka bon paaon, ka tamin telenba məɔ bikənəndə ni kənəndə ta kan, menilu mako te tubi ko ma.»

Muso la wodigbə tununni le

⁸ Isa ko: «Ni wodigbə tan kəra muso do bolo, kelen wa tunun a ma bon kəndə, a ri nfen kε? A te wuli wa, ka fitina lamelein ka bon kəndə firan, ka wodi wo jinjin a ja jere jere ma wa, haan ka a yen? ⁹ Ni a ka a yen, a ri a terilu kili, a ni a siijəɔnilu, ka a fə ie yε ko: «An ye sewa. N da n na wodigbə yen, men tununni tərə n ma.» ¹⁰ Isa ko: «A ragbə! Wo ja kelen ma, kojuukəla kelen pe wa tubi, Alla la melekailu ri sewa.»

Den kanberen fila

¹¹ Isa fanan ko: «Dence fila tərə ye cε do bolo. ¹² Lon do rə, den doomanni ka a fə a fa yε ko: «N fa, i ye i la nanfulu bεe rafara, ka n ta fan di n ma sisen.» Cε wo ka a la nanfulu rafara a den fila temə, ka a dence doomanni ta fan di a ma. ¹³ Wo cε tun ma men bake, den wo ka a bolofen bεe ta ka wa taama rə jamana jan do rə. A se men kəni ye, a ma foyi kε fo manamanaya. A tora wo la haan ka a bolofen bεe tijan.

¹⁴ «Nba, kəfə, kənkə fitina donda jamana wo rə, ka a tərən kanberen na wodi ra ban fewu. A la damunun desera. Wo gbəleyara

a ma kosebe. ¹⁵ Wo rə, a ka baara jinjin ye məɔ do fe. Wo ka a ta ka a lawa waa rə a la koseilu gbəngbən diya. ¹⁶ Ka a to waa rə ye, kənkə gbara a la kojuuya, haan ka koseilu la damunun fen səsə fara damun loo bila a la. Hali wo, məɔ si ma a sə damunun də.

¹⁷ «Kəfə sa, a ka imiri ka hankili sərən. A kan ko: «Baaraden siyaman ye n fa bolo. Woilu bεe ye damunun sərənna tuma bεe, haan ka fa ka a tə to. Kəni nde faatə le kənkə bolo yan.» ¹⁸ A kan ko: «Nba, n di n wuli ka wa n fa wara. N wa se ye, n di a fə a yε ko: «N fa, n da julumun sərən Alla la, ka hake sərən i fanan na. ¹⁹ I kana n jate i den di butun. Wo ka bon nde ma. I ye n ta ka n kε i la baaraden di.» ²⁰ Wo rə, a wulira ka wa a fa wara.

«Ka a to yərə jan, a fa ka a natəla yen ka kininkinin a ma. A ka ibori ka wa a den nabən, ka iton a den kan ka a sunbu. ²¹ A den ka a fə a yε ko: «N fa, n da julumun sərən Alla la, ka hake sərən ile fanan na. I kana n jate i den di butun. Wo ka bon nde ma.» ²² Kəni a fa ka a fə a la jənilu yε ko: «Ai ye ibori ka na duruki ba juma ri, ka a bila a kan na, ka ban ka bolola koyina don a bolo la, ka sanbara don a sen də. ²³ Ai ye nisi den juma juma ta ka a kan natee. An ye damunun kε ka sewa, ²⁴ ka a masərən n den tun da sa, kəni a ra kunun. A tun da tunun, kəni bi a ra yen.» Alu bεe sewara a ja jere jere ma.

²⁵ «Wo ka a tərən, den kərəmaməɔ ye sənə rə. A bə men kəni ye, a sudunyara a fa wara ka dənkili la kan men, a ni foli kan. ²⁶ A ka jən do kili ka a majininka ko: «Nfen kəni yan bi?» ²⁷ Wo ka a fə a yε ko: «I dooce ra na! I fa ra sewa ka nisi den juma juma faa a yε, ko a den kəndə ra na.» ²⁸ Den kərəmaməɔ monera kojuuya, fo ka iban donna lu ma. Wo rə, a fa bəra lu ma ka wa a madiya. ²⁹ Kəni a ka a fa jabi: «A ragbə! A ra san siyaman bə, n ye baarala i yε. N da i kumakan bonya tuma bεe. Kəni haan bi, i ma hali baadenni kelen di n ma, kosa n di n terilu kili ka tolon kε ka sobo damunun. ³⁰ Bari sisen, tuma men na i den da na, men wani tərə yərə jan ka i la nanfulu tijan manamanaya rə, i ra sən ka nisi den juma juma faa wo yε.» ³¹ A fa ka a fə a yε ko: «N den, an fila ye yan tuma bεe. Fen fen ye n bolo, wo bεe ye i ta le ri fanan. ³² Kəni an ka

kan ka sewa ka jaalen bi. I dooce tun da sa, kɔni a ra kunun. A tun da tunun, kɔni bi a ra yen.»

16

Nanfulu kunnasiila telenbali

¹ Lon do rɔ, Isa ka a fɔ a la karandenilu ye ko: «Nanfulutii do tere ye, men ka a lamɛn ko a la nanfulu kunnasiila tere ye a la nanfulu tijnanna. ² A ka a kili ka a fɔ a ye ko: «A fɔra n jana ko i ye n na nanfulu tijnanna. Wo ye di? I ra fen fen ke n na nanfulu la, i ye na wo bɛe dantɛe n jana. I ti nala kela n na nanfulu kunnasiila ri butun!» ³ Nanfulu kunnasiila ka a fɔ a jere kɔndɔ ko: «N ye nfen ke sa? N na kuntii ketɔ n gbenna ka n bila baarabaliya rɔ. Fanka te n na ka sene ke. N di maloya sɔrɔn ni n ka tarali damira. ⁴ Nba, n da sila yen sisen, n ka kan ka tamin men fe. Kosa, n na kuntii wa n gben, mɔɔilu ri hina n na ka n damira ie wara.»

⁵ «Wo rɔ, a wulira ka mɔɔilu kili, a la kuntii la julu tere ye menilu la. A ka ie kelen kelenna bɛe kili. Alu se men keni ye, a ka a mɔɔ fɔlɔ majininka ko: «Julu men ye i la, wo benni yeli ma?» ⁶ Wo ka a jabi: «Olibiye tulu palan ja kɛmɛ seyin.» A ka a fɔ a ye ko: «I sii jona ka i la julu sebe yeleman. I ye palan ja kɛmɛ naanin sebe wo nɔ rɔ.» ⁷ A ka dɔgbɛre majininka ko: «Julu men ye i la, wo benni yeli ma?» Wo ka a jabi: «Bile kisɛ bɔrɔ kɛmɛ loolu.» A ka a fɔ a ye ko: «I ye i la julu sebe yeleman ka ke bɔrɔ kɛmɛ naanin di.»

⁸ «Nanfulutii ka a la nanfulu kunnasiila telenbali tando, ko a kiwoyani. A mafene! Alla lɔnbalilu kiwoyani. Alu ka ijɔɔn mira ja lɔn fasayi! Alu kiwoyani Alla lɔnnailu ri. ⁹ N di ai lali. Ni dunuja nanfulu kera ai bolo, ai ye a ke mɔɔilu demenni fen di. Kosa, ai la nanfulu wa ban, ai ri ramira Alla wara, yɔrɔ men te ban habadan.

¹⁰ «Ni mɔɔ men ye a telenna ka fen fitini lamara wo tii ri se a telenna ka fen kunba ba lamara fanan. Kɔni ni mɔɔ men ma se a telenna ka fen fitini lamara, wo ti se a telenna ka fen siyaman lamara fanan. ¹¹ Dunuja nanfulu, ni ai ma isebedon wo mirala, yon di nanfulu bɛre bɛre karifa ai la? ¹² Ni ai ma telen mɔɔ la nanfulu lamarala, yon di nanfulu di ai ma ka ke ai jere ta ri? ¹³ Jɔnce ti se ka baara ke kuntii fila ye

waati kelen. Ni kuntii kera fila ri jɔnce ri do kanin ka tamin do kan. A ri do kumakan bonya ka tamin do ta la. Wo rɔ, ai ti se ai jii lala Alla ni nanfulu rɔ.»

¹⁴ Farisilu ka kuma wo men ka Isa mayele, ka a masorɔn nanfulu ko duman ie ye kojuuya. ¹⁵ Isa ka ie jabi: «Ka ai jere ke mɔɔilu jana iko telenbailu, wo duman ai ye. Kɔni men ye ai jusu rɔ, Alla ka wo bɛe lɔn. Adamadenilu ye men jatela, wo gboman kojuuya Alla ye.»

Alla la sariya te ban

¹⁶ «Ka a teren Yaya ma kawandili ke waati men na fɔlɔ, mɔɔilu tere ye Alla la sariya lataamala, a ni nabijumailu la kuma. Kebi Yaya nara ka kawandili ke, Alla la mansaya kibaro numa ye lasela mɔɔilu ma. Bɛe ye irajala ka don wo mansaya rɔ.»

¹⁷ «Sankolo ni duukolo ban duman ka tamin Alla la sariya kelen pe ban na, hali sariyatombeli kelen.»

¹⁸ «Mɔɔ mɔɔ wa a la muso furusa ka dɔgbɛre furu, wo ra kaninke. Mɔɔ mɔɔ wa muso furusanin ta, wo fanan da kaninke.»

Nanfulutii ni Lasari

¹⁹ «Nanfulutii do tere ye. Faanin dagbelɛn bilani tere a kan na tuma bɛe. Lon lon, a tere ye damunun duman kela ka fa. ²⁰ Kɔni a la bonda lafantan do tere lani ye men to ko Lasari, kudukudu ni da ye a fari fan bɛe ma. ²¹ A tere ye a fe ka nanfulutii la daatɔ damun, fen men ye burunna tabali kɔrɔ. Wuluilu tere ye nala ka a lani teren bon da la ka a dailu maanen.»

²² «Lon do rɔ, fantan ce wo sara. Melkailu ka a ta ka wa a ri harijeene, Iburahima dafe. Kɔfe, nanfulutii fanan sara. Mɔɔilu ka a suu don. ²³ Ka nanfulutii jakankatani to lakira, a ka a ja lɔ ka Iburahima yen yɔrɔ jan. Lasari siini tere Iburahima dafe. ²⁴ Nanfulutii ka a kan nabɔ Iburahima ma ko: «N fa Iburahima. I ye hina n na ka n demen. I ye Lasari lɔ a bolo koyini sula ji rɔ, ka na a maa n nen na. N jakankatani ta rɔ yan kojuuya.» ²⁵ Kɔni Iburahima ka a jabi: «Ndence, i ye imiri kunun ma. Kunun, i dafanin tere a ja jere jere ma, ka a teren Lasari tɔrɔni tere kojuuya. Bi, a sewani yan, ka a teren i jakankatani. ²⁶ Ka la wo kan, denka dun ba ye an ni ile tema, sa mɔɔ si kana bɔ yan ka wa ye, wala ka bɔ

ye ka na yan.» ²⁷ Wo rɔ nanfulutii ka a jabi: «N fa Ibura hima, n ye i madiyala. I ye Lasari lawa duukolo kan n fa wara. ²⁸ N badenma mɔɔ loolu ye ye. I ye diŋe Lasari ye wa ie lali. Kosa alu kana na jakankata diya yan.» ²⁹ Kɔni Ibura hima ka nanfulutii jabi: «Nabi Musa la sariya ni nabijuma tɔilu la kawandili ye ye. Alu ye wo mira.» ³⁰ Nanfulutii ka a sɔsɔ ko: «N fa Ibura hima, wo te a na. Kɔni ni mɔɔ kelen wulira ka bɔ suuilu tema ka wa ie ma, alu ri tubi.» ³¹ Ibura hima ka a fɔ a yε ko: «Nabi Musa la sariya ni nabijumailu la kawandili kan ye ye. Ni alu ma sɔn ka wo bonya, alu ti sɔn kawandili kan si ma. Hali ni mɔɔ kelen wulira ka bɔ saya rɔ ka wa ie kawandi, alu ti sɔn a rɔ fewu.»

17

Makotoli ni leməniya

¹ Isa ka a fɔ a la karandenilu yε, lon do rɔ, ko: «Sika te a rɔ, lafili koilu ri na ka mɔɔilu lɔ kojuu kɛla. Kɔni mɔɔ men wa lafili koilu lana mɔɔilu ma, gbalo ye wo yε. ² Hali ni alu tun ka kabakurun ba sidi wo tii kan na ka a lafili kɔɔji rɔ, wo tun di fisaya wo rɔ, sa ni a ye ke sababu ri ka den kelen nafili. ³ Ai ye ai jεrε lakɔrɔsi. Ni i badenma do ka hake ta, i ye a kili ka a lali. Ni a nimisara, i ye a makoto. ⁴ I badenma wa hake ta i la haan sija wɔrɔnwula tele kelen kɔrɔ, ni a nara wo kelen kelenna bεe rɔ ka a fɔ ko a ra nimisa, i ye a makoto.»

⁵ Keladenbailu ka a fɔ Isa yε ko: «Maari, i ye do la an na leməniya kan.» ⁶ Maari ka ie jabi: «Hali ni ai la leməniya dooyara ka kε iko sebəni fira kisε kelen, wo leməniya jate baraka rɔ ai ri se a fɔla jiri luluma ba yε ko: «I ye bɔ yan ka wa turu fo kɔɔji rɔ». Jiri wo ri i gbiliya.»

Jɔnilu ka kan ka men ke

⁷ Isa ka a fɔ ie yε ko: «A ye di? Ni i la jɔn do bɔra sene ke diya, wala kolofen gbεn diya, ka na lu ma, yon ye ai tema, men di sɔn ka a fɔ a yε ko i ye na isii jona ka damunun ke fɔlɔ? ⁸ Wo kuma te! I ri a jamari ko i ye ikaliya ka tibili kε, ka i jεrε rabεn, ka na damunun sii n kɔrɔ. N di damunun ke ka fa ka ji min. Wo kɔ, i ri damunun ke ka ji min.» ⁹ Ni jɔn ka a la baara kε, a la kuntii ri baraka bila a yε wo rɔ wa? Wo kuma te!

¹⁰ A ye wo na kelen de ma ai fanan fan fε. Baara men fɔni ai yε, fo wo ye ke. Bonya ko te a rɔ. Ni ai banda baara wo bεe la, ai ye a fɔ ko: «An tara men kanma, an da wo dɔrɔn de ke. Bonya te an yε.»

Kunatɔ tan

¹¹ Isa tere ye sila kan ka wa Jerusalemu. A tamintɔ tere ye Samari mara ni Kalile mara tema. ¹² A dontɔla so do kɔndɔ, kunatɔ tan nara a laben. Alu lɔni tora yɔrɔ jan, ¹³ ka ie kan nabɔ Isa ma ko: «Isa, an na faama, i ye kininkinin an na ka an demen.» ¹⁴ Isa ka ie yen tuma men, a ka a fɔ ko: «Ai ye wa ai jεrε yiraka sarakalaselailu la.» Wo bolo ma, alu bɔra ye ka wa. Alu watɔla, alu bεe kendeyara. ¹⁵ Kelen ka a yen ko a ra kendeyea. Ka a to Alla tandola kan ba la, a ka ikɔseyi ka na Isa ma. ¹⁶ A ka a nakɔrɔ ben duu ma Isa sen kɔrɔ ka baraka bila a yε. Samarika le tere. ¹⁷ Isa ka a majininka ko: «Mɔɔ tan ma kendeyea wa? A to kɔnɔndɔ ye mi? ¹⁸ Mɔɔ si ma seyi ka na Alla tando fo cε kelen pe jin wa, men ye siya gberε mɔɔ ri?» ¹⁹ Isa ka a fɔ a yε ko: «Iwuli! Wa, i ra kendeyea i la leməniya sababu la!»

Alla la mansaya tɔɔmasereilu

²⁰ Farisi doilu ka Isa majininka, lon do rɔ, ko: «Alla la mansaya ri na waati juman?» Isa ka ie jabi: «Alla la mansaya ti nala yenna ja la. ²¹ A ti nala a fɔla ko: «Alla la mansaya ye yan» wala «a ye ye». Kɔni Alla la mansaya ye ai tema.»

²² A ka a fɔ a la karandenilu yε ko: «A loo ri kε ai la, lon do rɔ, ka Mɔɔ Dencε tele kelen yen, kɔni ai ti se ka wo yen. ²³ Mɔɔilu ri a fɔ ai yε ko: «A fεlε, a ye ye» wala «a ye yan». Kɔni ai kana ibori wo kɔ. ²⁴ I ja lɔ! Sanmelenin ye bɔla sankolo fan kelen na ka wa fan do fe ja ma, Mɔɔ Dencε wa kε nala lon men, a natɔla ri kε wo na kelen ma. ²⁵ Kɔni yani wo ye dafa, a fεre te fo bi mɔɔilu ye a tɔrɔ kojuuya fɔlɔ ka iban a rɔ.

²⁶ «Yani Mɔɔ Dencε ye na iko tuunni, ko menilu kera Nuhan tele rɔ, woilu jaɔn di kε. ²⁷ Nuhan tele rɔ, mɔɔilu tora damunun ni minnin na, ni muso furula, a ni ka ie denmusoilu furu. A tere ye wo na fo Nuhan donda kulunba kɔndɔ. Wo lon kelen sanci ba ka nali damira. Sanci wo ma tεε, fo ka a

to gbiliyala a ja jere jere ma ka dunuja yoro bεε latunun ka maoilu bεε halaki.

²⁸ «Men kera Luti tele rø, wo jøøn fanan di ke. Luti tele rø, maoilu tora damunun ni minnin na, ka to sanni kela, ka to sene ke ni bon løla. ²⁹ A tere ye wo ja haan Luti børa Sødømu so køndø lon men. Wo lon kelen, ta ni tinbiriki børa sankolo rø ka jii Sødømu so køndø iko sanci. Wo ka Sødømu maoilu bεε halaki.

³⁰ «A ri ke wo ja ma Møø Dence bøtø gbe ma lon men. ³¹ Ni wo lon sera ka a teren do ra yøle bon bilikun sanfe ka a bolofenilu to bon køndø, wo ma kan ka jii a bolofenilu ta kanma bon køndø. Ni wo lon sera ka do teren sene rø, wo ma kan ka ikøseyi a bolofenilu ta diya so køndø. ³² Ko men kera Luti muso la, ai ye ai hankili to wo rø. ³³ Møø men ye dunujarateεε daha dørøn de nininna bi, wo ri bøøn sini. A te jenemaya banbali sørøn sini. Køni men wa søn ka bøøn dunujarateεε daha rø bi, sini wo ri kisi ka jenemaya banbali sørøn.

³⁴ «N ye føla ai la ko su wo rø møø fila ri sunøø lafen kelen kan; møø kelen di ta ka kelen to ye. ³⁵⁻³⁶ Muso fila ri suman kise bunde ijøøn fe, muso kelen di ta ka muso kelen to ye.» *

³⁷ Karandenilu ka Isa majininka ko: «Maari wo ri ke mi?» Isa ka ie jabi sanda rø ko: «Suu wa ke diya men dø, duwailu ri jii ye.»

18

Kititeela Juu

¹ Nba, wo kø, Isa ka sanda do la ka a la karandenilu karan, ka a masørøn a ye a fe alu ye to Alla matara tuma bεε. Alu kana jiiteεε ka wo boloka.

² A ko: «Kititeela do tere ye so do la. A tun te silanna Alla yø, a tun te møø bonyala.

³ Nba, cesamuso do tere ye men tere seli kititeela ma tuma bεε ka a fø a yø ko: «I ye n na kiti tøεε, baa n juu ra kojuu ke n na.»

⁴ A menda, kititeela ma søn ka kiti wo tøεε. Køni, lon do rø, kititeela ka a fø a jere køndø ko: «Tuna le. N te silanna Alla yø, n te møø bonyala, ⁵ køni, muso jøøn da n tøø kojuuya. Wo bolo ma, a fere te fo n ye kiti wo tøεε. Ni

wo te, a ri to n nqagbala tuma bεε fo ka n sεε.»

⁶ Wo rø, Maari ka a fø ko: «Kititeela telenbali wo ka men fø, ai ye ai tolo malø wo la kosebø. ⁷ Ni Alla la mæøilu ka ie kan nabø ale ma ka kiti jøønin a fe su ni tele, a te ie demen ka ie la kititeelilu jøønabø wa? A te iban ie rø. ⁸ Alla ri a kaliya ka kiti tøεε ie yø telenbayala. A ye ten de! Køni hali wo, Møø Dence wa seyi dunuja kan waati men na, a ri mæø teren yan wa, men lani ale la?»

Farisi ni nisønkømirala

⁹ Møø doilu tere ye, menilu tere ye ie jere jatela mæø telennilu ri. Alu lani a la ko alu ka jøø mæø tøølilu ri. Isa ka sanda do la woilu le yø.

¹⁰ A kan ko: «Møø fila wara Alla matara diya Allabatobonba køndø. Kelen tere ye Farisi ri. Kelen tere ye nisønkømirala ri.

¹¹ Farisi ce wo ka ilø ka Alla matara a jere la ko rø ko: «Alla, n ye baraka bilala i yø, n te iko mæø tøømailu, ka a masørøn n ti tøøjøli kela, n te telenbali ri, n te kaninkøla ri, wala n te ikomin nisønkømirala jøøn. ¹² N ye sun donna sjøø fila lookun kelen kørø. Ka la wo kan, n wa fen fen sørøn, n di wo ja bo.» ¹³ Køni nisønkømirala wo ka ilø yøø jan. A ma søn ka hali a ja lø sankolo fan dø. A ka a sisi magbasi ka ke a nimisa tøømasere ri. A ka a fø ko: «Alla, i ye n makoto, baa kojuukøla le nde ri.»

¹⁴ Isa kan ko: «N ye a føla ai yø ko nisønkømirala ka jo sørøn, køni Farisi ce wo ma jo sørøn. Baa mæø mæø wa a jere bonya, wo ri majii, køni mæø mæø wa a jere fanmajii, wo ri bonya.»

Isa duwara denninilu yø

¹⁵ Lon do rø mæøilu tere ye nala denninilu ri Isa ma ko a ye a bolo la woilu kan ka duwa ie yø. Isa la karandenilu ka wo yen ka mæø woilu makuma. ¹⁶ Køni Isa ka denninilu kili ko alu ye na a ma. A ka a fø a la karandenilu yø ko: «Ai ye a to denninilu ye na n ma. Ai kana ie mabali, ka a masørøn Alla la mansaya ye ie jøønilu le ta ri. ¹⁷ A ragbø! Møø men ma søn Alla la mansaya ma iko dennin sønni Alla la mansaya ma ja men ma, wo te don Alla la mansaya rø habadan. Tuna le wo ri fewu.»

* ^{17:35-36} Sebeli do føla ko: «Ni ce fila kera sene rø ijøøn fe, ce kelen di ta ka kelen to ye.»

Isa ni nanfulutii do

¹⁸ Yahudiyailu la kuntii do nara Isa majininka ko: «Karanm  o numa, n ye nfen ke sa n di jnenemaya s  r  n, jnenemaya m  n te ban?» ¹⁹ Isa ka a jabi: «I ra a f   n ma <karanm  o num  > nfenna? M  o num   si te ye fo Alla kelen pe. ²⁰ Alla ra m  n se  be a la sariya r  , i ka wo l  n. A se  beni ye ko: «I kana kanink  ya ke. I kana m  o faa. I kana sonyali ke. I kana wuya f   sereya r  . I ye i fa ni i na bonya.» ²¹ A ka Isa jabi: «Karanm  o, kebi n denniya waati, n da sariya wo b  e mira.» ²² Isa ka wo m  n waati m  n na, a ka a f   ce ye ko: «I ra des   ko kelen na butun. I ye wa i bolofen b  e san ka wo wodi di fantanilu ma, sa nanfulu b  re b  re ri ke i bolo harijene r  . Wo wa ban, i ye na bila n k  .» ²³ Ce ka jabili wo m  n waati m  n na, a jusu makasira, ka a mas  r  n nanfulu ba t  re ye a bolo.

²⁴ Isa ka a ja l   a r   ka a f   ko: «Nanfulutii don gboman Alla la mansaya r   de! ²⁵ Nanfulutii don Alla la mansaya r  , wo ka gbel  n j  om  e don di seyilan woo la.» ²⁶ Men ka wo m  n, woilu ka jininkali ke ko: «Yon di se kisila wo r  ?» ²⁷ Isa ka ie jabi: «Ko menilu ti se kela m  o bolo, woilu ri se kela Alla bolo.»

²⁸ Piyeri ka a f   Isa ye ko: «Andeilu don? An da fen b  e to ye ka bila i k  fe.» ²⁹ Isa ka a f   ie ye ko: «A ragbe! M  o m  o wa s  n ka a la bon to ye, wala a muso, wala a baden-mailu, wala a s  ronbailu, wala a denilu, ka wa Alla la mansaya jin  n, ³⁰ wo sara ri wara dunuja jin d  . Sini, jnenemaya fanan di di a ma, jnenemaya banbali k  n.»

Isa ka a la say a ni a kunun ko f  

³¹ Wo k  , Isa ka a f   a la keladenba tan ni fila ye ko: «An wat   Jerusal  mu. Alla la nabijumailu ka fen fen se  be M  o Dence la ko r  , wo b  e ri dafa ikomin a se  beni ja m  n ma. ³² Alu ri a mira ka a don siya gber   m  o ilu bolo. Woilu ri a laf  ya ka a mayel  , ka a nani, ka ie daji tu a kan. ³³ Alu ri a gbasi kojuuya, ka ban ka a faa. K  ni, a faa tele sawana lon wa se, a ri wuli.» ³⁴ Keladenbailu ma foyi jnayen a la kuma r  . Wo k  r   dooni t  re ie ma. Alu ma famunyali si s  ron a r  .

Isa ka ja fuyen do ja laka

³⁵ Ka Isa ni a la m  o ilu sudunyara Jeriko so la, alu ka ja fuyen do t  ren y  r   wo r  . A siini t  re ye taralila sila da la. ³⁶ Na fuyen wo ka jama mankan m  n, ka majininkali ke ko: «Nfen k  ni?» ³⁷ A f  ra a ye ko Isa Nasaretika le tamint  . ³⁸ A ka wo m  n tuma m  n na, a ka a kan nab   ka a f   ko: «Isa, Mansa Dawuda mamaren ce, i ye kininkinin n ma.» ³⁹ M  o m  enilu t  re ye jama jef  , woilu ka a makuma ka a f   a ye ko: «Imakun!» A ma s  n imakunna, fo ka a kan nab   fanka la, ka a f   ko: «Isa, Mansa Dawuda mamaren ce, i ye kininkinin n ma!» ⁴⁰ Isa ka ja fuyen kan m  n ka il  , ka a jamari ke ko ja fuyen ye lana a ma. M  o ilu wara a ta ka na a ri a ma. A se m  n k  ni Isa ma, Isa ka a majininka ko: ⁴¹ «A ye di? I ye a fe n ye nfen ke i ye?» A ka jabili ke ko: «Maari, n ye a fe n ja ye laka ik   tuun.» ⁴² Isa ka a f   a ye ko: «Ale le wo ri. I ja ra laka. I ra lakend  ya i la lemeniya sababu la.» ⁴³ A ja lakara ik  r   ye. A bilara Isa k   ka to Alla gbiliyala. M  o ilu ka wo b  e yen ka Alla tando bake.

19

Isa ni Sace

¹ Isa donda Jeriko so k  ndo ka a tamint   ka wa. ² Wo ka ce do t  ren ye, m  n t  o ko Sace. Ale t  re ye niss  nk  mirala la kuntii ri. Nanfulu ba t  re ye a bolo. ³ A loo t  re ye a la ka a ja la Isa kan ka a l  n. K  ni, jama warani t  re Isa laminin d   kojuuya. Wo bolo ma, Sace ma se a yenna, baa a kundiyani t  re. ⁴ A ka ibori ka wa jama j  , wo r  , ka y  le toro ju la ka Isa mak  n, kosa a ri Isa tamint  la yen, ka a mas  r  n Isa ka kan ka tamin dinkira wo r  . ⁵ Nba, Isa se m  n k  ni jiri ju wo ma, a ka a ja lay  le san ma ka a f   Sace ye ko: «Sace, ikaliya, i ye jii. N ye a fe i ye n jiya i wara bi.» ⁶ Sace jiira kaliya r   ka b   jiri la. A ka Isa ramira sewa r   ka wa a mal   fo a wara. ⁷ M  o ilu ka wo yen tuma m  n na, alu ka Isa maf   ko: «A s  nni ka wa jiya kojuukela wara.» ⁸ Sace ka il   Maari jana ka a f   a ye ko: «Maari, bi n di n na nanfulu tala ka fan kelen di bolokolonilu ma. Ka la wo kan, ni a ka a t  ren n da m  o do bolofen mira t  nli bolo ma, n di a j  on naanin laseyi wo ma.» ⁹ Isa ka jabili ke ko: «Kisi ko ra se a wara bi baa

a fanan ye Iburahima dence do ri. ¹⁰ Mօo Dence ra na, mօo tununnili jininna ko ie ri kisi.»

Jən tan na ko

¹¹ Iko Isa sudunyani tere Jerusalemu so la, mօɔilu hankili bilara Alla la mansaya ko rɔ. Alu lani a la ko mansaya wo ri bɔ gbe rɔ sisen sisen. Wo rɔ, Isa ka sanda do la ie yε. ¹² A kan ko: «Mansa la kabilia cε do wara jamana jan dɔ, ko a ri mansaya sɔrən ka na. ¹³ Sani a ye wa mansaba wara, a ka a la jən tan kili. A ka wodigbe kelen kelen di wo kelen kelenna bεε ma, ka a fɔ ie yε ko: «Ai ye wodi wo ke ai manankun di. Yani n ye n koseyi, ai ye do la a kan n yε.» ¹⁴ Kəni, mansa la kabilia cε wo la ko tun ma di a la jamana mօo doilu yε. A bɔ men kəni a la jamana rɔ, wo rɔ, alu ka kelaya mօo lawa a kofe ka a fɔ ko: «an te a fe cε wo ye ke an na mansa ri.»

¹⁵ «Hali wo, mansa la kabilia cε wo ra mansaya sɔrən. Wo bolo ma, a ka ikoseyi a la jamana rɔ. A se men kəni ye, a ka jənilu kili, a tun ka wodi di menilu ma, ko a ye a fe ka a lən tənə yeli ye ie bolo. ¹⁶ A fələman nara ka a fɔ a yε ko: «Mansa, n da baara ke i la wodi rɔ ka a jənən tan sɔrən ka la a kan.» ¹⁷ Mansa ka a fɔ wo yε ko: «I ka wo ben! Jən jnuma le ile ri. Fen fitini le dira i ma, kəni i ka a mira ja lən. Wo rɔ, n di i lasii so tan kun na.» ¹⁸ Wo kɔ, a filana nara ka a fɔ mansa yε ko: «Mansa, n da baara ke i la wodi rɔ ka a jənən loolu sɔrən ka la a kan.» ¹⁹ Mansa ka a jabi: «I fanan di sii so loolu kun na.» ²⁰ Jən dəgbəre nara. Wo ka a fɔ mansa yε ko: «Mansa, n da na i la wodi ri. N ka a bila faanin dɔ ka a dokon ka a mara. ²¹ N silanda i yε, ka a masɔrən ile ye mօo kadagbelən de ri. I ma men bila, i ri wo ta. I ma men foyi, i ri wo ka.» ²² Mansa ka a jabi: «Jən juu le ile ri! N di i la kitit ee ka ben i da rɔ kuma ma, men bɔ sa i da rɔ jin. I ka a lən ko n ye mօo kadagbelən di. I jere ka a fɔ ko n ma men bila, n ye wo tala. Ko n ma men foyi, n ye wo kala. ²³ A ye di wo rɔ? Nfenna i ma n na wodi don tənə jininna bolo? Kosa n wa na, n di tənə sɔrən n na wodi la.»

²⁴ «Nba mansa ka jamarili di a la mօɔilu ma men tere ye yε ko: «Ai ye a la wodi mira a la ka wo di jən fələman ma, men ka a la wodi jənən tan sɔrən.» ²⁵ Alu ka mansa

jabi: «Mansa, wodigbe tan ye jən fələman wo bolo!» ²⁶ Kəni mansa ka a fɔ ie yε ko: «N ka wo lən. N di a fɔ ai yε ko fen ye men bolo, do fanan di la wo ta kan. Kəni foyi te men bolo, hali fitini men ye wo bolo, wo ri ta a bolo. ²⁷ Nba, n juu menilu tun te a fe n ye sii ie kun na, wa woilu mira ka na ie bεε faa n nakərə yan.»»

Isa ka karanden fila lə fali den ta la

²⁸ Isa banni sanda wo lala, a bilara jama jən ka wa Jerusalemu. ²⁹ A sudunyani so doilu la, Betifase ni Betani kənin, a sera koyinke yɔrɔ do ma, mօɔilu ye a fəla men ma ko Olibiye koyinke. A se men kəni ye, a ka karanden fila lə kela diya. ³⁰ A ka a fɔ ie yε ko: «So men ye an jənε, ai ye wa se ye. Ai wa don so kəndə, ai ri faliden bulan sidini təren ye, mօo si ma isii men kan butun. Ai ye a fulen ka na a ri. ³¹ Ni mօo ka ai majininka ko: «Ai ye fali den fulenna nfenna?», ai ye wo jabi: «An Maari mako ye a la.»» ³² Isa ka men lawa ie ka a təren ikomin a ka a fɔ ja men ma. ³³ Alu tere ye fali den fulenna tuma men, a tiilu nara ka a fɔ ko: «Hən! Ai ye fali den fulenna nfenna?» ³⁴ Alu ka jabilikə ko: «An Maari mako ye a la.» ³⁵ Alu ka fali den ta, wo rɔ, ka wa a ri Isa ma. Alu se men kəni Isa tərəfe ye, alu ka ie la durukilu la fali den kan. Alu ka Isa ta ka a layele fali kan. ³⁶ Isa watəla, mօɔilu ka ie la durukilu jənən sila kan a jənε. ³⁷ Wo na ma, a sudunyara Jerusalemu la, ka na se Olibiye koyinke ma. A seni koyinke lajii diya, Isa la karandenilu jama ba sewara ka ie kan nabə ka Alla tando Isa la kabannakoilu ko kosən.

³⁸ Alu tora a fəla ko:
«Duwawu ye mansa yε,
men nani Maari Alla təo rɔ.
Hera ye ke sankolo rɔ.
Tandoli ba ye ke Alla yε.»

³⁹ Farisi doilu tora jama temə ka a fɔ Isa yε ko: «Karanmօo, a fɔ i la karandenilu yε ko alu ye makun.» ⁴⁰ Isa ka woilu jabi: «Ni alu bεε ka imakun, hali kabakurun jinilu ri ie kan nabə ka Alla tando karandenilu nə rɔ. A ye ten de!»

⁴¹ Isa nara ka a ja la Jerusalemu kan tuma men, a kasira a la ko la. ⁴² A ka a fɔ ko: «Ko men tun di jusu suma di ai yε, ni ai tun ka wo nayen, sa ai ra jusu suma

sɔrɔn. Kɔni ai filira wo ma. Wo ra dokon ai ma sisen. ⁴³ Lon do natɔ, ai juuili ri na ai kanma. Woili ri so bɛe sansan kojuuya, ka sila bɛe tɛe, ka so laminin fan bɛe rɔ, fo ka ai ragbelɛn. ⁴⁴ Ai juuili ri so kɔndɔ mɔɔilu bɛe ratijan. Alu ri so bɛe te fo ka a kabakurunilu bɛe jenseñ. Ka a masɔrɔn, Alla tun ye ai fɛ waati mɛn na, ai ma wo jate fewu!»

Isa ka julailu gbɛn

⁴⁵ Nba, Isa wara Allabatobonba kɔndɔ, ka a tɛren julailu warani ye. A ka ie gbɛn ie labɔ, ⁴⁶ ka a fɔ ie yɛ ko: «A sɛbeni Alla la kuma rɔ ko: «N na bon di kɛ Alla bato diya ri, kɔni ai ra a ta ka kɛ sonilu wara ri.»

⁴⁷ Wo kɔ, Isa tɛrɛ ye mɔɔilu karanna lon lon Allabatobonba la. Sarakalasela kuntiilu ni sariya karanmɔɔilu ni jamana nɛmɔɔilu tɛrɛ ye a faa ja jininna, ⁴⁸ kɔni, alu ti se wo kɛla, ka a masɔrɔn mɔɔ bɛe tɛrɛ ye a la kuma mirala fewu.

20

Isa ye yon na fanka kɔrɔ

¹ Lon do rɔ, Isa tɛrɛ ye mɔɔilu karanna ka kibaro numa lase ie ma Allabatobonba kɔndɔ. Sarakalasela kuntiilu, ni sariya karanmɔɔilu, ni mɔɔbailu wara a tɛren ye.

² Alu ka Isa majininka ko: «I ye baara mɛn kela jin, yon ka i lɔ wola? I ye yon na fanka kɔrɔ?» ³ Isa ka ie jabi: «N di ai majininka fɔlɔ: ⁴ Yon ka Yaya lɔ sun na ji rɔ? Alla le ka a lɔ a la, wa mɔɔilu?» ⁵ Alu wara ijɔɔn ye ka wo jabilijinin. Alu kan ko: «Ni an ka a jabi:

«Alla ka Yaya lɔ wo la», a ri a fɔ ko: «nfenna ai ma la Yaya la wo rɔ?» ⁶ Ni an ka jibili kɛ ko: «Mɔɔ ka Yaya lɔ,» mɔɔ bɛe ri wuli ka an bon kaba la, baa alu bɛe kan ko nabijuma do le tɛrɛ Yaya ri.» ⁷ Wo rɔ, alu nara Isa jabi: «An ma Yaya kelayaba lɔn.» ⁸ Isa ka jibili kɛ ko: «Nba, n fanan ti sɔn ka n kelayaba tɔɔ fɔ ai yɛ, n ye mɛn fanka kɔrɔ kɔnin.»

Baarala juuili ka mɛn kɛ

⁹ Ka Isa to ye, a ka sanda do la jama yɛ. A kan ko: «Cɛ do ka jirife labɔ a la sɛnɛ rɔ, ka ban ka a karifa baarala doilu la. A banni a karifala, a bɔra ye ka wa taama rɔ. Amenda ye, a ma ikɔseyi. ¹⁰ Jiri den kadi waati sera tuma mɛn, jirife tii ka jɔn do lawa jirife rɔ, ka a fɔ baaralailu yɛ ko alu ye a sɔ jiri den

dɔ. Keladen se mɛn kɛni ye, baaralailu ma sɔn ka a sɔ. Alu ka keladen mira ka a gbasi ka a gbɛn. ¹¹ Jirife tii ka jɔn gbere lawa. A fanan seni ye, baaralailu ma sɔn ka wo fanan sɔ, fo ka a gbasi ka a nani ka a gbɛn. ¹² Jirife tii ka jɔn sawana lawa ie ma. A se mɛn kɛra ie ma, alu ka a mira ka a gbasi fo ka a madimin ka wa a lafili kɔkan.

¹³ «Wo rɔ, jirife tii ka a fɔ ko: «N ye nfen kɛla? Nba, n di n diyanan dencɛ lawa ie ma. Alu ka kan ka ale bonya.» ¹⁴ Baaralailu ka den wo natɔla yen, ka a fɔ ijɔɔn yɛ ko: «Den wo ri kɛ jirife tii ri a fa kɔ. An ye a mira ka a faa. Sa jirife ri kɛ an ta ri.» ¹⁵ Wo bolo ma, alu ka a mira ka a lafili kɔkan ka a faa.»

«A ye di? Jirife tii ri nfen kɛ baarala woilu la? ¹⁶ A ri na ka ie faa, ka ban ka jirife karifa dɔgbereilu la.» Jama ka sanda wo mɛn ka a fɔ ko: «ɛɛ! Alla ma an kisira ko su wo ma!» ¹⁷ Isa ka a ja lɔ jama rɔ ka ie majininka ko: «Nba, mɛn sɛbeni Alla la kuma rɔ, wo kɔrɔ ye nfen di? A sɛbeli ko:

«Bon lɔlailu ka iban kabakurun mɛn dɔ, wo le kɛra bon ju sii kaba ri.»

¹⁸ «Mɔɔ mɛn wa be kaba wo kan, wo ri madimin kosebe, kɔni kaba wo wa be mɔɔ mɛn kan, wo ri mɔŋnɔnko.»

¹⁹ Sariya karanmɔɔilu ni sarakalasela kuntiilu ka a yen ko Isa ka sanda wo la ie ma. Wo rɔ, alu wulira ka Isa mira ja jinin damira. Kɔni alu silanda jama yɛ, ka a masɔrɔn Isa duman tɛrɛ ye jama yɛ kosebe.

Nisɔnko bɔ ko

²⁰ Wo bolo ma, alu tɛrɛ ye Isa lakɔrɔsila tuma bɛe. Alu ka janfateilu lawa a ma, mɛnilu ka ie jɛrɛ kɛ iko telenbailu Isa lajinin kanma. Woili tɛrɛ ye a fɛ kuma bɛnbali do ye bɔ Isa da rɔ, mɛn di se kɛla a mira sababu ri. Kosa alu ri wa a ri kiti diya fanma wara. ²¹ Wo bolo ma, janfateilu nara ka jininkali kɛ a kun ko: «Karanmɔɔ, an ka a lɔn ko i la kuma telenni le, a ni i la karan. I te mɔɔ dooyala mɔɔ do yɛ. Alla la sila ka kan ka taama ja mɛn, i ye mɔɔilu karanna wo la tuja jɛrɛ jɛrɛ rɔ. ²² Wo rɔ, an ye a fɛ ka i majininka ko do la. A ye di? Ka nisɔnko bɔ ka a di Rɔmu mansaba ma, wo dani an ma, wa wo dani tɛ?» ²³ Isa ka a lɔn ko a lajinin kuma le jin. Wo rɔ, a ka a fɔ ie yɛ ko: ²⁴ «Ai ye wodi banan kelen yiraka n na. Yon sawura ni yon tɔɔ ye wodi banan

nin kan?» Alu ka a jabi: «Rømu mansaba.» ²⁵ Isa kan ko: «Nba, ai ye Rømu mansaba ta di Rømu mansaba ma. Ai ye Alla ta di Alla ma fanan.» ²⁶ Isa ka jabili ke kojuma jama bøe jana ka janfateilu mabali. A la jabili ka ie kabannakoya fo ka ie makun.

Sadusilu ka nininkali ke Isa kun

²⁷ Dina møø doilu tøre ye, menilu tøø ko Sadusilu. Woilu ye a føla ko møø si te wulila saya kø. Wo doilu nara imadon Isa la ka a majininka ko: ²⁸ «Karanmøø, Nabi Musa ka a sebe a la sariya rø ko ni i kørøce sara ka a muso densørønbali to ye, i ye a muso ta, kosa muso ri den sørøn i kørøce ye. ²⁹ Awa, dence wørønwula tøre ye ce do bolo. Dence føø ka muso do furu. A sara ka a muso densørønbali to ye. ³⁰ Ka bøn sariya ma, dence filana ka muso wo ta. Ale fanan sara ka muso densørønbali to ye. ³¹ Wo rø, dence sawana ka muso ta. Dence wo fanan sara. A kera ten haan muso wo siira kanberen wørønwula kelen kelenna bøe kun. Alu bøe sara ka muso densørønbali to ye. ³² A laban, muso fanan sara. ³³ A ye di? Suu lawuli lon, muso ri ce yon ta ri sa? A siira a kelen kelenna bøe kun.»

³⁴ Isa ka ie jabi: «Bi møøilu ye furu køla. Ce ni muso ri furu ie jøøn ma. ³⁵ Køni sini, a te ke wo ja. Alla wa møø menilu jate, woilu ri wuli ka don harijeene. Køni furu ko te ye. Ce te muso furu. Muso te sii ce kun ma. ³⁶ Alu te sa butun, fo ka ke iko melekailu. Alu ye Alla la denilu ri, ka a masørøn alu ra bø saya rø ka don Alla la jenemaya banbali rø. ³⁷ Møø ri wuli saya kø, sika te wo rø. Nabi Musa jøø ka wo le yiraka an na. Abenda Alla ri jiri tuni taman dafø waati men na, a ka a fø Maari Alla ma ko: «Iburahima la Alla, Isiyaka la Alla, a ni Yakuba la Alla.» ³⁸ Awa Alla te suuilu la Alla ri, fo jenemailu. Møø bøe jenema le Alla jana.»

³⁹ Sariya karanmøø doilu ka a fø Isa ye ko: «Eε, karanmøø! I ra jabili ke kojuma!» ⁴⁰ Møø si ma susu ka a jininka foyi la wo kø.

Mansa Dawuda dence ye Alla la Møø Nenematøønin di wa?

⁴¹ Isa ka ie jininka ko: «Nfenna møøilu ye a føla ko Alla la Møø Nenematøønin di ke Mansa Dawuda dence do ri wa? ⁴² Mansa Dawuda jøø ka a sebe Jaburi kitabu rø ko:

«Maari Alla ka a fø n Maari ye ko:
Na isii n bolokinin ma,
⁴³ haan n ye i juuiliu bøe mira ka woilu lala
i sen kørø.»
⁴⁴ Mansa Dawuda jøø ka a fø a ma ko *n* Maari. A ye di? Ari se køla Mansa Dawuda dence gbansan di wo rø wa?»

Isa ka sariya karanmøøilu dooya

⁴⁵ Isa ka kuma do fø a la karandenilu ye jama jana. A kan ko: ⁴⁶ «Ai ye ai jøø lakørøsi sariya karanmøøilu la ko rø. A duman ie ye ka duruki jumailu don ka imataama. Alu ye a fø møøilu ye ie tuwa ka ie bonya jama ladendiya rø, a ni ka jøømøø siidiya sørøn Allabato diya, a ni sali kinin damun diya. Wo bøe duman ie le. ⁴⁷ Alu ri cesamusoilu bolofenilu bøe damun, ka ban ka waati jan ke Alla matarala ka ie jøø ke ikomin Alla kaninbailu. Jahadi juu ba ye woilu makøøla.»

21

Muso fantan ka wodi men bo

¹ Ka Isa to Allabatobonba køndø, a ka a na lø wodi bila diya rø. A ka nanfulutii doilu yen, menilu tøre ye wodi ba bilala ye. ² A ka cesamuso fantan do fanan yen, men ka wodi misen fila ke wodi bila diya rø.

³ Isa ka wo bøe lakørøsi ka a fø ko: «Tuja le! Cesamuso fantan wo ra wodi men bo, wo ka bon møø tøilu bøe ta ri. ⁴ Alu kelen kelenna bøe ka dooni bo ie la nanfulu ba rø ka a di Alla ma, køni ale, a la balo wodi men bøe tøre ye a bolo, a ka a bøe di.»

Jerusalem ri tijan Møø Dence ja rø

⁵ Wo køfe, karanden doilu tøre ye barola Allabatobonba la ko kan. Alu ko, ko a løra kabakurun jumailu la. Ko a masidi fenilu, menilu dini Alla bonya kanma, ko woilu keji kosebe. ⁶ Isa ka ie jabi: «Bi, ai ja ye bon jøøna, køni sini men natø, a bøe ri te. A kabakurunilu bøe ri jensem ka bø ye. A kabakurun si te to jøøn kan.» ⁷ Karandenilu ka Isa majininka ko: «Karanmøø, wo ri ke waati juman na? A waati wa sudunya, an di a løn tøømasere juman de ma?» ⁸ A ka jabili ke ko: «Ai ye a ke kojuma. Ai kana søøn møø si ye ai lafili, ka a masørøn møø siyaman di na ai ma n tøø rø, ka a fø ko Alla la Møø Nenematøønin le a ri, ko Alla la

waati ra se. Ai kana bila woilu si kɔ. ⁹ Ai wa kɛleilu kibaro mɛn, a ni murunti kibaro, ai kana silan. A fere tɛ fo wo koilu ye kɛ fɔlɔ, kɔni dunuja laban tɛ wo si ri fɔlɔ.»

¹⁰ A kan ko: «Siyɑ ri wuli siya kanma. Jamana ri wuli jamana kanma. ¹¹ Duukolo yereyere ba ri ke yɔrɔ doilu rɔ, a ni jankarɔ juu, a ni kɔnkɔ fitina ba. Masilan fenilu ri ke san dɔ, a ni tɔɔmasere bailu.

¹² «Kɔni, yani wo koilu ye kɛ, mɔɔilu ri ai mira ka ai bensenkɔninteya. Alu ri ai don salibon jɛmɔɔilu bolo, ka ai bila kasola. Mɔɔilu ri wa ai ri kitit diya mansailu ni jamana jɛmɔɔilu wara. Tɔrɔya wo bɛɛ ri ke ai la nde la ko rɔ. ¹³ Kɔni wo bɛɛ kɛtɔ fere dila ai ma ka n na sereya bɔ ai mirabailu jana. ¹⁴ Yani wo waati ye se, ai ye ai jusu lateɛ, sa ai kana hamin ai lafasali ko rɔ. ¹⁵ A waati wa se, nde jere ri lafasali kuma hankili di ai ma, ai ri mɛn fɔ. Ai juu si ti se kuma wo sɔɔla. ¹⁶ Ai sɔɔnbailu ni ai kɔrɔilu ni ai dooninilu ni ai badenmailu ni ai terilu, woilu jere ri ai janfa ka ai doilu faa. ¹⁷ Mɔɔ bɛɛ ri ai magboya nde la ko rɔ. ¹⁸ Hali wo, ai te halaki, hali ai kundi den kelen pe te tunun. ¹⁹ Wo rɔ, ai ye iraja tuma bɛɛ ka ilɔ, sa ai ri ai jere kisi.

Jerusalemu tjan tuma

²⁰ «Sorodasilu wa na Jerusalemu so laminin lon mɛn, ai ye a lɔn ko so te tuma a ra se. ²¹ Wo lon, mɔɔ menilu ye Jude mara rɔ, woilu ye ibori ka wa koyinkɔilu kan. Wo wa menilu tereñ Jerusalemu so kɔndɔ, woilu ye bɔ ka wa idoon. Mɔɔ menilu kera sene rɔ, woilu kana don so kɔndɔ butun, ²² ka a masɔrɔn, wo lon di ke Alla la jahadi lon di, sa fen fen sɛbeni Alla la kitabu rɔ, wo bɛɛ ri dafa. ²³ Wo lon, gbalɔ ri la muso kɔnɔmailu a ni denbatilu ka a dan natamin, baa jamana bɛɛ ri jakankata. Jahadi ri la mɔɔ bɛɛ kan. ²⁴ Doilu ri sɔɔ fan na ka faa. Doilu ri mira ka bila jɔnya rɔ dunuja fan bɛɛ rɔ. Wo tuma, siya gberɛ mɔɔilu ri don Jerusalemu. Alu ri don fanka jere jere la, ka to ye haan ka jahadi waati wo dafa.

Isa ri na ka bɔ sankolo rɔ

²⁵ «Tɔɔmasere ri ke tele ni karo ni loloiulu la san dɔ. Dunuja kɔndɔ, ji kuru bailu ri wuli kɔɔji kan, ka ke mankan ba ri. Wo ri mɔɔilu tɔrɔ ka ie kɔndafili. ²⁶ Ko menilu

kɛtɔ dunuja rɔ, wo ri mɔɔilu masilan fo ka ie kidon a la, ka a masɔrɔn hali san kɔndɔ fenilu ri lamaa ka bɔ ie nɔ rɔ. ²⁷ Wo tuma, alu ri Mɔɔ Dence natɔla yen banda sisi rɔ, sebaaya ba ni nɔɔrɔ ba rɔ. ²⁸ Ni ai ka ko woilu kɛtɔla yen, ai ye ilɔ ka ai ja lɔ san ma, ka a masɔrɔn ai la kanhɔrɔya waati ra sudunya.»

²⁹ Wo kɔ, Isa ka sanda do la ie yɛ ko: «Ai ye toro ju lakɔrɔsi, wala jiri dɔgbere. ³⁰ A wa naron, ai ye a fɔla ko sanma donda ra sudunya. ³¹ Wo ja ma, ko menilu fɔni ai yɛ bi, ai wa woilu kɛtɔ yen, ai ri a lɔn ko Alla la mansaya ra sudunya. ³² N di tuja fɔ ai yɛ. Yani jin ko bɛɛ ye ban kela, bi mɔɔilu te ban sala. ³³ San ni dunuja ri ban ka tunun fewu, kɔni n na kuma te ban habadan!

³⁴ «Ai ye ai jere la ko lakɔrɔsi. Ai kana to ai diyani koilu kela, ka dɔlɔ min ka ai ja laminin, ka hamin dunuja siiŋala. Lon wo kana ai mira a bolo ma ikomin miralifen ye sobo mirala na mɛn ma. ³⁵ N natola ri ke ikomin miralifen, fen fen bɛɛ ye duukolo kan a ri a bɛɛ mira. ³⁶ Wo rɔ, ai ye to iŋɛna, ka Alla matara tuma bɛɛ; sa ai ri fanka sɔɔn kojuu jin kan, mɛn kɛtɔ kɔnin; sa ai ri bɔ wo bolo; sa ai ri se ka ilɔ Mɔɔ Dence jana.»

³⁷ Nba, Isa tere ye mɔɔilu karanna Allabatobonba kɔndɔ lon lon. Ni su kora, a ri wa susi koyinke yɔrɔ rɔ, mɛn tɔɔ ko Olibiye koyinke. ³⁸ Sɔɔma jona, mɔɔilu ri iladen Allabatobonba kɔndɔ ka ie tolo malɔ a la.

22

Janfa donda Isa ma

¹ Nba, Yahudiyailu la Buru Fununbali Sali tun da sudunya, ni doilu ra fɔ a ma ko Taminkunna Sali. ² Wo tuma sarakalaselailu la kundiilu ni sariya karanmɔɔilu tere ye Isa faa ja jininna, ka a masɔrɔn alu silanni tere jama jɛ.

³ Wo rɔ, Setana donda Judasi Sikariyɔti rɔ a tere ye Isa la keladenba tan ni fila rɔ. ⁴ Wo rɔ, a wara se sarakalaselailu la kundiilu ma, a ni Allabatobonba kandalila kundiilu. A ka a fɔ ie yɛ ko a ri Isa mira ja jinin ie yɛ.

⁵ Kuma wo diyara ie yɛ kosebɛ. Alu ka a fɔ Judasi yɛ ko alu ri wodi di a ma. ⁶ Judasi diŋɛra wo ma. A bɔni yɔrɔ wo rɔ, a ka isɛɛbɛ

don Isa mira ja jinin ma, Isa ri se mirala
jama kɔ ma ja men ma kɔnin.

Karandenilu ka Taminkunna Sali rabən

⁷ Nba, Buru Fununbali Sali lon sera. Wo lon Yahudiyailu ka kan ka saa san kelenning bɔ sarakaya la. ⁸ Isa ka Piyeri ni Yuhana kili ka ie lɔ kela la. A kan ko: «Ai ye wa sali damunun dabən an yε.» ⁹ Alu ka Isa majininka ko: «I ye a fε an ye wa a rabən yɔrɔ numan?» ¹⁰ Isa kan ko: «Ni ai donda so kəndo, ai ri bən cε do ri. Ji ye a kun ma. Ai ye bila a kɔ. A wa don lu mɛn ma, ¹¹ ai ye don ye ka a fɔ lutii yε ko: «Karanmɔɔ kan ko a jiya bon ye mi, ale ni a la karandenilu ri Taminkunna Sali damunun ke yɔrɔ mɛn?» ¹² Ce wo ri bon ba do yiraka ai la sankaso sanfε. Bon wo rabənni. Ai ri Taminkunna Sali damunun dabən an ye yɔrɔ wo rɔ.»

13 Piyeri ni Yuhana bora ye ka wa a tərən iko Isa ka a fo ie yə ja men ma. Alu ka Taminkunna Sali damunun dabən ye.

Sali damunun kera

14 Damunun ke waati sera tuma men na,
Isa ni a keladenba bεε ka isii yεrε kelen.

¹⁵ Ka alu to damununna, Isa ka a fɔ ie yε ko:
«Bi a loo ba ye n na ka sali damunun jin kε
ai fε, yani n ye jakankata, ¹⁶ ka a masɔrɔn
n di a fɔ ai yε ko n te a jooɔn damunun
kela butun fewu fo a waati wa se Alla la
mansaya rɔ.»

17 A ka resenji sɔri fen do ta, mɛn fani resenji la. A ka baraka bila Alla yɛ, ka ban ka a fɔ ie yɛ ko: «Ai kelen kelenna bɛɛ ye ata ka do min a rɔ, **18** ka a masɔrɔn n tɛ na resenji min butun fewu fo Alla la mansaya wa na lon mɛn.» **19** Wo kɔ, a ka buru ta. A ka baraka bila Alla yɛ, ka ban ka buru rakadikadi ka a di ie ma. A ka a fɔ ie yɛ wo rɔ ko: «Buru jin ye n fari le ri, mɛn dini ai kosɔn. Ai ye wo kɛ ka hankili bila n na ko rɔ.» **20** Damunun banni tuma mɛn, Isa ka ji sɔri fen ta. Resenji ye a kɔndɔ. A ka wodi ie ma ka a fɔ ie yɛ ko: «Alla kɛtɔ teriya kura sidila mɔɔilu ye n jeli baraka rɔ. Jeli wo munuja le jin di, jeli mɛn di bɔ ai kosɔn.

21 Hali wo, mɛn di janfa don n ma, wo siini n fe damunun diya yan. **22** Mɔɔ Dence ri faa iko a ra lateɛ ja mɛn. Sika tɛ fewu wo rɔ. Kɔni, gbalo ba a rila cɛ wo kan mɛn ka a don mɔɔ juuili bolo.» **23** Alu ka kuma wo mɛn

ka ijəɔn majininka yon ye ie tɛma, mɛn di sən ka ko su wo ke?

Yon ye nemoo ri?

²⁴ Nba, wo tuma, ssɔɔli wulira keladen-bailu tema ko yon ka kan ka jate nɛmɔɔ ri ie la dɛkuru rɔ. ²⁵ Isa ka ie jabi wo rɔ ko: «Jamana mansailu ri ie la jamana denilu mara fanka la. Fanka ye menilu bolo, alu ye a fe mɔɔilu ye ie jate mɔɔ nумailu ri.

²⁶ Ai kana ke ten. Men ye nɛmɔɔ ri ai tema, wo ye a jerɛ ke iko dooman mɔɔ. Men ye kuntiiya la, wo ye ke iko baaraden. ²⁷ A ye di? Baaraden men ye gba don na, a ni a la kuntii men siini ka damunun ke dɔrɔn, yon ka bon wo fila rɔ? Men siini ka damunun ke, wo ka bon a la baaraden di paaɔn, wo te? Kɔni i na lɔ! Nde ye ai tema yan iko baaraden.

28 «Kənî ai ra imujuṇ ka to n kə n na
kərəbəli ko bəε rə. **29** Wo le kosən, n di Alla
la mansaya labila ai yε, iko n Fa ka a labila
n yε ja mən, **30** sa ai ri damunun kε ka imin
n dafə n na mansaya rə. Ai ri isii mansa la
siifenilu rə ka Isirayεlikə tan ni fila la kit
tεε.»

Piyeri ri a fo ko a ma Isa lon

31 Isa ka a fo Simən Piyeri yε ko: «Simən, Simən, i tolo malɔ n na. Setana ra fεrε n nin Alla fε ka ai kɔrɔbɔ. **32** Koni n da Alla matara ile yε, sa i ri iraja ka la nde la. I wa ikɔseyi n ma, i ye i badenmailu sεebε don.» **33** A ka Isa jabi: «N di wa i kɔfε kaso la. N di sa i fε.» **34** Koni Isa kan ko: «Piyeri, i ja lɔ. Yani dondon ye kasi bi, i ri a fo mɔɔilu nana haan siŋa sawa ko i ma n lɔn.»

Keladenbailu ye ie jerε raben

35 Nba, Isa ka a la keladenbailu majininka ko: «A ye di? Ai wa men keni kawandili diya, wo tuma n ma a fo ai ye ko ai kana wodi bila ai kun, ko ai kana borø ta, ko ai kana sanbara ta? Wo tuma fen do desera ai bolo wa?» Alu ka a jabi: «Een de! Foyi si ma dese an bolo.» 36 Isa ko: «Koni sisén, wodi ye men bolo, wo ye a bila a kun. Borø ye men bolo, wo ye a ta. Ni fanmuru ti i bolo, i la faanin do majira ka fanmuru kelen san, 37 ka a masorøn n di a fo ai ye ko, men sebeni n na ko ro, a fere te fo wo bee ye dafa. A sebeni n na ko ro ko: «A jatera kojuukela le ri.» Wo dafa waati ra sudunya

sisen.» ³⁸ Alu ka a fō Isa ye ko: «Maari, a mafənə. Fanmuru fila ye yan.» Isa kan ko: «Wo ri a bō.»

Isa ni karandenilu wara Olibiye koyinke kan

³⁹ Wo rō, Isa bōra ye ka wa Olibiye koyinke la, iko a tere ye a kela ja mēn ma tuma bēe. A la karandenilu fanan bilara a kō. ⁴⁰ Alu se mēn kēni ye, Isa ka a fō ie ye ko: «Ai ye Alla matara, sa ai kana manēen ka bila kojuu rō.» ⁴¹ Wo fōni kō, a ka a mabō ie la ka ijōənkin ka Alla matara kē. ⁴² A kan ko: «N Fa, ni i sōnda, i ye jakankataya jin mabō n na. Kōni n jēre sawo kana kē, fo i sawo.» ⁴³ Wo tuma, mēleka do bōra sanfē ka na Isa sēebē don, ⁴⁴ ka a masōrōn wo ko tun da gbeleya a ma kojuuya. A jusu makasini fo ka a dan natamin. Wo le ka a kē, a ka iraja Alla matarala a ni a la tara ji kēni iko jeli, ka buruburun duu ma. ⁴⁵ A banni Alla matarala, a wulira ka wa se a la karandenilu ma. A nara ka ie tēren sunōrō. Jusu kasi tun da ie bō. ⁴⁶ A ka a fō ie ye ko: «Nfenna ai ye sunōjō? Ai ye wuli ka Alla matara, sa ai kana manēen ka bila kojuu rō.»

Yahudiyailu nara Isa mira diya

⁴⁷ Ka Isa to kuma wo la, alu ka jama ba natōla yen. Jama wo bilani tēre Judasi kōfē, mēn ye Isa la keladenba tan ni fila do ri. Jama se mēn kēni Isa ma, Judasi ka imadon Isa la ka a sunbu. ⁴⁸ Yōrō wo rō, Isa ka Judasi majininka ko: «Judasi, i ri janfadon Mōo Dence ma masunbuli rō wa?» ⁴⁹ Karandenilu ka wo bēe lakōrōsi ka a yen ko jama nani Isa kanma, ka Isa majininka ko: «Maari, an tē fan ta wa?» ⁵⁰ Karanden do ka fan ta kelendi, ka sarakalasela kuntii ba la jōncē bolokininma tolo tēe a la. ⁵¹ Isa ka a fō ko: «Ai ye a to ten!» A ka a bolo maa jōncē tolo la ka a lakendēya.

⁵² Isa ka a fō sarakalasela kuntii a ni Allabatobonba kandalila kuntii a ni mōjbailu ye ko: «Nfenna ai ra bō n kanma fanilu ni gbelekeilu ri, iko mōo ye bōla benkaninna kanma ja mēn ma? ⁵³ N tēre ye ai fe lon lon Allabatobonba kōndō, kōni ai ma sōn ka n mira ye. Kōni ai la waati ra se, a ni dibi la fanka waati ra se.»

Piyeri ko a ma Isa lōn

⁵⁴ Nba, alu ka Isa mira, ka wa a ri sarakalasela kuntiiba wara. Piyeri bilara ie kōfē, kōni a ma imadon ie la. ⁵⁵ Mōjilu ka ta ladan lu ba ma ye, ka isii ta da la. Piyeri fanan nara ka isii ie tēma.

⁵⁶ Baaraden muso do nara ka Piyeri siini tēren ta da la. A ka Piyeri lakōrōsi kosebē, ka a fō mōjilu ye ko: «Cē jin fanan tēre ye Isa kōfē jō.» ⁵⁷ Piyeri ma sōn ka ilō wo la. A ka muso jabi: «Muso, n ma a lōn.» ⁵⁸ Wo kōfē dooni, mōo gbērē nara Piyeri sōrōn ye. Wo ka a fō a ye ko: «I fanan ye Isa la dēkuru rō jō.» Piyeri ka wo jabi: «Eēn de! Nde sa a rō!» ⁵⁹ A ma mēn bake, dōgbērē nara Piyeri ye. Wo ka a fō fanka la ko: «Sika tē a rō fewu, cē jin tēre ye Isa kōfē. I ma a yen, Kalileka le.» ⁶⁰ Kōni Piyeri kan ko: «Cē, n ma i la kuma ja yen.» Piyeri banni wo fōla, dondon kasira ikōrō ye. ⁶¹ Wo waati kelen na, Maari Isa ka iyeleman ka a ja lō Piyeri rō. Piyeri hankili bilara Maari la kuma rō kelendi, ka a masōrōn Maari tun da a fō a ye ko: «Yani dondon ye kasi bi, i ri a fō mōjilu ye haan sija sawa ko i ma n lōn.» ⁶² Piyeri bōra lu ma ka wa kasi kojuuya.

Isa mirani Yahudiyailu bolo

⁶³ Nba, wo tuma Isa marabailu ka a lafēya, ka a gbasi damira. ⁶⁴ Alu ka a ja lasidi ka a majininka ko: «Yon ka i gbasi? A tii tōo fō an ye.» ⁶⁵ Alu ka a nani ka kuma juu siyaman fō a ma.

⁶⁶ Banda ka nin, sōoma da la, Yahudiyailu la mōjbailu ka ladēn kē, sarakalasela kuntiilu ni sariya karanmōjilu kōnin. Isa marabailu nara a ri kitī diya. ⁶⁷ A se mēn kēni ye, alu ka a fō a ye ko: «Ni Alla la Mōo Nenemātōmēn le ile ri, i ye i lō a la.» Isa ka ie jabi: «Ni n ka n lō a la, ai tē la a la. ⁶⁸ Ni n fanan ka ai jininkia, ai ri iban n jabila. ⁶⁹ Kōni ka bō bi ma, Mōo Dence ri lasii Alla Sebēetii bolokinin ma.» ⁷⁰ Alu bēe ladēnni ka a majininka ko: «Alla Dence le ile ri wo rō wa?» Isa ka ie jabi: «Alu ye a fōla ko n ye wo ri.» ⁷¹ Alu ka a fō wo rō ko: «An mako ti sereya si la butun. An da ban a kumakan mēnna, mēn bōni a jēre da rō.»

¹ Nba, jeməɔilu bεe ladenni wulira wo rɔ ka wa Isa malɔ Pilate wara. ² Alu se mɛn keni Pilate ma, alu ka imakasi Isa kan. Alu kan ko: «An da a lakɔrɔsi ka a yen ko cε jin ye an na jamana mɔɔilu lafilila ka ie lamurunti. A ye a fɔla ie ye ko alu kana nisɔnko bɔ ka a di Rɔmu mansa ba ma. A jere ko, ko ale le ye Alla la Mɔɔ Nenematɔmɔnin di, mɛn kɔrɔ ye ko mansa.» ³ Pilate ka Isa majininka ko: «Ile ye Yahudiyailu la mansa ri wa?» Isa ka a jabi: «I ra wo fɔ.» ⁴ Wo rɔ, Pilate ka a fɔ sarakalasela kuntiilu ni jama bεe ye ko: «N ma kojuu si sɔrɔn cε jin na ko rɔ, mɛn di ke a jalaki sababu ri.» ⁵ Kɔni alu ka ie sεebε don a fɔ a ma ko: «Ale le jama lawuli la ka ie karan ka ie lamurunti Jude mara fan bεe rɔ, a ka a damira Kalile ka na haan yan.»

Alu wara Isa ri Herodi wara

⁶ Pilate ka kuma wo mɛn ka ie jininkika ko: «Isa ye Kalileka le ri wa?» ⁷ Pilate ka a yen tuma mɛn ko Isa bɔni Kalile mara rɔ, a ka a lawa Herodi ma, mɛn siini Kalile mara kun na. Wo tun da na bɔ diya Jerusalɛmu. ⁸ Isa se mɛn keni ye, Herodi sewara kosebε. A tere ye Isa la ko siyaman kalama. Kεbi waati jan, a loo tere ye a la ka Isa yen, ka a masɔrɔn a ye a fe Isa ye kabannako do ke a jana. ⁹ Wo rɔ, Herodi ka jininkali siyaman ke Isa kun, kɔni Isa ma jabili si di a ma. ¹⁰ Sarakalasela kuntiilu ni sariya karanmɔɔilu bεe lɔni tere ye. Alu jamanda ka Isa jalaki kɔsεbε. ¹¹ Mansa Herodi ni a la sorodasilu ka Isa dooya ka a lafεya ja bεe ma, ka ban ka mansa duruki bila a kan na. Wo kɔrɔ alu ka a laseyi Pilate ma. ¹² Pilate ni Herodi tun ma di kɔrɔman. Kɔni wo lon kelen, alu diyara iŋɔɔn ye kosebε ka ke terilu ri.

Barabasi ye bila, ka Isa faa

¹³ Pilate ka sarakalasela kuntiilu ni ja-mana jeməɔilu ni Yahudiyailu tɔilu laden. ¹⁴ A ka a fɔ ie ye ko: «Ai nara cε jin di ka a fɔ ko a ye jamana mɔɔilu lamurunti. N ka a majininka, ka a fεsεfεsε ai bεe jana. Kɔni n ka a yen ko ai ka fen fen fɔ a ma, ai jɔ te wo si rɔ. ¹⁵ Ai ma a yen? Herodi ra a laseyi n ma yan, ka a masɔrɔn a fanan ma kojuu

si tereñ a la ko rɔ. Cε jin ma foyi ke, mɛn ka kan ka ke a faa sababu ri. ¹⁶ Wo le kosɔn, n di a gbasi bije la ka a bila.»

¹⁷⁻¹⁸ * Alu bεe ladenni ka ie kan nabɔ ko: «I ye cε jin faa ka Barabasi bila!» ¹⁹ Barabasi wo ye mɔɔ muruntini ri. Waati taminni, a tun ka kεle ba lawuli jama temma so kɔndo, ka mɔɔ do faa fanan. Wo le kosɔn, a mirara ka bila kaso la.

²⁰ Pilate tere ye Isa bila ko rɔ. Wo rɔ, a ka jama madiya ikɔ tuun. ²¹ Kɔni alu jamanda ka ie kan nabɔ ko: «A ye gbɔngbɔn jiri kan, ka a faa. A ye gbɔngbɔn jiri kan, ka a faa!» ²² Pilate ka ie majininka a sijna sawana la ko: «N ye a gbɔngbɔn nfenna? A ka kojuu su juman ke? N ma foyi sɔrɔn a la, mɛn di ke a faa kun di. N di a gbasi bije la ka a bila.» ²³ Kɔni ie ma dijε fewu, fo ka to ie kan nabɔla kojuuya ko Isa ye gbɔngbɔn jiri kan. Ie jama kan ka Pilate hankili yεleman. ²⁴ Alu tere ye mɛn jininha, a dijεra wo ma. ²⁵ Alu tun da kasoden mɛn na ko fɔ, mɛn tun ka mɔɔilu lamurunti ka mɔɔ faa, Pilate ka wo bila, kɔni a ka Isa to ie sawo rɔ.

Isa gbɔngbɔnda jiri kan

²⁶ Nba, ka alu to wala Isa ri a gbɔngbɔn diya, alu bɛndɛ ce do ri mɛn tɔɔ tere ye ko Simɔn Sirenika. A bɔtɔ waa rɔ. Sorodasilu ka a mira ko a ye Isa gbɔngbɔn jiri ta ka bila a kɔ. ²⁷ Alu watɔla, jama siyaman bilara ie kɔfε. Muso doilu tere ye kasila ka kule jama temma. ²⁸ Isa ka iyεleman ka a fɔ ie ye ko: «Jerusalɛmu musoilu, ai kana kasi nde la ko rɔ. Ai ye kasi ai jere ni ai denilu la ko rɔ, ²⁹ ka a masɔrɔn jakankata waati natɔ Jerusalɛmu kan. Wo lon, ai ri a fɔ ko: «Muso densɔrɔnbali, baraka ri don ie la ko rɔ. Muso men ma den ko lɔn, a ni mɛn ma sin di den si ma, baraka ri don ie la ko rɔ.» ³⁰ Wo tuma, mɔɔilu ri a fɔ koyinkεilu ye ko: «Be an kan.» Alu ri a fɔ tindilu ye ko: «Birin an kan ka an natunun,» ³¹ baa ko mɛn kεtɔ n na, ni mɔɔilu ri wo su ke jiri kεnde la, nfen di ke jiri jarān na wo rɔ?»

³² Alu wara Isa ni kojuukela fila malɔ gbɔngbɔnni diya. ³³ Alu wa se dinkira mɛn tɔɔ ko Kunkolo, alu ka Isa gbɔngbɔn jiri kan, a ni kojuukela fila wo. Kojuukela kelen gbɔngbɔnda jiri do kan Isa bolokinin ma, a

* **23:17-18** Sεbeli do fɔla ko: Nba, Yahudiyailu la Taminkunna Sali waati wa se san san, Pilate ri kasoden kelen bila ka Yahudiyailu ladiya.

to kelen gbøngbønda jiri kan a bolomaran ma. ³⁴ Ka Isa gbøngbønni to jiri kan, a ka a fø ko: «N Fa, i ye ie makoto, ka a masørøn alu ra ko mën ke, alu ma wo løn.» Wo tuma, sorodasilu ka kalaben ke ka a la faanin dafara.

³⁵ Jama ba løni tere ye wo bøe ragbøla. Yahudiya ñemøøilu tere ye Isa dooyala kojuuya. Alu kan ko: «A ka doilu kisi kørøman. Ni Alla la Møø Nenematømønin de a ri, a ye a jerø kisi sisøn.» ³⁶ Sorodasilu fanan ka Isa laføya, ka a sø resenji kumun dø. ³⁷ Alu ka a fø a ye ko: «Ni Yahudiyailu la mansa le i ri, i ye i jerø kisi.» ³⁸ Søbeli do tere ye waløn kan Isa kun dø. A søbeni wo kan ko: «Yahudiyailu la mansa le jøn di.»

³⁹ Kojuukøla menilu gbøngbønni Isa dafø, wo kelen fanan ka Isa laføya. A kan ko: «I te Alla la Møø Nenematømønin di wa? I jerø kisi ka an fanan kisi.» ⁴⁰ Køni a dujøøn ce jamanda a ma ka a jabi: «I te silan Alla yø wa? I ma a løn ko an bøe gbøngbønni. ⁴¹ Andeilu ka kan ka tørøya jøn sørøn, baa an ka kojuu mën ke, wo sara le wo ri. Køni ale ma kojuu si ke.» ⁴² A ka a fø Isa yø ko: «Isa, i wa don i la mansaya la, i ye i hankili to n dø.» ⁴³ Isa ka a jabi: «N di tuøa fø i yø. Bi jerø i ri ke n dafø harijeene.»

⁴⁴ Midi waati seni, dibi donda jamana fan bøe rø. A tora ten haan ka lansara waati magben. ⁴⁵ Baa, tele ma bø fewu! Allabatobonba tøetøe faanin farara a tema. ⁴⁶ Isa ka a kan nabø, wo rø, ko: «N Fa, n da n nin don i bolo.» A banni wo føla, a ka a nin bila.

⁴⁷ Rømu sorodasi kuntii ka ko wo bøe yenni tuma mën na a ka Alla tando ka a fø: «Tuøa ka fisø: ce jøn telenni tere!» ⁴⁸ Menilu løni tere ye ka wo bøe lakørøsi, ka ban ka ie sisi magbasi nimisali ni jusu makasi rø, ka ikøseyi so køndo. ⁴⁹ Køni muso menilu tun da to Isa kø købi a bø waati Kalile, a ni a lønba tøilu bøe, alu bøe tora yørø jan ka wo bøe maføne.

Isa suu don ko

⁵⁰⁻⁵¹ Nba, ce do tere ye mën tøø ko Yusufu. A bøni Arimate, so mën ye Jude mara rø. Møø jøuma le tere a ri, a ni møø te-lenni. A jii lani Alla la mansaya la. A tere ye Yahudiyailu la ñemøø døkuru rø, køni døkuru wo tun ka mën natøø ka mën ke

Isa la, wo ma diya a yø. ⁵² A wara Pilate majininka Isa suu la ko rø. ⁵³ Yusufu wara Isa suu lajii ka bø gbøngbønjiri kan a ka a kansanke ka wa a don kaburu rø. Kaburu wo le senni farakolo rø iko falan. Suu si tun ma la wo køndo følo. ⁵⁴ Nøøn lon narasii lon de tere. Ni tele bera Nøøn lon di bø.

⁵⁵ Muso menilu tere ye Isa kø købi a bø tuma Kalile mara rø, woilu bilara Yusufu kø ka wa suu don diya. Wo bolo ma, alu ka kaburu yen, ka Isa suu don ja fanan yen. ⁵⁶ Alu ka ikøseyi so køndo. Alu ka tulu suman duman ni latikolon dabøn Isa suu yø, ka ban ka jøønøn. Ka bøn sariya ma, alu ma baara si ke Nøøn lon.

24

Isa wulira saya rø

¹ Nøøn lon taminni, Lahadi søøma dala jona, muso woilu ka tulu suman duman ni latikolon ta ka wa kaburu da la. ² Alu seni kaburu da la, kabakurun ba mën lani tere kaburu da la ka da tuun, wo ra makrukuru ka bø ye. ³ Wo rø, alu donda kaburu køndo, køni alu ma Maari Isa suu terøn ye. ⁴ Ka alu to wo køndafili rø, alu ka ce fila yen, faanin gbe melømelønna tere ye menilu kan na. ⁵ Musoilu silanda kojuuya, ka ie nakørø bøn duu ma. Ce fila wo ka a fø ie yø ko: «Nfenna ai ye møø jønema jøninna suuilu tema? ⁶ A te yan. A ra wuli ka bø saya rø. A ka mën fø ai ye Kalile mara rø, ai kana jøina wo la. ⁷ Wo tuma a ka a fø ai yø ko: «A fere te fo Møø Dence ye don kojuukølailu bolo. Alu ri a ta ka a gbøngbøn jiri kan ka a faa. Tele fila a sawana, a ri lawuli ikø tuun.» ⁸ Wo ka musoilu hankili lajii Isa la kuma rø.

Musoilu wara danteeli ke

⁹ Alu ka ibori ka wa wo na bøe fø ke-ladenba tan ni kelen yø, a ni ie døkuru tøilu bøe. ¹⁰ Mariyamu Makidalaka, ni Yahani, ni Yakuba na Mariyamu, a ni ie daføøønilu le tere, menilu børa kaburu da la ka wa danteeli ke keladenbailu yø. ¹¹ Køni ke-ladenbailu ma danteeli wo jate. Alu ma la a la fewu. ¹² Hali wo, Piyøri wulira ka ibori ka wa kaburu da la. A se mën keni ye, a ka imajii ka kaburu køndo maføne. A ma foyi yen a køndo fo kansanke gbansan. A køndafilini ka ikøseyi so køndo.

Karanden fila ni Isa ka ijooñyen Emayusi sila la

¹³ Nba, wo lon kelen na, karanden fila bora Jerusalemu ka wa so do la, men too ko Emayusi. Wo so ni Jerusalemu te ri kilo tan ni kelen joon bo. ¹⁴ Ko menilu keni, alu tere ye barola woilu kan. ¹⁵ Ka alu to barola, Isa nara ka imadon ie la. A ni ie wara ijooñ fe. ¹⁶ Alu ka Isa yen ie ja la, koni alu filiyara a ma.

¹⁷ Isa ka ie majininka ko: «Ai tere ye barola nfen de kan?» Alu ka ilo, alu fila nin nafinni ie ma. ¹⁸ Men too ko Kilopasi, wo ka Isa jabi: «Ile kelen de londanyala Jerusalemu yan men i ma a lon ko men ye taminna yan tele jin do?» ¹⁹ Isa ka ie majininka ko: «Ko su numan de wo ri?» Alu ka a jabi: «Ko men kera Isa Nasareтика la. A la kuma ni a la kewalilu yirakara an na ko Alla la nabijuma barakan le ale ri, Alla jana a ni moø beejana. ²⁰ Sarakalasela kuntiilu ni an na jamana jemooilu ka a mira. Alu wara a ri Romu faama ce ma ko a ye a faa. Wo ro, alu ka a gbongbøn jiri kan ka a faa. ²¹ An jii tere ye a kan ko ale ri Isirayeli moøilu hørøya, koni alu ra a faa. A faa tele sawanan de bi ri. ²² An na dëkuru muso doilu nara kuma do fo an ye. Wo ka an kondafili kosebe. Alu ka a fo an jana ko alu wara kaburu da la bi sœma jona, ²³ koni alu ma a suu teren kaburu kondø. Alu ka ikoseyi ka a fo an ye ko alu ka meléka doilu yen, menilu ka a fo ie jana ko Isa jenema le. ²⁴ Wo le ka a ke, an dafjooñ doilu bora ye ka wa wo lakørøsi. Alu wara kaburu da la ka a bee teren iko musoilu ka a fo ja men. Koni alu ma Isa jere yen.»

²⁵ Isa ka ie jabi: «Ai hankilitanilu! Nabijumailu ka menilu fo, ai te lala woilu la jona de! ²⁶ Ni wo te, nabijumailu ka a fo ko Alla la Mœ Nenematœmœnin di tørøya sørøn ten, ka ban ka don a la gbiliya jere jere ro. Kuma wo ma kan ka kanbali wa?» ²⁷ Wo ro, fen fen sebeni a jere la ko ro Alla la kuma ro, ka damira Nabi Musa la sariya ro haan ka na se nabijuma tœilu bee la sebelilu ma, a ka wo bee kørø fo ie ye.

²⁸ Alu ka so magben tuma men, Isa ka a jere ke taminbatø ri. ²⁹ Koni alu ka a madiya kosebe, ka a fo a ye ko: «I jaandi, i ye to an fe yan. Su koto le, dibi ri don sisen.» Wo ro, a

ni alu donda so kondø ijooñ fe. ³⁰ Damunun waati seni, alu bee ka isii damunun kanma. Isa ka buru ta ka baraka bila Alla ye, ka a rakadikadi ie bee tema. ³¹ Waati kelen wo la, karanden fila bee ja lakara ka a lon ko londan ce wo ye Isa le ri. Koni Isa tununda ie ma kelen di. ³² Alu fila ka ijooñ majininka ko: «A ka Alla la kuma fo an ye sila kan tuma men, an jusu ma bo wa?»

³³ Alu fila wulira kelendi ka ikoseyi Jerusalemu. Alu se men keni ye, alu ka keladenba tan ni kelen ni karanden tœilu ladenni teren yorø kelen. ³⁴ Alu bee ladenni ka a fo moø fila wo ye ko: «Tuña jere jere le. An Maari ra wuli ka bo saya ro. Simon jere ra a yen.» ³⁵ Wo ro, wo fila ka ie ta fanan fo. Alu benda Isa ri sila la ja men ma, a ni alu ka Isa lon ja men buru rafara waati, alu ka wo bee dantee jama jana.

Isa ka a jere yiraka jama la

³⁶ Ka alu to kuma wo kan, Isa bora gbe ro ie tema. A kan ko: «Alla ye hera ke ai ye.»

³⁷ Alu bee barara ka silan kojuuya, baa alu tere ye a jatela suu jiya kørø le ri. ³⁸ Isa ka a fo ie ye ko: «Ai silanni nfenna? Ai sikani nfenna?»

³⁹ «Ai ye imadon n na ka n boloilu mafene, a ni n senilu. Nde jere le fasayi! Ai ye ai bolo maa n na. Bu ni kolo ye n na jo! Ni suu jiya kørø le, ai ri bu ni kolo yen wo la wa?» ⁴⁰ Wo ro, a ka a boloilu ni a senilu yiraka ie la.

⁴¹ Wo kera sewa ko ba ri, koni alu kabannakoyani tere kojuuya, haan ka ie kondafili. Sika tere ye ie ro butun. Ka alu to miriya wo ro, Isa ka a fo ie ye ko: «Damunun fen te ai bolo yan wa?» ⁴² Alu ka jee janinni do ta ka di a ma. ⁴³ A ka a ta ka a damun ie bee jana.

⁴⁴ Wo kœ, a ka a fo ie ye ko: «Waati taminni, n tere ye a fola ai ye ko fen fen sebeni n na ko ro, wo bee ri dafa. Menilu sebeni Nabi Musa la sariya ro, a ni menilu sebeni nabijuma tœilu la kuma ro, a ni menilu sebeni Jaburi kitabu ro, woilu bee ri dafa fewu.» ⁴⁵ Wo ro, a ka hankili di ie ma, sa alu ri se ka Alla la kuma ja yen. ⁴⁶ A ka a fo ie ye ikœ tuun ko: «A sebeni Alla la kuma ro ko Alla la Mœ Nenematœmœnin di jakankata ka faa. Koni a faa tele sawana, a ri wuli ikœ tuun. ⁴⁷ A ri fo moøilu bee ye Alla la Mœ Nenematœmœnin

tɔ̄ rɔ̄ ko alu ye tubi, kosa Alla ri ie makoto.
 A kibaro ri bɔ̄ Jerusalemu yan ka jenseñ
 jamana bεε rɔ̄. ⁴⁸ Ai ri ko woilu sereilu ri.
⁴⁹ N Fa ka lahidim sidi ai yε, n di wo dafa
 lana ai ma. Wo rɔ̄, ai kana bɔ̄ Jerusalemu so
 kɔndɔ fo sεεbe wo wa bɔ̄ sanfε ka jii ai kan.»

Isa yεlera san ma

⁵⁰ Wo kɔ, a wara ie malɔ Betani so fan fε.
 A ka a bolo fila kɔrɔta ka duwawu kε ie yε.
⁵¹ Ka a to duwawu la, a kɔrɔtara ka bɔ̄ ie
 tεma ka wa sankolo rɔ̄. ⁵² Alu ka a bato, ka
 ban ka ie koseyi Jerusalemu sewa ba rɔ̄.
⁵³ Nba, alu tεrε ye wala Allabatobonba
 kɔndɔ tuma bεε ka to Alla batola.

Poli la bataki lawa Kalatikailu ma Kalatikailu

Kumakan men ye Kitabu seniman nin kondo

Kitabu seniman ye sebeni Poli le bolo ka a lawa lemennya maoilu ma men ye Kalati. Wo bee sebeni kitabu Keladenilu la Kewali kondoo suran 13 a ni suran 14.

Nba, Isa la baara damira waati, lemennya mao siyaman tere ye Yahudiyailu le ri. ("Yahudiyailu" ni "Isirayeli" wo bee ye too kelen de ri). Yahudiyailu men lemenniyara Isa ma ie ka lon ko Maa Suwandini le, nabilu kumara a la kor. Alu ma Isa la karan lon ikomi dina kura le. Alu la miriya ye, Isa la karanya ma, a ye ie la dina le dafa la, ikomi Alla ka fo ja men ma. Ka a ma soren, alu lemenniyara, koni alu ma ie la dina sariya sila si bila, Nabi Musa la Tawurta a ni Nabi Dawuda la Yabuurr. Ie ma si bila. Alu ka lonnii mi soren Isa fe, ie ka fanan la wo kan.

Konorefilo si te wo ro ka a masoren Alla la kumakan tere ye wala Yahidiyailu le ma. Koni Isa la karandenilu ka a la kumakan nase siya gberemaoilu ma waati men na, konorefilo ka siya gberemaoilu mira. Siya gberemao men lemenniyara Isa ma, alu ma son Yahudiyailu la namun tala ka a la ie ka lonin kan, ie ka men soren Isa la, ka a masoren Isa la karan ka woilu wasa.

Ka a masoren wo fe, Yahudiya lemenniyamaoilu ma kuma kujue siya gberemaoilu fe, ka a masoren jinilu ma kójii ke. Yahudiya lemenniyamaoilu ka a fo ko lemenniyamao men ma kójii ke ma kisiba béré soren. Poli ka a men tuma men ai le ye kuma wo fo, a ka ie soso ka a fo ko ni an di kisi soren Isa la saraka sababu la, an makosa kójii la kosa an di kisi soren. A ma a fo ko kójii ke a ma ni. A ka fo ko kójii ke ti an kisila; an ti se kisila sila si fe. Isa kelen pe la saraka le ri se wo kela.

Sosoli la men ye Yahudiya lemenniyamaoilu ni siya gberemaoilu tema wo ri se hankili dila an ma. Sariya doilu ye dina ro an di se woilu bonyala, koni a ti se an kisila. Namun doilu ye ye an di se bilala namun sila woilu kan. An ti se jatela

ikomi a diya boyani ko an di kisi soren. A ka gbelen dooni ka bee naf, koni Alla la kitabu seniman wo di se hankili dila an ma ka a nayen.

Kebi Poli ka bataki lawa Kalati lemenniyamaoilu ma, a ri se an karanna ka bila lemennya a ro. Lemenniyamaoilu la sariya fo le kaninteya ri. Nin Seniman ye lemennya maoilujusu ro, wo fanan ye sila yirakala ie la ka lo Alla ma. Wo le tono ye a la, ni wo te Setana ri bo ferre su bee la ka ai la lemennya tijan, ka ai lo sila gberemao men ye kojuu sila ri. Alla ye an tanka wo ma. Amina!

¹ Sebe jin farani nde Poli le la, nde men ye keladen di. Maoilu ma n suwandi baara wo kanma. Mao si ma n kelaya. Ee, n kera keladen de ri ka fara Isa Nenematomomin de la, a ni an Fa Alla men ka a lawuli ka a bo saya ro. ² Nde ni an badenma menilu bee ye n torofe yan, an ye sebe jin nawala lemenniyamaoilu la dekuilu le ma, menilu ye Kalati jamana ro. ³ An Fa Alla a ni Maari Isa Nenematomomin ye jumaya ke ai ye, ka jususuma di ai ma. ⁴ Isa Nenematomomin de ka a jeru ke saraka ri an na kojuilu koson, sa a ri an bo dunuja juu jin fanka kor, baa an Fa Alla sawo tere ye wo ro. ⁵ A too ye gibiliya kadawu. Amina!

Kibaro juma kelen pe le ye ye

⁶ N da kabannakoya kojuuya ka a masoren Alla men ka ai kili ka fara Nenematomomin na jumaya la, ai ra ai kodon wo la jona jona, ka wa kela gberemao. ⁷ Koni kela gberemao te wo ri de! Mao doilu le ye ai kondafilila ten. Alu ye a fe ka Nenematomomin na kibaro juma yeleman. ⁸ Koni an ka kibaro juma men nase ai ma, ni fen fen ka kela gberemao lase ai ma, men ni foloman wo te kelen di, danka ye wo tii kan, hali ni a kera ande ilu ri, wala sankoloro melika do ri. ⁹ An ka men fo ai ye korman, n di wo fo ikko ai sondaa kibaro juma men ma, ni mao mao ka kela gberemao lase ai ma, men ni foloman wo te kelen di, danka ye wo tii kan kadawu!

¹⁰ A ye di? N ye a jininna ka n jeru diya maoilu ye wa, wala Alla ye wa? N ye a jininna ka maoilu henye wa? Wo kuma te!

Ni n tere ye a fe ka moɔilu hene fɔlo, n tun tene kela Nenematɔmɔnin na baaraden di.

Alla ka Pɔli bila a la baara la ja men ma

11 N badenmailu, n ye a fe ai ye a lɔn ko n ka kibaro numa men nase ai ma, wo ma fara moɔ la. **12** N ma a sɔrɔn moɔ si la. Moɔ ma n karan a la fanan. Koni Isa Nenematɔmɔnin jere le ka a yiraka n na.

13 N tere ye taamala Yahudiyailu la dina sila kan ja men ma fɔlɔfɔlo, ai ra wo men. N tere ye Alla la jama tɔrla foo ka a dan natamin kojuuya. N tere ye a jininnka ka a ratijan fewu. **14** N jere siya moɔilu tema, n tere ye wala jefɛ Yahudiyailu la dina sila kan ka tamin n kanyaŋɔon ma fan ba kan, baa n benbailu la landailu tun ka gbelen n ma kosebe.

15 Koni ka a teren n ma sɔrɔn fɔlo, Alla ka n suwandi ka n bila a dan na. A ka n kili ka fara a la jumaya la. A diyara a ye tuma men na **16** ka a Dence yiraka n na sa n di a la ko fo siya gberɛ moɔilu ye, n ma hankili jinin moɔ si la. **17** N ma wa Jerusalemu ka hankili jinin keladen fɔlɔilu la. N wara Arabu jamana rɔ i kɔrɔ. Wo kɔ rɔ, n ka n koseyi ka wa Damasi so kɔndo.

18 San sawa taminni kɔ, n wara Jerusalemu, sa n ni Kefasi* ri kuma an jɔɔn fe. N ka tele tan ni loolu kε a tɔrfɛ. **19** Koni n ja ma la keladen tɔilu si kan, fo Maari Isa dooce Yakuba.

20 Nde ye men sebela ka a di ai ma, wuya te wo ri. N ye wo lasereyala Alla jana.

21 Wo kɔ rɔ, n wara Siri ni Silisi jamanailu rɔ.

22 Koni lemeniyamɔɔilu la dɛkuru menilu sidini Nenematɔmɔnin ma Jude mara rɔ, woilu tun ma nde yen, alu tun ma n lɔn.

23 Alu ka a men ten de dɔrɔn ko: «Men tere ye an tɔrla fɔlɔfɔlo, wo ye lemeniya ko lasela moɔilu ma sisen, a tere ye a jininnka ka lemeniya ko men tjan fɔlɔfɔlo.» **24** Wo kera sababu ri alu ka Alla tando nde la ko kosɔn.

2

Keladen tɔilu sɔnda Pɔli rɔ

1 Nba, san tan ni naanin taminni kɔ, nde ni Barinabasi wara Jerusalemu ikɔ tuun. N wara Tite fanan di. **2** N na wa kun kera men di Alla le ka a fo n ye ko n ye wa.

* **1:18** Kefasi Simɔn Piyeri, kɔnin. * **2:7** kojiikelailu kojikɛ ko men ye sebe jin dɔ wo kuma ye fɔla Yahudiyailu la ko le rɔ.

N seni ye, n ye kibaro numa men nasela siya gberɛilu ma, n ka wo yiraka moɔbailu la ie la jɔɔnyen dɔ ka a jnafɔ ie ye. N ka wo ke ka a masɔrɔn n tun te a fe n na baara ye ke baara fuu ri, n tun ka men ke kɔrɔman na, a ni n tere ye men kan wo waati la. **3** Ni wo te, hali n taamajɔɔn Tite men ye Kerekika ri, alu ma a diyagboya ko a ye kojiike. **4** Kuma wo kera ka a masɔrɔn wuyafɔla doilu tun ka alu jere ke ikomin lemeniyamɔɔilu, ka alu dokon ka don an tema. Baa Isa Nenematɔmɔnin ka an kanhɔrɔya ja men ma, alu tere ye a fe ka wo lakɔrɔsi bundu le rɔ. Alu tere ye a fe ka an ke jɔnilu ri ikɔ tuun. **5** Koni an ma sɔn ie rɔ hali waatini, sa kibaro numa ri to ai jusu rɔ, kibaro numa men ye tuja ri.

6 Koni moɔilu tere ye menilu jatela jemɔɔilu ri, woilu ma fosi la n na kibaro numa kan, n ye men nasela moɔilu ma. Ni moɔilu ye ie jatela jemɔɔilu le ri, wo te n jana foyi ri, baa Alla te moɔ bɔla moɔ rɔ.

7 Koni alu jere ka a jnayen ko Alla de ka baara karifa nde la ko n ye kibaro numa lase kojiikelailu ma, ikomin a ka baara karifa Piyeri la ja men ma ko a ye a lase kojiikelailu* ma. **8** Baa Alla ka Piyeri ke kojiikelailu la keladen di ja men ma, a ka nde fanan ke siya gberɛilu la keladen di wo ja le ma. **9** Yakuba ni Kefasi ni Yuhana menilu tere ye jatela jemɔɔbailu ri, woilu jere ka a jnayen ko Alla le ka jumaya ke n ye ka n kelaya. Wo le rɔ, alu ka ie bolo don Barinabasi ni nde bolo, ka a yiraka an na ko an bɛɛ ye baarakɛŋɔɔnilu le ri. An benda a ma ko andeili ye wa kibaro numa lase siya gberɛilu ma, woilu fanan ye wa wo lase kojiikelailu ma. **10** Alu ka ko kelen jinin an fe ko an ye an hankili to fantanilu rɔ. N fanan tere ye n dajala ka wo ke tuma bɛɛ.

Pɔli ka Piyeri jalaki Antiyɔci

11 Nba, Kefasi nara Antiyɔci so kɔndo tuma men na, n ka a sɔsɔ gbe ni gbe rɔ, baa a ka ko men ke, wo ma bɛn fewu. **12** Ka a masɔrɔn sani Yakuba la keladenilu ye na, Kefasi ni ye moɔilu tere ye damunun kela kelen di, badenma menilu ye siya gberɛilu

ri. Koni Yakuba la keladenilu nara tuma men na, a ka a jere mabo siya gberé woilu la. A ma son a ni woilu ye damunun ke kelen di wo ko, baa a silanda moɔilu yε, menilu kan ko siya gberéilu ka kan ka koiikε. ¹³ Badenma joɔn ma menilu tere ye Yahudiyailu ri, wo tɔilu ka ie bila Piyeri ko a la filankafuya rɔ. Wo kera sababu ri hali Barinabasi ka a bila ie ko. ¹⁴ N ka a yen tuma men na ko alu te taamala ka telen kibaro juma sila kan, men ye tuja ri, n ka a fɔ Kefasi yε ai bee jana ko: «A ye di? Ile men ye Yahudiyi ri, ni ile ka Yahudiyailu la landailu bila ka i ke ikomin siya gberéilu, nfen de koson i ye siya gberéilu diyagboyala ko alu ye Yahudiyailu la landa latelen?»

Moɔilu ye kisila leməniya le rɔ

¹⁵ An ye Yahudiyi jere wolo le ri. An te kojuukelailu ri siyailu tema. ¹⁶ Koni an ka a lɔn ko moɔ si ti se kela moɔ teleni ri ka fara Nabi Musa la sariya labatoli la. Eεn, telenbaya ye kela ka a fara leməniya ma Isa Nenematɔmɔnin ma gbansan. Wo le koson, an fanan leməniyani Isa Nenematɔmɔnin ma. Moɔ ri ke moɔ teleni ri ka fara leməniya ma Isa Nenematɔmɔnin ma, Nabi Musa la sariya labatoli te. Baa moɔ si te kela moɔ teleni ri ka fara Nabi Musa la sariya labato ja ma.

¹⁷ Nba, ni an ye telenbaya jininna gbe rɔ Nenematɔmɔnin laden dɔ, an ye a yirakala wo ja kelen de ma ko an ye haketii le ri ikomin siya gberé moɔilu, wo ye a yirakala yε ko Nenematɔmɔnin ye an sebe donna haketa ma wo rɔ wa? Wo kuma te! ¹⁸ N ka sariya men to ye, ni n ka n koseyi wo ma ikɔ, n ye a yirakala ko n ye sariyatijnanna le ri. ¹⁹ Wo rɔ, sariya labatoli nde jere sani sariya rɔ, wo rɔ n ye jenemaya rɔ Alla yε. Nde ni Nenematɔmɔnin gbɔngbɔnda jiri kan kelen di. ²⁰ Nde sa n ninna butun, Nenematɔmɔnin de ye a ninna n fari rɔ. N ye dunujarateε men kela faribanku jin dɔ sisén, n ye wo kela leməniya le rɔ Alla Dence yε, men ka n kanin ka a jere nin di n koson. ²¹ N ti son ka n ban Alla la jumaya rɔ. Baa ni moɔ ri se kela moɔ teleni ri ka fara sariya labatoli la, Nenematɔmɔnin sani le wo rɔ gbansan!

3

Alla ye moɔ jatela moɔ telenni ri ka fara leməniya le la

¹ Ai Kalatikailu, ai ye kɔmoɔilu ri! Yon de ka ai lafili? Isa Nenematɔmɔnin ka saya men ke gbɔngbɔn jiri kan, nde ka wo yiraka ai la ka a gbe. ² N ye a fe ka ai majininkia jininkali kelen ma: Ai ka Nin Seniman sɔrɔn di? Ai ka wo sɔrɔn ka a masɔrɔn sariya labatoli le ma wa, wala ka a masɔrɔn leməniyalu kibaro juma le rɔ, ai ka men namen? ³ Nfenna ai kera kɔmoɔilu di wo rɔ? Ai nɔ sila men taama damirala Nin Seniman na sebaaya rɔ. A ye di? Ai ye a fe ka a laban a jere le sebaaya rɔ wa? ⁴ Ai ka ko siyaman mujun ai ma. Wo kera ko fuu ri wa? Ni wo kera fuu! ⁵ Alla men ye Nin Seniman dila ai ma ka kabannakoilu ke ai tema, a ye wo kela ka a masɔrɔn ai ye Nabi Musa la sariya labatola wa, wala ka a masɔrɔn ai leməniya kibaro juma ma, ai ka men namen wa?

⁶ Nba, Iburahima don? «Iburahima lara Alla la ja men ma; wo le koson, Alla ka a jate moɔ telenni ri,» ⁷ wo rɔ ai ye a lɔn ko men wa leməniya wo le Iburahima den de ri. ⁸ A sebeni Alla la kitabu kɔndɔ fɔlɛfɔlɔ ko Alla ri siya tɔilu ke a jere jakɔrɔ moɔ telenilu ri ka fara ie la leməniya le la. Wo le koson, a sebeni ko a ka kibaro juma lase Iburahima ma fɔlɔ ko: «Siyailu bee ri Alla la jumaya sɔrɔn ile le fe.» ⁹ Awa, moɔ moɔ wa lala Alla la ikomin Iburahima lara Alla la ja men ma, wo bee ri Alla la jumaya sɔrɔn.

¹⁰ Moɔ menilu ra alu la leməniya la sariya labatoli kan, woilu bee dankani. Baa a sebeni Alla la kitabu kɔndɔ ko: «Moɔ menilu te Alla la sariya sebenilu bee labatola, wo tiilu bee dankanin de.» ¹¹ A gbeni le ko moɔ si tena kela Alla jakɔrɔ moɔ telenni ri ka fara sariya labatoli la. Baa: «Moɔ telenni a ye dunuja rateεla landanya le rɔ.» ¹² Koni ka Alla la sariya labato, a ni ka leməniya Alla ma, woilu te kelen di muumε. Baa: «Moɔ men ka sariyailu bee labato, wo ri ke ie la dunujalateε kun di.»

¹³ Nenematɔmɔnin ka an kunka danka le la, men ye moɔilu kan sariya koson. Danka wo ye a kan an na nɔ rɔ. Baa a sebeni ko: «Moɔ moɔ dunneddi jiri la, wo tii dankani.»

¹⁴ Isa Nenematomonin ka wo ke sa Iburahima la duwawu ri se siya gbereilu ma, a ni an bee ri Nin Seniman soren landanya le ro.

Nabi Musa la sariya ni Alla la teriya

¹⁵ N badenmailu, n di misali di ka a ben an na landailu le ma. Ni mo do ka teriya sidi ka ban, mo si kana teriya wo lasa, mo si kana do la teriya wo kan. ¹⁶ Awa, Alla ka teriya sidi Iburahima ni a bonsan na. A ma sebe ko «a bonsanilu» ikomin bonsan siyaman de ko. E'en, a sebeni ko «i bonsan.» Wo koro le ko «i bonsan» kelen de ri, men ye Nenematomonin di. ¹⁷ N ye a fe ka men fo, wo le jin di: Sariya men nara san kemene naanin ni san bisawa Alla la teriya koman ti se ka Alla la lahidi ban. Koni sariya wo ti se ka Alla la teriya lasa ka Alla la lahidi bo a no ro. ¹⁸ Baa ni ceta ye sorenna sariya labatoli le ro, a te sorenna lahidi ro butun. Koni Alla ka wo di Iburahima ma lahidi wo sababu ro.

Sariya siikun ye men di

¹⁹ Nba, sariya kun ye mun di? A siira, sa an di sariya tijan koilu lon haan lahidi den wa soren waati men, lahidi men sidini. Melkailu ka sariya wo di ka a fara kumalataaminna le la ²⁰ Ni kumataaminina ye ye, mo kelenna ko te wo ri. Koni lahidi la ko ro, Alla kelen pe le wo ri.

²¹ A ye di wo ro? Nabi Musa la sariya ye Alla la lahidilu sasola le wa? Wo kuma te! Ni sariya dira moilu ma, men tun di se jenemaya dila ie ma, moilu tun di jate mo telenilu ri ka fara sariya wo la. ²² Koni sebeli kuma wo le no an bilana kaso la an julumun do, sa Alla ri a la lahidi dafa lemeniyamailu ye ka fara ie la lemeniya la Isa Nenematomonin ma.

²³ Sani lemeniya waati ye se, sariya terye ye an konogbenna ka an ke ikomin kasodenilu. An tora ten haan ka lemeniya makon, men nat bala gbe ro. ²⁴ Wo ro, sariya wo kera ikomin an na korosiba foo Nenematomonin na waati, sa an di jate mo telenilu ri ka fara lemeniya la. ²⁵ Lemeniya nala sisin, an te korosiba wo bolo butun.

²⁶ Baa ai bee ra ke Alla denilu ri ka fara lemeniya la, lemeniya men ye ai badila Isa Nenematomonin ma. ²⁷ Ai men

sunda jii ro Nenematomonin too ro, ai badini Nenematomonin ma.

²⁸ Wo le koson, faranfasi te Yahudiyailu ni siya gbereilu tema butun, wala jenilu ni horonilu tema, wala ce ni muso tema. Baa ai bee ka kan Isa Nenematomonin ma. ²⁹ Ni ai ye Isa Nenematomonin ta le ri, ai fanan ye Iburahima bonsanilu le ri. Ceta la le ile ri ikomin lahidi men taani.

4

¹ Nba, n ye a fe ka men fo, wo le jin di: den de ye a fa cetala ri. A fa la fen bee ri ke a ta ri. Hali wo, a denninya waati, a ni jen bee ka kan. ² Ka a to denninya ro, a tere ye a denmamiralailu ni a denmakololailu la fanka le koro foo ka wa se a fa la waati lateeni ma. ³ Andeilu fanan tere ten de. An tere ye denninya ro tuma men na, an tere ye dununa koilu fanka le koro, ka ke woilu la jenilu ri. ⁴ Koni Alla la waati lateeni sera tuma men na, a ka a dence lana. Muso le ka a soren. A sorenna Nabi Musa la sariya koro, ⁵ sa a ri moilu kunka, menilu ye sariya koro. Wo ro, an kera moilu ri, Alla ye menilu mirala ikomin a denilu.

⁶ Oon, ikomin ai ye Alla denilu ri, a ka a Dence Nin nana an ma. Nin Seniman wo ye a kela, an ye Alla kilila ko: «an Baba, an Fa!»

⁷ Wo le ro, i te jen di butun, i ye Alla den de ri sisin. Ikomin i ye Alla den di, a ra men dabon a denilu bee ye, i fanan di wo soren ale baraka ro.

Poli haminni Kalatikailu la ko ro

⁸ Folofolo, ka a teren ai tun ma Alla lon folo, ai tere ye jinailu la jonya le ro. Woilu tun te batofen sebe ilu ri. ⁹ Koni sisin ai ka Alla lon; tuja le Alla ka ai lon. Ai ye a fe ka wa dununa ko barakatanilu le ko ikoo wo ro wa, wo menilu te foyi nala ai ma? Ai ye a fe ka ke woilu la jenilu ri kokura wa? ¹⁰ Ai ye lon doilu jatela lon bailu ri ka woilu bonya, a ni karo doilu a ni waati doilu a ni san doilu. ¹¹ Aa! N da hammin ai la ko la, ko n ka baara men ke ka ai mademen, wo bee ri ke baara fuu ri.

¹² N badenmailu, n ye ai madiyala ko ai ye ai jere ke ikomin nde ye ja men ma, baa n ka n jere ke ikomin ai ye ja men ma. Ai ma kojuu si ke n na. ¹³ Ai ka a lon ko jankaro le ka a ke n sera ai wara ka kibaro numa lase ai ma folofolo. ¹⁴ N na jankaro ka ai toro

kosebe, kəni ai ma n dooya, ai ma ai kədon n na. Ai ka n mira kojuma, ikomin ai tun di Alla la mələka wala Isa Nenematomənin jere mirala ja mən ma. ¹⁵ Ai sewani tere kosebe. Sewa wo wani mi? N ye sereya di ko ni a se tere ai ye wo lon, ai tun di ai jañden bə ka a di n ma. ¹⁶ Ai ye n jatela ai juu ri baa n ka tuja fə ai ye wa?

¹⁷ Karanməo wuya fəlailu ye alu rajala kosebe ai la ko rə, kəni alu tə wo kəla kun juman na. Baa alu ye a fe le ka n ni ai fara ka an bə an jañon na, sa ai ri ai raja ka wa ie kə. ¹⁸ Ni ai ka ai raja kojuma kəla tuma bəe, wo ka ji. Ai kana wo kə n jaña gbansan. ¹⁹ N denilu, n ye tərəla ai la ko rə kokura ikomin muso mən ye tin ma. N di tərə ten haan Nenematomənin ye don ai rə tuma mən na. ²⁰ A loo ye n na sisen ka ke ai tema, sa n di se kumala ai ye ja gberə ma. Baa n da kəndafili ai la ko rə.

Saran ni Hajara la ko

²¹ Nba, ai menilu ye a fe ka tə Nabi Musa la sariya le kərə, ai ye n jabi: Sariya wo ka mən fə, ai ma wo lən wa? ²² Nba a sebeni ko Iburahima ka dence fila sərən. Jənmuso ka kelen sərən a ye, hərənmuso ka a tə kelen sərən a ye. ²³ Jənmuso den sərənda ikomin ce ni muso ye den sərənna ja mən ma tuma bəe. Kəni hərənmuso den sərənda ka a ke lahidi den de ri, Alla tun ka lahidi mən ta Iburahima ye.

²⁴ Misaliya gberə fanan ye tariku wo rə. Nba, muso fila woilu ye teriya su fila yirakala. Teriya mən sidira Sinayi koyinke kan, Hajara ye wo le yirakala. Ale ye den menilu sərənna, woilu ye jənilu le ri. ²⁵ Hajara le ye Sinayi koyinke misali ri, mən ye Arabu jamana rə. Hajara le ye Jerusalemu misali fanan, mən ye ye bi. Baa Jerusalemu wo ni a la məo ilu ye jənya le rə. ²⁶ Kəni Alla la Jerusalemu mən ye sanma, wo hərəyani le ri. Ale le ye ikomin an na. ²⁷ Baa a sebeni Alla la kitabu kəndə ko: «Ile muso densərənbali, ile mən tə den sərənna,

i ye sewa ka jañlen kosebe!

Çən, ile mən ma tin tərə lən,
i ye i sewakan ba labə!

Baa muso mən da bila,
wo denilu ri siyaya ka tamin muso cətii ta
kan.»

²⁸ Wo le rə, n badenmailu, ai ye lahidi denilu de ri, ikomin Isiyaka. ²⁹ Jənmuso den sərənda ikomin ce ni muso ye den sərənna ja mən ma tuma bəe. Hərənmuso den sərənda ikomin ce ni muso ye den sərənna ja mən ma, kəni den farara Nin Seniman na. Nba, wo tuma jənmuso den ka hərənmuso den wo tərə. Hali bi a ye ten de. ³⁰ Kəni a sebeni Alla la kitabu kəndə di? A sebeni ko: «Jənmuso ni a dence gben, baa hərənmuso dence ri a fa cəta. Jənmuso dence sen tə a rə muumə.» ³¹ Wo le kosən, n badenmailu, an tə jənmuso denilu ri; an ye hərənmuso denilu le ri.

5

Nenematomənin ka an hərəya

1 Nenematomənin ka an hərəya, sa an di ke məo hərəyani jere jere ri. Wo le rə, ai ye ai rajala. Ai kana sən məo ilu ye ai bila sariya jənya rə kokura.

² Ai ye ai tolo malə! Nde Pəli kan ko ni ai sənda məo ilu ye ai kojiike, Nenematomənin ka baara mən ke ai ye, wo tə foyi ja ai ma. ³ N ye a fəla ikə ko məo məo wa sən məo ilu ye a kojiike ten, fo wo tii ye Nabi Musa la sariya bəe labato; diyagboya le wo ri. ⁴ Ai menilu ye a jininnə ka ke məo telen ri ka fara Nabi Musa la sariya la, ai ra ai jere fara Nenematomənin na. Ai ra ai kədon Alla la numaya la.

⁵ Kəni andeili, an jii ye a kan ko Alla ri an jate məo telenni ri. Nin Seniman ye an dəmənna ka wo le makənə ka fara an na leməniya la. ⁶ Baa ni məo sidini Isa Nenematomənin ma, kojiike tə foyi ri butun, kojiikəbaliya fanan tə foyi ri butun. Mən ye ko ba ri, wo ye leməniya le ri, leməniya mən ye məo ləla kewalilu kəla kaninteyə kosən.

⁷ Ai tərə ye ai borila kojuma! Yon ka ai la sila təe, ka ai mabali tuja labatola?

⁸ Mabalili wo ma bə ale rə, mən ka ai kili.

⁹ «Leben fitinin di buru siyaman nawuli ka a funun.» ¹⁰ Nba, n lani ai la ko ai la miriya a ni n na miriya a ri kanya, baa an bəe sidini Maari ma. Kəni məo mən ye ai hankili jañminna, wo tii ri a sara sərən, a kəra məo su su ri.

¹¹ N badenmailu, ni n ye məo ilu kawandila fələ ko alu ye kojiike, nfenna məo ilu ye n tərəla? Ni n ye məo ilu

kawandila ten, Nenematmənin faa ko gbəngbən jiri kan, wo tun təna gbala məo si la. ¹² Məo menilu ye ai lamaala, woilu ka kan ka ie jere cəya diya təe!

Lemeniyaməɔilu ka kan ka taama ja men ma

¹³ N badenmailu, Alla ka ai kili sa ai ri kə məo hərəyanilu ri. Kəni ai kana hərəya ko wo ke sababu ri ka ai farikolo diyana koilu kə. Eən! Ai ye ai jəən dəmen, kanintəya kosən. ¹⁴ Baa Alla la sariya bəe ye sərənna jin kuma kelen de kəndə ko: «I ye i məəjəən kanin ikomin i jere.» ¹⁵ Ni ai ka ai jəən cin ka ai jəən rafarafara, ai ri ai jere tijan.

¹⁶ N ye a fəla ai ye ko ai ye taama ka a bən Nin Sənimən na sila ma, wo rə nata juu menilu ye ai fari rə, woilu tə ai lə kojuu kəla habadan. ¹⁷ Baa nata juu menilu ye ai fari rə, woilu ye Nin Sənimən səsəla. Nin Sənimən fanan ye woilu səsəla. Alu ye ie jəən kəlela. Wo rə, ai ye a fe ka men kə, ai ti se wo kəla. ¹⁸ Kəni ni ai ye taamala ka a bən Nin Sənimən na sila ma, ai tə Nabi Musa la sariya fanka kərə butun.

¹⁹ Farikolo ye baarada men kəla, wo le jin di, bəe ka a lən: jatəya ni ko nəəni kə ni malobaliya koilu ²⁰ ni joo səli ni subaaya ni lagboyajə ni səsəla ni keleya ni jusu mangbəya ni natabaya ni bənbaliya ni kanintema le fara ie jəənna, ²¹ ni nata ni dələmin ni manamana ko dan natamin məɔilu, a ni wo jəən gberə. N ye ai lalənnina sisən ikomin n ka ai lalənni ja men fələ ko məo menilu ye ko su woilu kəla, woilu tə ninyərə sərən Alla la mansaya rə.

²² Kəni Nin Sənimən ye a den men kəla məo jusu kəndə, wo le jin di: kanintəya ni sewa ni jesusuma ni mujunnin ni məo dəmənnin ni jumaya ni leməniya ²³ ni sabari a ni senjərela. Sariya si tə ko su woilu kanma. ²⁴ Məo menilu ye Isa Nenematmənin ta ri, alu ra ie sawonan koilu ni ie nata juu bailu bəe gbəngbən jiri kan. ²⁵ Ni an da jenemaya kura sərən Nin Sənimən na, an ka kan ka an taama ka a bən a la sila ma. ²⁶ An kana jeredabaya kə, an kana səsəli lawuli an ni an jəən tema, an kana an jəən keleya.

6

Lemeniyaməɔilu ka kan ka i jəən demen

¹ N badenmailu, ni ai ka məo do yen kojuu kəla, ai menilu ye taamala ka a bən Nin Sənimən sawo ma, ai ye wo tii lali jesusuma rə, ka a dəmen a kəseyila sila numa kan. Kəni i ye i janto i jere rə, sa i fanan kana manəen ka kojuu wo jəən kə. ² Ai ye i jəən dəmen ai la doninilu tala sa ai ri Nenematmənin na sariya labato a ja ma. ³ Ni məo men ye a mirila ko ale ye məo ba ri, ka a təren a tə foyi ri, wo tii ye a jere le lafilila. ⁴ Məo kelen kelenna bəe ye a jere la kewalilu fəsəfəsə a ni ka a jere bonya. A mako tə a la ka a la kewalilu la məo gberə ta ma. ⁵ Baa bəe ka kan ka a jere la kunko ta.

⁶ Karanden men da Alla la kumakan sərən ka a karan, wo tii ka kan ka a la karanməə sə a la bolofen jumailu rə.

⁷ Ai kana ai jere lafilili. Məo ti se mənedona Alla rə wala ka a mayele. Baa məɔilu wa si su su foyi səne rə, alu ri suman su wo sərən. ⁸ Əən, məo men wa sən a jere farikolo nata juu ilu ma ka kojuu kə, wo tii ri saya sərən. Kəni məo men wa sən Nin Sənimən diyana koilu ma ka kojuma kə, wo tii ri jenemaya banbali sərən. ⁹ An kana kori kojuma kə rə, baa ni an ma jiiteə ka a boloka, an di a tənə sərən a waati la. ¹⁰ Wo le kosən, an wa fəre sərən tuma men na, an ka kan ka kojuma kə məɔilu bəe ye, ka təre tə an badenma lemeniyaməɔilu ma.

Kuma laban

¹¹ Nba, ai ye səbeden kunba jinilu ragbə. Nde ye woilu səbelə n jere bolo le la ka a lawa ai ma. ¹² Məo menilu ye a fe ka ai diyagboya ko ai ye kojiike, alu bəe ye a jininnna ka diya məɔilu ye tuun, baa alu tə a fe məɔilu ye ie tərə Nenematmənin faa gbəngbən jiri kan wo kosən. ¹³ Baa məo menilu kojiike la, woilu jere tə Nabi Musa la sariya labatola. Kəni alu ye a fe ai ye kojiike sa alu ri se alu jerebonyala ko alu ka a kə kojiike nə ra kə ai fari ma. ¹⁴ Nde kəni, n təna n jerebonyala ko si ma, fo an na Maari Isa Nenematmənin faa ko gbəngbən jiri kan. A la saya kosən gbəngbən jiri wo kan, dunuja koilu ye n jana ikomin fen menilu faani. N fanan ye dunuja jana ikomin fen men faani. ¹⁵ Kojiike tə foyi

ri. Kojiikebaliya fanan tε foyi ri, foo a kε danfen kura ri.

¹⁶ Mεnilu ye sila wo taamala a ni Isirayeli maoilu* fanan, Alla ye jesusuma di wo bεε ma, ka hina ie la.

¹⁷ Nba, sisen mao si kana n tɔrɔ butun, baa tɔrɔya nɔ mεnilu ye n fari ma, n ka woilu sɔrɔn Isa le kosɔn.

¹⁸ N badenmailu, an Maari Isa Nenematɔmɔnin na jnumaya ye to ai fε. Amina.

* **6:16** a la Isirayeli maoilu wo kɔrɔ ye le mao mεnilu lemεniyani Maari Isa ma ko ale le ye an kisiba ri.

Yakuba

Kuma Kan Men ye Kitabu Nin Kondə

Kitabu jin ye bataki le ri men farani Yakuba la. A ka jin sebe Yahudiya leməniyaməjilu le ma men ye jensenni jamana gberelilu kəndə ləndanya la. Waati wo la, leməniyaməjilu tere ye tərəya rə. Hali jamana jeməjilu tere ye ie tərəla. Alla la Nin Senaman jiira Yakuba ma, a ka kuma jin dafə damira a ni ka a sebe, ka leməniyaməjilu fanka don sila men ye tuja ri, ka wa Alla ma.

Kitabu jin ye lalili siyaman de dila leməniyaməjilu ma. A ye an karanna Alla təo fo nala an dagbolo la a ni ka Alla sariyailu bonya, wo ye ko fila le ri men te kelen di. Leməniya ti fəyi ri ni i ma Alla la sariya sila latelen. Kitabu jin ye jusukolo le karanna a ni ka sila jnuma laka an jəon fe. A ti se farala.

Kitabu jin ye məo lalila na gberə ma men ye an jusukolo lola sila berə mira la. An ma kan ka məo bo məo rə. A ye an majininkala ka an ye an jəon demen, an ye an jəon bonya, an ye diya an jəon ye. A ye an majininkala an ye an nənkun mira, ka kumaba foto ye. An ye an mujun an na tərəyailu ma. An kana ke məo manəma ri. An kana dunuja nata diya an ye. An ye an karifa Alla la, an na ko bəe rə.

Alla ye an bəe demen an ye a la sariya bəe latelen ikomin a ka kan ka ke ja men ma. Allama wo kera. Amina.

Yakuba la foli rə

¹ Sebe jin farani Yakuba le la, men ye Alla la jən de a ni Maari Isa men Nenematəmənin na jən de ri. N ye a lawala *Isirayeli la kabila tan ni fila ma, menilu jensenni dunuja fan bəe rə. N ye ai tuwala.

Alu ye sewa tərəya rə

² N badenmailu, tərəya su su wa ai sərən, ai ye wo mira ka a ke ai sewa ko ba ri, ³ baa ai ka a lən ko ai la leməniya wa kərəbə, wo ri ke sababu ri do ri la ai la mujunnin kan. ⁴ Ai ye tərəya bəe mujun foo ka a ban, sa

* **1:1** Kuma jin ma fo ko məo wo ye sərənna Isirayeli la kabila tan ni fila kelen de ma, a fənin dunuja məo bəe le ye men lanin Maari Isa la.

ai ri ke məo dafaninilu ri fewu. Foyi te ai jen butun. ⁵ Kəni ni famunyali ka ai do jen, a ye Alla matara. Wo ri famunyali di a ma, baa Alla ye məo bəe sola ka a wasa. A te alu jalakila fo ka alu sə. ⁶ Kəni məo wo wa Alla tara, fo a ye ala leməniya la Alla rə, a kana sika. Məo men ye sikasikala, wo tii ye ikomin kəəji jikuru ba, fəjə ye men namaala kojuuya. ⁷ Wo tii kana a miri ko a ri fen sərən Maari bolo. ⁸ Filankafu le. A te tola kan kelen si kan ala ko si rə.

Fantan ni nanfulutii

⁹ Leməniyaməo men ye fantan di, wo ka kan ka waso bake, baa a ka bonya sərən Alla la. ¹⁰ Men ye nanfulutii ri, wo fanan ka kan ka waso bake, baa a ka dooya sərən. Məo wo ri sa ka wa ikomin bin fəren ye jala ka wa ja men ma. ¹¹ Ni tele bəra ka a wuyə ba labə, bin di ja, a fəreilu bəe ri tunun. A dariya bəe ri ban fewu. Nanfulutii fanan bantə ten de ka bə ala ko kətailu təma.

Alla te məo manəenna

¹² Kunnadiya məo men ye a mujunna ala tərəya rə, wo məo wa ban kərəbəla Alla bolo a ri jenemaya banbali sərən, Alla ka men lahidi ta a kanintemailu ye. ¹³ Kojuu ke loo wa məo mira a tərəya waati rə tuma men na, a kana a fo ko Alla le ye a manəenna, baa kojuu ke loo te Alla mirala. Alla fanan te məo si manəenna ten. ¹⁴ Məo bəe ye manəenna a jəre la nata juu la ka a mira ikomin miralifen. ¹⁵ Kojuu loo wa an mira tuma men na a ri an ke kojuu kəla ri, a ni kojuu wa fanka sərən tuma men na, a ri an faa.

¹⁶ Nba, n kaninbailu, ai kana sən ai ye lafili. ¹⁷ Məo ri fen jnuma menilu sərən, a ni fen dafanilu, woilu bəe ye bəla Alla fe san ma, men ka san də kənəbəlanilu dan. A te yəlemanna ka bə a ja ma. Dibi yərə si te a la. ¹⁸ A ka jenemaya kura latee ka a di an ma ka fara ala kuma la, men ye tuja ri. A ka wo ke, sa a ri lədiya fələ di an ma ala danninfenilu bəe təma.

Fo ka Alla la kuma labato

¹⁹ Ai ye hankili bila jin də, n kaninbailu, ai ka kan ka kaliya ka ai tolo malə ai jəon na, ai kana da lakaliya kuma fəla, ai kana

mōne jona. ²⁰ Baa mōo wa mōne, a ti se telenbaya koilu kela. ²¹ Wo le koson, ai ye kōnōrōjuuya bēe to ye, ka kojuu bēe boloka. Ai ye ai fanmajii ka sōn Alla la kuma ma, a ka mēn don ai jusukun dō. Kuma wo le ri se ka ai kisi.

²² Ai ye ai tolo malō Alla la kuma la ka a labato. Ai kana dan ai tolo malōla a la. Ni wo tē, ai ri ai jēre lafli. ²³ Baa ni mōo ka a tolo malō kuma wo la, kōni a ma sōn wo labatola, a ye ikomin mōo mēn ye a jēre nakōrō ragbela dubalen na kosebē. ²⁴ A wa ban a nakōrō ragbela ka wa, a nakōrō ye ja mēn ma, a ri nina wo ko i kōrō. ²⁵ Sariya dafanin di se mōo ilu hōrōyala. Mōo mēn wa a raja a karanna tuma bēe, Alla ri wo tii kunnadiya ala ko kētailu rō. Wo ye mōo le ri, mēn ye kuma wo labatola. A tē sōn ka a tolo malō a la gbansan.

²⁶ Ni mōo ye a mirila ko a ye Alla la dina rō, ka a tēren a ti se a nēn kun marala, wo tii ye a jēre lafilila. A ye mēnilu jatela Alla la dina ri, woilu tē foyi ri. ²⁷ Ka faratanilu ni cēsamusoilu dēmen alu la tōrōya waati, a ni ka an jēre mabō dunuja ko nōo ilu bēe la, wo ye Alla la dina sēniman ba le ri an Fa Alla nakōrō.

2

Alu kana mōo do lafisaya mōo do ma

¹ Nba, n badenmailu, ai ra lemēniya an na Maari Isa mēn Nenemātōmōnin ma, gibiliya ba ye mēn bolo, wo rō ai kana mōo do lafisaya mōo do ma. ² N di misaliya di ai ma. Ni lon do rō, mōo do ri na don ai kan ai la ladēn diya, koyina saninnaman ye a bolo la, faanin juma ye a kan na, a ni wo waati kelen, fantan do fanan di don ai kan, faanin koron ye a kan na, ³ tumadō ai ri nabō faaninjumatii wo la, ka a bonya, ka a fō a yē ko a ye na a sii siifen juma rō yan, kōni ai ri a fō fantan yē ko a ye a lō wo ri, ni wo tē, ai ri a fō a yē ko a ye a sii duu ma ai sen kōrō. ⁴ A ye di wo rō? Ni ai ka a kē ten, ai ma mōo do lafisaya do ri ai tēma wa? Ai ma na kē miriyajutii ri ai la kititē diya rō wa?

⁵ N badenma kaninbailu, ai tolo malō. Dunuja mōo ilu ye mēnilu jatela fantanilu ri, Alla le ka woilu suwandi sa alu ri lemēniya kosebē. Alla ka alu suwandi

fanan, sa alu ri se donna ala mansaya rō, a ka mēn lahidi ta a kanintemailu yē. ⁶ Kōni ai ye fantanilu dooyala! Nanfulutiilu le tē ai mirala karagbēleya la wa? Alu le tē ai mirala ka wa ai ri kititē diya rō wa? ⁷ Ai ye mēn ta ri, nanfulutii le tē wo tanama kuma fō wa?

⁸ A sēbeni Alla la kitabu kōndo ko: «I ye i sijōōn kanin ikomin i ye i jēre kaninna ja men ma.» Alla la mansaya sariya le wo ri. Ni ai ka sariya wo labato, ai ye kōnuma kela. ⁹ Kōni ni ai ka mōo bō mōo rō, ai ra kojuu kē. Sariya ye a yirakala ko ai ye sariya tijanbailu le ri wo rō. ¹⁰ Ni mōo ka sariya kelen pe tijan ka a tōilu bēe latelen, a ye ikomin wo tii ra sariya bēe tijan. ¹¹ Baa Alla kan ko: «i kana kaninke kē.» A kan fanan ko: «i kana mōo faa.» Awa, ni mōo ka mōo faa, wo tii ra kē sariya tijanba ri, hali ni a ma kaninke kē. ¹² Alla ri ai la kititē ka a ben sariya le ma, sariya mēn ye mōo hōrōyala. Wo le koson, ai ye ai kuma ni ai taama bēe ke ka a ben miriya wo ma. ¹³ Hina ri se kititē ma.

Lemēniyamōo ilu ka kan ka kewalijumailu kē

¹⁴ Nba, n badenmailu, ni mōo do ka fō ko lemēniya ye a bolo, ka a tēren a tē kewalijumailu kela, a ye di wo rō? A tii ri se kisila wa? ¹⁵ Ni ai badenmace wala ai badenmamuso mako ye feriyabō ni balo la don? ¹⁶ Tumadō ai do ri a fō makotii wo yē ko, «Alla ye hēre kē i yē, ko i ye wa i maja, ka damunun kē ka i fa,» kōni ni a ka wo le fō ka a tēren a ma fosi di a ma ka a mako ja, wo ye nfen de nala? ¹⁷ Wo ja kelen de ma, ni mōo do kan ko a lemēniyani, ka a tēren a tē kewalijumailu kela, wo tii la lemēniya tē foyi nala a ma. A ye ikomin fen faanin de.

¹⁸ Tumadō do ri a fō ko: «Lemēniya ye i bolo, kōni nde ye kewalijumailu kela.» Nba, ile mēn tē kewalijumailu kela, i ye i la lemēniya yiraka n na ni kewalijumailu tē. Nde fanan di n na lemēniya yiraka i la n na kewalijumailu sababu la. ¹⁹ I lani a la ko Alla kelen pe le ye ye. Wo ka jī! Hali jinailu lani wo la. Woilu silanni Alla ye foo ka alu yēreyēre. ²⁰ Mōokuntan! I ye a fē n ye a yiraka i la wa ko lemēniya tē foyi nala ni a ma mōo lō kewalijumailu kela? ²¹ Alla ma an benba Iburahima jate mōo telenni ri

ala kewalijumailu le kosən wa? Baa a ka a dencə Isiyaka la sarakadiya kan ka a ke Alla la sarakafen di. ²² I ka a nayen wa? A leməniyara Alla ma ka kewalilu ke. A ka kewali menilu ke, woilu le ka ala leməniya dafa. ²³ Wo le rɔ, men sebeni Alla la kitabu kɔndɔ, wo dafanin. A sebeni ko: «Iburahima lara Alla la kuma la. Wo rɔ, Alla ka a jate mɔɔ telennin di.» Ka a la wo kan, Alla ka Iburahima kili ko a tericε. ²⁴ Ai ka a nayen wo rɔ ko Alla ri mɔɔ jate mɔɔ telennin di a tii la kewalilu kosən, leməniya ko gbansante.

²⁵ Wo ja kelen de ma, Alla ka sunkurunba muso Rahabu jate mɔɔ telennin di ala kewalijumailu le kosən. Baa Isirayεliko ce fila menilu wara jamana lakɔrɔsi, Rahabu ka woilu ramira kojuma a wara, ka ban ka alu demen sila gberε sɔrɔnna ka wa. ²⁶ Nba, ni nin te mɔɔ men faribanku rɔ, mɔɔ wo sanin de. Wo ja kelen de ma, ni mɔɔ do kan ko a leməniyani, ka a tεrεn a te kewalijumailu kela, wo tii la leməniya ye ikomin fen faanin de.

3

Fanka ye mɔɔ nεn na

¹ N badenmailu, ai siyaman ma kan ka ke karanmɔɔilu ri, baa ai ka a lɔn ko andeiliu menilu ye mɔɔilu karanna, an na kiti ri gbeleya ka tamin mɔɔ tɔilu ta la. ² An bεε ye filila ja siyaman de ma. Ni mɔɔ men te filila a kuma rɔ fewu, wo tii ye mɔɔ dafanin de ri. A ye senjerela mɔɔ le ri. ³ An wa karafe don so da rɔ sa a ri wa an sawonan diya rɔ, so la ko bεε ri ke andeiliu le bolo. ⁴ Ai ye jikan kulunbailu mafene. Alu ka bon kosebe. Fɔŋɔ ba wa tεε, a ri alu ta ka wa alu ri. Koni kulun borilan fitini do ye alu la, men ye alu lawala kulunborila sawonan diya bεε rɔ. ⁵ Wo ja kelen de ma, nεn ye mɔɔ faribanku fen fitini do le ri. Koni a ye waso ko bailu fɔla.

A ragbe! Ta fitina ri se tu ba mirala ka wo bεε janin. ⁶ Mɔɔ nεn fanan ye ikomin ta. Foyi te a la ni kojuu gbansan te! A ye mɔɔ faribanku yɔrɔ do le ri, men di mɔɔ faribanku yɔrɔ tɔilu bεε lanɔɔ. A ye ikomin jahanama ta le ye a rɔ. A ri se mɔɔ la dunujarateε bεε ratijnanna. ⁷ Adamaden ye nimafen su bεε kolola: waa rɔ soboilu

wo, kɔnɔilu wo, ji rɔ fenilu wo, nimafen misenilu wo, menilu ye taamala duu ma. Adamaden da wo bεε kolo, ⁸ kɔni mɔɔ si ti se a nεn kolola! Fen juu le. Mɔɔ ti se a la. A keni ikomin a lafani baa le la. ⁹ Maari men ye an fa Alla ri, an ye wo tandola an nεn de la, kɔni Alla ka mɔɔ menilu dan ka alu ke a jεre munuja ri, an ye woilu dankala nεn kelen wo le la. ¹⁰ Da kelen de ri duwawu ke a ri dankali fanan ke! N badenmailu, wo ma kan ka ke de! ¹¹ A ye di? Ji duman ni ji kunani fila bεε ri se bɔla ji bɔ diya kelen dɔ wa? ¹² A ye di, n badenmailu? Toroju ri se a denna olibiyedenilu la wa? Resenju ri se a denna torodenilu la wa? Wo kuma te! Nba, ji duman tεna bɔla ji bu yɔrɔ rɔ, kɔɔji ye bɔla men dɔ.

Famunyali men bɔni Alla rɔ

¹³ Nba, mɔɔ ye ai temwa, men ye mɔɔ famunyali hankilima ri? Ni do ye ye, wo tii ye ala famunyali yiraka ala taama numa rɔ, a ni ala kewalilu rɔ, a ye menilu kela fanmajii men bɔni famunyali rɔ. ¹⁴ Kɔni ni keleya ye ai la kojuuya, a ni bɛnsenkolontεya, ai kana ai jεre bonya ko ai ye mɔɔ famunyanilu le ri. Ni wo te, ai ri wuya fɔ ka tuju tjan. ¹⁵ Famunyali su wo ma bɔ Alla rɔ sankolo rɔ. A bɔni dunuja le rɔ yan, a ni adamaden ni jina le rɔ. ¹⁶ Baa keleya ni bɛnsenkolontεya ye yɔrɔ men dɔ, sɔsɔli fanan ka siya ye, a ni kewaliju su bεε. ¹⁷ Kɔni famunyali men bɔni Alla rɔ sankolo rɔ, wo fɔlɔ ye a tii kela mɔɔ seniman de ri, jesusuma duman men ye. Wo tii ye mɔɔ sabarini de ri, men na ko ma gbele. Wo ye hinala mɔɔilu la kosebe ka kojumailu ke alu ye. A te mɔɔ bɔla mɔɔ rɔ. Filankafuya te ala ko rɔ.

¹⁸ Mɔɔ men ye jesusuma baara kela mɔɔilu temwa wo la dunujarateε ri ke telenbayra ri.

4

Aiye ai madon Alla la

¹ Nba, kele ni sɔsɔli menilu ye ai ni i jɔɔn te, woilu bɔni mi? Alu ma bɔ ai la nata juu ilu le rɔ wa, menilu ye kele kela ai la jenemaya rɔ tuma bεε? ² Fen loo ye ai la, kɔni ai te a sɔrɔnna. Wo rɔ, mɔɔ faa loo ye ai mirala. Ai nata lani fen do kan, kɔni ai ti se wo sɔrɔnna. Wo rɔ, ai ye i jɔɔn sɔsɔli,

ka i njooñ kεle. Ai ye mεn fε, wo tε ai bolo, baa ai tε a tarala Alla la. ³ Ni wo tε, ai wa a tara, ai tε fen sɔrɔnna, baa ai ye a tarala miriyajuuya le la. Ai ye a tarala ai jεre la nata juuili le nafa kanma. ⁴ Ai ye ikomin kaninkεlailu! Dunuja koilu duman mεn yε, Alla la ko ma di wo tii yε. Ai ma wo lεn wa? Nba, mεoñ mεn ye a fε ka ke dunuja koilu kaninba ri, wo tii ye a jεre kεla Alla juu le ri. ⁵ Mεn fɔni Alla la kitabu kɔndɔ, ai ye ai mirila le ko wo fɔni le fuu wa? A kan ko: «Alla ka nin mεn bila an dɔ, wo duman a yε a ja jεre jεre ma.»

⁶ Koni Alla ka baraka don an na ko rɔ haan ka tamin. Wo le kosɔn, a fɔni Alla la kitabu kɔndɔ ko:

«Alla ye jεredabailu kεlεla.

Koni a ye baraka donna mεoñ fanmajiinilu rɔ.»

⁷ Wo le rɔ, ai ye ai fanmajii Alla yε ka a kan mira. Ai ye ai ban Sεtana rɔ. Wo rɔ, a ri a bori ka a mabɔ ai la. ⁸ Ai ye ai madon Alla la. Wo rɔ, Alla fanan di a madon ai la. Ai kojuukεlailu, ai ye ai bolo bɔ kojuu la fewu. Ai filankafuili, ai ye ai jusukun sεniya. ⁹ Ai ye jusumakasa, ka kasi, ka kule! Ai ye yεlε boloka ka a ke kasi ri. Ai ye sewa boloka, ka a ke jusukasi ri. ¹⁰ Ai ye ai fanmajii Maari jakɔrɔ. Wo rɔ, a ri ai kun nawuli.

Lemεniyamεɔilu kana i njooñ mafɔ

¹¹ Nba, n badenmailu, ai kana i njooñ tɔjjuu fɔ. Mεoñ mεn wa a badenma tɔjjuu fɔ, ka a badenma jii kojuukεla ri, wo tii ye Alla la sariya le tɔjjuu fɔla, ka sariya wo jii fen juu ri. Ni mεoñ don ka sariya jii fen juu ri, wo tii tε sariya labatola fo ka a jεre ke sariya jalakiba ri. ¹² A kelen pe le ye sariyasiiba ri. A kelen pe le ye kititeela ri. Ale le seni mεoñ kisila, a seni mεoñ halakila fanan. Koni ai mεoñ gbansan, nfenna ai ye ai mεøøñ jii kojuukεla ri?

Lemεniyamεɔilu kana alu jεredabaya

¹³ Nba, ai ye ai tolo malɔ sisen. Ai kan ko: «An di wa so do kɔndɔ bi, ni wo tε sini. An di san kelen ke ye, ka julaya ke ka tɔnɔ sɔrɔn.»

¹⁴ Ai kan ten, koni ai ma wo lεn mεn di ke sini. A ye di? Aila dunujaratee ye nfen di? Ai ye ikomin duuru, mεn di bɔ ka waatini ke, ka ban ka tunun. ¹⁵ Ai ka kan de ka a fɔ ko: «Ni Maari sɔnda, an kεndε ri to, an di ko jinilu ke.» ¹⁶ Koni sisen, ai ye ai wasola ka

jεrerabaya kumailu fɔ. Wo njooñ bεe ma ji le! ¹⁷ Wo rɔ, ni mεoñ mεn ka a lεn a ka kan ka kojuma mεn ke, koni a ma wo ke, wo tii ra julumun ke.

5

Nanfulutii janinkejuuili

¹ Nba ai nanfulutii, ai ye ai tolo malɔ! Ai ye kasi ka kule, baa tɔrɔya ri na ai sɔrɔn.

² Aila nanfulu ra tjanan. Baabaanen da don ai la faaninilu rɔ. ³ Korikori ra ai la sanin ni ai la wodigbε mira. Korikori wo ri ai jalaki. A ri ai fari halaki ikomin ta. Ai ra nanfulu ladεn ai jεre yε dunuja laban waati jin dɔ. ⁴ Ai ja lɔ! Baaraden mεnilu ka ai la sεnεsumanilu ka, ai ka woilu janfa. Ai ma sɔn alu sara dila alu ma. Sara wo ye kulekan bɔla ai kanma. Baaradenilu kulekan ra se Maari Sebεtii ma. ⁵ Ai ka ai la dunujaratee ke fen duman gbansan de kan, ka ai diyana koilu gbansan de ke. Ai ra ai jεre ke ikomin nisi tɔlɔnilu, mεnilu ye alu kannatee lon makɔnɔla. ⁶ Ai ra kiti labe mεoñ telenni kan ka a faa, mεn tε ai sɔsɔli.

Lemεniyamεɔilu ye alu mujun

⁷ Wo le rɔ, n badenmailu, ai ye ai mujun foo Maari ye na. Ai ma sεnεkelailu kɔrɔsi wa? Alu ye suman ka makɔnɔla, alu ri mεn sɔrɔn alu la sεnε rɔ. Alu ri alu mujun foo sanci ye na, sanci fɔlɔ ni sanci laban. ⁸ Ai fanan ye ai mujun, ka jusu lasewa, baa Maari na lon da sudunya.

⁹ N badenmailu, ai kana ai makasi ai njooñ kan, sa Alla kana kiti labe ai kan. Kititeela le a ri, mεn ma jan ai la. A ri na i tɔrɔfε sisen.

¹⁰ N badenmailu, ai ye ai hankili to Maari la nabijumailu la kuma rɔ, mεnilu kumara a tɔɔ rɔ. Woilu ka alu mujun i tɔrɔya kɔrɔ ja mεn ma, ai ye ai mujun ja wo le ma.

¹¹ Ai ja lɔ! Mεoñ mεnilu ka alu mujun tɔrɔya rɔ, an ye a fɔla ko wo tii kunnadiyani Alla bolo. Ayuba ka a mujun ja mεn ma, ai ka wo mεn. Maari ka mεn ke a yε a laban dɔ, ai ka wo fanan lεn, baa Maari la kininkinin ka bon, a ni ala kaninteya.

¹² Nba, n badenmailu, n ye mεn magbεleyala ai ye, wo le jin: ai kana ai kali. ɔɔn, ai kana ai kali sankolo la, wala duukolo la. Ai kana ai kali foyi la. Ni ai sɔnda ko ma, ai ye a fɔ dɔrɔn ko ɔɔn. Ni ai

ma sɔn ko ma, ai ye a fɔ dɔrɔn ko εεn. Ai ye dan wo ma, sa kiti kana be ai kan.

Fanka ye Alla tara rɔ

¹³ Nba, ni tɔrəbatɔ ye ai tɛma, wo ye Alla tara. Ni mɔɔ sewanin ye ye, wo ye kaliman bɔ Alla ye ka a tando. ¹⁴ Ni jankarɔto ye alu rɔ, wo ye leməniyamɔɔilu la dɛkuru jnemɔɔilu kili. Alu ye tulu kɛ a kun na Maari tɔɔ rɔ, ka Alla tara a ye. ¹⁵ Ni mɔɔ ka ala leməniya la Alla rɔ ka a matara, jankarɔto ri kendɛya. Maari ri a lawuli. Ni jankarɔto tun ka kojuu le kɛ, Maari ri woilu yafa a ma. ¹⁶ Wo le rɔ, ai ra kojuu mɛnilu kɛ, alu ye woilu fɔ i jnɔɔn ye, ka Alla tara ai jnɔɔn ye,

sa ai ri kendɛya. Fanka ye telenba la tarali la a ye ko jnala kosebe.

¹⁷ Nabi Eli fanan tɛre adamaden de ri ikomin andeiliu, kɔni a ka a raja Alla matarala ko sanci kana na. Wo rɔ, sanci ma na san sawa ni karo wɔɔrɔ kɔrɔ. ¹⁸ Wo taminni kɔ rɔ, a ka Alla tara ikɔ ko sanci ye na. Sanci nara. Duukolo jiri ni a sumanilu ka alu den.

¹⁹ N badenmailu, tumadɔ ai do ri fili ka tuŋa sila bila, kɔni leməniyamɔɔ do ri wo tii laseyi ka a bila tuŋa sila kan ikɔ. ²⁰ Ni wo kɛra, ai ye la a la ko mɔɔ mɛn ka kojuukɛla labɔ ala fili sila kan, wo tii ra kojuukɛla ni kisi saya ma. A fanan di kɛ sababu ri, Alla ri kojuu siyaman ba yafa kojuukɛla wo ma.